




BIBLIOTECA NAZ.  
Vittorio Emanuele III

XVI

D  
35

NAPOLI





C-1V.E-3





~~XVI~~

~~D~~

~~47~~

**INSTITUTIONUM CANONICARUM**

***LIBRI IV.***

**TOMUS SECUNDUS.**

Sicut a persona B. Petri Apostoli Episcopatus sumit initium, ita necesse est, ut disciplinis competentibus Sanctitas vestra singulis ecclesiis, quid observare debeant, evidenter ostendat. S. Cæsarius Arelatensis ep. ad Symmach. P. tom. 2. Concil. col. 956. collect. Harduini edit. Paris.

JOANNIS DEVOTI  
PATRITII CIVITATIS PLEBIS  
ADVOCATI, ET ANTECESSORIS ROMANI  
INSTITUTIONUM  
CANONICARUM  
LIBRI IV.  
TOMUS SECUNDUS.



ROMÆ MDCCLXXXVII.

EXCEDEBAT PAULUS GIUNCHI LIBRORUM BI-  
BLIOTHECÆ VATICANÆ PROVVISOR.

*Superiorum Facultate.*



# PIO SEXTO

P. O. M.

JOANNES DEVOTI FELICITATEM.



Erius, quam deliberaveram; in lucem prodit alter hic liber Canoniarum Institutionum; sed forensis labor, qui me sæpe non patitur ullam facere literam, nisi forensem, meum scribendi studium retardavit. Si

liberiori , & solutiori integra fuisset rei conficiendæ potestas , nihil mihi potius fuisset , quam ut omni festinatione opus absolverem , quod amplissimo Tuo nomine insignitum apparere debebat . Cum enim , *Pie Pontifex Optime Maxime* , Tua illa benignitate , facilitateque animi mirifica , ac singulari , hanc mihi dedisses veniam , ut qui primum in Tuo nomine divulgaram librum , & hunc alterum divulgarem ; quid mihi erat quærendum magis , quam ut celerius fruerer beneficio Tuo ; ac Tibi etsi nequaquam parem , at pro meo tamen studio debitam gratiam , meritamque referrem ? Accedebat vehemens cupiditas docendæ , atque erudiendæ juventutis , cui prodesse qua re cumque possum vehementer cupio , ac Tua cogit auctoritas , qua nulla major post Deum est , & a me susceptum publice docendi munus , quod jam fere annos viginti sustineo ; recte ne , an secus , alii viderint , sed certe voluntate , animique ardore non defui , ut ea , qua debebam , fide plenas laboris , ac dignitatis agerem partes .

Atque utinam Canonicis disciplinis tantum tribuere possem , quantum vellem ,



lem, non tantum relinquerem, quantum vacat a forenſi officio, ac munere! Abſolutis quatuor Institutionum libris, jam univerſam rem Canonicam explanandam adgrederer; qua in re perſæpe mihi admirandum videtur, quid ſit, quod noſtri quaſi cunctantes, & diffidentes argumentum ſcriptione digniſſimum non ſatis adhuc pro dignitate tractarunt. Teritur omnium manibus Van-Eſpenii opus, & interim animo imbibuntur errores, quibus illud undique refertum eſt. Mitto, quod eſt maximum, virus hominis male animati in Sedem Apoſtolicam; ſed certe ſi quis molem illam indigeſtam conſideret diligentius, is mecum fatebitur, valde arduum, atque difficile non eſſe homini docto, & diſciplina Juris Canonici erudito Van-Eſpenium verborum elegantia, veritate ſententiarum, rerumque ordine, ubertate, ac delectu ſuperare. Non id arrogantius de me prædico, quaſi hoc opus recte perficere me poſſe censeam, aut quaſi me tractaturum profitear parite, copioſe, ornate, eleganter rem Canonicam univerſam. Uſus, exercitatioque diuturna hoc mihi daret, opinor, ut  
ni-

nimis mihi arrogasse nihil viderer, si  
 rem tentarem, atque experirer; potius  
 ut aliorum studia incitarem, quam ut  
 ipse præclarum aliquid, & hominum  
 expectatione dignum præstare posse con-  
 fiderem. Ita scilicet operis, quod om-  
 nibus bonis gratum esset, in me forte  
 non reprehenderetur conatus, & adum-  
 bratio, in aliis perfectio laudaretur.  
 Equidem numquam desistam hortari  
 nostros, ut in hæc studia omni cogita-  
 tione, curaque incumbant, soleoque  
 crebris appellare sermonibus Temetip-  
 sum, OPTIME; MAXIMEQUE PONTIFEX, in  
 quo cum excellens in omni genere do-  
 ctrina existat, tum scientia mirabilis  
 Canonici Juris elucet. Cujus rei testis  
 est quisquis Tuos audire sermones po-  
 tuit, in quibus sese undique prodit ille  
 Ecclesiasticæ Jurisprudentiæ solidus, &  
 expressus nitor; Tuque omnibus dedi-  
 sti nuper præclarum testimonium, ac  
 monumentum Literis, quibus contra Ey-  
 belium de Primatu, quem Christus in-  
 stituit, prave sentientem gravissimam,  
 verissimamque sententiam protulisti.  
 Quibus sane literis naturam, ac jura  
 Primatus tam solide, copiose, graviter,  
 col-

collectis ex omni ætate Patrum, & Conciliorum testimoniis, ostendisti, ut nihil illis magis elaboratum, & magis in suo genere perfectum sit. In harum commemoratione Literarum versor sane quam libenter, & grato quodam animi sensu; quoniam ipsis non unum illustravi locum hujus libri, cui etiam magno adjumento fuerunt, cum illa occurrit disputatio, aliæ abs Te datæ Literæ gravitate, & sapientia pari contra eundem Eybelium ausum improbare confessionem, quam aure excipit Sacerdos, ut re cognita de cujusque criminibus judicare scienter, vereque possit. Nolui enim mihi clausos esse fontes, qui omnibus patent, virtutis, & scientiæ tuæ; ideoque superiore etiam libro, cum mihi agendum esset de Episcopis, quos *Titulares* dicimus, commodius, atque præclarius totam illam tractationem expediri non posse censi, quam si digitos intenderem ad egregiam, succique, & elegantie plenam Homiliam abs Te habitam in Ecclesia D. Pauli, cum Hieronymum Crivellium, ac Petrum Aloysium Gallettum Episcopos consecrasti.

Quid

Quid vero dicam de Maximi Taurinensis Episcopi operibus, quæ Tuo jussu, cura, auctoritate, præsidio diligentissime, copiosissimeque illustrata, emendata, auctaque novis inventis edita in Urbe sunt, splendore, & elegantia singulari? Magnum videlicet opus, atque præclarum, ex quo omnes intelligant, qui Tuus in his disciplinis animus, quod ingenium, studiumque sit; ut proinde magnum habere debeat incitamentum, qui cunctis naturæ, ac doctrinæ præsiidiis instructus universam Canonicam Jurisprudentiam illustrandam, atque explicandam adgrediatur. Spero equidem, vivo Te, & incolumi, quod diu futurum auguror, & omnes optant, fore, ut hoc opus in lucem prodeat; imo vero non defuturos confido, qui ut debitum optimo, scientissimoque Principi munus reddant, & alios ex re Ecclesiastica assumant locos, in quibus cum magna Scriptoris laude, & cum communi omnium utilitate versentur. Qua quidem in re optime, ut arbitror, de Republica meriti haberentur, & essent, qui epistolas Summorum Pontificum

ficum , sumpto earum initio , ubi desinit Petrus Coustantius , unum in corpus colligeret , easque perduceret ad ætatem Michaelis Cerularii ; aut qui Patriarchatum Occidentis ( quod argumentum adhuc integrum doctorum hominum ingenio , & industriæ relictum est ) apte , & accurate explanandum susciperet . Utrumque opus mihi dignum videtur , in quo nostri elaborarent ; elaborare autem peropportune , & percommode debent hoc præsertim tempore , cum in Te spem habent , ac præsidium harum doctrinarum . Meus sane labor , qualiscunque sit , huc in primis spectat , ut ad illarum laudem ingenia excitem , atque acuam ; Jurisque Canonici Institutiones copiosius , atque explicatius tradidi , ut in his una cum seminibus propago quoque studio sis , & seges occurrat materiarum . Hunc autem , quem nunc emitto , alterum earum librum Tibi offero , PONTIFEX SAPIENTISSIME , neque Te repudiaturum spero patrociniū Scriptoris , qui suam tenuem qualemcunque operam in his rebus ponit , ut conetur prodesse aliis , si id minus ipse , propter

pter virium imbecillitatem, efficere, atque assequi potest .

APPROBATIONES.

**A**lteram juris canonici universi partem a Cl. V. Joanne Devoti in Romano Sapientiæ Archiliceo canonici ejusdem juris Professore magno studio, diligentiaque elucubratam Rmo P. Sacri Palatii Apostolici Magistro obsequuturus perlegi; in qua cum omnia orthodoxe, solide, eleganter, copioseque conscripta deprehenderim, eam typis publicis dignam censeo. Dabam Romæ ex Collegio Germanico pridie Kal. Sextiles 1787.

*Joannes Castilloneus Sacræ Congregationis Boni Regiminis a Secretis, Apostolica Pœnitentiariæ literarum Corrector, Collegii Germanici Præses.*

V. Cl. **J**oannis Devoti Advocati & Antecessoris Romani Volumen item alterum *Institutionum Canonicarum*, quo Ecclesiæ rerum doctrinam cum primis erudite, eleganterque complexus est, profiteor videri mihi, recte typis vulgatum iri. Romæ ad S. Mariæ supra Minervam VI. Kal. Augusti an. MDCCLXXXVII.

*Fr. Hermannus Dominicus Christianopulus Ord. Prædd.*

Po

Poterit imprimi , si probet , cui  
ita imperandi jus est .

*F. Righanti Sac. Consistorii Advoc. &  
Rom. Archigimn. Rector Deputatus .*

---

I M P R I M A T U R ,

Si videbitur Reverendissimo Patri Magistro  
Sacri Palatii Apostolici .

*Fr. Xaverius Passari Vicesgerens .*

---

I M P R I M A T U R ,

Fr. Thomas Maria Mamachius Ordinis Præ-  
dicatorum Sacri Palatii Apostolici Magister .



# LIBER II.

## TITULUS I.

### DE RERUM DIVISIONE.

§. I. & II. Res ecclesiastica quid & ejus partitio.

#### §. I.



Lter hic liber pertinet ad res ecclesiasticas, quarum latissime patet nomen. Nam quidquid est in Ecclesia extra personas, & judicia, id rei nomine comprehendimus. Sunt autem res ecclesiasticæ, quas Jus Canonicum respicit, vel spirituales, vel temporales. Spirituales sunt, quæ ad animarum salutem, æternamque earum beatitatem, tamquam ad finem, & terminum, totæ referuntur; atque huc spectant sacramenta, preces, jejunia, dies festi, indulgentiæ, cetera generis ejusdem. Pertinent etiam ad spirituales res sacræ, quæ scilicet Deo, & Religioni sunt consecratæ, ut divinus cultus exerceatur, veluti ecclesiæ, sacræque vasa, & ornamenta; itemque res religiosæ, domus scilicet, & loca, in quibus vel Regulæ vitam traducunt, vel pauperes, atque ægroti curantur, vel fidelium cadavera sepeliuntur. Res

*Tom. II.*

A

tem-

temporales ecclesiasticæ sunt redditus, & fundi ecclesiarum, quibus aluntur clerici, & pauperes, omniaque ad Religionis usum necessaria comparantur 1).

§. II. De spiritualibus agentes non dicemus de gratia, fide, caritate, ceterisque virtutibus, quæ sunt anima Christianæ Religionis, quoniam ad Theologos pertinet tota hæc disputatio. Nos de iis agemus, quæ propria Juris Canonici sunt; & ordiemur a sacramentis, quæ Christus Dominus ad æternam hominum salutem instituit.

- 1) Ecclesiastica quidem prædia aliquando spiritualia dicuntur, non quod ea revera sint, quæ nobis hoc loco spiritualia esse diximus, sed quod spiritualibus inserviunt, & eo referuntur.



## T I T U L U S II.

### DE SACRAMENTIS.

- |   |  |
|---|--|
| I. Sacramentum quid?                              | IX. Gratia ex opere operato procedit.                          |
| II. Vis & natura sacramenti.                      | X. Sacramenta vivorum, & mortuorum.                            |
| III. Antiquorum sacramentorum a novis diversitas. | XI. Quæ sacramenta characterem imprimant?                      |
| IV. Divisio sacramentorum Legis veteris.          | XII. Sacramenta alia necessaria, alia singulis non necessaria. |
| V. Sacramentorum novæ Legis numerus.              | XIII. & XIV. Sacramentorum Minister.                           |
| VI. & VII. Eorum materia & forma.                 | XV. & XVI. Ejus intentio quæ.                                  |
| VIII. Gratia & character.                         |  |

qualis esse debeat ?  
XVII. Intentio suscipientis  
sacramentum .

XVIII. ad XX. Ritus & cæ-  
rimoniz sacramentorum.

### §. I.

**S**acramenti in re cum Civili, tum Ecclesia-  
stica multiplex significatio est. Nam & jus-  
jurandum 1), & pecunia, quam olim litigantes  
apud Pontificem, aut in æde sacra deponebant 2),  
& arcanum 3), atque mysterium 4), & inter-  
dum etiam sacer quilibet ritus, ac cæremonia  
sacramentum appellatur 5). Nos hoc loco sa-  
cramentum dicimus invisibilis gratiæ visibile si-  
gnum ad sanctificationem nostram divinitus in-  
stitutum 6) .

- 1) *Auth. sacramenta puberum Cod. si advers. vendit.*  
Hinc jusjurandum, quo milites suam Imperatori  
fidem obligabant, sacramentum militare, & mili-  
tes ipsi sacramento obstricti dicebantur *Leg. 8. ff.*  
*de accusation.*, *Leg. 11. ff. ad L. Jul. de adulter.*,  
*Leg. 13. ff. de re militar.*, *Leg. 14. ff. de his quæ*  
*ut indign.*, *Leg. 8. §. 1. Cod. ad L. Jul. majest.*
- 2) Litigantes initio judicii certam pecuniæ vim apud  
Pontificem, aut in æde sacra deponebant ea lege,  
ut victor, peracto judicio, suam repeteret, victus  
autem pœnæ causa ærario relinqueret. Unde & hæc  
pecunia deposita, & inita super ea stipulatio sa-  
cramentum dicebatur. Confer Jacobum Gutherum  
*de jur. Pontific. lib. 4. cap. 21.*
- 3) Apostolus *ad Ephesios IX. 11.* ut notum faceret,  
inquit, sacramentum voluntatis suæ; & *Tob. XII. 7.*  
*sacramentum regis abscondere bonum est.*
- 4) Apostolus *ad Colossen. I. 27.* incarnationem Chri-  
sti Domini appellat sacramentum. S. Augustinus  
*serm. 227. col. 973. tom. 5. edit. Maurin. Venet.*  
*1731.* memorat exorcismi sacramentum, & *lib. 2.*

de peccator. merit. & remiss. cap. 26. col. 61. tom. 10. panem benedictum, & salem catechumenis dati solitum sacramentum vocat; quo eodem verbo utitur Concilium Cathaginiensē III. can. 5. col. 121. *Deduct. actor. Eccles. univ. to. 1. Lugdun. 1706.* Similiter S. Paulinus ep. 50. num. 4. & 15. col. 188. & 294. edit. Muratorii Veronæ mysterium sacramentum appellat.

5) Ita orationis Dominicæ sacramenta dixisse videtur S. Cyprianus de orat. Dominic. pag. 189. ed. Rigaltii Paris. 1666. Communes christianorum preces in divinis celebrandis officiis similiter a Patribus dictæ sunt sacramenta; & huc spectat S. Ambrosius lib. 3. de virgin. cap. 3. tom. 3. col. 211. ed. Mourin. Venet. 1751.

6) Definitionem huic simillimam Augustini nomine proponit Gratianus in can. 32. dist. 2. de consecr. sacramentum, inquit, est invisibilis gratiæ visibilis forma; quæ definitio his concepta verbis apud Augustinum nusquam extat; sed tamen, ut in eum locum monent Romani Correctores, ex Augustini verbis in lib. de catechiz. rudib. cap. 26. col. 293. tom. 6. edit. indic. desumpta est. Explicatius Catechismus Romanus part. I. cap. 1. num. 11. sacramentum definit rem sensibus subjectam, quæ ex Dei institutione sanctitatis, & justitiæ tum significandæ, tum efficiendæ vim habet.

§. II. Tria igitur sunt, quæ ad sacramentum pertinent, divina institutio, visibile signum, & invisibilis gratia, quæ externo illo signo confertur, & designatur. Nam summus dominator, & artifex rerum Deus, ut quæ occulta ejus virtute efficiuntur, facilius imbecillitas, fragilitasque humani generis intelligeret, eam ipsam virtutem declaravit signis, quæ sub sensus cadunt 1), eaque esse voluit quasi pignora divinarum promissionum 2), & remedia ad animarum

rum salutem vel tuendam , vel recuperandam 3) ,  
& vincula christianæ societatis , notasque , &  
symbola , quibus ejus fidem testatam facere-  
mus 4), quibusque fideles internoscerentur 5) .

- 1) Præclare S. Joannes Chrysostomus *hom. 82. in Matth. num. 4. pag. 787. tom. 7. ed. Montfauconii Paris. 1727. Si incorporeus , inquit , esses , nuda tibi illa , & incorporea dona tribuisset ; sed quia corpori conjuncta est anima , in sensibilibus spiritualia tibi largitur .*
- 2) Egregie Catechismus Romanus *par. 2. cap. 1. num. 14. Quemadmodum , inquit , in veteri testamento Deus fecerat , ut magni alicujus promissi constantiam signis testificaretur ; ita etiam in nova lege Christus Salvator noster cum nobis peccatorum veniam , celestem gratiam , Spiritus Sancti communicationem pollicitus est , quædam signa oculis , & sensibus subjecta instituit , quibus eum quasi pignoribus obligatum haberemus , atque ita fidelem in promissis futurum dubitare numquam possemus .*
- 3) Confer S. Ambrosium *de sacram. opp. tom. 3. pag. 440. edit. Maurin. Venet. 1751.*
- 4) Sacramentis enim fidem nostram in hominum conspectu declarare , atque omnibus illustrem , ac manifestam facere videmur ; & huc spectat Apostolus *ad Roman. X. 10. Corde creditur ad justitiam , ore autem confessio fit ad salutem .*
- 5) *In nullum nomen religionis , inquit S. Augustinus contra Faustum lib. 19. cap. 11. col. 319. tom. 8. edit. indic. , sive verum , seu falsum , coagulari homines possunt , nisi aliquo signaculorum , vel sacramentorum visibilium consortio colligentur . Utrumque igitur præstant novæ legis sacramenta ; scilicet & fideles ab infidelibus distinguunt , & ipsos fideles inter se sancto quodam vinculo conjungunt .*

§. III. Sua etiam sacramenta habuit vetus Testamentum , eaque umbræ , & figuræ erant

venturi Servatoris; verum sacramenta novæ Legis Christum jam natum exhibent 1). Scilicet tantum fide in Christum servari homines possunt 2). Itaque, ut hanc fidem sustineret, abundans misericordia, & clementia Deus instituit sacramenta, quæ vel venturum Christum adumbrarent, vel jam natum ostenderent; & verum ante, tum post Christi adventum fides in Servatorem illustrius excitari, foverique non poterat, quam externis signis, quibus homines fidem suam manifestam facerent.

- 1) *Sacramenta novi testamenti*, inquit S. Augustinus in psalm. 73. col. 769. tom. 4. opp. cit. ed. Veneret., dant salutem, sacramenta veteris testamenti promiserunt Salvatore.
- 2) Apostolus II. ad Corinth. V. 19., & ad Galat. II. 16. Itaque ab exordio generis humani, inquit Augustinus ep. 102. ad Deogratias col. 277. tom. 2. indic. edit., quicumque in eum (Christum) crediderunt, eumque utcumque intellexerunt, & secundum ejus præcepta pie, & juste vixerunt, quandolibet, & ubilibet fuerint, per eum procul dubio salvi facti sunt. Confer eundem S. Augustinum ad Bonifacium contr. duas epist. Pelagian. lib. 3. cap. 4. col. 450. tom. 10., & de nuptiis & concupiscen. lib. 2. cap. 11. col. 313. eod. tom. 10. S. Ignatium martyrem ep. ad Magnes. apud Corelerium pag. 153. tom. 2. PP. Apostolic. edit. Amstelædami 1724., S. Justinum Dialog. num. 64. pag. 161. edit. Paris. 1742. S. Thomam in Sum. par. 3. quæst. 61. art. 3.

§. IV. Sacramentorum legis Mosaicæ multiplex erat genus. Quædam enim pertinebant ad consecrationem, sive institutionem populi, aut ministrorum in cultu Dei, ut *circumcisio*, & *Sacerdotum consecratio*; quædam sacrarum rerum usu

usu constabant, ut *agni Paschalis in azymis comestio* quoad Populum, *oblatio victimarum, esus propositionis &c.* quoad sacerdotes; quædam denique erant, per quæ divini cultus impedimenta removebantur, nimirum legales sordes, & crimina, ut *purificationes*, ac *lustrationes*, & *sacrificia piacularia*, præsertim *vaccæ rufæ*, & *birçî emissarii* 1). Verum hæc sacramenta Hebræis tantum divina lege erant necessaria, non item reliquis gentibus, quæ etiam sine his externis signis æternam salutem consequi poterant, modo cum aliqua mediatoris fide legem naturalem observarent 2).

1) Divisionem hanc sacramentorum antiquæ Legis tradit S. Thomas 1. 2. *quæst.* 102. *art.* 5. Consule Natalem Alexandrum *Histor. Eccles. in IV. mundi ætatem dissert.* 3. *art.* 4. *tom.* 1. *pag.* 361. *edit. Venet.* 1776.

2) Vide S. Augustinum *de civit. Dei lib.* 18. *cap.* 47. *col.* 530. *tom.* 7. *opp. ed. Maurin. Venet.* 1732. Theodoretum *interrog.* 68. in *Genes. opp. tom.* 1. *pag.* 53. *edit. Paris.* 1642. S. Gregorium M. *præfat. in lib. Job col.* 9. *tom.* 1. *opp. edit. Maurin. Paris.* 1705. Iisdem tamen judæicis sacramentis tenebantur etiam Proselyti *Exod. XII.* 43. advenæ scilicet, qui ex gentibus ad Judæos transiverant.

§. V. Sublatis Christi morte sacramentis, & cæremoniis Hebræorum, quoniam cessare oportebat umbras adventu ejus, quem figurabant 1), christiana sacramenta, jam nati mediatoris symbola, Christus Dominus instituit. Ea vero septem numero sunt, scilicet Baptismus, Confirmatio, Pœnitentia, Eucharistia, Extrema Unctio, Ordo, Matrimonium 2). Quæ

singula vera esse Catholicæ Ecclesiæ sacramenta, nec plura, quam septem hæc, a Christo esse instituta, explorata fidei doctrina est 3).

- 1) *Prima sacramenta*, inquit Augustinus *contr. Faustum lib. 19. cap. 13. col. 320. tom. 8. laud. edit., quæ celebrabantur, & observabantur ex lege, prænuntiativa erant Christi venturi. Itaque hæc sacramenta ideo sunt ablata, quia ea suo adventu Christus implevit, uti pergit Augustinus loc. cit., quæ cum suo adventu Christus implevisset, ablata sunt, & ideo ablata, quia impleta . . . & alia sunt instituta virtute majora, utilitate meliora, actu facilliora, numero pauciora. Quod etiam tradit lib. de vera Relig. cap. 17. tom. 1. col. 758., de doctrina Christi lib. 3. cap. 9. tom. 3. par. 1. col. 49., & ep. 54. tom. 2. col. 124.*
- 2) Concilium Tridentinum sess. 7. can. 1. de sacramen.
- 3) Late de hoc catholicæ fidei dogmate contra Lutheranos, Calvinianos, ceterosque hæreticos disputant Jueninus *de sacram. dissert. 1. de sacram. in gener. quæst. 2. cap. 4.*, Drouvenius *de re sacrament. lib. 1. quæst. 3. cap. 2.*, alique Scriptores rerum Theologicarum.

§. VI. Jam duabus veluti partibus constant sacramenta, signo sensibili, quod sensibus subjicitur, & re invisibili, quæ sensus fugit. Signum sensibile constat ex *materia*, hoc est ex re, qua conficitur sacramentum, & ex *forma*, nimirum ex verbis, quæ in eo conferendo adhibentur 1). Atque in hoc ritu, qui ex rebus, & verbis divina auctoritate conficitur, sacramentum consistit, cum res a verbis sejunctæ sacramenta non sint; sed per verba ad sacrum usum determinantur 2).

Vo-



- 1) Voces *materia*, & *forma* ex Peripatetica philosophia arreptæ sunt, atque eas primus usurpasse videtur Guilelmus Antisiodorensis, qui sæculo XIII. vitæ usura fruebatur, eum postea sequuti sunt Alexander de Hales, Albertus M., D. Thomas, ac denique Ecclesia universa. Ante hoc tempus in sacramentis res, & verba distinguebantur. Sed primum Latini, postea Græci ea vocabula usurpatunt, uti ostendit Morinus *de sacr. ordinat. part. 3. exerc. 1. cap. 3.*
- 2) *Detrahe verbum*, inquit Augustinus in *can. 54. c. 1. q. 1.*, *Et quid est aqua, nisi aqua? Accedit verbum ad elementum, Et fit sacramentum.*

§. VII. *Materia vel remota, vel proxima est.* Remotam dicimus rem ipsam, quam in conferendo sacramento adhibemus, qualis est aqua, oleum &c.; proximam vocamus ipsum rei usum, uti est ablutio, unctio &c. Forma aut pura, sive absoluta est, aut conditionalis. Hæc in iis sacramentis adhibetur, quæ iterari non possunt, cum incertum est, rectene collata fuerint, an secus 1).

- 1) Conditionalis formæ expressa mentio primum occurrit VIII. sæculo in statutis S. Bonifacii Episcopi Moguntini, quæ condita sunt circa annum 745., extantque apud Dacherium *spicileg. tom. 1. cap. 28. pag. 508. edit. Paris. 1723.* Itemque in Capitularibus Caroli M. apud Baluzium *lib. 6. cap. 184. t. 1. col. 638. edit. Venet. 1772.*, unde idem decretum excerpsit, suæque canonum collectioni *tit. 11. c. 17.* adjecit Isaac Episcopus Lingonensis apud Harduinum *collect. concil. tom. 5. col. 447. edit. Paris.* Ex quo recte colligit Edmundus Martenius *de antiquis Eccles. ritib. tom. 1. lib. 1. cap. 1. art. 16. num. 10. pag. 59. edit. Antuerpiæ seu Venet. 1763.* quantum a vero aberraverint, qui conditionalem hanc

hanc formam primum a Scholasticis inventam, atque in Ecclesiam invectam putarunt, cum ea revera multo ante Scholasticorum ætatem adhiberetur. Ante sæculum VIII. sacramenta, quæ repeti nequeunt, nulla adjecta expressa conditione repetebantur, cum plane incertum erat, collata ne, & an recte collata fuissent. Non inde tamen confici potest, quod aliquibus visum est, antiquam Ecclesiam sine ulla protus conditione conferre consuevisse sacramenta, quæ iterari non possunt. Non erat quidem disertis verbis concepta conditio, quæ tantum VIII. sæculo expressa esse cepit, sed erat tamen conditio tacita, quæ eodem redibat; & Ecclesia, quæ semper rebaptizantium hæresim damnavit, baptismum repeti voluit, quatenus non constaret, num collatus, aut num recte collatus fuisset. Nam non monstratur iteratum, quod non certis indiciis ostenditur rite peractum, uti loquitur S. Gregorius M. *ep. 17. lib. 14. ad Felic. col. 1279. opp. tom. 2. ed. Maurin. Paris. 1705.* Quod ante Gregorium docuerat S. Cyprianus *ep. 69. ad Magnum pag. 297. edit. Amsteladami 1700.*, cum de vi baptismi clinicotum per aspersionem dati interrogatus fuisset, itemque S. Leo M. *ep. 139. p. 490. par. 2. opp. edit. Rom. 1755.*, & Patres Concilii Carthaginensis V., qui, cum quæreretur, quid agendum esset de pueris, qui num baptizati essent, nemo certo sciebat, responderunt *can. 6. col. 987. tom. 1. collect. Harduin.*, absque ullo scrupulo eos esse baptizandos, ne ista trepidatio eos faciat sacramentorum purgatione privari. Placuit hæc canonis verba describere, ut facile deprehendatur error Auctoris delectus actor. *Eccles. univers. qui in notis ad eundem canon. tom. 2. col. 169. Lugduni 1706. trepidationem, & dubitationem interpretatur conditionem*, quasi omnis conditio a Carthaginensibus Partibus rejecta fuerit. Trepidatio, & dubitatio Patribus est incertus, ancepsque animus, propter quem illam ad synodum controversiam detulerant, qui dubitabant, num in illo rerum discrimine baptismum repetere oporteret. Evellunt hunc scrupulum

Con-

Concilii Patres agentes, baptismum esse repetendum, *ne ista trepidatio* (quod certe de conditione intelligi nequit) eos faciat sacramentorum purgatione privari. Idem quoque de iisdem infantibus respondit Gregorius II. *epist. 2. num. 9. col. 1859. tom. 3. collect. concil. Harduini.* Ecclesia igitur, cum eorum baptismum repeti volebat, & simul etiam damnabat hæresim te baptizantium, non aliter illud fieri voluit, quam cum tacita, animoque retenta conditione: *si non es baptizatus.* Quæ conditio, uti dixi, sæculo VIII. verbis expressa esse cepit, eamque disciplinam sua jam ætate multis in locis receptam probavit, & ubique servari jussit Alexander III. *in cap. 2. de baptismo*, ac denique confirmavit Joannes XXII. apud Raynaldum *ad an. 1333. num. 42. tom. 5. pag. 566. edit. Lucæ 1750.* Nunc igitur conditionalis forma adhibetur in sacramentis, quæ iterati non possunt; verum ea non remere, & inconsulto adhibenda est, sed cum adest probabilis dubitatio, ac re primum cognita, & quæ sita diligentet, uti monet Catechismus Romanus *par. 2. cap. 2. num. 57.* Confer Benedictum XIV., qui ea de re late disserit *in Instit. Eccles. Instit. 8. & 84., & de Synod. Dioces. lib. 7. cap. 6.* Disputant Theologi, num etiam in sacramento pœnitentiæ conditionalis absolutio tribui possit, cum scilicet incertum est, num minister necessaria verba pronunciaverit, aut num is, qui absolutionem obtinet, ad eam suscipiendam aptus, & idoneus sit. Hujus conditionalis formæ in sacramento pœnitentiæ initium plerique repetunt a sæculo XVI., sed revera ejus est expressa mentio apud Joannem Gersonium, qui ineunte sæculo XV. vitam agebat *in tractat. de schismate pag. 79., de unit. Eccles. pag. 118. in Responsion. ad interrogat. Chartusian. pag. 461. tom. 2. opp. edit. Antverpiæ 1706.* Vide Jueninium *de sacramen. dissert. 1. de sacram. in gener. quæst. 3. cap. 5. art. 2., & Benedictum XIV. de Synod. dioces. lib. 7. cap. 15.,* qui de ea re copiose disputant.

§. VIII. Res invisibiles, quas signa illa externa significant, & continent, duæ præcipuæ sunt, gratia, & character. Gratia communis est omnibus sacramentis. Nam quisquis ea rite, & recte suscipit, hoc est nullo posito aut contrariæ voluntatis, aut pravæ dispositionis obice, is gratiam accipit, quam Theologi *sanctificantem* appellant. Hæc autem *non solum peccata remittit; sed justificat, & renovat interiorem hominem, qui ex injusto fit justus, & ex inimico amicus Dei, ut sit heres secundum spem vitæ æternæ*, uti docet Synodus Tridentina 1).

1) Sess. 6. de justificat. cap. 7.

§. IX. Gratiam sacramenta conferunt suapte vi, & natura, sive, ut inquiunt Theologi, *ex opere operato* 1). Itaque non ex meritis suscipientis, aut conferentis sacramentum vis ejus æstimatur, sed ea tota profluit a Christo, qui per ipsum opus, quod Minister rite conficit, divinam gratiam hominibus tribui voluit 2). Quia in re sacramenta novæ Legis valde differunt a veteribus, quæ tantum mediatoris fidem sustinebant, cum salus esset a fide suscipientium, aut parentum, neque sua vi gratiam conferebant 3).

1) Conc. Tridentinum sess. 7. de sacramen. can. 8.

2) S. Augustinus lib. 4. contr. Crescon. cap. 16. col. 493. opp. tom. 9. ed. Venet. 1733. non eorum meritis docet, a quibus ministratur, aut eorum, quibus ministratur, constare baptismum, sed propria sanctitate, atque veritate propter eum, a quo institutus est. Eadem habet Anastasius P. ep. ad Anastas.,

stat. Imper. cap. 8. pag. 274. apud Pithoeum Cod. Canon. Paris. 1687. Consentiant Græci, & Latini Patres, quos cumulat Drouvenius *de re sacrament. quæst. 4. cap. 1.* Ecclesia, ut hæc catholica veritas planius populo fideli proponeretur, invenit vocabulum *operis operati*, quo circa ætatem D. Thomæ Aquinatis uti cæpit. Disputant vero inter se Thomistæ, & Scotistæ de modo, quo sacramenta gratiam elargiuntur. Illi nimirum sacramenta causam *physicam* gratiæ esse contendunt, hi vero tantum causam *moralem*, hoc est non ipsis sacramentis velut inditam esse gratiam, sed per ea moveri Deum ad gratiam elargiendam; excepta Eucharistia, quæ ex se gratiam effundit, quoniam ipsum gratiatum fontem Christum continet.

- 3) Apostolus *ad Galat. IX. 9.* vetera sacramenta *infirmæ, & egea elementa* vocat.

§. X. Non eodem modo sese gratia explicat in omnibus sacramentis. Nam quædam hominem mortuum veneno peccatorum excitant, & revocant ad vitam spiritualem, uti sunt Baptismus, & Pœnitentia, quæ conferunt *primam gratiam*, & *mortuorum* sacramenta appellantur. Reliqua sacramenta *vivorum* dicuntur, quod dantur iis, qui vivi sunt gratiæ, eaque superfundunt *gratiam secundam*, prioris incrementum, & robur.

§. XI. Præter gratiam, quæ communis est omnibus sacramentis, quædam sunt, quæ conferunt etiam characterem, hoc est notam quamdam impressam, & insculptam animo, quæ deleri non potest 1). Hujusmodi sunt Baptismus, Confirmatio, Ordo, per quæ sacramenta fixa, certaque nota efficimur aut Dei filii, aut Christi milites, aut christianæ religionis ministri, ac

sacer-

sacerdotes. Et quia character semel animo impressus semper manet, idcirco tria hæc sacramenta nefas est iterare; iterantur cetera, quæ non imprimunt characterem.

- 1) Concilium Tridentinum *sess. 7. can. 9. de sacramen.* Hujus signi, & characteris satis perspicue meminit Apostolus II. *ad Corinth. 1. 21. & 22. Qui unxit nos Deus*, ait, *qui & signavit nos, & dedit pignus Spiritus in cordibus nostris: & ad Ephesios 1. 14. IV. 30. In quo & credentes*, inquit, *signati estis Spiritu promissionis sancto, qui est pignus hereditatis nostræ in redemptionem acquisitionis, in laudem gloriæ ipsius . . . . Nolite contristare Spiritum Sanctum Dei, in quo signati estis in diem redemptionis.* Apostolicam hanc doctrinam explicatius tradiderunt antiqui Patres, præsertim S. Hermas Pastor *lib. 3. simil. 9. num. 16.* apud Cotelerium *PP. Apostol. pag. 120. tom. 1. edit. Amstæledami 1724.* S. Cyprianus *ep. 68. pag. 258. ed. Amstæledami 1700.*, S. Cyrillus Hierosolymitanus *cateches. 17. num. 35. pag. 282. & procatech. num. 16. pag. 12. edit. Paris. 1720.* quorum primus baptismum *sigillum filii Dei*, alter *signum Dei*, postremus *signaculum sanctum*, & *indelebile* appellat; omnium vero discretissime S. Basilius in *exhort. ad Baptism. hom. 13. t. 2. p. 117. edit. Montfaucon. Paris. 1721.*, & S. Augustinus de *Baptism. lib. 1. cap. 1. col. 79. & lib. 6. cap. 1. col. 161. lib. 2. contr. epistol. Parmenian. cap. 13. col. 44. & 45. & in sermon. ad Cæsareen. Eccles. plebem num. 4. col. 620. opp. tom. 9. edit. Maurin. Venet. 1733.*, qui expresse memotant characterem dominicum, seu sacramentalem, per quem Christiani distinguuntur. Falsus igitur est Van-Espenius *par. 2. jur. eccles. tit. 1. de sacram. in gener. cap. 1. num. 11. & 13.*, cum apud Patres, aut in antiquis canonibus de hoc characterem nihil solidi occurrere asseverat, adeout antiqui scholastici, cum pro characterem pugnarunt, tantum niti potuerint

rinc

rint Decretali Innocentii III. in cap. 3. de baptismo, qua expresse definitum est, Baptismo imprimi characrerem.

§. XII. Rursus alia sacramenta singulis sunt necessaria vel omnino, & *necessitate medii*, ut inquit, ita ut sine illis nemo æternam salutem consequi possit, qualia sunt Baptismus, qui necessarius est omnibus, ac Pœnitentia, quæ est necessaria iis, qui post Baptismum crimen aliquod perpetrarunt; vel sola *necessitate præcepti*, quo fit ut contemni quidem, aut oblata refutari sine animæ detrimento nequeant, at, eorum suscipiendorum non oblato loco, impune omittantur. Hujusmodi sunt Confirmatio, Eucharistia, & Extrema Unctio. Reliqua duo sacramenta, Ordo scilicet, & Matrimonium, necessaria quidem sunt universo corpori Ecclesiæ, non tamen singulis, cum nulla necessitas cogat singulos homines aut ordines suscipere, aut nuptias conciliare 1).

1) Conc. Tridentinum sess. 7. can. 4. de sacramen-

§. XIII. Omnia sacramenta ministrum postulant, & subjectum, illum scilicet, qui eas conferat, & illum, qui ea suscipiat. Utrumque soli homines præstant 1); sed non omnis homo ea conferendi habet potestatem, verum ii tantum, quibus id munus divina, & ecclesiastica auctoritate datum est 2). Generatim sacramenta conferre Episcoporum est, & Sacerdotum. Quædam tamen exigunt ministrum consecratum, quædam ministrum quemlibet habere possunt 3).

Con-

Consecratum ministrum sacramenta omnia postulant, excepto Baptismo, qui a quocunque collatus valet 4), & excepto matrimonio, si vera est opinio illorum, qui putant, ejus ministros esse ipsos contrahentes 5).

1) Quæsitum est in scholis, num soli viatores homines, an etiam Cœlites, atque Angeli sacramentorum ministri sint? Certe viaroribus tantum hominibus id munus a Christo datum, sacræ literæ ostendunt, quod præ ceteris animadvertit Chrysostomus de *Sacerdot. lib. 3. num. 5. opp. tom. 1. pag. 383. edit. Montfauconii Paris. 1718.* ideoque, ab eo ministerio Cœlites, atque Angelos exclusos habere debemus; quamquam, uti docet D. Thomas par. 3. quæst. 64. art. 7., possit Deus, ubi velit, etiam Angelis extra ordinem hoc munus committere.

2) Concilium Tridentinum sess. 7. can. 10. de sacram.

3) Discriminis ejus causas accurate, cum primis, enucleateque nuper illustravit V. Cl. Fr. Hermannus Dominicus Christianopolus Ord. Præd. in libro *della nullità delle assoluzioni ne' casi riservati cap. 2. sect. 1. §. 3. pag. 142. segg.*

4) Can. 21. 23. 24. de consecr. dist. 4.

5) De hac quæstione suus erit agendi locus paulo post, cum de matrimonio disputabimus.

§. XIV. In conficiendis sacramentis Ministri media tantum salutis exhibent, & tractant, neque suam gerunt personam, sed Christi, qui eadem instituit, & a quo vis eorum procedit 1). Quare sive bonis, sive pravis imbuti sint moribus, sacramenta conficiunt, & conferunt, modo id faciant, quod in sacro illo explendo munere catholica Ecclesia fieri jubet. Hinc mali ministri sibi quidem æternam perniciem, & mor-



mortem afferunt, cum sancta tractant impure, sed impedire non possunt fructum gratiæ, qua donantur, qui sacramenta recte suscipiunt 2).

- 1) Concilium Trident. sess. 7. de sacram. can. 12. & sess. 7. de baptism. can. 4. *Magnum quidem est baptismus*, inquit S. Jo. Chrysostomus, hom. 3. in 1. ad Corinth. num. 2. pag. 18. tom. 10. ed. Paris. 1732., sed non illud magnum facit is, qui baptizat; sed qui in baptismo invocatur. Confer etiam S. Augustinum de Baptismo contr. Donat. lib. 3. cap. 10. col. 113. & contr. Crescon. lib. 3. cap. 8. col. 439. tom. 9. ed. Venet. 1733., & S. Gregorium Nazianzenum orat. 40. in S. Baptisma p. 656. tom. 1. opp. ed. Paris. an. 1690. Atque huc spectat S. Joannes I. 33., & S. Paulus I. ad Corinth. I. 11. & seq. & III. 4. & seq.
- 2) Memento ergo, ait Augustinus lib. 2. contr. liter. Petil. cap. 47. col. 253. tom. 9., sacramentis Dei nihil obesse mores malorum hominum, quo illa vel omnino non sint, vel minus sancta sint. Ex tract. 5. in Joan. num. 18. tom. 3. part. 2. col. 328. opp. ed. Venet. cit. Dedit baptismum, inquit, Judas, & non baptizatum est post Judam, dedit Joannes, & baptizatum est post Joannem. Quia si datus est a Juda baptismus, Christi erat; qui autem a Joanne datus est, Joannis erat; non Judam Joanni, sed baptismum Christi, etiam per Judæ manus datum, baptismo Joannis, etiam per manus Joannis dato, recte præponimus. Atque hæc causa erroris fuit Novatianis, Donatistis, S. Cypriano, & ceteris, quod non distinguentes externum sacramenti opus humanum ab interno effectu divino, perperam existimantur, effectum sacramenti necessarium ab homine ministrante, non a sacrificante Deo procedere, uri observat Augustinus de Baptismo contr. Donatist. lib. 6. cap. 1. col. 161. tom. 9. edit. indic.

§. XV. Quamquam autem sacramenta opus non habeant Ministri sanctitate, postulant tamen ejus intentionem, hoc est deliberatam voluntatem id, quod agitur, conficiendi 1). Quam intentionem scholæ triplicem faciunt, *actualement*, quæ præsto est, cum ad id, quod agimus, animum appellimus, & nihil omnino aliud cogitamus; *virtualement*, quæ adesse dicitur, cum ad aliquid primum animum adjunximus, neque postea voluntatem hanc revocavimus, sed adhuc in ea perseveramus, licet aliud cogitemus, cum rem ipsam agimus; denique *habitualement*, quam habet, qui nulla animi deliberatione, sed tantum consuetudine proclivis ad sacrum ministerium, atque alio distracto animo sacramentum administrat. Sane *actualis* voluntas efficacissima est, *virtualis* sufficit ad vim sacramenti, *habitualement* autem plane inutilis est 2).

1) Conc. Tridentinum sess. 7. can. 11. de sacram.

2) S. Thomas part. 3. qu. 64. art. 8. sufficere ait *habitualement* intentionem ad perfectionem sacramenti, sed ei voluntas *habitualement* est, quam nos hodie *virtualement* appellamus.

§. XVI. Nam sacramentalis actio humano modo fieri debet; scilicet non more pecudum, sed certo, ac deliberato animo, quod est proprium hominis, qui particeps rationis est. Atqui modum humanum non præstat habitualis intentio, quam habent etiam amentes, dormientes ebrii, qui certe non humano agunt modo, nec cum judicio rationis, quidquid agunt. Ferri voluntas debet in ea, quæ Christus jussit, quæque

que facit Ecclesia 1), eaque in hoc opere conficiendo seria, ac deliberata esse debet 2). Nam sacramenta mimice, & per jocum, aut dicis causa administrata nulla, & inania sunt.

- 1) Concilium Florentinum in *Instruct. ad Armenos in Delect. actor. tom. 1. col. 1723.*, Conc. Tridentinum sess. 7. de sacram. in gener. can. 11. Hinc inter ceteras propositiones ab Alexandro VIII. proscriptas illa etiam refertur: *Valet Baptismus collatus a Ministro, qui omnem ritum externum, formamque baptizandi observat, intus vero in corde suo apud se resolvit, non intendo quod facit Ecclesia.* Quamquam veto Minister sacramentum conficiens debeat intendere, quod facit Ecclesia, necesse tamen non est, cum etiam intendere id, quod ipsa intendit Ecclesia, quæ per illum actum verum confecti sacramentum, & gratiam sacramentalem docet. Scilicet si qui improbus Minister intus inclusa cogitatione putet, sacramentum non eam vim habere, quam habere censet Ecclesia, sed ramen serio velit hos ipsos, quos Ecclesia adhibet, externos ritus peragere, hæc intentio faciendi id, quod facit Ecclesia, non quod ea intendit, satis quidem haberetur ad vim sacramenti. Audiendus ea de re D. Thomas in *Summ. par. 3. quæst. 64. art. 9.* cujus hæc verba sunt: *Si quis patiatu fidei defectum circa ipsum sacramentum, quod exhibet, licet credat, per id, quod agitur exterius, nullum sequi inferiorem effectum, non tamen ignorat, quod Ecclesia catholica intendit per hujusmodi, quæ exterius aguntur, præbere sacramentum; unde non obstante infidelitate, potest intendere facere id, quod facit Ecclesia, licet æstimet id nihil esse, & talis intentio sufficit ad sacramentum.* Ita Ecclesia tatem firmum habuit Baptismum collatum a Pelagianis, licet ipsi non cogitarent de delendo originali peccato, quod negabant; & ita S. Pius V. approbavit baptismum Calvinianorum, licet ipsi intentionem non haberent

- baptizandi in remissionem peccatorum. Nam *ad sacramenti integritatem nihil interesse* docet Augustinus *de Baptism. lib. 7. cap. 53. col. 202. opp. tom. 9. cit. edit. Venet.*, quæ sit fides ministrorum. Ambrosius Catharinus e Dominicanorum familia in eo, quem in vulgus edidit, cum Tridentina Synodus haberetur, libello *de intentionis externæ sufficientiæ*, contendit, ad sacramentum rite, & recte administrandum satis esse, quod Minister intentionem habeat serio perficiendi ritum externum, qui ab Ecclesia adhibetur, quamquam interius dicat, se nolle facere, quod facit Ecclesia, modo exteriùs serio agat, nulloque signo pravani suam voluntatem ostendat. Sententia hæc a Tridentina Synodo damnata non est, sicuti monet Card. Palavicinus in *histor. Concil. Trident. lib. 9. cap. 6. num. 2.*; sed tamen a decreto Alexandri VIII., cujus nunc facta mentio est, *grave vulnus* accepit, uti inquit Benedictus XIV., qui *de Synod. diæces. lib. 7. cap. 4.* ea de re accurate disputat. Sunt tamen, qui Catharini sententiam ita explicant, ut eam nullo modo proscriptam, atque improbatam fuisse defendant, & hi præsertim sunt Hyacinthus Serry in *vindic. Catharinæ*, Juéninius *de sacram. dissert. 1. quæst. 5. art. 3.*, Drouvenius *de re sacrament. lib. 1. quæst. 7. cap. 3. sect. 2. §. 1. & 2.*
- 2) Lutherus *lib. de captivit. Babylonica. cap. de Baptismo*, quique ejus delitamenta sequutus est, Kemnitius *par. 2. exam. Conc. Trident.* etiam per jocum collatum sacramentum valere existimaverunt. Sed gravissimum errorem damnavit Leo X. in *Bulla Exurge Domine 44. artic. 12. pag. 489. tom. 3. par. 3. Bullarii Romani*, & Concilium Tridentinum *sess. 14. de sacram. pæn. can. 6.* Quod de S. Athanasio narrant Socrates *histor. eccles. lib. 1. cap. 15. pag. 44.*, & Sozomenus *lib. 2. cap. 17. pag. 67. edit. Valesii Cantabrigiæ 1720.*, id vel falsum est, vel si etiam verum sit, baptismus ab Athanasio non per jocum, sed serio, ac vere collatus haberi debet, sicuti observant PP. Maurini in *vit. Athanasii tom. 1. pag. 9. edit. Patavii 1777.* Fabuloso
- sum

sum est etiam, quod de mimico Genesii, ac Dioscori baptismo narratur; qua de re vide Jueninium de sacram. dissert. 1. quæst. 6. cap. 1. de sacram. in genere.

§. XVII. Nec tantum dantis, sed etiam accipientis sacramentum intentio est necessaria, ut illud valeat. In infantibus, & perpetua amentia laborantibus nulla voluntate opus est; sed hi in fide, in voluntate Christi, & Ecclesiæ sacramentum recte suscipiunt 1). Adulti, qui integra mente sunt, habere debent intentionem sacræ in Ecclesia rei suscipiendæ 2); iis vero, quos ratio defecit, vel quod in amentiam inciderunt, vel quod vi graviore morbi opprimuntur, sacramenta tribuit Ecclesia, cum in vitæ discrimine versantur, modo, cum bene valebant, sacramenti suscipiendi voluntatem significaverint 3).

1) Can. 7. 8. & 74. dist. 4. de consecr. cap. 3. de Baptismo, Conc. Tridentinum sess. 7. de Baptismo. can. 13. & 14. Catechismus Romanus part. 2. cap. 2. §. 33. S. Thomas in Summa par. 3. qu. 68. art. 9.

2) Quamquam enim sacramentum accipiens patitur actionem, quam Minister exercet; non est tamen, inquit D. Thomas in Summa part. 3. quæst. 68. art. 7., passio illa coacta, sed voluntaria, & ideo requiritur intentio recipiendi id, quod ei datur. Vide etiam Decretalem Innocentii III. in Cap. 3. de Baptismo.

3) Concilium Arausicanum I. can. 12. col. 213. Delect. actor. Eccles. univers. tom. 1. Lugduni 1706., S. Leo M. ep. 84. ad Theodor. Episc. cap. 4. pag. 329. par. 2. opp. edit. Romæ 1755., S. Thomas opusc. 65. §. de extrem. unct. & in Summa par. 3. quæst. 68. art. 12., Catechismus Romanus par. 2. cap. 2. §. 39.

Rituale Pauli V. *Tit. de Baptismo Adulterum*. Quod si volunras, quam pridem habebat æger, aut amens, ita incetra sit, & obscura, ut nemo de ea testimonium ferre possit, tunc morienti danda potius, quam deneganda sacramenta, censet Augustinus *de conjug. adulterin. lib. 1. cap. 26. col. 403. opp. tom. 6. edit. Venet. 1731.* ; licet alii id quidem negent ex illo Christi præcepto apud Matthæum VII. 6. *nolite sanctum dare canibus, neque mittatis margaritas vestras ante porcos.*

§. XVIII. Sacramentorum omnium, uti diximus, Auctor Christus 1), ipseque constituit singulorum materias, & formas, quæ *substantiales* dicuntur 2). Quæ a Christo sunt constituta, mutari ab Ecclesia nequeunt; sed tamen ipsa potest, salva sacramentorum substantia, quibusdam addere certas conditiones, quas omnino servare oportet, ut sacramentum valeat 3). Ritus etiam, & cæremonias sacramentorum accepta a Christo potestate Ecclesia constituit 4), & hi ritus, ac cæremoniæ sine piaculo omitti non possunt, quamquam si omittantur, valeat sacramentum, quoniam intimam rei naturam non attingunt 5).

- 1) *Si quis dixerit*, inquit Synodus Tridentina *sess. 7. can. 1. de sacram. in gener.*, omnia sacramenta novæ legis non fuisse a Jesu Christo Domino nostro instituta, *anathema sit*. Quibus verbis Synodus catholicum dogma stabilivit, sed expresse noluit definire, mediata ne, an immediata omnium sacramentorum institutio a Christo sit repetenda. Nam Alexander de Hales, Hugo a S. Victore, Petrus Lombardus, aliique nonnulli Theologi Concilio Tridentino antiquiores putarunt, confirmationis, & extremæ unctionis immediatum auctorem non esse Christum, quoniam nullus est Scripturæ locus,  
quo

quo hæc divina institutio referatur. Tridentina, inquam Synodus id expresse noluit definire, sed tamen multa sparsim constituit, ex quibus patet, Christum immediatum omnium sacramentorum auctorem esse habendum; in primis autem *sess. 14. cap. 1. de extrem. unct.* expressis verbis declaravit, sacramentum extremæ unctionis fuisse a Christo Domino nostro institutum, *Et a B. Jacobo Apostolo promulgatum*. Quibus verbis Christo institutio, Jacobo tantum promulgatio tribuitur. Atque omnes quidem, qui post Concilium Tridentinum floruerunt, Theologi immediatum omnium sacramentorum auctorem Christum esse defendunt, & contrariam sententiam vix jam temeritatis notam effugere posse sentiunt. Consule Jueninium *de sacram. dissert. 1. quest. 4. de sacram. in gener.*, & Drouvenium *de re sacrament. lib. 1. quest. 6. per tot.* Neque obest silentium Scripturæ, cum id doceat divina traditio, ac verbum Dei sive scriptum, sive traditum parem habeat auctoritatem, & huc referendus D. Thomas in *Summa par. 3. quest. 64. art. 2. ad 1.*

- 2) Atque hæc quidem, quæ a Christo stabilitæ est, materia, & forma sacramentorum, quæ substantialis dicitur, mutari non potest. Ita in Baptismo alia nequit adhiberi materia, quam aqua naturalis, neque aliis verbis hoc sacramentum conferri potest, quam illis, quæ Christus constituit, scilicet *in nomine Patris, & Filii, & Spiritus Sancti*. Modo tamen integra sit materiæ, & formæ substantia, veritati sacramenti nihil detrahât mutatio, quæ accidentaliter dicitur. Ita in baptismo nihil refert, num aqua sit frigida, an calida, atque in Eucharistia tum azymum, tum fermentum rite consecratur. Similiter Græci in quibusdam sacramentis adhibent deprecativam formam, quæ Latinis indicativa est; sed utraque forma vim eandem habet, & utraque eodem redit, licet verba diversa sint. Confer Jueninium *de sacram. dissert. 1. quest. 3. cap. 3.*, & Drouvenium *de re sacrament. lib. 1. quest. 1. cap. 1. §. 5.*

- 3) Conc. Trident. *sess. 21. cap. 2. de communion.*

- 4) Apostolos sacrorum rituum instituendorum potestatem a Christo accepisse, manifestum est ex Paulo I. ad Corinth. XI., ubi postquam multa de Eucharistia institutione, ejusque celebratione a Domino accepta præcipit cetera, inquit vers. 34. cum venero disponam. Ipsa hæc verba expendenti Augustino ep. 54. seu lib. 1. ad inquisit. Januar. cap. 6. col. 127. tom. 2. opp. ed. Maurin. Venet. 1729. videtur Dominus ideo non præcepisse, quo deinceps ordine sumeretur Eucharistia, ut Apostolis, per quos ecclesias dispositurus erat, servaret hunc locum. Atqui potestatem a Christo datam Apostolis in spiritali fidelium regimine legitima successione ad Ecclesiam transmissam, inter omnes constat. Atque idem etiam antiqua monumenta confirmant, ex quibus intelligimus, multas lapsu temporum caeremonias institutas, earumque observandarum legem ministris impositam, quod ex Græcorum eucharologiis, & ritualibus Latinorum manifestum est. Confer Jo. Laurentium Bertium de Theolog. discipl. lib. 30. cap. 23. tom. 6., & Salam in not. ad Bonam rer. liturgic. lib. 1. cap. 18. §. 1. pag. 2. to. 1. edit. Taurin. 1749., ubi plura etiam describuntur testimonia hæreticorum, qui hanc veritatem plus semel fateri debuerunt.
- 5) Conc. Tridentinum sess. 7. de sacram. in gener. can. 13., Catechismus Romanus par. 2. cap. 1. §. 18. Quid tamen agendum sit, cum necessitas non omnes adhiberi sinit caeremonias ab Ecclesia præscriptas, rituales libri demonstrant.

§. XIX. Ab ipsa sane Apostolorum ætate sacramentis extrinsecus accesserunt solemnes quidam ritus, & caeremoniæ, quibus major ipsis adjungitur reverentia, & eorum sanctitas altius in hominum animis imprimitur, & necessarius in Ecclesia ordo sustentatur 1). Earum caeremoniarum non eadem omnium antiquitas est. Quædam enim ab ipsis Apostolis originem re-

pe-



petunt 2), atque has propter auctoritatem, unde manarunt, ubique retinet, ac diligenter custodit Ecclesia, quamquam sacramenti naturam non constituent. Sic ex. gr. signum crucis in omnium administratione sacramentorum ubique præscribitur 3), & ubique etiam sacramentorum materiæ mysticis benedictionibus consecrantur.

1) Confer Concilium Tridentinum sess. 22. cap. 5. de sacrific. Miss., & Catechismus Romanum lib. 2. cap. 1. §. 18, 3 & confer Drouvenium de re sacrament. lib. 1. quæst. 7., & Gagliardum Instit. Canonie lib. 2. tit. 3., qui de sacris his ritibus, & cæremoniis late contra hæreticos disputant.

2) Protrita est Augustini ep. 54. ad Januar. num. 1. opp. tom. 2. ccl. 124. edit. Venet. cit. regula, quod ab Apostolis repetenda sunt ea, quæ semper in Ecclesia observata esse constat, & quorum initium demonstrari non potest. Atque huc refer Tertulianum de corona cap. 4. pag. 102. edit. Rigaltii Paris. 1675., S. Basilium de Spiritu Sancto cap. 27. tom. 3. opp. pag. 55. edit. Paris. cit., S. Cyprianum ep. 63. ad Cæciliam pag. 100. edit. Rigaltii Paris. 1666.

3) Quod signum nisi adhibeatur, inquit Augustinus tract. 118. in Joan. col. 801. opp. tom. 3. par. 2. edit. Maurin. Venet. 1730., sive frontibus credentium, sive ipsi aquæ, qua regenerantur, sive oleo, quo chrismate unguuntur, sive sacrificio, quo aluntur, nihil eorum rite perficitur.

§. XX. Quasdam autem cæremonias consequenti ætate adjunxit Ecclesia, & hæc quidem non eadem ubique sunt. Nam suos habent peculiare ritus Latini, Græci, Orientales: quin & in Occidente non una omnium Ecclesiarum ea in re consensio est. Non enim in omnibus rebus

rebus iidem sunt ritus Ecclesiæ Romanæ, Mediolanensis, Hispanicæ, Gallicanæ; quod in ceteris etiam Orientis, atque Occidentis partibus evenire, ex omnium libris ritualibus compertum est. Romana Ecclesia, reliquarum mater, & magistra, permittit, aut tolerat hanc rituum diversitatem, quæ non officit unitati fidei 1), quæ omnibus una est, licet dissimiles sint populorum mores, & consuetudines 2).

1) *In una fide nihil officit Sanctæ Ecclesiæ consuetudo diversa*, inquit S. Gregorius M. *ep. 43. ad Leandrum lib. 1. col. 532. tom. 2. opp. edit. Maurin. Paris. 1705.* Ad hunc locum pertinet etiam Augustinus *ep. 36. ad Casulanum cap. 9. col. 77. tom. 2. ind. ed. Venet.* cum ait: *Omnis enim pulchritudo filiæ Regis intrinsecus; illæ autem observationes, quæ variæ celebrantur, in ejus veste intelliguntur. Unde ibi dicitur: in fimbriis aureis circumamicta varietate.* Vide etiam S. Hieronymum *ep. 71. ad Lucinium Bosticum num. 6. col. 432. opp. tom. 1. edit. Vallarsii Veronæ 1734.*

2) De Græcis, qui Latini subjecti Episcopis in Italia, finitimsque insulis commorantur, multæ sunt editæ Summorum Pontificum constitutiones, per quas ipsis sui ritus permittuntur, ac præterea cavetur, ut neque Græcus ad Latinum ritum, neque Latinus ad Græcum sine auctoritate Sedis Apostolicæ transire possit. Sed omnium celeberrima est *Constitutio etsi pastoralis 57. Benedicti XIV. tom. 1. ejus Bullar. pag. 101. edit. Rom. seu Venet. 1754.* quæ omnia, quæ ad hanc rem pertinent, accurate explicata, ac definita sunt.

## SECTION I.

### *De Baptismo.*

- |  |  |
|--|--|
| XXI. Baptismus Joannis.                                  | XXXI. Genuflectentes, & Competentes.           |
| XXII. & XXIII. Baptismus Christi, & ejus materia remota. | XXXII. Catechistarum officium.                 |
| XXIV. & XXV. Materia proxima ablutio, eaque triplex.     | XXXIII. Cathecumeni ad Baptismum accedentes.   |
| XXVI. Baptismi forma.                                    | XXXIV. & XXXV. Cæremoniæ in Baptismo adhibitæ. |
| XXVII. Minister.   | XXXVI. Sponsores seu Patrini.                  |
| XXVIII. Baptizantur tam infantes, quam adulti.           | XXXVII. Qui eo munere fungi possint?           |
| XXIX. Catechumenorum gradus.                             |  |
| XXX. Audientes.  |  |

### §. XXI.

**P**rimus ex Christianis sacramentis Baptismus est, qui ita dicitur a græco verbo βαπτίζω, latine *mergere*, *abluere*. Itaque Baptismus ablutio est. Prophetarum ultimus Joannes Baptista ante Christum missus, ut baptizaret in aqua 1), prædicavit Baptismum pœnitentiæ, & qui sua confitebantur crimina, baptizavit in remissionem peccatorum proxime futuram in Christo Jesu 2). Verum hic Baptismus neque gratiam conferebat, neque imprimebat characterem 3), neque erat *per se sacramentum*, sed quasi quoddam sacramentale disponens ad Baptismum

*um Christi* 4), cui decebat homines assuefacere, eosque ad hoc sacramentum rite, & recte suscipiendum per pœnitentiam præparare 5).

1) Joan. I. 33. Matc. I. 8.

2) *Agebatur itaque a Joanne, inquit Tertullianus de Baptismo cap. 10. pag. 228. edit. Rigaltii Paris. 1675. Baptismus pœnitentiæ, quasi candidatus remissionis, & sanctificationis in Christo subsecuturæ. Nam quod prædicabat Baptismus pœnitentiæ in remissionem delictorum, in futuram remissionem enuntiatum est: siquidem pœnitentia antecedit, remissio subsequitur, & hoc est viam præparare: qui autem præparat, non idem ipse perficit, sed alii perficiendum procurat. Vide S. Hieronymum ep. 69. ad Oceanum num. 6. opp. tom. 1. col. 418., & contr. Luciferian. num. 7. col. 179. tom. 2. edit. Vallarsii Veronæ 1735., S. Jo. Chrysostomum in Matth. hom. 11. cap. 4. tom. 7. pag. 154. edit. cit., S. Cyrillum Alex. in Joan. cap. III. vers. 22. & cap. IV. vers. 1. opp. tom. 4. pag. 156. & 175. edit. Paris. 1637., S. Augustinum in Enchirid. cap. 49. col. 214. opp. tom. 6. ed. Venet. 1731., S. Ambrosium in Luc. lib. 2. num. 79. & lib. 10. num. 140. pag. 784. & 1095. opp. tom. 2. edit. Maurin. Venet. 1748.*

3) *Ego quidem, inquit ipse Joannes apud Mattheum III. 11., baptizo vos in aquam in pœnitentiam: qui autem post me venturus est, fortior me est, cujus non sum dignus calceamenta portare; ipse vos baptizabit in Spiritu Sancto, & igni. Eadem habentur apud Marcum I. 8., Lucam III. 16., Joannem I. 26. seq. Quare Paulus Apostolus eos, qui Joannis Baptismum acceperant, denuo baptizatos in nomine Christi voluit Act. Apostol. XIX. 1. & seq. Itaque non renascebantur, inquit Augustinus loc. cit., qui Baptismo Joannis baptizabantur, sed Christo, in quo solo renasci poterant, parabantur.*

4) S. Thomas in Summa par. 3. quæst. 38. art. 1. ad 1.; ac vide totam hanc quæstionem 38., ubi de Joannis Baptismo solide disputatur.

Pe-

- 5) Petilianum Donatistam, qui unum Christi, & Joannis Baptismum esse putabat, cujus tres faciebat gradus, cum aquam a Joanne, Spiritum Sanctum a Christo, ignem a Spiritu Sancto datum diceret, acriter refellit S. Augustinus *contr. liter. Petilian. lib. 2. cap. 32. Et seq. col. 239. opp. tom. 9. edit. Venet.* Bucerum autem, Melanctonem, Zuinglium, ceteros hæreticos, qui utriusque Baptismi vim eandem esse arbitrabantur, profligavit Synodus Tridentina *sess. 7. de Baptismo can. 1.* his verbis: *Si quis dixerit, Baptismum Joannis habuisse eandem vim cum Baptismo Christi, anathema sit.* Definitum autem non est, num Baptismus Joannis peccata dimitteret, qua de re vide Drouvenium *de re sacrament. lib. 2. quest. 5. cap. 1. §. 4.*

§. XXII. Verum ac proprium sacramentum est Christi Baptismus, a quo incipit omnis fidei origo, & ad spem vitæ æternæ salutaris ingressio 1). Definitur in catechismo Romano 2) *sacramentum regenerationis per aquam in verbo.* Triplex baptismus distinguitur, *aquæ, sanguinis, & flaminis*, seu *desiderii*. Baptismus *aquæ* vere sacramentum est, reliqui duo *flaminis* scilicet, atque *sanguinis*, vicem baptismi præstant, & ideo per similitudinem ejus nomen acceperunt. Nam qui pro Christo martyrium patitur, qui *sanguinis* baptismus est, & qui moriens, ubi copia baptismi non est, peccata dõlet, ac baptismum desiderat, qui *flaminis* baptismus dicitur, ipsos sacramenti fructus, etiam sine sacramento, consequuntur 3). Remota baptismi materia est aqua naturalis, quæ cum ubique præsto sit, maxime est idonea ad sacramentum omnibus necessarium, quæque demonstrat ejus virtutem, per quam animæ sordes eluun-

eluuntur 4) . Quævis [autem] aqua naturalis , quæ mixtione , aut artificio in aliam naturam non migraverit , apta Baptismo erit , sive ea maris sit , sive fluvii , sive putei , aut paludis , aut fontis 5) .

- 1) S. Cyprianus *ep. 73. ad Jubajanum pag. 125. edit. Rigaltii Paris. 1666.*
- 2) Catechismus Romanus *par. 2. cap. 2. §. 5. Quid est Baptismus Christi? inquit Augustinus tract. 15. in Joan. num. 4. col. 408. tom. 3. opp. par. 1. ed. Maurin. Venet. indic. Lavacrum aquæ in verbo . Tolle aquam , non est baptismus ; tollè verbum , non est baptismus .*
- 3) Conc. Tridentinum *sess. 6. de justificat. cap. 4. , S. Ambrosius in orat. de obitu Valentin. Imperat. num. 51. col. 265. opp. tom. 4. edit. Venet. 1751. , S. Augustinus de baptis. contr. Donatist. lib. 4. cap. 22. col. 139. tom. 9. indic. edit. , S. Basilius de Spiritu S. cap. 1. pag. 30. tom. 3. opp. edit. Paris. cit. , S. Cyprianus de exhort. martyr. pag. 118. opp. edit. Amstelædami 1700. , S. Thomas in Summa par. 3. quæst. 66. art. 12 .*
- 4) Catechismus Romanus *loc. cit. §. 10.*
- 5) Idem Catechismus *ibid. §. 7. Quod si Joannes Baptista apud Matthæum III. 11. Christi baptismum Spiritu S. , & igne constare prædixit , id non de materia hujus sacramenti intelligendum est , sed vel ad intimum Spiritus Sancti effectum , uti inquit Idem Catechismus loc. cit. §. 8. , vel certe ad miraculum referri debet , quod die Pentecostes apparuit , cum Spiritu S. e calo in Apostolos ignis specie delapsus est . Synodus Tridentina sess. 7. de Baptismo can. 2. Si quis dixerit , inquit , aquam veram , & naturalem non esse de necessitate Baptismi , atque ideo verba illa D. N. J. C. , nisi quis renatus fuerit ex aqua , & Spiritu S. , ad metaphoram aliquam detorserit , anathema sit . Quibus verbis Synodus execratur Calvinum , qui ad metaphoram detor-*  
que-

quebat ea, quæ de aqua naturali a Christo dicta sunt, ac Lutherum, qui vinum etiam Baptismo aptum putabat. Neque ulla habenda ratio est cuiusdam rescripti, quod editum ferunt a Stephano III. Pontifice apud Sirmondum *Concil. Gallie tom. 2. pag. 16. Paris. 1629.*, & quo probatur baptismus, qui in vino datus fuerat puero, qui in vitæ discrimine versabatur. Nam falsum hoc rescriptum esse omnes norunt, primum quod nullus Patrum ejus rescripti meminit, deinde quia verisimile non est, Summum Pontificem in re protrita tam graviter errare potuisse, postremo quia de ejus rescripti auctore non constat, atque illud duo Mss. Codices Stephano II., tertius Siricio adscribit. Consule, Ant. Augustinum *de emend. Gratian. lib. 1. dialog. 18. opp. tom. 3. pag. 90. edit. Lucæ 1767.* ibique Baluzium *in notis*, & Natalem Alexandrum *Histor. Eccles. sæc. 8. cap. 1. artic. 6. tom. 6. p. 7. edit. Venet. 1776.*

§. XXIII. Aquam benedicti vetus Ecclesiæ disciplina est 1); atque hæc quidem est benedictio, quam Patres aquæ *sanctificationem*, & *consecrationem* appellarunt 2). Duobus diebus a Latinis, nempe sabbatis sancto, & Pentecostes, a Græcis autem in singulis baptismis aquæ benedicuntur. Signantur signo crucis 3), & certæ ab Ecclesia institutæ preces in ea benedictione adhibentur 4); quod utrumque antiquissimæ consuetudinis est. Aquæ adjicitur chrisma, quod magis explicat vim sacramenti; sed tamen hoc valet etiam collatum in aqua naturali, quæ nihil aliud admixtum habet 5). Multitudo baptizandorum sæpe olim faciebat, ut ad omnes ablucendos satis aqua non esset, & ideo nova per canales in baptisterium infundebatur 6).

1) S. Basilius de Spiritu Sancto *cap. 27. pag. 55. tom. 3.*

- tom. 3. opp. edit. laudat. , S. Gregorius Nissenus de *Baptism. Christ.* pag. 803. opp. tom. 2. edit. Paris. 1615. , S. Cyrillus Hierosolymitanus *Cathec.* 3. num. 3. pag. 40. , Et seq. edit. Paris. 1720. , S. Ambrosius de *sacram.* lib. 1. cap. 5. col. 443. Et 444. opp. to. 3. , Et de *Spirit.* S. lib. 1. cap. 7. n. 88. col. 25. tom. 4. edit. Maurin. Venet. 1751. , Theophilus *epist. pasch.* I. *Biblioth. PP.* tom. 5. pag. 846. edit. Lugdun. , Victor Viten. de *persecut. Vandal.* lib. 2. pag. 683. tom. 8. indic. *Biblioth.*
- 2) Tertullianus de *Baptism.* cap. 4. pag. 225. edit. Rigaltii Paris. 1675. , S. Cyprianus *epist.* 70. pag. 300. edit. Amstelædami 1700. , S. Ambrosius de *myster.* cap. 3. num. 8. col. 409. opp. tom. 3. laudatæ edit. , S. Augustinus de *Baptism.* lib. 6. cap. 25. col. 175. opp. tom. 7. indic. edit. , Auctor operis de *hierarch. eccles.* cap. 2. §. 7. pag. 253. opp. tom. 1. edit. Antwerp. 1634.
- 3) Auctor operis de *ecclæs. hierarch.* loc. cit. , S. Augustinus *serm.* 352. num. 3. col. 1364. opp. tom. 5. edit. Maurin. Venet. 1731.
- 4) Preces ad sanctificandam aquam olim adhibitas describit Auctor *Constit. Apostol.* lib. 7. cap. 43. apud Cotelærium *PP. Apostol.* tom. 1. pag. 384. edit. Amstelædami 1724. Hinc deprecari super aquam *Baptismi*, apud Augustinum lib. 5. cap. 20. de *Baptism.* col. 155. opp. tom. 9. edit. Maurin. Venet. indic.
- 5) Catechismus Romanus *par.* 2. cap. 2. §. 11.
- 6) Consule Martenium de *antiqu. Eccles. rit.* lib. 1. cap. 1. art. 14. §. 3. tom. 1. pag. 48. edit. Antwerpæ seu Venet. 1763. Atque ad hanc consuetudinem aquam vivam blando murmure decurrentem, quam memorat S. Zeno *tract.* 35. lib. 2. pag. 246. tom. 1. opp. ed. August. Vindelic. an. 1758. , referendam putant Fratres Ballerini *ibid.* not. 3.

§. XXIV. Proxima materia est ipsa ablutio, cujus triplex est modus, *aspersio*, *effusio*, *immersio*. Fuerunt olim, qui dubitarent de vi Ba-



Baptismi per *aspersione*m, aut *effusione*m dati 1) ; sed eum valere certum est, cum *immersio*, *aspersio*, *effusio* diversi quidem sint ablutionis modi, revera tamen nihil distent 2) . Dubitatio hæc de Baptismo per *aspersione*m, *effusione*mve collato satis claro argumento est, olim Baptismum per *immersione*m conferri consuevisse . Et certe fuit hæc vetus Ecclesiæ disciplina, ut Baptismum suscepturi, sive mares essent, sive feminæ, sive adulti, sive infantes, vestibus exuti, atque omnino nudi 3) ter in aqua toto corpore mergerentur, & inde educerentur 4) .

- 1) Confer Cornelium P. ep. 9. ad Fabium Antiochen. num. 5. & 6. col. 154. & 155. apud Coustantium *epist. Roman. Pontif.*, & S. Cyprianum *ep. ad Magnum* pag. 150. edit. Rigaltii Paris. 1666.
- 2) Vide Catechismum Romanum par. 2. cap. 2. §. 17. Antiquitus etsi Baptismus immersione dari solet, tamen interdum effusionem etiam, atque aspersionem adhibitam fuisse constat; quod luculentissimo argumento est, Ecclesiam semper firmum ratum habuisse Baptismum, sive per immersionem, aut aspersionem, aut effusionem ablutio fieret. Ita cum Petrus, ceterique Apostoli hominum rerum milia baptizarunt, sicuti narratur in Act. Apostol. II. 37. & seq., videntur dedisse baptismum per aspersionem, aut effusionem, cum vetisimile non sit, tantam hominum multitudinem tam brevi tempore in aquam immergi potuisse. S. Cyprianus loc. cit. multis ostendit, valere baptismum, quem ægi aspersione, aut effusione susceperant; quam sententiam veluti sua ætate certissimam approbat, & sequitur S. Augustinus de Baptismo contr. Donatist. lib. 6. cap. 7. col. 165. opp. tom. 9. indic. edit. Venet. Idemque sæculo IX. tradidit Walzidius Strabo de reb. eccles. cap. 26. col. 692. Bibl. PP. Tom. 10. edit. Paris. 1624. Huc etiam spectant  
Tom. II. C acta

acta S. Laurentii apud Surinam in vitis SS. mensis Augusti pag. 96. edit. Coloniae 1718., ubi agitur de Baptismo per effusionem dato, & huc etiam similia exempla, quae refert Martenius de antiq. Eccles. rit. lib. 1. cap. 1. art. 14. §. 5. tom. 1. pag. 49. edit. Antwerp. seu Venet. 1763. Ex quibus manifestum est, etiam Baptismum aspersione, aut effusione collatum semper validum habitum fuisse; licet antiquius in eo conferendo immersio adhiberetur.

- 3) S. Jo. Chrysostomus homil. 6. in Coloss. num. 4. opp. tom. 11. pag. 369. edit. Paris., S. Cyrillus Hierosolymit. Catech. mistagog. 2. num. 2. pag. 311. edit. Paris. 1720., S. Ambrosius seu potius Auctor serm. 19. num. 3. tom. 4. opp. Ambros. col. 514. ed. Venet. 1751., S. Zeno tract. 35. lib. 2. pag. 248. tom. 1. opp. edit. Ballerin. Augustae Vindelic. 1758. Verum ne quid in rei tam sanctae administratione aspiceretur non decore, duo praesertim erant antiquis regulis constituta. Primum erat, ut viri, ac mulieres separatim baptizarentur, & ideo vel in baptisteriis duo erant conclavia, alterum pro viris, alterum pro feminis, vel alio tempore mares, alio feminae baptismum suscipiebant S. Augustinus de Civit. Dei lib. 22. cap. 8. col. 665. opp. tom. 7. edit. indic., Hugo Menardus in S. Gregorii Sacramentar. col. 382. tom. 3. edit. Maur. Paris. 1705., Albinus Flaccus de divin. Offic. de Sabbato S. Paschae col. 258. Bibl. PP. tom. 10. edit. Paris. 1614. Alterum erat, ut Diaconissae praesto essent feminis baptismum suscepturis, ac per eas muliebri veracundiae consuleretur.

- 4) Trinam hanc immersionem memotant omnes antiqui Patres, inter ceteros Tertullianus de coron. cap. 3. p. 102. Et advers. Praxeam. cap. 27. pag. 516. edit. Rigaultii Paris. 1675., S. Joannes Chrysostomus hom. 25. in Joan. num. 2. opp. tom. 8. pag. 146. edit. Paris. cit., S. Cyrillus Hierosolymitanus catech. 20. num. 4. pag. 312. edit. Paris. 1720., S. Gregorius Nyssenus de baptism. Christ. pag. 804. to. 2. edit. Paris. 1615., S. Ambrosius de sacram. lib. 2. cap. 7. num. 20. col. 452. opp. tom. 3. edit. Maurin.

*rin. Venet. 1751.* Hanc autem aquam aliquantulum calefactam fuisse, ne qui toto corpore mergebantur, ac præsertim pueri, aliquid ex nimio frigore caperent detrimenti, non obscure demonstrat S. Zeno tract. 35. lib. 2. pag. 246. indic. edit., cum memorat aquam in baptisterio igne dulcissimo temperatam.

§. XXV. Quæ immersio, & eductio representabat Christi mortem, & resurrectionem 1); eaque triplex erat, ut triduana Christi sepultura, fideique professio in Sacrosancam Trinitatem indicarentur 2). Erat tamen hæc trina immersio præcepti ecclesiastici, cujus violati pœnas dabat, qui eam neglexisset 3); verum ad vim, ac necessitatem sacramenti non pertinebat 4). Græci nunc etiam in conferendo baptismo immersionem retinent; sed Latini post sæculum XII. effusionem adhibere cæperunt, cum illa nudati corporis immersio, præsertim infantibus, gravis, & periculosa deprehenderetur 5). Abluendum est autem præsertim caput 6), ac tanta effundenda est aquæ copia, quanta opus est, ut baptizandus vere ablutus dici possit.

- 1) S. Ambrosius *loc. cit. num. 23.*, S. Jo. Chrysostomus *hom. 40. in 1. ad Corinth. num. 1. pag. 379. tom. 10. edit. Paris. cit.*, Concilium Toletanum IV. can. 6. col. 491. *Delect. actor. Eccles. univers. to. 1. Lugdun. 1706.*
- 2) S. Cyrillus Hierosolymitanus *catech. 2. mistog. num. 4. pag. 312. ed. indic.*, S. Gregorius M. *lib. 1. ep. 43. opp. tom. 2. col. 532. edit. Paris. cit.*
- 3) Canon Apostol. 50. pag. 449. apud Cotelerium *PP. Apostol. tom. 1. edit. Amstelædani 1724.*, D. Thomas in *Summa par. 3. quæst. 66. art. 8.*
- 4) Ita cum in Hispania nonnulli unam tantum im-

mersionem adhibuissent, ne Arianos imitari viderentur, qui triplici immersione triplicem in Trinitate substantiam indicabant, eorum factum probavit S. Gregorius M. lib. 1. ep. 43. ad Leandr. to. 2. opp. col. 532. edit. cit., quod Gregorii decretum cum laude memorant Patres Concilii Toletani IV. can. 6. loco mox indic. Præclare S. Thomas loc. cit., *Utrumque licite fieri potest, inquit, scilicet & semel, & ter immergere; quia unica immersione significatur unitas mortis Christi, & unitas Deitatis, per trinam autem immersionem significatur triduum sepulture Christi, & etiam Trinitas personarum.* Vide etiam S. Hildefonsum adnot. de cognit. Baptism. cap. 117. apud Baluzium Miscellan. sacr. tom. 2. pag. 34. edit. Lucæ 1761.

- 5) Sæculo XIII., quo D. Thomas vitæ usura fruebatur, jam in locis quibusdam apud Latinos immersio desuescere cæperat; & ipse Thomas docet, uno aut altero ex tribus illis modis recte baptismum conferri, quamquam tutius esse dicat, eum dare per immersionem, qui sua adhuc ætate communior erat baptismi conferendi modus. Ait enim in Summa loc. cit. art. 7. *Ablutio autem fieri potest per aquam, non solum per modum immersionis, sed etiam per modum aspersionis, vel effusionis; & ideo quamvis tutius sit baptizare per modum immersionis (quia hoc habet communior usus) potest tamen fieri baptismus per modum aspersionis, vel etiam per modum effusionis.* Quo ex loco perspicuum meo quidem iudicio est, ea tempestate, qua D. Thomas florebat, communio quidem fuisse usum immersionis; sed tamen quibusdam etiam usitatam fuisse aspersionem, aut effusionem. Guilielmus Beveregius in not. ad can. 50. Apostol. pag. 472. apud Cotelerium PP. Apostol. tom. 1. edit. Amstelædami indic. putat, mersionis loco aspersionem, sive profusionem aquæ, in Occidentali præsertim Ecclesia, plusquam mille ab hinc annis, Gregorii videlicet I. ætate, substitutam esse. Sed certa desunt antiqua monumenta, quibus hæc Beveregii opinio niti posse videatur. Illud tamen animadvertam, quod etiam

antiquior aspersionis in baptismo, & eo quidem. solempni, ut videtur, adhibitæ mentio est in opusculo de *Ecclesiasticis Dogmatibus*, quod inter opera falso Augustino adscripta PP. Maurini rejiciunt ad *Appendic. tom. 8.*, & plerique tribuunt Gennadio Massiliensi Gallicanæ factionis, contra quam Prosper, & Hilarius Augustino scripserunt. Nam *cap. 41. ejus oper. col. 79. tom. 8. opp. Augustin. ed. Maurin. Venet. indic. Baptismus, & Martyrium* inter se comparantur, atque hæc habentur: *Baptizandus confitetur fidem suam coram Sacerdote, & interrogatus respondet; hoc & Martyr coram Persecutore facit, qui & confitetur fidem suam, & interrogatus respondet. Ille post confessionem vel adspersigitur aqua, vel intingitur; & hic vel adspersigitur sanguine, vel intingitur igne.* An non hic locus argumento esse potest, quod in ea regione, in qua Gennadius scripsit, immersionis loco aspersioni adhiberetur? Utut ea de re sit, certe generatim tum apud Græcos, tum apud Latinos ubique obtinuit immersio, quæ alicubi vigebar sæculo XIV., uti ostendit Codex Membranaceus, qui cum aliis compluribus extat in museo Alberti Fratris mei Canonici Basilicæ S. Mariæ trans Tyberim, & in quo habentur hæc: *& baptiza infantem in nomine Trinitatis sub trina mersione dicens &c.* Codex hic liber Ritualis est, neque certe est antiquior sæculo XIV., uti demonstrat character, quæque in eo describitur, oratio S. Thomæ de Aquino, qui tantum sæculo XIV. ab Joanne XXII. SS. albo adscriptus fuit. Quin monet Chardonius *Histor. sacram. lib. 1. cap. 9.* immersionem adhuc sæculo XV. obtinuisse.

6) Catechismus Rom. par. 2. cap. 1. §. 19.

§. XXVI. Baptismi formam constituunt verba, quæ apud Latinos sunt: *Ego te baptizo in nomine Patris, & Filii, & Spiritus S.*; apud Græcos: *Baptizatur 1) Servus, vel Serva Dei N. in nomine Patris, & Filii, & Spiritus S.* Vetus est hæc formula, quam Græci usurpasse

videntur, ut occurrerent Novatianis, quorum error late erat in Oriente diffusus, scilicet ad vim sacramenti ministri fide opus esse. Utraque forma vim eandem habet; quamquam ministri suæ Ecclesiæ ritum servare debeant: & utraque continet expressam invocationem trium personarum Sanctissimæ Trinitatis, atque actum ipsum baptizandi. Invocatio illa Trinitatis divinæ institutionis est, atque ad vim sacramenti necessaria 2); sed & verba *ego te baptizo* ommissa nulum baptismum reddunt 3).

- 1) Ita habet Arcudius *Concord. Eccles. Orient. & Occidental. lib. 1. cap. 3. & cap. 8. pag. 9. & 14. edit. Paris. 1672.*, & Græcorum Euchologion apud Goarium *pag. 358. edit. Pat. 1647.*, quamquam non desint, qui græci sermonis ignari legendum putent *baptizetur*.
- 2) Matthæus XXVIII. 19. Confer S. Justinum Martyr. *apolog. 1. pag. 80. opp. edit. Paris. 1740.*, Tertullianum *advers. Praxeam cap. 26. pag. 516. edit. Rigaltii Paris. 1675.*, Origenem *in cap. 6. epist. ad Roman. lib. 5. pag. 561. tom. 4. opp. ed. Maur. Paris. an. 1759.*, S. Cyrtianum *ep. 73. pag. 123. edit. Rigaltii Paris. 1666.*, S. Augustinum *de Baptism. contr. Donatist. lib. 3. cap. 15. & lib. 6. cap. 25. col. 115. & 176. opp. tom. 9. edit. Maurin. Venet. 1733.*, S. Innocentium P. *ep. 17. ad Episc. Macedon. cap. 5. col. 836. apud Cousrantium epist. Rom. Pontif.*, S. Basilium *de Spiritu S. cap. 12. pag. 23. & 24. tom. 3. opp. edit. laudatæ*, S. Thomam *in Summa par. 3. quæst. 66. art. 5. Existit autem hoc loco quæstio, num aliquando valuerit, ac revera ab Apostolis in solo Christi nomine, sine mentione Trinitatis, baptismus collatus fuerit. Nam Act. Apostolorum II. 38. X. 48. & seg. & XIX. 5. traditum est, Apostolos in solius Christi nomine baptizasse. Ea de re magna animorum contentione*

no-

nostro hoc sæculo inter se disputarunt duo celeberrimi Theologi ex Dominicanorum familia Renatus Hiacintus Drouvenius *de re sacramentar. lib. 2. quest. 3. cap. 2.*, & Augustinus Orsius Cardinalis edita an. 1733. Mediolani dissertatione *de Baptismo in nomine Jesu Christi*; atque hic quidem Apostolos aliquando in solo Christi nomine baptismum contulisse defendit, Drouvenius autem negat. Verum si aliquando Apostoli in solo Christi nomine baptizarunt, id Spiritus S. afflatu, inquit Catechismus Romanus *par. 2. cap. 2. §. 15. Et 16., eos fecisse exploratum nobis esse debet*, ut initio nascentis Ecclesiæ Christi nomine prædicatio illustrior fieret, divinaque, & immensa ejus potestas magis prædicaretur; aut potius illis verbis Apostoli baptismum a Christo institutum significare voluerunt, sed tamen retinuerunt formam, quæ distincta continet trium personarum nomina. Et certe verba Christi ad baptizandum Apostolos mittentis eam formam expresse comprehendunt; atque ita loca illa Sac. Scripturæ explicarunt S. Cyprianus *ep. 73. ad Jubajan pag. 123. edit. Paris. 1666.*, Origenes in *epist. ad Roman. lib. 5. pag. 561. tom. 4. edit. Paris. 1759.*, S. Athanasius *de Trinit. num. 7. p. 775. tom. 2. opp. edit. citat.*, S. Basilius *de Spiritu S. cap. 12. pag. 23. tom. 3. opp. edit. Maurin. Paris. 1730.*, S. Joannes Damascenus *de fid. orthod. lib. 4. cap. 9. opp. tom. 1. pag. 260. edit. Le-Quenii Paris. 1712.*, S. Augustinus *contr. Maximin. Arian. Episc. cap. 17. lib. 2. col. 715. opp. tom. 8. edit. Maurin. Venet. laudat.* Locum Auctoris libri *de Sacram.*, seu verius S. Ambrosii *de Spiritu S. lib. 1. cap. 3. num. 42. col. 12. seq. tom. 4. edit. cit.*, & Nicolai I. in *can. 24. de consecr. dist. 4.*, ubi probatus videtur baptismus in solo Christi nomine collatus, diligenter explicat Carolus Gagliardus *Instit. Jur. Canon. lib. 2. tit. 4. §. 20. Et seq.* Vide etiam Natalem Alexandrum *histor. eccles. dissert. 13. tom. 4. pag. 101. Et seq. edit. indic.*

- 3) Petri Cantoris, Præpositivi, atque aliorum opinio fuit, omitti impune posse ea verba: *Ego te*

*baptizo*, quoniam illis Christi verbis *baptizantes eos in nomine Patris, & Filii, & Spiritus S. rō baptizantes* factum ipsum ministri designat. Sed hæc verba, salvo sacramento, omitti non posse, rescripsit Alexander III. in *cap. 1. de baptismo*. Verum constat sacramenti ratio, si desit vox illa *ego*, cuius vis in verbo *baptizo* continetur. Catechismus Romanus *par. 2. cap. 2. §. 14.*, S. Thomas in *Summa par. 3. quæst. 66. art. 5. ad 1.*

§. XXVII. Ordinarius baptismi Minister est Episcopus, & Sacerdos; extra ordinem etiam Diaconi cum Episcopi, aut Sacerdotis concessu hoc sacramentum administrant 1). Cogente necessitate, omnes & mares, & feminæ recte baptizant 2); verum neque mulier præsentem viro, neque laicus præsentem clerico, neque clericus, cum adest sacerdos, sibi sumere hoc munus debent 3). Recte inquam, hoc est sine culpa; ceterum, etiam absente necessitate, baptismus a laicis collatus valet, sed næ ii contra ecclesiæ disciplinam peccant 4). De baptismo ab hæreticis, aut infidelibus dato magna olim disputatio fuit, num valeret; sed cum valere certum est, si tamen id efficere propositum eis fuerit, quod catholica Ecclesia facit 5).

- 1) Confer Catechismum Romanum *par. 2. cap. 2. §. 23.*, & S. Thomam in *Summa par. 3. quæst. 67. art. 2.* Quod si a Tertulliano *de Baptism. cap. 17. pag. 230. edit. Rigaltii Paris. 1675.*, S. Hieronymo *dial. advers. Luciferian. num. 9. col. 182. opp. tom. 2. edit. Veronæ 1735.*, aliisque Patribus scriptum est, baptismum *sine auctoritate, aut jussione Episcopi* a Presbytero non esse conferendum, id refertur debet ad solemnem baptismum, qui certis anni diebus administrari consueverat. Non omnis  
ta-



tamen Presbyter, sed tantum proprius, hoc est Parochus, jure ordinatio baptizat.

- 2) *Can. 21. dist. 4. de consecr.*, Tertullianus *loc. cit. pag. 231.*, S. Augustinus *contr. epistol. Parmen. lib. 2. cap. 13. col. 44. opp. tom. 9. ed. Venet. indic.*, Concilium Eliberitanum *can. 38. delect. actor. Eccles. univers. col. 21. tom. 1.* Quo in canone videtur excludi bigamus, etiam necessitate cogente, a baptismi administratione. Statuit enim, *posse fidelem, qui lavacrum suum integrum habet, nec sit bigamus, baptizare in necessitate.* Mirum id videtur Dionysio Petavio *in not. ad Epiphan. tom. 2. pag. 341. ed. Paris. 1722.*, quod *bigamis baptizari in tanta necessitate non licuit.* Verum, uti observat Albaspinæus *in notis p. 175. ed. Neap. 1770.*, canon non omnino excludit bigamum a baptismi administratione, sed in eo munere bigamo vult præferri laicum, qui bigamus non sit.
- 3) Vide Catechismum Romanum *loc. cit. §. 25.*
- 4) Apposite Augustinus *contr. ep. Parmen. cit. cap. 13.* *Nulla, inquit, necessitate si fiat, alieni muneris usurpatio est.*
- 5) Concilium Tridentinum *sess. 7. can. 4. de baptism.* Primus Agrippinus Carthaginiensis Episcopus in exitu sæculi II. hæreticorum baptismum irritum judicavit S. Augustinus de Baptism. *contr. Donatist. lib. 2. cap. 7. col. 102. opp. tom. 9. edit. Maurin. Venet. indic.*, S. Vincentius Lirinensis *commonit. cap. 6. pag. 306. edit. Baluzii Pedeponti 1743.* Agrippini sententiam sæculo III. S. Cyprianus, atque alii tum in Asia, tum in Africa Episcopi sequuti sunt. Consule Natalem Alexandrum *histor. Eccles. sæc. 3. dissert. 12. pag. 92. tom. 4. edit. Venet. 1776.* Sed S. Stephanus Pontifex ratum habuit baptismum hæreticorum, modo esset collatus secundum catholicæ Ecclesiæ leges, atque hoc Stephani judicium universa Ecclesia sequuta est in plenario, hoc est œcumenico Concilio, quod mortuo Cypriano, se tamen nondum nato habitum, testatur Augustinus de Baptism. *lib. 2. cap. 4. & 9. col. 98. & 104. tom. 9. opp. edit. Venet. cit. Spectat*

ceat Augustinus ad Nicenā Synodum, quæ, ut loquitur Hieronymus *loc. cit.*, omnes hæreticos suscepit (can. 8.) exceptis Pauli Samosatēni discipulis, de quibus agitur can. 19., quoniam hi præscriptam ab Ecclesia formam non observabant. Probat inquam Stephanus hæreticorum baptismum, modo secundum catholicæ Ecclesiæ ritus collatus fuisset. Nam calumnia est, quam inter ceteros refellit Natalis Alexander *histor. eccles. sæc. 3. dissert. 14. artic. 1. tom. 4. pag. 104. edit. indic.*, Blondelli, Basnagii, & aliorum agentium, Stephanum probasse etiam baptismum hæreticorum, qui in eo conferendo leges, ritusque Ecclesiæ despexerant. Quod si non baptizatus ritum Ecclesiæ servet, atque id velit facere, quod illa facit, ejus quoque baptismum valere, respondit Nicolaus I. in can. 24. de consecr. dist. 4. Augustinus ea in re ancipiti contentione distractus nihil affirmandum dixit *contr. ep. Parmen. lib. 2. cap. 13. col. 45. tom. 9. opp. edit. Venet. cit. sine auctoritate tanti concilii, quantum tantæ rei sufficit.*

§. XXVIII. Baptizantur tam infantes, quam adulti; in illis originale peccatum tollitur, in his universa. Infantes rationis usu carentes baptismo donandos non esse, hæreticorum quorundam opinio fuit: sed eos recte in fide Ecclesiæ baptizari, certum est 1). Ut vero eorum baptismus valeat, ex utero matris in lucem editi esse debent; quoniam inutilis est baptismus eorum, qui cum intus in utero inclusi lateant, aqua tingi non possunt 2). Quod si ex eo non totum corpus, sed ejus partem eduxerint, ea pars abluitur, cum mors imminet, atque in primis caput, si prodierit, quo abluto, baptismus non iteratur 3). Infantes filios infidelium baptismo donari vetat Ecclesia, nisi vel mors immineat, vel

vel a parentibus expositi , ac relictī sint , vel saltem eorum alter assentiatur 4).

- 1) Concilium Tridentinum sess. 7. can. 12. & 13. de Baptism., Catechismus Romanus par. 2. cap. 2. §. 32.; & apposite Origenes Hom. 8. in Levitic. tom. 2. opp. pag. 230. edit. Paris. 1733. secundum Ecclesiæ observantiam baptisma etiam parvulis dari Inquit. Anabaptistatum error, qui parvulos baptizari posse negabant, jam explosus, atque rejectus ab Ecclesia est, lateque adversus illos disputant scriptores rerum Theologicarum, præsertim Drouvenius de re sacrament. lib. 2. quæst. 6. cap. 2. Sunt qui pædobaptismum recentiori ætate inductum putant, ac negant, Ecclesiam duobus prioribus sæculis baptismum infantibus dare consuevisse. Sed eos late refellit Binghamus origin. eccles. lib. 10. cap. 4. §. 5. & seq. tom. 4. pag. 192. edit. Halæ Magdeburg. 1755. testimoniis Clementis Romani, Hermæ Pastoris, Justini Martyris, Irenæi, Tertulliani, Origenis, Cyptiani, omnium denique Patrum, qui duobus, tribusque prioribus ecclesiæ sæculis floruerunt. Constat enim, Ecclesiam semper certam, ac fixam habuisse doctrinam de peccato originali, atque ejus delendi causa baptismum infantibus tribuisse.

- 2) Vide S. Augustinum contr. Julianum lib. 6. cap. 5. num. 13. col. 669. opp. tom. 10. edit. indic., & S. Thomam in Summa par. 3. quæst. 68. art. 11. Quæstio tamen est, num recte baptizetur infans adhuc latitans in utero matris, cum ejus corpus aqua per ostium uteri immissa tingi potest. Late ea de re agit Benedictus XIV. de Synod. dioces. lib. 7. cap. 5., ac puerum in eo rerum discrimine ita baptizandum monet sub conditione, sub qua similiter baptizandus erit, si in lucem prodeat. Ceterum non ambigitur, quin recte baptizetur infans, qui secto matris utero in lucem eductus est; quin etiam, mortua matre, ejus uterum reserandum esse per sectionem cæsaream, ut inde extrahatur infans, ac baptizetur, docent S. Thomas loc. cit.,

Ri-

Rituale Romanum tit. 7. de baptizandis pueris §. 3.; Instructio edita a S. Carolo Borromeo pro recta administratione baptismi tit. de iis, quæ Parochus curet, cum timetur de partu actor. Eccles. Mediolan. par. 4. pag. 502. Multa enim sunt exempla infantum, qui ex mortuæ matris utero vivi prodierunt, qui adoleverunt, & qui etiam ad senectutem ætate processerunt. Confer Teophilum Raynaudum de ort. infant. per section. cæsar. cap. 2. opp. tom. 14., Auctorem Lexici universalis rei medicæ verb. cæsarea sectio tom. 2., Helsterum Instit. chirurgic. par. 2. sect. 5. cap. 3. tom. 3., & Franciscum Emmanuelem Cangiamillam, qui peculiari libro Panormi edito an. 1745. materiam hanc fuse pertractavit.

- 3) Expectanda est, inquit S. Thomas cit. qu. 68. art. 11. ad 4., totalis egressio pueri ex utero ad baptismum, nisi mors immineat. Si tamen primo caput egrediatur, in quo fundantur omnes sensus, debet baptizari, periculo imminente, & non est postea rebaptizandus, si eum perfecte nasci contigerit. Et videtur idem faciendum, quæcumque alia pars egrediatur, periculo imminente. Quia tamen in nulla exteriorum partium integritas vitæ ita consistit, sicut in capite; videtur quibusdam, quod propter dubium, quacumque alia parte corporis abluta, puer post perfectam nativitatem sit baptizandus sub hac forma: si non es baptizatus, ego te baptizo. Consentiant Rituale Romanum tit. de baptizand. parvul., & Instructiones S. Caroli Borromei Actor. Eccles. Mediolan. par. 3. pag. 497. §. si vero fatus. Consule Benedicrum XIV., qui ea de re copiose disputat de Synod. Diaces. lib. 7. cap. 5. num. 7. & seq.
- 4) Quod de parentibus dico, idem etiam dicendum volo de tutoribus, qui cum parentum locum obri-  
neant, eorum quoque consensus requiritur, ut Hebræorum infantes baptizentur. Quæsitum est, num avus paternus puerum hebræum, invitis parentibus, baptismo offerre possit. Constat id recte fieri, si puer patrem amiserit, ac matrem habeat dissentientem; quin etiam multi sunt, qui idem fieri  
posso.

posse defendunt, cum ambo parentes sospites sunt, & ambo dissenriunt. Gravior de avia paterna controversia fuit, quam definivit Benedictus XIV. litteris datis ad Petrum Hieronymum Guglielmum, quæ extant in *ejus Bullar. Constit. 54. to. 3. pag. 239. ed. Romæ seu Venet.*, & quibus statutum est, aviam paternam puerum hebræum baptismo offerre posse, quamquam mater, tutoresque dissentiant. Vide laudatam *Constitutionem 54.*, & alteram ejusdem Benedicti *constitutionem 28. pag. 113. ejus Bullarii tom. 2. indic. edit.*, ubi de baptismo Hebræorum tum infantum, tum adultorum late agitur, & omnia, quæ ad hanc materiam pertinent, accurate evolvuntur.

§. XXIX. Adulti baptismo non donantur, nisi illum sua sponte petant, quoniam nemini ad credendum vis inferenda est 1); neque cum petunt, statim baptismum obtinent, sed primum fidei rudimenta edocentur; unde factum catechumenorum nomen a græco verbo *κατηχημα* *docere, erudire*. Vetus hæc est Ecclesiæ consuetudo, ut adultum ad baptismum accedant, posteaquam in re Christiana eruditi sunt, eorumque animus diligenter cognitus, atque exploratus est. Hæc de causa instituta est catechesis, divisaque, ut rectius procederet, in gradus tres, aut quatuor, nimirum in *audientes, genuflectentes, & competentes, sive electos* 2).

1) Concilium Toletanum IV. *can. 57. col. 590. to. 3. collect. Harduini, S. Gregorius M. lib. 1. ep. 47. col. 542. tom. 2. opp. edit. Paris. 1705.*

2) Inirio Ecclesiæ, nulla interposita mora, baptismus dari consuevisse viderur, cum cum suscepturus suum jam satis patefecisset animum pietatis, & religionis plenum, fideique mysteria percepisset. Ita a Petro, & Philippo factum constat ex Act.

Apostol. VIII. 38. X. 47. Verumtamen cum experimento plane compertum esset, non satis tutam esse fidem eorum, qui sine periculo baptismo donati fuerant, institutus est catechumenatus, ut ita singulorum fides, & vita diligenter probaretur. Habebat autem catechumenatus certos gradus, quos singillatim excutere oportebat, ut ita catechumenus ad rem christianam diligentius institueretur. Græci canonum interpretes Theodorus Balsamon, Alexius Aristinus, Joannes Zonaras in not. ad Concil. Neocæsar. can. 5. apud Beveregium Pandect. Canon. tom. 1. pag. 405. & 406. edit. Oxonii 1671. duos fecere gradus catechumenorum, alterum eorum, quos ἀτελής, imperfectiores, alterum eorum, quos τελειώτης, perfectiores vocant. Duos etiam fecere gradus Beveregius loc. cit. Caveus primit. Christ. lib. 1. cap. 8., Svicæus The-saur. tom. 2. verb. κατήχησις, Basnagius de reb. sacr. & ecclesiast. contr. Baron. pag. 485. edit. Ultraject. 1691. Sed eos plerique rejiciunt, quod ex ecclesiasticis monumentis compertum est, tres, aut quatuor fuisse catechumenorum gradus. Confer Ducan-gium in Glossar. verb. catechumeni, Card. Bonam ver. liturgic. lib. 1. cap. 15. §. 4. ibique Salam in not. pag. 343. & seq. tom. 1. edit. Taurin. 1747., Martenium de antiq. eccles. rit. lib. 1. cap. 1. art. 6. tom. 1. pag. 11. ed. Antuerpiæ seu Venet. 1763., aliosque complures. Thiersius tamen Exposit. sacram. cap. 8., & Martenius loc. cit. a competentibus electos discriminant; sed Motinus de Penitent. lib. 6. cap. 1., quem plerique sequuntur, unum, & eundem facit competentium, atque electorum gradum. Forte non ubique, nec semper una, & eadem obtinuit disciplina. Certe duo tantum gradus, alius videlicet eorum, qui proprie catechumeni, & alius eorum, qui competentes vocabantur hoc est imperfectiores, & perfectiores, memorantur ab Origene contr. Celsum lib. 3. pag. 487. num. 60. & seq. tom. 1. edit. Paris. indicat., S. Zenone lib. 2. tract. 1. pag. 277. tom. 1. opp. edit. August. Vindelic. 1758., S. Isidoro de offi. eccles. lib. 2.

lib. 2. cap. 20. & 21. pag. 609. & 610. edit. Paris. 1601., Rabano de instit. cleric. lib. 1. cap. 26. opp. tom. 6. pag. 9. edit. Coloniae 1626., Leidrado Lugdunen. de sacram. baptism. cap. 1. apud Mabillonium veter. analect. pag. 78. edit. Paris. 1723. Contra plerique ecclesiastici scriptores passim recensent tres, aut quatuor catechumenorum gradus; quæ diversitas ad temporum, & locorum usus referenda videtur. Probat tamen nequit opinio Josephi Binghami, qui lib. 10. origin. eccles. cap. 2. §. 2. pag. 17. tom. 4. edit. Halæ Magdeburg. 1755. alium invenit gradum catechumenorum, eorum scilicet, qui cum in imo catechumenorum gradu peccassent, ab ecclesia expellebantur, quos ipse *ἡμιδιδύμενοι* vocat, sumpto vocabulo a Concilio Neocesariensi can. 3. col. 824. tom. 1. collect. Harduini edit. Paris., ubi sancitum est, quod si audiens peccaverit *ἡμιδιδύμενος*. Non erat hic catechumenorum gradus, sed erat expulsio, & ejectio ab omni gradu catechumenorum, quæ eadem de pœnitentibus, qui peccassent, disciplina obtrinebat. Hoc tamen erat discrimen inter catechumenos, & pœnitentes, quod ii suum etiam habebant gradum extra ecclesiam, quo loco erant *flentes*, sed catechumeni nullum hujusmodi gradum obtinebant, & ideo cum ab Ecclesia expellebantur, arcebantur a Catechumenatu, mittebanturque ad illos, quos Ecclesia ab se prorsus alienos habebat. Simili ratione Synodus Eliberitana catechumenas, quæ haberent *comatos*, aut *viros cinerarios*, arceat a communione, videlicet ab Ecclesia, & a Catechumenatu, uti eum canonem recte explicat Albaspinxus pag. 185. edit. Neapol. 1770.

§. XXX. In imo gradu erant *Audientes*, ii nimirum, qui in ecclesia sermones, sacrasque scripturas audiebant; unde eorum nomen factum est. Qui se Baptismi desiderio teneri significaverant, signabantur signo crucis 1), ac manuum impositione 2), certisque precibus 3) catechumeni

meni fiebant . Hi præsentes non erant , cum preces in Ecclesia fundebantur ; sed finita Scripturarum explicatione cum ethnicis abibant , clamante Diacono : *ne quis audientium , ne quis infidelium* 4) .

- 1) Augustinus de catech. rud. cap. 26. opp. tom. 6. col. 293. edit. Venet. cit. , Theodoretus Histor. Eccles. lib. 4. cap. 18. pag. 169. edit. Valesii Cantabrig. 1720. In antiquo Codice Monasterii Bobiensis , quem Mabillonius dedit in Mus. Italic. to. 1. , tum in fronte , tum in corde signum crucis fieri jubetur . Alius est ritus Missalis Gotici editi a Josepho Thomasio ; Utrumque cum aliis libris ritualibus descripsit Martenius de antiq. Eccles. ritib. lib. 1. cap. 1. art. 7. tom. 1. pag. 15. edit. Antwerp. seu Venet. 1763. Illud in Bobiensi Codice , quem Mabillonius edidit , animadvertendum est , quod non tantum signum crucis fieri , sed etiam symbolum dicitur jubetur ; quod est contra arcani disciplinam , quæ symbolum coram catechumenis recitari vetabat . Forte illæ preces ad catechumenos non pertinebant , antequam mos generatim obtineret baptizandi pueros , qui simul catechumeni fiebant , & baptismum accipiebant .
- 2) Severus Sulpitius in vit. S. Martini cap. 10. p. 197. Et dial. 2. de virt. S. Martini cap. 5. pag. 293. edit. Lugdun. 1635. , Eusebius in vit. Constantin. lib. 4. cap. 61. pag. 661. edit. Valesii Cantabrig. 1720. , Concilium Arelatense I. can. 6. in Delect. actor. Eccles. univers. tom. 1. col. 27. Lugdun. 1706. Ex hoc ritu explicandi sunt can. 39. Concilii Eliberitani , can. 7. Concilii Constantinopolitani I. , & can. 95. Trullani in cit. Delect. actor. Eccles. univers. tom. 1. col. 21. III. & 73. , quibus locis Christianum facere idem est atque aliquem manuum impositione , certisque precibus in imo catechumenorum gradu collocare .
- 3) Consule Martenium loc. cit.
- 4) Auctor Constit. Apostolic. lib. 8. cap. 5. apud Co-

Co-



§. XXXI. Proximus erat locus *Genuflectentium*, quibus in genua provolutis imponebantur manus; atque hi proprie catechumeni dicebantur, quæque ad eos pertinebat, liturgiæ pars, catechumenorum oratio vocabatur 1). Ad eos referebatur ea Diaconi proclamatio: *Quicumque catechumeni discedite*. Summus erat gradus eorum, qui cito baptismum erant suscepturi, quique appellabantur *Competentes*, quod jam baptismum peterent 2), & *Electi*, quod ad baptismum proxime accipiendum eligerentur 3). Hi sua dabant baptismi nomina, quæ Diaconus viventium diptycis inserebat 4); & pro ipsis certæ fundebantur preces, posteaquam reliqui catechumeni e templo discesserant 5).

1) Concillium Nicænum can. 14. in *Delect. act. to. 1. col. 58*. Post Episcopi sermonem catechumenorum oratio peragebatur, uti patet ex Concilio Laodicensi can. 19. in *Delect. act. tom. 1. col. 44*. Harum autem precationum formulæ in *Constitutionibus Apostolicis loc. indic. cap. 6. pag. 397.*, atque a Chrysostomo hom. 2. in 2. ad Cor. num. 8. pag. 440. tom. 10. edit. indic. recitantur.

2) S. Augustinus de fide & oper. cap. 6. col. 169. tom. 6. opp. edit. Maurin. Venet. cit. & serm. 216. col. 953. tom. 5., S. Hildephonsus adnot. de cognit. baptism. cap. 30. apud Baluzium *Miscellan. sacr. pag. 22. tom. 2. edit. Lucæ 1761.*

3) S. Leo M. ep. 16. ad Episc. Sicul. cap. 5. opp. tom. 2. pag. 80. edit. Romæ 1755. Extat in *Constitutionibus Apostolicis lib. 8. cap. 8. pag. 399. loc. cit.* oratio pro his catechumenis, qui βαπτισζόμενοι, hoc est jamjam baptizandi appellantur.

Tom. II.

D

4) S. Au.

- 4) S. Augustinus *de cur. gerend. pro mort. cap. 12. col. 525. opp. tom. 6. laud. edit. Venet.* Auctor operis, quod Dionysii nomine circumfertur, *de hierarch. eccles. cap. 2. §. 5.*, ibique Pachimeres *pag. 253. & 276. tom. 1. edit. Antwerp. cit.*, Concilium Constantinopolitanum sub Menna habitum *act. 5. col. 1323. tom. 2. collect. Harduini.*
- 5) Græcam Ecclesiam certas pro catechumenis, ænergumenis, & pœnitentibus preces habuisse constat, quæ quidem diverso tempore fundebantur; sed non ita exploratum est, num eadem etiam fuerit Latinæ Ecclesiæ disciplina. Eandem prorsus fuisse, verisimile est, uti observat Binghamus *origin. eccles. lib. 14. cap. 5. tom. 6. pag. 228. edit. indic.*

§. XXXII. Statim ac catechumeni inter audientes erant relati, incipiebant catecheses, quibus fidei rationes, vitæque christianæ officia edocebantur. Quo munere instituendi catechumenos Episcopi, aut Presbyteri, Diaconive, minoresve etiam clerici, & interdum laici fungebantur 1). Docebant autem catechistæ in exedris Ecclesiæ 2); magnaue erat in catechumenis instituendis eorum cura, & diligentia; quasi qui formarent animos teneros puerorum, qui primum imbuuntur iis, quæ cognitu facilia sunt, ut ad graviora, & difficiliora paratiores accedant. Quare primum veritates simplices, & apertas proponebant, officiaque explicabant vitæ christianæ 3); sed de mysteriis religionis, ac ritibus sacramentorum nullum faciebant verbum, antequam proxime abesset Baptismi suscipiendi tempus; quæ in re catechumeni pares erant ceteris profanis, qui mysteria nostra ignorabant. Atque hæc celebris est arcani disciplina, quam ab ipso Christo,

sto, & Apostolis acceptam diu Christiani retinuerunt 4), quæque demum sua veluti sponte, desiit, postquam ethnica superstitio fere ubique extincta, & sublata fuit 5).

- 1) Episcopum catechistæ officio functum testatur S. Ambrosius *ep. 10. col. 901. num. 4. t. 3.*, ac Theodorus Lector *collectan. lib. 2. in Biblioth. PP. to. 26. pag. 86. edit. Lugdun.*, Presbyterum constat ex Chrysostomo *cateches. ad illuminandos opp. to. 2. pag. 225. cit. edit. Paris.*, quam ipse habuit, cum esset Presbyter Antiochiæ; Diaconum ostendit Augustinus *de catechiz. rudib. cap. 1. col. 263. opp. to. 5. edit. Maurin. Venet. cit.*, Lectorem Cyprrianus *ep. 24. pag. 35. edit. Rigaltii Paris. 1666.* Neque majorem ordinem in ecclesia habuisse videtur Origenes, quem Eusebius *histor. lib. 6. cap. 3. p. 260. edit. Cantabrig. 1720.*, & S. Hieronymus *de vir. illustr. in Origene cap. 54. opp. tom. 2. col. 877. edit. Veron. cit.*, Catechistam Alexandriæ fuisse, narrant, cum decem atque octo annos natus esset. De laico vide Auctorem *Constit. Apostol. lib. 8. cap. 32. apud Cotelierum pag. 418. edit. indic.*
- 2) S. Ambrosius *ep. 10. ad Marcellinam num. 4. col. 901. edit. Venet. cit. tom. 3. se competentibus in Baptisterio symbolum tradidisse scribit* - Erant autem, ut plurimum, distincta, sed ecclesiæ conjuncta ædificia, in quibus catechumeni instruebantur, quæque *catechumenia*, sive *catechumenorum mansiones* dicuntur a Leone *Novell. 73.*, atque a Concilio Trullano *can. 97. in Delect. actor. tom. 1. col. 574.*, & Balsamone, ac Zonara *in eum can. apud Beveregium Pandect. canon. tom. 1. pag. 275. edit. Oxonii 1672.* Cum Episcopus, aut Presbyter catecheses habebant, eas habebant etiam in Ecclesia, ceteri extra eam; atque hinc Demetrius Alexandrinus graviter reprehendit Alexandrum Episcopum Hierosolymitanum, & Theoctistum Episcopum Cæsareensem, quod Origeni, cum nondum esset Presbyter, publice in Ecclesia concionandi facul-

- tatem dedissent. Confer Valesium in *Euseb. lib. 6. cap. 19. pag. 283. num. 3. edit. Cantabrigiæ 1720.*
- 3) S. Augustinus singulari libro, quem edidit, de catechizandis rudibus, & cujus veluti summam edidit Alcuinus *epist. 7. ad Carolum M. pag. 1487. edit. Paris. 1617.*, ritus tradit in catechumenorum institutione servandos. Consule Chardonium *Histor. sacram. lib. 1. cap. 3.*
- 4) Arcanæ disciplinam ab ipsa Christi, & Apostolorum memoria repetunt Antonius Pagius in *Baron. ad an. 118. num. 4. & seq. pag. 95. tom. 2. edit. Luca*, Chardonius *Histor. sacrament. lib. 1. cap. 2.*, Emanuel Schelesttatus, qui peculiari dissertatione de disciplina arcanae egregie, præter ceteros, materiam hanc illustravit. Huc sane spectat illud Christi, qui cum a discipulis interrogatus fuisset, quamobrem Judæos parabolis alloqueretur, respondit apud Matthæum XIII. 11. *quia vobis datum est nosse mysteria regni cælorum; illis autem non est datum;* & huc similiter ea verba ipsius Christi ad Apostolos Matth. VII. 6., *nolite sanctum dare canibus, neque mittatis margaritas vestras ante porcos;* quemadmodum verba ipsa interpretantur Clemens Alexandrinus *stromat. lib. 1. pag. 348. cap. 12. to. 1. edit. Oxonii 1715.*, Tertullianus de præscript. advers. hæret. cap. 41. pag. 217. edit. Rigaltii Paris. 1675., Chrysostomus de compunct. lib. 1. cap. 6. opp. tom. 1. pag. 132., & Homil. 22. in Matth. num. 3. pag. 287. tom. 7. edit. Paris. cit. Quod a Christo acceperant, Apostolos, atque Ecclesiæ Patres fecisse, manifestum est. Nam Apostoli in orationibus ad Judæos, atque Ethnicos nullum de abdicis fidei mysteriis verbum habent Act. II. IV. X. XVII., nominatim autem Paulum Christi legem observasse, tradit Clemens Alexandrinus *Stromat. lib. 5. cap. 10. pag. 685. tom. 2. edit. cit. ex eo Pauli verbo: ut aliquid impartiar vobis gratiæ spiritualis*, itemque ex eo sapientiam loquimur inter perfectos. Apostolorum exemplo Ecclesiæ Patres reticentiæ legem, atcanique disciplinam servasse diligenter, constat ex Tertulliano *loc. cit.*, Cyrillo Hie-

Hierosolymitano *cathec.* 6. num. 19. pag. 106. edit. Paris. cit., Nazianzeno *orat.* 40. de *Baptism.* pag. 647. tom. 1. opp. edit. Paris. cit., Chrysostomo *hom.* 46. in *act.* cap. 3. opp. tom. 9. pag. 349. edit. indic., Cyrillo Alexandrino *adv. Julian.* lib. 7. p. 245. opp. Jul. ed. Lipsiæ 1696., Ambrosio *offic.* lib. 1. cap. 50. num. 260. opp. tom. 3. col. 79. edit. indic., Augustino in *psalm.* 109. num. 17. opp. tom. 4. col. 1241. edit. indic. Quod etiam confirmat reprehensio illa Ethnicorum adversus Christianos, quod clancularia esset eorum doctrina, & confirmat id, quod Athanasii ætate ab Arianis factum est. Hi enim, ut sibi Ethnicorum patrocinium adsciscerent, fracta, arcani lege, rem totam patefacere non dubitarunt tum editis tractatibus, quibus Trinitatis mysterium explicabatur, tum etiam Ethnicis in ecclesiam admissis, ubi magis abdita, & secreta perspicerent. Hinc Athanasius *apolog. contr. Arian.* p. 118. num. 31. tom. 1. opp. edit. Maur. Patav. 1777. queritur de *Præfecto Egypti Philagrio apostata, ethnicisque militibus admissis ad ea disquirenda, quæ ne catechumenos quidem conspiciere licuit. Sacra mysteria ab Ethnicis direpta, & in terram projecta in ordinatione Gregorii Alexandrini contra Athanasium memorat Epistola I. Julii P. ad Eusebianos apud Constantium epist. Roman. Pontif. col. 378. Profanos sanctorum, idest fidelium, iudices, & novam, ac inusitatam mixtionem, mysticas nempe quæstiones spectante vulgo tractatas doler Gregorius Nazianzenus in orat. 21. de laud. Athanasii num. 30. pag. 387. opp. tom. 1. edit. Coloniae 1690., ex quo magnam tum catechumenorum, tum ethnicorum fuisse offensionem, constat ex Athanasio de *Synodis* num. 2. opp. tom. 1. par. 2. pag. 573. edit. Patav. 1777. Ex quibus intelligimus, cur in publicis Patrum concionibus, præsertim cum de sacramentis agitur, frequenter occurrat ea formula: *norunt initiati, norunt fideles, quod dicitur*; arque etiam intelligimus, quanta sit ad Religionem tuendam necessitas traditionis, per quam multa accepimus, quæ, ne profanis paterent, Ecclesiæ Patres literis consigna-*

re noluerunt. Hæretici Scriptores Dallæus de *scriptis Ignat. lib. 1. cap. 22.*, & Binghamus *orig. lib. 10. cap. 5. §. 3. tom. 4. pag. 123. seq. edit. Holæ Magdeburg. 1755.* hanc disciplinam Apostolis ignotam, multoque serius in Ecclesiam inductam putant. Sed eos refellunt, quæ de Christo, & Apostolis memoriæ sunt prodita; refellit Basilius de *Spiritu S. cap. 27. pag. 55. tom. 3. opp. edit. cit.*, qui eam disciplinam ab Apostolis, atque antiquis Patribus servatam tradit; refellit Tertullianus *loc. cit.*, qui eam reperit a Christi præcepto; nolite sanctum dare canibus, neque mittatis margaritas vestras ante porcos.

5) Confer Pagium in *Baronium ad an. 120. num. 4. & seq. pag. 95. & seq. edit. Lucæ 1738. tom. 2.*

§. XXXIII. Cum satis erant probati, & satis in re christiana eruditi 1), appropinquante solemni die 2), catechumeni baptismum petebant; & ideo sua dabant nomina 3), per quæ sese quasi candidatos baptismi declarabant. Ergo accipiebant symbolum, & orationem dominicam 4), sua confitebantur crimina 5), agebant pœnitentiam 6), manuum impositioni, exorcismis, exsufflationibus 7), precibus subiciebantur; atque etiam sal benedictus in eorum os inserebatur 8). Baptismum etiam antecedeabant lotiones duæ, altera capitis, altera pedum 9); præterea caput catechumeni sacro oleo ungebatur 10). Sed Ecclesia in primis curabat, ut qui baptismum petebant, tanto munere essent digni; & ideo post data a competentibus nomina plura adhibebat scrutinia, per quæ eorum corda scrutabatur, videbatque, *quanta vigilantia convenirent, quo studio ferverent, qua cura penderent* 11).

1) De

- 1) De tempore catechumenatus non unâ , atque eadem semper fuit ecclesiæ disciplina . Synodus Eliberitana *can. 42. in Delect. actor. tom. 1. col. 22.* , & Iustinus *Novel. 144. cap. 2.* apud Dionysium Gorhofredum biennium ; Auctor *Constit. Apostolic. lib. 8. cap. 32. pag. 418. tom. 1.* apud Cotelierum *loc. indic.* , & Nicæni Patres *can. 14. Delect. actor. Eccles. univers. tom. 1. p. 58.* triennium constituunt . Synodus Agathensis *can. 34. in eod. Delect. act. col. 274.* menses octo Judæis , Synodus Eliberitana *can. 4. in laudat. Delect. actor. col. 7.* annos tres flaminibus præscribit . Si quis in catechumenatu peccaret , tempus producebatur , ac de superiore ad inferiorem gradum catechumenus dejiciebatur , & cum in imo erat gradu , extrudebatur Concilium Neocæsateense *can. 5. in Delect. actor. tom. 1. col. 39.* Interdum tempus ipsum contrahēbatur , cum id iusta aliqua causa postulabat ; atque ita S. Gregorius *M. lib. 8. ep. 23. col. 912. tom. 2. edit. Paris. cit.* cuidam Episcopo permisit , ut Judæos in Agro Agri-  
gentino baptizati cupientes , post indictum quadraginta dierum jejunium , baptismo donaret .
- 2) Solemnis Baptismi tempus erat olim Pascha , & Pentecostes Tertullianus *de Baptism. cap. 19. p. 232. edit. Paris. 1675.* , Siricius *ep. 1. ad Himer. Tarraconen. cap. 2. apud Constantium loc. cit. col. 626.* , Leo M. *ep. 16. ad Episc. Sicil. cap. 5. pag. 80. opp. tom. 2. edit. Rom. 1755.* , Gelasius *Decret. cap. 10. apud Pithoeum Cod. Canon. pag. 266. Paris. 1637.* Postea dies Natalis Christi , alique festi dies accesserunt . Græci etiam die Epiphaniæ , Galli quinque quotannis diebus , Hispani etiam diebus festis Apostolorum , ac Martyrum solemnem baptismum conferre consueverunt . Quæ omnia pluribus collectis antiquis monumentis accurate explicat Matrenius *de antiq. eccles. rit. lib. 1. cap. 1. art. 1. tom. 1. pag. 1. edit. Antuerpiæ seu Venet. 1763.* Vetum non hoc ita intelligendum est , quasi non omni die baptismum conferre liceret , præsertim cum id iusta aliqua causa postularet Augustinus *serm. 210. num. 2. col. 927. tom. 5. opp. edit. Mau-*

rin. Venet. 1731., Siricius P. ep. 10. ad Gal. Episc. cap. 4. col. 692. apud eundem Coustantium.

- 3) Semper ante baptismum, sed non uno ibique tempore catechumeni sua dabant nomina. Novum sumebant ethnici nomen; Christianorum liberi ante baptismum nullum, ut plurimum, habebant, ac si haberent, plerumque mutabant Socrates *histor. lib. 7. cap. 21. pag. 368. edit. Cantabrig. cit.*, Gregorius Turonensis *Histor. Franc. lib. 8. cap. 22. col. 395. & vit. Patr. c. 8. num. 1. col. 1184. ed. cit.*, Baronius *ad an. 259. num. 11. p. 69. col. 1184. to. 3. edit. Lucæ.* Consule Concilium Carthaginiense IV. can. 85. in *Delect. actor. tom. 1. col. 138.*, S. Gregorium Nyssenum in *orat. advers. eos qui differunt baptismum pag. 956. tom. 1. opp. edit. Paris. cit.*, S. Cyrillum Hierosolymitanum *catech. 1. pag. 13. num. 4. edit. cit.*, S. Augustinum *confess. lib. 9. cap. 6. col. 162. tom. 1. edit. Venet. cit.*
- 4) Generatim definiri non potest, qua die competentibus symbolum traderetur, cum in ecclesiis quibusdam id fieret Dominica Palmarum, in aliis feria quarta post quartam Dominicam Quadragesimæ, in aliis denique aliis ante Pascha diebus; quin alii semel, alii bis, ter alii symbolum tradebant, sicuti observat Martenius *loc. cit. art. 11. §. 10. & seq. pag. 23.* Antequam symbolum traderet Episcopus, aliquem ab eo tractatum habitum fuisse, indicat non obscure S. Ambrosius *ep. 20. num. 4. col. 901. opp. tom. 3. edit. Maurin. Venet. 1751.* Dominica quoque oratio tradebatur, uti patet ex S. Augustino *serm. 58. col. 337. opp. tom. 5. edit. Venet. indic.*, & in Romana quidem Ecclesia eadem die Symbolum, ac Dominica Oratio tradebatur.
- 5) Tertullianus *de baptism. cap. 20. pag. 123. edit. Paris. 1776.*, S. Gregorius Nazianzenus *orat. 40. de baptism. num. 26. opp. tom. 1. pag. 657. edit. Coloniae 1690.*, S. Cyrillus Hierosol. *catech. 1. p. 18. num. 5. edit. Paris. cit.*, Eusebius *de vit. Constantin. lib. 4. cap. 61. pag. 661. edit. Valesii Cantabrig. 1720.* Non erat tamen hæc confessio ad baptismis-



baptismum necessaria, sed eam catechumeni emittebant, ut antiquam vitam in scrutiniiis exponentes, quæterent, quid deserere, quid sequi, & quod vitæ institutum amplecti deberent, ut se vere christianos ostenderent. Hujus confessionis rationem non obscure indicat antiquus Auctor *sermon. in psalm. 41. ad Neofitos in appendic. tom. 6. opp. Augustini col. 187. edit. indic.*, cum de catechumenis dicit hæc: *per omnem quadragesimam vacaverunt orationi, atque jejuniis, in sacco, & cinere dormierunt, futuram vitam peccatorum suorum confessione quærentes.*

- 6) Consule Martenium *loc. cit. art. 10. num. 10. pag. 28.*, ubi multa ea de re testimonia colliguntur. Ab hac pœnitentia solos parvulos immunes fuisse, docet Augustinus *serm. 351. cap. 2. col. 1351.*; ac *serm. 352. cap. 1. col. 1363. opp. tom. 5. par. 2. edit. Venet. cit.* negat ad baptismum Christi, in quo omnia peccata delentur, quemquam bene accedere, nisi agendo pœnitentiam de vita pristina. Ejus autem institutionem quidam repetunt a Petri præcepto, uti constat ex epistola Herivæi Rhemensis ad Wittonem Rothomagensis *cap. 6. in biblioth. PP. tom. 17. pag. 248. edit. Lugdun.*, ubi Clodovæum aliquot ante baptismum diebus commoratum tradit, ut pœnitentiæ, secundum Apostolicum præceptum, prius ablueretur lacrimis, dicente B. Petro Principe Apostolorum: *pœnitentiam agite, & baptizetur unusquisque vestrum.* Auctor *Recognitionum lib. 3. cap. 67.*, & *lib. 7. cap. 36. pag. 537. & 564.* apud Cotelerium *PP. Apostolic. tom. 1. edit. indic.* jejunium memorat, cui baptismum suscepti vacare debebant; & hujus quidem jejunii mentio etiam est apud Justinum M. *apol. 1. num. 61. pag. 79. edit. Maurin. Paris. 1742.*, in Concilio Carthaginensi IV. *can. 85. Delect. actor. tom. 1. col. 138.*

- 7) S. Augustinus *de fid. & oper. cap. 6. col. 169. opp. tom. 6. edit. Maurin. Venet. 1731.* Apud Latinos exsufflationes in faciem catechumeni fiebant, uti constat ex Libris Ritualibus; apud Græcos etiam in aures Concilium Constantinopolitanum I. *can. 7.*

De-

*Delect. actor. Eccles. univers. tom. 1. col. 111.*

- 8) S. Augustinus *confess. lib. 1. cap. 11. col. 75. opp. tom. 1. edit. Maurin. Venet. cit.*, quem salern. Augustinus *de baptism. contr. Donatist. lib. 4. cap. 21. col. 138. tom. 9.*, & *de peccat. merit. lib. 2. c. 26. col. 62. tom. 10.* sacramentum catechumenorum appellat. In *can. 65. de consecr. dist. 4.* dicitur *Sal celestis sapientiæ*. Vide etiam Concilium Cathaginiense III. *can. 5.*, ibique Albaspinæum in *not. pag. 226. oper. var. edit. Neapol. 1770.*
- 9) Capitis lotio die Dominica Palmarum absoluebatur; idcirco hic dies in antiquo Ordine Romano *Capitolavium* dicitur Isidorus *etymol. lib. 6. cap. 18. Et de eccles. offic. lib. 1. cap. 27. pag. 80. Et 589. edit. Paris. 1601.*, Rabanus *de Instit. Cleric. lib. 2. cap. 35. opp. tom. 6. pag. 23. edit. Colon. 1626.* Pedum lotionis, præter ceteros, mentio est apud Augustinum *ep. 54. ad Januar. num. 10. opp. tom. 2. col. 127. edit. Venet. cit.*, & Ambrosium *de sacram. lib. 3. cap. 1. num. 4. tom. 3. col. 455. edit. indic.*, eaque feria v. in cœna Domini peragebatur. In quibusdam tamen locis post baptismum hanc lotionem fieri consuevisse, monet Charodonius *Histor. sacram. lib. 1. cap. 18.*
- 10) Unctionem hanc capitis, quæ baptismum antebat, quæque alia erat ab unctione verticali, quæ illum sequebatur, memorant Auctor *Recognit. lib. 3. cap. 67. apud Cotelierium PP. Apostolic. tom. 1. pag. 537. edit. indic.*, Ambrosius *de sacram. lib. 1. cap. 2. opp. tom. 3. col. 440. edit. Venet. cit.*, Cytillus *catech. 2. Mystag. cap. 3. pag. 317. edit. Paris. cit.*, Chrysostomus *Hom. 6. in ep. ad Coloss. opp. tom. 11. col. 369. edit. cit.*, Siricius *P. ep. 10. num. 11. apud Constantium ep. Roman. Pont. col. 693.* Ungebatur autem initio in Ecclesia Latina tantum caput, deinde etiam inter humeros, ac supra pectus unctio fieri cæpit. Græci totum corpus ungebant, uti ostendit Auctor *Eccles. Hierarch. cap. 2. §. 7. pag. 253. edit. Antwerp. 1634.* Oleum, quo baptizatus ungebatur, *unguentum* vocant, ac distinguunt ab oleo, quod ante

- ante baptismum adhibebatur, Auctor *Constit. Apostolic. lib. 7. cap. 22.* apud Cotelierum *loc. cit. pag. 371.*, & Auctot, qui Justini nomine scripsit *Resp. ad Orthodox. quæst. 137. pag. 501. in appendic. opp. Justin. edit. Paris. 1742.*
- 11) S. Augustinus *de fid. & oper. cap. 6. col. 169. tom. 6.*, atque hinc ipse Augustinus *de Symbol. lib. 2. cap. 1. col. 555. d. tom. 6.* scrutinium examen appellat. Theodulphus *de ordin. baptism. cap. 8. in Biblioth. PP. tom. 14. pag. 10. edit. Lugdun.* Hunc enim morem, inquit, *Ecclesia servare consuevit, ut per aliquot dierum spatium hi, qui in solemnitate paschali baptizandi sunt, scrutentur, ut instructis, & doctis, & simplici corde ad fidem veram venientibus vitæ sacramenta impertiantur.* Plura ante baptismum scrutinia adhibebantur, de quibus late agit Martenius *loc. cit. art. 11. pag. 29. S. Zeno lib. 2. tract. 27. pag. 233. opp. tom. 1. edit. August. Vindelic. 1758.* memorat legitimum examinis, aut scrutinii numerum, quibus verbis intelliguntur septem scrutinia, quæ fiebant, antequam competentes baptismis donarentur. De his Amalarius Archiepiscopus Treuitensis, seu potius Alcuinus in *epist. ad Carolum M. cap. 12.* apud Canisium *Thesaur. monument. eccles. tom. 2. par. 1. pag. 545. edit. Antuerpiæ 1725.* habet hæc: *scrutinium finitur sabbato ante pascha. Ipso die facimus scrutinium septimum, sicut in Romano Ordine invenimus scriptum.*

§. XXXIV. Solemni adveniente die, catechumeni ad Baptisterium adducebantur 1), qui locus, ut plurimum, erat ab ecclesia distinctus, ac separatus 2); atque ibi tria maxime præstabant, antequam baptismum acciperent. Scilicet renunciabant Satanæ, pompisque, & operibus ejus 3), quam renunciationem ter emittebant conversi ad occidentem 4), atque in Satanam tamquam præsentem exsufflabant, & expuebant, aliasque edebant aversantis animi significationes 5).

Dein-

Deinde versa ad Orientem facie 6) , sese adscribent Christo , cui deinceps sese perpetuo servire promittebant 7) . Denique manibus , oculisque ad cælum sublati fidem profitebantur , secundum verba symboli , quod baptismum accepturi ter solemniter repetebant 8) .

- 1) Initio baptismum nullo certo loco datum ostendit exemplum Eunuchi , quem Philippus Diaconus in via , & custodis carceris , quem Paulus domi suæ baptizavit . Tertullianus *de baptism. cap. 4. pag. 225. edit. Rigaltii Paris. 1675. , & Auctor Recognitionum sub nomine S. Clementis Romani lib. 4. cap. 32. , & lib. 6. cap. 15. apud Coteletium PP. Apostolic. pag. 546. & 558. tom. 1. edit. indic. multos in fluminibus , stagnis , fontibus baptizatos memorant . Constantinus in mēmoriam Christi Servatoris baptismum in Jordane accipere vehementer cupiebat , uti narrant Eusebius *de vit. Constantin. lib. 4. cap. 62. pag. 662. , ac Theodoretus Histor. lib. 1. cap. 32. pag. 64. edit. Cantabrig. 1720. Plures in loco Bethabaræ , ubi Joannes baptizabat , trans Jordanem baptizari voluisse , tradit S. Hieronymus de loc. hebr. col. 182. tom. 3. edit. Vallarsii cit. Sed deinceps pace Ecclesiæ reddita , constituta sunt baptisteria , quæ erant sacræ ædes juxta ecclesiam , in quibus unicuique tribueretur baptismus , nisi qua necessitas facere secus cogeret . Justinianus *novel. 58. priscis legibus sancitum inquit , ut nemini liceat , quæ sacratissima sunt , domi agere ; & Concilium Constantinopolitanum sub Menna act. 1. col. 1194. & 1206. tom. 2. collect. Harduini edit. Paris Zonaram Monachum reprehendit , quod domi baptismum administrasset . Hujusmodi baptismi domi collati antiquis conciliis nomine παραβαπτισμάτων improbantur . Novo jure tantum est , ut in cathedralibus , & parochialibus Ecclesiis tantum extet fons baptismalis , ut a suo quisque Parocho in Ecclesia baptizetur , nisi aliud postulet vel necessitas , vel magna dignitas ejus ,***

ejus, qui baptismum suscipere debet *Clem. unic. de baptismo*, *Rituale Romanum de baptism.*

2) Consule Marrenium *loc. cit. art. 2. pag. 3.*

3) Auctor *Constit. Apostol. lib. 7. cap. 41.* apud Cotelierium *loc. indic. pag. 383.* describit formulam, qua catechumenus renunciabat *Satanæ*, & *operibus ejus*, & *angelis ejus*, & *inventis ejus*, ac *omnibus*, quæ sub eo sunt. Ejusdem formulæ sententiam habent Hieronymus in *Matth. lib. 1. cap. 5. opp. tom. 7. col. 28. edit. Vallarsii Veron. 1737.*, Tertullianus *de spectac. cap. 4. pag. 74. edit. Paris. cit.*, Cyprianus *ep. 6. pag. 16. indic. edit. Paris.*, Ambrosius *de myster. cap. 2. num. 7. opp. tom. 3. col. 459. edit. indic.* Interdum etiam spectacula in hac renuntiandi formula diserte memorantur, ut in illa Salviani *de gubernat. Dei lib. 6. num. 6. pag. 121. edit. Pedeponti 1743. Abrenuntio diabolo, pompis, spectaculis, & operibus ejus.* Atque hujus quidem renunciationis usum tam verustum facit *Basilius de Spiritu S. cap. 27. num. 66. pag. 55. edit. Paris. 1730.*, ut ejus originem ab Apostolica traditione repetat.

4) Occidentem spectate idem erat atque ipsum spectare *Saranam*, qui *princeps* dicitur *tenebrarum*, ut inquit *Cyrillus Hierosolymitanus catech. 1. mystag. pag. 307. num. 4. edit. cit.* Trina erat renuntiatio, uti restatur Auctor *de eccles. hierarch. cap. 2. §. 3. & seq. pag. 252. & seq. tom. 1. edit. Antwerpæ 1634.* Hujus autem trinx renunciationis mysteria explicat *Vicecomes de rit. baptism. lib. 2. cap. 20.*

5) Vide Auctorem *de hierarch. Eccles. loc. cit.* Hæc autem renuntiatio in porticu, seu vestibulo emittebatur. Nam baptisteria duo, ut plurimum, habebant distincta conclavia, porricum, aut vestibulum, in quo catechumeni *Satanæ* renunciabant, fidemque profitebantur; atque interiorem domum, in qua baptismi cæremonia peragebatur.

6) In *mysteriis*, inquit *S. Hieronymus in Amos lib. 3. cap. 6. col. 322. opp. tom. 6. edit. Vallarsii Veronæ 1736.*, primum, renuntiamus ei, qui in occidente est, nobisque moritur cum peccatis; & sic versi ad orientem.

orientem pactum inimus cum sole justitiæ, & ei servituros nos esse promittimus. Eadem habet S. Ambrosius loco mox indic.

- 7) Sponsionem, qua catechumenus sese Christo perpetuo servire promittebat, *promissum*, *pactum*, & *votum* a Latinis appellatur. Formulam tradit Auctor *Constit. Apostol. cit. cap. 41. Post renuntiationem vero, dum adscribit se, dicat: Et adscribor Christo, Et credo, Et baptizor*. Similem habet Chrysostomus *hom. 6. in ep. ad Coloss. num. 4. opp. tom. 11. pag. 369. edit. Paris.* Augustini ætate quidam fuerunt, qui fidei in Christum, non vero universalis obedientiæ professionem emittere parati erant; & tamen baptismum petere non dubitabant. Contra hos ipse Augustinus scripsit egregium librum *de fide, & operibus*, quo Christiano homini tum fidem, tum bona opera necessaria esse demonstravit.
- 8) Pluries quidem catechumeni traditum symbolum reddere debebant; sed cum instaret baptismus, ter, ac solemnius, & coram multis testibus, manibusque, & oculis ad cælum sublati fidei professionem emittebant, & rogati respondebant Cyrillus Alexandrinus *lib. 12. in Joann. cap. 21. pag. 1119. edit. Paris. 1638.*, Auctor *Eccles. hierarch. c. 2. pag. 258. tom. 1. edit. Antwerp. cit.*, Leo M. *serm. 23. in nativ. Dom. 4. cap. 6. pag. 54. tom. 1. edit. Romæ 1753.*, Augustinus *de fid. & oper. cap. 9. col. 172. opp. tom. 6. indic. edit.*, Ambrosius *de Spiritu S. lib. 2. cap. 10. col. 70. opp. tom. 4. edit. indic.* Narrat autem Augustinus *confess. lib. 8. cap. 2. col. 146. tom. 1. Romæ ex edito loco in conspectu populi*, nisi nimia catechumeni verecundia obstatet, hanc fidei professionem emitti consuevisse.

§. XXXV. Baptizati in vertice ungebantur 1), tum albis induebantur vestibus 2), eorum capiti mysticum velamen, & corona imponebatur 3), iisque tradebantur cereæ faces 4), ac porro dabatur Confirmatio, & Eucharistia 5), postremo  
lac,

lac, & mel benedictum ad infantiae significationem 6). Nunc non omnes, qui olim in usu erant, ritus, & cæremoniæ ab Ecclesia retinentur. Desiit sollemnis illa catechesis, & antiqui desierunt gradus catechumenatus; sed nunc etiam adulti, antequam baptismum suscipiant, in fide, & bonis operibus instituendi sunt, ne rudes, & ignari, ac minus recte probati sanctissimam religionem amplectantur.

- 1) Innocentius I. *epist.* 25. *ad Decent. Eugubin. Episc.* cap. 3. col. 858. apud Constantium *epist. Roman. Pontific.*, Ambrosius *de sacram.* lib. 1. cap. 7. num. 14. col. 453. *opp. tom. 3. indic. edit.*, Isidorus *de offic. eccles.* lib. 2. cap. 25. & 26. pag. 613. & 614. *edit. Paris. 1601.* Hujus unctionis originem a Silvestro P. repetunt Amalarius *de eccles. offic.* lib. 1. cap. 27. in *Biblioth. PP. tom. 14. pag. 957. edit. Lugdun.*, Walfridius *de reb. eccles.* cap. 26. pag. 690. *tom. 10. in Bibl. PP. Paris. 1624.*, Rabanus *de instit. cleric.* lib. 1. cap. 23. *tom. 6. p. 9. edit. Colonæ 1626.*, ex quo colligit Hugo Menardus in *not. ad lib. sacrament. S. Gregorii M. not.* 334. col. 385. *opp. tom. 3. edit. cit.*, scriptores omnes Silvestro antiquiores, qui unctionem memorant, de sacramento confirmationis intelligendos esse. Multi tamen vetustissimam quidem hanc unctionem faciunt, sed negant, ullo certo monumento confici posse, eam a Silvestro fuisse institutam. Illud inter omnes constat, quod hæc verticalis unctio sacro chrismate peragebatur, eaque diversa erat ab unctione frontis, hoc est a sacramento confirmationis. Hanc Sacerdoti permittit, hanc vero uni Episcopo servat Innocentius I. in *ep. ad Decent. Eugubin.* cap. 3. col. 858. apud Constantium. Atque ad hanc frontis unctionem pertinet Auctor *Constit. Apostol.* lib. 3. cap. 16. apud Corbeterium *laud. loc. pag. 291.* Verisimile autem est, verticalis unctionis ministerium alium fuisse

- se a ministro baptismi, cum unus sacerdos tantam illam hominum multitudinem baptizare, ac simul ungere non posset. Ante unctionem Sacerdos baptizato osculum dabat, quem ritum memorant S. Cyprianus *ep. 59. ad Fidum pag. 95. edit. Rigaltii Paris. 1666.*, & S. Jo. Chrysostomus *de util. legen. scriptur. opp. tom. 3. cap. 6. pag. 81. cit. edit. Paris.*
- 2) S. Augustinus *serm. 223. qui 5. est in vigil. Pasch. col. 966. tom. 1. & ep. 34. num. 2. opp. tom. 2. col. 64. edit. Maurin. cit.*, S. Ambrosius *de myster. cap. 7. num. 34. col. 417. opp. tom. 3. edit. indic.*, Eusebius *in vit. Constantin. lib. 4. cap. 62. pag. 692. edit. citat.*, S. Gregorius M. *in sacrament. opp. tom. 3. col. 73. ibiq. Menaidus in not. col. 356. edit. indic.* Gerebantur ex vestes per dies octo; quo factum, ut dominica post pascha dominica in albis diceretur, quoniam usque ad eam diem baptizati vestes albas gerebant. Usurpatur hodie etiam ritus albæ vestis, sed ea neophyti eodem tempore induuntur, atque exuuntur. Infantibus, qui vestitu non utuntur, album sudatiolum datur Catechismus Romanus *par. 2. cap. 2. §. 73.*
- 3) S. Jo. Chrysostomus *Catech. 1. ad illuminan. opp. tom. 2. num. 1. pag. 226. cit. edit. Paris.*, Theodulphus Aurelianeus *de ordin. baptism. cap. 16. pag. 13. tom. 14. Biblioth. PP. edit. Lugdun.*, Rabanus *de instit. cleric. lib. 1. cap. 29. tom. 6. pag. 10. edit. Coloniae 1626.* In ecclesiis quibusdam etiam lotio pedum adhibebatur, de qua vide Martenium *loc. cit. art. 15. num. 8. pag. 54.*
- 4) S. Gregorius Nazianzenus *orat. de baptism. 40. pag. 672. edit. Coloniae 1690.*, S. Ambrosius *de lapsu virgin. consecr. cap. 5. col. 386. num. 19. to. 3. edit. cit.*, S. Gregorius Turonensis *histor. Franc. lib. 5. cap. 11. pag. 213. edit. Paris. 1699.* Dabantur autem catechumenis extincti cerei, quos ipsi deinceps in fine Litaniarum accendebant. Nunc baptizatis datur cereus ardens, de quo vide Catechismum Romanum *loc. cit. num. 74.*
- 5) Confer Martenium *loc. cit. num. 11. & seq. pag. 55.*
- 6) S. Hic-



- 6) S. Hieronymus in *Isaiam cap. 55. col. 644. opp. tom. 4. edit. Vallarsii Veronæ 1735.* lac tantum, non item mel nominat; quamquam in *dialog. contr. Luciferian. num. 8. tom. 2. col. 180.* utrumque memoret: multa alia, inquit, quæ per traditionem in ecclesiis observantur, auctoritatem sibi scriptæ legis usurpaverunt, velut in lavacro ter caput mergitare, deinde egressos lactis, & mellis prægustare concordiam ad infantie significationem. Quæ verba lactis, & mellis concordiam evidenter ostendunt, non lac, & mel distincte, sed mel cum lacte commixtum catechumenis dari consuevisse. Similiter & Tertullianus *de coron. milit. cap. 3. pag. 102. & advers. Marcion. lib. 1. cap. 14. pag. 372. edit. Paris. 1675.* lactis, & mellis concordiam, ac societatem vocat; atque hinc in Libris Ritualibus una extat mellis, & lactis benedictio, & una item utriusque tradendi formula. Lac etiam una cum vino baptizatis in Occidente tributum, ostendit Hieronymus in *Isaiam cap. 55. col. 644. cit. tom. 4.* Ceterum quamquam Ethnici etiam vix natos pueros lacte, & melle enutritent, quod ex pluribus antiquis Scriptoribus manifestum est, ut videri potest apud Cotelierum in *epistola Barnabæ cap. 5. adnot. 52. pag. 29. tom. 1. edit. Amstelædami 1724.*, non tamen ex iis consuetudinem illam suam Christiani attripuisse videntur, sed ex veteri Testamento, ubi reptomissionis terra lacte, & melle sæpe recipitur, *cujus iter (baptizati) inchoantes tamquam parvuli lacte nutriuntur, & melle*, ut inquit Joannes Diaconus in *epist. ad Senarium tom. 1. Musei Italici pag. 75.*

§. XXXVI. Plures hodie etiam, antequam suscipiatur, cum item suscipitur, cum denique susceptus est baptismus, adhibentur cæremoniæ, quæ in libris Ritualibus, atque in Catechismo Romano 1) describuntur. In primis autem baptizandus ter Satanæ abrenunciat, fideique pro-

Tom. II. E fes-

fessionem emittit; tum in baptismo nomen accipit, quod Parochus una cum ceteris baptizatorum nominibus peculiari libro describit 2). Dum datur baptismus, adsunt *Patrini*, hoc est *Sponsores*, aut *Fidejussores*, qui pro baptizato spondent, ac fidejudent, unde eorum nomen ductum est 3). In antiquis monumentis sæpe, etiam vocantur *susceptores*, quod ex aqua prodeuntes susciperent. Eorum est baptizandos ministris offerre, eosque ex sacro fonte suscipere, pro infantibus ministro interroganti respondere, adultos edocere, quid ministro respondere ipsi debeant, curam gerere eorum, quos suscepunt, atque ipsos in re christiana erudire 4).

1) *Par. 2. cap. 2. §. 60. Et seq.*

2) Nomen sumendum est *ab aliquo*, qui propter excellentem animi pietatem, & religionem in Sanctorum numerum relatus est, inquit Catechismus Romanus loc. cit. §. 75., rejiciendaque sunt falsarum religionum, idolorumque nomina. Describitur hoc nomen una cum natali die, ac nominibus parentum, & patrinorum in libro, quem unusquisque parochus habere debet *Rituale Romanum tit. de baptism.*

3) Sponsores memorat Tertullianus *de Baptism. c. 6. pag. 226. edit. Paris. 1675.*, unde intelligimus, quam antiquus eorum usus sit.

4) Officia sponsores describit Augustinus, seu potius Auctor sermonis 168. num. 3. in *appendic. to. 5. opp. Augustini col. 293. indic. edit. Venet.*, & Hildensius *annot. de orig. Baptism. cap. 11. apud Baluzium Miscellan. sacr. tom. 2. pag. 34. edit. Luca 1761.* Quod infantes per se ipsos non possent, pro iis sponsores respondere voluit Ecclesia Cyrillus Alexand. in Joan. c. 11. vers. 26. *opp. tom. 4. p. 683. edit. Paris. 1638.*, Auctor sermon. 267. num. 5. *col. 441. in appendic. tom. 5. opp. Augustini indic. edit.*

*edit. Maurin. Venet. Adultis etiam morbo impeditis vocem suam commodare inquit Cyrillus Alexand. loc. cit. Verum pro ipsis etiam adultis, qui per se respondere poterant, sponsores adhiberi voluit Ecclesia; sed ipsi tamen respondere debent Augustinus de baptism. lib. 4. cap. 24. col. 141. tom. 9. edit. indic.*

§. XXXVII. Unus tantum in baptismo patrinus adhibendus est, aut ad summum vir unus, unaque mulier 1); neque id munus unicuique committi indiscriminatim debet, sed ei, qui sit catholicus, & sana doctrina, bonisque moribus imbutus. Repelluntur ab hoc officio hæretici, schismatici, excommunicati, quin etiam peregrini, quorum fides satis comperta, & probata non est. Vetantur etiam parentes offerre filios suos propter spiritualem cognationem 2), quæ inter patrinum, ac baptizatum contrahitur, & vetantur etiam hoc munus gerere monachi, quos solitudini addictos esse oportet 3).

- 1) Concilium Tridentinum *sess. 24. cap. 2. de reform. matrim.* Atque hæc quidem disciplina Tridentino Concilio antiquior est. Nam plures numero patrilinos excludere videtur Auctor *Apostol. Constit. lib. 3. cap. 16.* apud Cotelerium *PP. Apostolic. pag. 291. tom. 1. edit. Amstelædami 1724.* cum statuit, ut vir a Diacono, mulier a Diaconissa suscipiatur. Sed explicatius, atque disertius unum patrinum constituunt Leo P. in *can. 101. de consecr. dist. 4.*
- 2) Olim parentes infantes filios offerebant S. Augustinus *ep. 98. ad Bonifac. num. 6. col. 266. opp. tom. 2. laudat. edit.* Sed deinceps parentes id præstare vetiti sunt Concilium Moguntinum *an. 813. can. 55. col. 1016. tom. 4. collect. Harduini.* Quod factum videtur ob cognationem spiritualem, quæ inter susipientem, & suscepti parentes induci capie.
- 3) *Can. 103. dist. 4. de consecr.*



## SECTIO II.

### *De Confirmatione.*

- |  |   |
|--|---|
| XXXVIII. Effectus sacramenti confirmationis. | XXXI. Qui confirmationem suscipiant?                      |
| XXXIX. Materia hujus sacramenti.             | XXXII. Hujus sacramenti conferendi tempus, ejusque ritus. |
| XXX. Forma, & Minister.                      |   |

### §. XXXVIII.

**Q**ui baptizatus est novæ virtutis robore firmior, ac perfectus Christi miles efficitur per confirmationem. Itaque confirmatio sacramentum est 1), quo homines robur, & virtutem accipiunt tum ad firmiter credendum, tum ad fortiter propugnandum pro fide, quam in baptismo susceperunt. Nimirum qui per baptismum Christiani evaserunt, quasi infantes pueri sunt, quos corroborare oportet aliis adjumentis, ut comprimant impetus hostium, cum quibus nobis pugna est, quamdiu hæc vivitur vita, & firmiter ad fidem adhærescant. Itaque Christus confirmationis instituit sacramentum, quo id in nobis confirmat, quod baptismo efficere cæpit; imo vero non confirmat solum, sed etiam auget ratione quadam admirabili, & singulari 2). Vocatur etiam hoc sacramentum *chrisma*, *unctio*, & *signaculum Domini*, & *manuum impositio*.

1) Con-

- 1) Concilium Tridentinum sess. 7. de sacram. in gen. can. 1. , & sess. 7. de confirmat. can. 1. Si quis dixerit, inquit, confirmationem baptizatorum otiosam cæremoniam esse, & non potius verum, & proprium sacramentum; aut olim nihil aliud fuisse, quam catechesim quamdam, qua adolescentiæ proximi fidei suæ rationem coram Ecclesia exponebant, anathema sit. Quibus verbis a Synodo damnantur hæreses Lutheri, & Calvinii, quorum alter meram cæremoniam, non sacramentum confirmationem habebat, alter catechesim, qua baptizari, ineunte adolescentia, fidei suæ rationem coram Episcopo exponebant. Cum Luthero, & Calvino sentiunt Dallæus de confirm. lib. 1. cap. 8. & lib. 3. cap. 13., ac Binghamus orig. eccles. lib. 12. cap. 1. §. 4. & 5. pag. 350. & seq. tom. 4. edit. Halæ Magdeburg. 1755., qui confirmationem sacramentum a baptismo distinctum esse negant, sed ajunt, meram esse cæremoniam, quæ baptismum aqua inchoatum perficit. Sed horum, aliorumque hæreticorum commenta late refutantur a Theologis, ac præter ceteros a Natali Alexandro histor. eccles. sæc. 2. dissert. 10. pag. 378. tom. 3. edit. cit., Card. Orsio dissert. de Chrismat. confirmat. cap. 2. & seq., Drouvenio de re sacrament. lib. 3. quæst. 1. per tot.
- 2) Consule Catechismum Romanum par. 2. cap. 3. §. 21. & 22.

§. XXXIX. Materia remota hujus sacramenti est chrisma, scilicet unguentum, quod ex oleo, & balsamo solemnii Episcopi consecratione conficitur 1). Proxima materia quibusdam est sola frontis unctio, quibusdam vero tum ipsa unctio, tum etiam manuum impositio 2). Chrisma ab Episcopo consecrari, vetus est Latinæ, & Græcæ Ecclesiæ consuetudo 3); & vero id ab eo quotannis efficitur feria V. in cæna Domini 4); sed Latinorum chrisma ex oleo tantum, & balsamo, Græcorum ex aliis præterea triginta quinque aro-

matibus conficitur 5). Est & hoc inter Græcos, Latinosque discrimen, quod hi solam frontem, illi etiam aures, nares, pectus, oculos, & pedes ungunt 6).

- 1) Catechismus Romanus *par. 2. cap. 3. §. 8. & seq.*, S. Thomas in *Summa par. 3. quæst. 72. art. 2.* Et chrismatis quidem usum in confirmandis neophytis ab ipsis Christianæ Religionis primordiis esse repetendum, contra Basnagium, ac ceteros ostendit Cardinalis Orsius peculiari dissertatione de *Chrismate confirmat.*
- 2) Confer Jueninium de *sacram. dissert. 3. de confirmat. quæst. 2. per tot.*, & Drouvenium de *re sacrament. lib. 3. quæst. 3. per tot.*, qui ea de re fuse, atque accurate disputant.
- 3) S. Basilius de *Spiritu S. cap. 27. pag. 55. tom. 3. opp. edit. Paris. 1730.*, S. Cyrillus Hierosolymitanus *catech. 3. p. 19. n. 4. ed. cit.*, S. Gregorius M. in *sacrament. col. 67. opp. tom. 3. edit. Paris. 1705.* Nullum autem in sacris literis hujus disciplinæ vestigium extat, sed eam per manus traditam inquit Basilius; cumque ejus initium ignoretur, ab Apostolis repetenda est, secundum Augustini regulam *ep. ad Januar. 54. col. 124. tom. 2. cit. edit. Venet.*
- 4) Concilium Toletanum I. *can. 20. col. 992. tom. 1. collect. Harduini edit. Paris.* statuit Episcopo omni tempore licere chrisma conficere; ex quo patet, ea ætate nondum obtinuisse disciplinam, quæ nunc obtinet, conficiendi quotannis Chrisma feria V. in cœna Domini. Verum hæc antiquissima est, atque ejus origo a sæculo V. repetenda videtur. Nam ea ætate Episcopus feria V. in cœna Domini tres Missas celebrabat, quarum una erat pro reconciliatione pœnitentium, altera pro conficiendo chrismate, tertia serotina de ipsa diei solemnitate. Id ex vetustis sacramentalibus sese deprehendisse testantur Menardus in *not. ad lib. sacrament. S. Gregor. not. 263. tom. 3. opp. S. Gregor. col. 327. edit.*

edit. Paris. cit., Bona rer. liturgic. lib. 1. c. 18. §. 6. pag. 15. tom. 2. edit. Taurin. 1749., & Martenius de antiq. eccles. rit. lib. 1. cap. 3. art. 3. §. 8. pag. 104. tom. 1. laud. edit. Fabiani P. ex de re epistola in can. 18. de consecr. dist. 3. ab Isidoro Mercatore conficra est.

5) Græcorum ritum in præparando unguento chtiſmatis ex 35. aromatibus in vino decoctis describit Jacobus Goatius in *Eucholog. Græcor. pag. 637. & seq. edit. Paris. 1647.*

6) Confer Goatium loc. cit. pag. 356. Sed S. Cyrillus Hierosolymitanus *catech. 3. mystagog. cap. 4. pag. 317. edit. Paris. cit.* tantum memorat frontem, aures, nares, pectus, ex quo patet, has tantum partes ea ætate a Græcis inungi consuevisse.

§. XXXX. Forma confirmationis, qua utuntur Latini, continetur verbis: *signo te signo crucis, & confirmo te chrismate salutis, in nomine Patris, & Filii, & Spiritus S. 1)*; licet non pauci sint, qui tum in his verbis, tum in oratione, quam recitat Episcopus manus imponens, formam ipsam positam esse arbitrentur 2). Ordinarius minister nonnisi Episcopus est 3); extra ordinem, atque ex supremæ ecclesiasticæ Potestatis delegatione etiam Presbyteri hoc sacramentum recte administrant 4). Græcorum Sacerdotes omnes generatim habent hanc delegatam potestatem, per quam sacramentum confirmationis rite, & recte conferunt 5).

1) Catechismus Romanus par. 2. cap. 3. §. 12. & 13.

2) Confer Drouvenium loc. cit. quæst. 4. per tot. Quamquam autem ea res nondum ab Ecclesia sit definita, ramen certissimum est, eam semper certis quibusdam verbis hoc sacramentum administra-

re consuevisse, ut proinde in hoc etiam locum habeat illud Augustini: *accedit verbum ad elementum, & fit sacramentum*. Sane Apostolos verbis usos esse, testantur sacræ Literæ Act. VIII. 15., atque idem annis consequentibus ab Ecclesia factum fuisse, constat ex plurimorum Patrum testimoniis, ac inter alios id disertissime tradit Innocentius I. in ep. 25. ad Decent. Eugubinum cap. 3. col. 859. apud Constantium epist. Roman. Pontific., quamquam ob arcani disciplinam non ipsa describat verba, quibus confirmationis forma constabat. Varias hujus sacramenti formas habet Maitenius de antiq. eccles. rit. lib. 1. cap. 2. art. 3. §. 11. pag. 91. indic. edit.

- 3) Petrum, & Joannem Apostolos missos legimus in Act. VIII. 14. *Et seq.*, ut a Philippo baptizatos confirmarent. Concilium Tridentinum sess. 7. de confirm. can. 3. *Si quis dixerit*, inquit, *sanctæ confirmationis ordinarium ministerium non esse solum Episcopum, sed quemvis simplicem sacerdotem, anathema sit*. Confer etiam S. Cornelium ep. 9. ad Fabium Antiochenum cap. 4. col. 153. apud Constantium epist. Roman. Pontific., S. Cyprianum ep. 73. ad Jubajan. pag. 124. edit. Paris. 1666., Innocentium I. ep. ad Decent. Eugubin. cap. 3. num. 3. col. 858. apud eundem Constantium, S. Hieronymum contr. Luciferian. num. 9. col. 181. opp. tom. 2. edit. Veron. 1735., S. Gregorium M. lib. 4. ep. 9. col. 689. opp. tom. 2. edit. Paris. indic., Innocentium III. in cap. 4. de consuet. Quæ hæretici obijciunt, refelluntur a Theologis, præsertim Jueninio de sacram. dissert. 3. de confirm. quæst. 5. art. 2., & Drouvenio de re sacrament. lib. 3. qu. 7. per tot.

- 4) Ita S. Gregorius M. lib. 4. ep. 26. col. 705. laudat. ed. tom. 2. Presbyteris in Sardinia degentibus extra ordinem confirmandi tribuit facultatem. Consule S. Thomam in Summa par. 3. quæst. 72. art. 11. ad 1., & Benedictum XIV. de Synod. diaces. lib. 7. cap. 7., qui de hac Summi Pontificis delegatione copiose disserit, & diligenter. Verum chris-matis

be-



benedictio adnumerata semper fuit inter propterea Episcopalis ordinis munera; & ideo confirmandi privilegium a Sede Apostolica Presbyteris concessum adjunctam legem habere solet, modo ipsi chrismate utantur ab Episcopo consecrato. Disputat Benedictus XIV. *loc. cit. num. 1. & 2.*, num Summus Pontifex etiam chrismatis consecrandi facultatem Sacerdoti attribuire possit. Quæsitum est etiam, num Episcopus Sacerdoti concedere possit confirmandi facultatem; sed cum Sedes Apostolica, quæ arctate potest Episcoporum iurisdictionem, sibi uni hanc facultatem reservaverit, ita est confirmatio, quæ per solam Episcopi delegationem a Presbytero collata est. Confer Benedictum XIV. *loc. cit. num. 3. & seq.*

- 5) Græcorum Sacerdotes ante Photianum schisma confirmationis sacramentum conferre solitos fuisse, ostendunt Morinus *dissert. 2. de sacram. confirmat.*, & Lucas Holstenius *dissert. 1. de Ministr. confirm. apud Græcos*. Dubitari autem non potest, quin, si non solum valide, sed etiam licite confirmant ex tacita saltem delegatione Sedis Apostolicæ, quæ hanc eorum consuetudinem ratam habet, uti observant Arcudius *de concord. Eccles. Occident. & Orient. lib. 2. de confirm. cap. 15. pag. 96.*, & Benedictus XIV. *loc. cit. cap. 8.* Certe in Concilio Florentino *tom. 9. collect. Harduini col. 430.* Eugenius IV., inter alias quæstiones, hanc ordine sextam Græcis proposuit: *quare Pontifices non inungerent sacro chrismate, sed Sacerdotes, cum hoc Pontificibus sit datum?* Verum ut habetur in actis ejusdem concilii *loc. cit.*: hæc a Latinis objecta *Mitylenensis Episcopus canonice, legitimeque dissolvit*. Ex quo patet, a Græcis canonicas suæ disciplinæ rationes allatas fuisse, per quas Latinis satisfactum est, atque has rationes Concilio fuisse probatas. Sacerdotibus tamen Italo-Græcis confirmare vetitum est a Clemente VIII. *Const. Sanctissimus 107. Bullar. tom. 5. par. 2. pag. 72.*, & a Benedicto XIV. *Constit. 57. §. 3. pag. 104. & Constit. 129. §. 4. pag. 312. tom. 1. ejus Bullar. edit. Rom. seu Venet.*

net. 1754. Unus hic amovendus est obex. Innocentius III. in cap. 4. de consuet. Presbyteros, qui apud Constantinopolim per abusum confirmabant, confirmare in posterum vetat; ex quo confici videtur posse, Græcis Presbyteris vetitum esse Confirmationis sacramentum administrare. Verum Innocentius loquitur de Latinis Presbyteris, qui Constantinopoli morabantur; & vero in integra decretali, quæ extat apud Baluzium tom. 1. epist. Innocentii III. pag. 480., nominatim agitur de *Latinis Presbyteris*, sed verbum illud *Latinis* in decretalium collectione Raymundus omisit.

§. XXXXI. Nonnisi baptizati confirmandi sunt, cum fieri non possit, ut adolescat, qui nondum natus est 1). Suscipere confirmationem possunt omnes tum infantes, tum adulti; & diu quidem viguit consuetudo, ut statim post baptismum confirmatio tribueretur 2). Græci nunc etiam retinent hanc consuetudinem 3); sed ab ea jampridem recesserunt Latini 4), apud quos pueri ante septimum ætatis annum non confirmantur 5). Et quamquam hoc sacramentum non ejusmodi habeat necessitatem, ut sine eo salvus quis esse non possit, tamen qui illud negligunt, aut contemnunt, salutem suam in discrimen adducunt, gravisque criminis rei sunt, quoniam omnes eniti debent, ut christianæ vitæ perfectionem acquirant 6). Adulti, qui hujus sacramenti gratiam, & dona consequi cupiunt, non solum fidem, & pietatem asserre, sed etiam graviora, quæ admiserunt, crimina dolere ex animo debent. Quare elaborandum est, ut primum peccata confiteantur, ac jejunia, aliaque pietatis opera suscipiant: curentque, ut jejni ad hoc sacramentum accedant 7).

1) Con-

- 1) Confer D. Thomam in *Summa par. 3. quæst. 72. art. 6.* Presbyterum quemdam Scorum Samsonem nomine, qui non baptizatos confirmari posse putabar, damnavit Zacharias Pont. ep. 10. ad Bonifacium apud Labbeum *collect. Concil. 20. 8. col. 255. edit. Venet.* Iis, qui post baptismum flagitiosam vitam duxerant, ac morientes confirmationem petebant, denegatum hoc sacramentum ex *can. 39. Concilii Eliberitani colligit Albaspinæus in not. pag. 175. edit. Neap. 1770.*, quem Jueninius sequitur *de sacramen. dissert. 3. quæst. 6. cap. 2.*
- 2) Tertullianus *de baptism. cap. 7. pag. 226. edit. Rigaltii Paris. 1675.*, S. Cyprianus *ep. 70. ad Januam, & epist. 73. ad Jubajanum pag. 117. & 124. edit. Paris. 1666.*, S. Cyrillus Hierosolimit. *catech. 3. mystagog. pag. 316. num. 1. edit. cit.*, S. Dionysius seu potius Auctor libri *de eccles. hierarch. cap. 2. pag. 254. opp. tom. 1. edit. Antverpiæ 1634.* Concilium Laodicenum *can. 48. col. 789. tom. 1. collect. Harduini.*
- 3) Consule Leonem Allatium *de perpet. consens. eccles. occident. & orient. lib. 3. cap. 18.*, Goarium in *not. ad Ritual. Græcor. pag. 367.*, Naironum *Evopl. cathol. fid. par. 2. cap. 3.*, Vanslebium *histor. eccles. Alexandr. par. 2. cap. 21.*
- 4) Incertum est, quo primum tempore confirmatio multo post baptismum conferri cæperit; & forte id factum est, cum rarior evasit baptismus adultorum. Confer Martenium *de antiq. eccles. rit. lib. 1. cap. 2. art. 1. §. 3. pag. 86. tom. 1. laudat. edit.* Ceterum nunc etiam cum adulti baptizantur, Latine Ecclesie sententia est, confirmationem a baptismo, si fieri commode potest, non esse separandam *Rituale Romanum tit. de baptism. adultor.*
- 5) Catechismus Romanus *par. 2. cap. 3. §. 19.* Sed quamquam ipse catechismus non expedire dicat, quod pueris confirmatio ante septennium conferatur, non tamen id ita est intelligendum, quasi numquam his pueris hoc sacramentum conferri possit. Nam pueri, qui in vite discrimine versantur, etiam ante septennium sunt confirmandi S. Tho-

mas *loc. cit. art. 8. ad 4.*, & alia similiter justa causa esse potest, propter quam pueris ante illam ætatem hoc sacramentum detur. Consule Catala-num in *Pontific. Roman. tit. 21. §. 7. num. 19. & 22. tom. 3. pag. 227. edit. Rom. 1740.*

6) Consule Catechismum Romanum *loc. cit. num. 17. & 18.*, & D. Thomam in *Summa par. 3. quæst. 72. art. 1.*

7) Olim nonnisi jejunis dabatur hoc sacramentum, quod multis collectis monumentis ostendunt Mar-tenius *loc. cit. art. 2. pag. 88.*, & Jueninius de *sacram. dissert. 3. de confirm. quæst. 9. cap. 2.* Ve-rum hæc consuetudo ætate D. Thomæ cæperat ob-languere, uti ipse testatur *loc. indic. art. 12. ad 2.* De hac laudabili antiquæ Ecclesiæ consuetudine Christianos moneri jubet Catechismus Romanus *loc. cit. §. 10.*; & recte *ubi congrue observari potest*, inquit D. Thomas *loc. cit.*, *convenientius est, ut a jejunis (confirmatio) detur, & accipiatur.*

§. XXXII. Confertur hoc sacramentum potissimum in Pentecoste, quoniam hoc maxi-me die Apostolos Spiritus S. virtute roboratos, & confirmatos fuisse constat 1). Offeruntur au-tem confirmandi a sponsoribus, sive patrinis, quos probos christianos, & confirmatos esse oportet 2); debentque pro sacri chrismatis reverentia fron-tem eluere, decidentisque in eam capillos at-tondere. Episcopus confirmato alapam impin-git 3), ut discat, se paratum esse oportere ad omnia adversa pro Christi nomine invicto ani-mo toleranda, eique pacem impertitur 4); de-nique ejus frons bombyce diligenter abstergi-tur 5).

1) Catechismus Romanus *loc. indic. §. 26.*, S. Ca-rolus Borromeus in *V. Concil. Mediolanen.*

2) Proprios confirmatoris paternos adhibuit Eccle-sia,

cia, cum seorsim a baptismo dati cepit hoc sacramentum; atque hinc ab antiquioribus Patribus soli baptizatorum patrini memorantur. Eadem fere de utrisque sunt constituta, & qui in baptismo patrini esse nequeunt, iidem etiam in confirmatione hoc munus gerere prohibentur.

- 3) Hujus alapæ nulla mentio est in sacramentario S. Gregorii M., aut in iis, qui IX. & X. sæculo de ritibus scripserunt. Primus forte eam memoravit Durandus Mimatensis Episcopus; ejus veto mysteria explicat S. Carolus Borromeus *Instruct. de sacram. confirm. par. 4. act. Eccles. Mediolanen.*
- 4) Catechismus Romanus *loc. cit. §. 26.*
- 5) Olim confirmandorum frontes bandellis, seu vittis lineis cingebantur, quas usque ad sæculum XII. gestabant per dies plures Amalarius *de divin. offic. lib. 1. c. 4. in Bibliothec. PP. tom. 14. p. 966. edit. Lugdun.* Deinde in nonnullis Ecclesiis obtinuit, ut lineæ vittæ tantum per triduum gerebantur.



## SECTIO III.

### *De Eucharistia.*

- |  |  |
|--|--|
| XXXXIII. Eucharistia quid?                       | LI. Eucharistiæ conferendæ ritus.                        |
| XXXXIV. Ejus materia.                            | LII. Dies festus corporis Christi, processio, expositio. |
| XXXXV. Qualis adhibeatur panis?                  | LIII. Eucharistia novæ legis sacrificium.                |
| XXXXVI. & XXXXVII. Forma, & minister.            | LIV. Liturgiæ.   |
| XXXXVIII. Quibus Eucharistia tribuitur?          | LV. Quo sermone liturgia absolvenda sit?                 |
| XXXXIX. A jejunis sumenda est.                   | LVI. Quibus diebus olim Missa celebraretur?              |
| L. Quo tempore omnes fideles eam sumere debeant? | LVII. Plures olim Missæ ab                               |

- ab uno Sacerdote celebratæ.  
 LVIII. Qua hora celebrarentur?  
 LIX. & LX. Missa publica & privata.  
 LXI. Quo loco Missa celebranda sit?  
 LXII. Dominicis, festisque diebus fideles Missæ sacrificio interesse debent.  
 LXIII. Mos antiquus offerendi panem, & vinum.  
 LXIV. Missæ honorarium.  
 LXV. Pro eo, qui honorarium dedit, sacrificium speciatim offerendum est.

## §. XXXXIII.

**S**acramentum omnium nobilissimum est Eucharistia, per quod ipsum Christi corpus, & sanguinem sub specie panis, ac vini sumimus, Deique gratia miris modis augemur, modo illud rite, recteque suscipiamus. Eucharistiæ vocabulum Græcum est, quod Latine reddi potest bona gratia, sive gratiarum actio, quod nomen huic sacramento tributum est, tum quod ipsum gratiarum omnium fontem continet, tum quod in ejus institutione Christus Patri gratias egit. Communionis nomine, quo sæpe appellatur, significatur conjunctio fidelium cum Christo, cui nos hoc sacramentum copulat, & vinculum caritatis, quo nos inter nos in eodem Christo conciliamur, & jungimur 1). Dicitur etiam cœna, quod in illo novissimæ cœnæ salutari mysterio Christus Dominus hoc sacramentum instituit 2).

1) Apostolus I. ad Corinth. X. 16., S. Joannes Damascenus de *fid. orthodox. lib. 4. cap. 13. opp. tom. 1. pag. 273. edit. Le-Quenii Paris. 1712.*, & Dionysius, sive potius Auctor operis de *eccles. hierarch. c. 3. num. 1. to. 1. p. 282. edit. Antwerp. 1634.*  
 Con-

Consule Albaspinzum *observ. lib. 1. pag. 1. & seq. edit. Neapol. 1770.*, & de *Eucharist. lib. 2. cap. 4. pag. 360.*

- 2) Alia, quibus Eucharistia appellatur, nomina vide apud Drouvenium *de re sacrament. lib. 4. qu. 1. §. 1.* Confer etiam Ballerinius *not. 6. in tract. 38. S. Zenonis tom. 1. pag. 251. edit. August. Vindelic. 1758.*

§. XXXIV. Duplicem habet materiam, panem, & vinum, quorum alter Christi corpus, alterum sanguis efficitur, conversione mirabili, quam *transubstantiationem* vocamus 1). Vinum ex uvis esse debet, panis ex tritico; azy-  
mo utitur Ecclesia Latina, Græca fermentato 2). Utrumque recte consecrari non ambigitur 3); sed propriæ ecclesiæ consuetudo ab unoquoque servanda est 4).

- 1) Catholica Fides docet, verum Christi corpus, & sanguinem in Eucharistiæ sacramento contineri, inque eo neque panem, neque vinum remanere, sed hoc totum in Christi sanguinem, & illud similiter totum in corpus converti. Sunt hæc catholica dogmata a Synodo Tridentina *sess. 13. de sacram. Euchar. can. 1. & 2.* definita adversus Calvinum, & Lutherum, quorum alter veram, ac realem Christi præsentiam in Eucharistia negabat, alter una cum Christi corpore, & sanguine panis, vinique substantiam in eo sacramento remanere contendebat. Similiter catholica veritate constat, Christum in Eucharistia esse per veram transubstantiationem, per quam totus panis Christi corpus, & totum vinum Christi sanguis efficitur, non per impanationem, quæ esset unio hypostatica. Verbi Divini cum substantia panis, aut per consubstantiationem, quæ esset conjunctio substantiæ panis, & vini cum substantia carnis, & sanguinis Christi, adeout Eucharistia non solum Christi corpus,

pus, ac sanguinem, sed simul etiam panem, vinumque contineret. Late catholicam veritatem demonstrant Theologi, quos inter consule Drouvenium *de re sacram. lib. 4. quest. 6. cap. 4. sect. 2.*

- 2) De usu azymi, atque fermenti magna est inter eruditos disputatio, cum certo statui non posse videatur, num Latini semper azymo, Græci autem fermento pane semper usi sint. Antiquiores Theologi Scholastici putarunt, Latinam Ecclesiam ab initio azymum panem adhibuisse usque, ad hæresim Ebionitarum, quæ anno Ch. 74. erupit; sed cum ipsi Ebionitæ antiqua legalia simul cum Evangelio servanda esse contenderent, Ecclesiam, ne hæreticos imitari videretur, reiectis azymis fermentum iustisuisse, ea vero extincta hæresi ad azymum rediisse. Ita nimirum sentiunt Joannes Scotus *in 4. dist. 11. quest. 5.*, Alexander Alensis *quest. 32. membr. 3. ad ult. & par. 4. de sacram. Euchar. quest. 10. membr. 4. art. 1. §. 3.*, S. Bonaventura *in 4. dist. 11. art. 2. quest. 1.*, S. Thomas *ibid. quest. 2. art. 2.* Verum hæc opinio nullum habet idoneum fundamentum, quo niti posse videatur, neque ejus rei verbum unum est apud antiquos scriptores, qui per decem priora sæcula res Ecclesiæ scriptis illustrarunt. Nechites Archiepiscopus Nicomedix apud Anselmum Havelbergensem *dial. lib. 3. c. 13. Spicilegii Dacherii tom. 1. pag. 200. edit. Paris. 1723.* tradit, Melchiadem, ac Siricium Pontifices fermentum apud Latinos instituisse; verum hæc sententia educta est ex libro Pontificali Damasi Pontificis, cujus, ut omnes notunt, suspecta fides est. E recentioribus tres potissimum ea de re doctorum hominum sententiæ circumferuntur, nimirum Jacobi Sirmondi, Joannis Mabillonii, Joannis Bonæ Cardinalis. Contendit Sirmondus *in disquisit. de azymo*, Latinos ab initio fermentum consecrassse usque ad sæculum IX., deinceps vero medio illo tempore, quod excurrit inter Photianum schisma, & Michaellem Cæsarium, hoc est inter annum circiter 867., & 1054., azymum adhibere cepisse. Contra vero Mabillonius *præfat. 1. ad sæc. III.*



*sac. III. Benedictin. num. 64. pag. XXVIII. edit. Venet. 1734. & dissert. de azymo & fermentat. perpetuum in Ecclesia Latina azymorum usum ab ipsa Apostolorum ætate fuisse arbitrantur. Quæ eadem sententia est Joannis Cabassutii in notit. Eccl. sac. 2. dissert. 12., Christiani Lupi schol. in canon. concil. dissert. de actis Leonis IX. cap. 5. & seq. opp. to. 4. pag. 312. seq. edit. Venet., Edmundi Martenii de antig. eccles. rit. lib. 1. cap. 3. art. 7. §. 5. & seq. pag. 114. tom. 1. edit. Antwerp. seu Venet. 1763., Antonii Sandinii dissert. 11. de perpetuo azymorum usu in Eccles. Latin., & Joannis Ciampini de azym. & fermentat. conjectur., qui tamen in hoc a Mabillonio dissentit, quod Apostolis indiscriminatim utriusque panis usum tribuere videtur. Sed Joannes Bona rer. liturgic. lib. 1. cap. 23. per tot. pag. 150. & seq. tom. 2. edit. Taurin. 1749. quasi mediam sequitur viam inter has duas Sirmondi, & Mabillonii opiniones. Nimirum late demonstrat, Latinos per novem, aut octo saltem Ecclesiæ sæcula nullum posuisse discrimen inter azymum, atque fermentum, sed modo unum, modo alterum panem sine delectu consecrare solitos fuisse. Sententia hæc ceteris probabilior esse videtur, eaque firmissimis nititur argumentis, quæ late ab ipso Bona loc. cit. exponuntur. Eam vero, præter ceteros, sequuntur Gravesonius *Histor. Eccl. to. 3. edit. Rom. collog. 3. in fin.*, Tournellius *Prælect. Theolog. tom. 8. in 4. de sacram. Euchar. qu. 4. art. 5. concl. 3.*, Jueninius *de sacram. dissert. 4. quæst. 2. cap. 1. art. 4. §. 5.*, Drouvenius *de re sacrament. lib. 4. quæst. 2. cap. 1. §. 3.* Armenii, & Maronitæ Latinorum more azymum consecrant; sed a ceteris Orientalibus fermentum adhibetur. Michael Certularius Patriarcha Constantinopolitanus duabus literis, quarum alteram dedit ad Joannem Tranensem in Apulia Episcopum, alteram ad Petrum Patriarcham Antiochenum Latinos increpare ausus est, quod azymo uterentur, & nullam esse eorum consecrationem demonstrare conatus est. Sed insanum, atque impium hominem refutarunt*

Tom. II.

F

Leo IX.

Leo IX. præclara epistola, & Cardinalis Humbertus Silvæ Candidæ Episcopus egregio Dialogo, quæ, quique extat tom. 17. *Annalium Baronii pag. 92. & seq. edit. Lucæ.*

- 2) Concilium Florentinum in decreto Eugenii IV. col. 986. tom. 9. collect. Harduini.
- 3) Catechismus Romanus par. 2. cap. 4. §. 14.

§. XXXXV. Prioribus Ecclesiæ sæculis panis a Fidelibus oblatus cujuscunque molis, ac figuræ consecrari, sectusque in partes populo tribui solebat. Sed pace Ecclesiæ data, diligentiori curâ paratus est 1), atque in modum coronæ compactus 2), eique impressæ cruces, & characteres, qui Christum exhiberent, licet non iidem semper, & ubique fuerint 3). Erat autem panis non ita tenuis, ut deinceps esse caput, eratque tantæ magnitudinis, ut ex uno, qui consecratur, pane cuncti fideles sacramentum acciperent 4). At deinceps oblata in tenuem abierunt formam ad instar denarii; & tunc apud Latinos plures oblata consecrata sunt, grandior una pro sacerdote, minores aliæ pro populo, quæ minores oblata adhuc *particulæ* appellantur. Vino aliquantulum aquæ admiscetur 5), idque ex Apostolica traditione, & exemplo Christi, qui vinum cum aqua commixtum præbuit 6).

- 1) Concilium Toletanum cap. 6. tom. 3. col. 1797. collect. Harduini. Explicat autem diligenter Martenius de antiq. eccles. rit. lib. 1. cap. 3. art. 7. §. 23. & seq. pag. 116. tom. 1. laudat. edit., quo ritu, qua diligentia, & a quibus conficeretur panis, quem Sacerdos consecrabat.

- 2) Epiphanius in Ancorato num. 57. opp. tom. 2. pag. 60. edit. Paris. 1622., Cæsarius S. Gregorii Nazian-

zianzeni frater *dialog.* 3. *de fid. cathol.* pag. 797. *Bibl. PP.* tom. 5. edit. *Lugduni* 1677. , Gregorius M. *dialog.* lib. 4. cap. 55. col. 404. opp. to. 2. edit. *Maurin.* *Paris.* 1705. Hinc a quibusdam oblata *circulus*, & *rotula panis* appellatur. De forma panis, quo utuntur Græci, videndus Leo Allatius *de consens. Occident. & Orient. Eccles.* lib. 3. c. 15. num. 18.

- 3) Consule Goatium in not. ad *Eucholog.* Græcor. pag. 117. , Arcudium de *sacram.* lib. 3. cap. 38. , Catd. Bonam rer. *liturgic.* lib. 1. cap. 23. §. 18. pag. 209. & 210. tom. 2. edit. *Taurin.* 1749.
- 4) Confer Jueninium de *sacram.* dissert. 4. quæst. 2. art. 3.
- 5) Aliquantulum, inquam, aquæ vino admiscendum est, quoniam multo plus vini, quam aquæ calicis inludere oportet cap. 13. de *celebr. miss.* Concilium *Triburiense can.* 19. tom. 6. collect. *Harduini* col. 445. duas ex vino partes, unam ex aqua esse jubet. Sed cetera Concilia modicum aquæ infundi volunt, ne vini natura immutetur, neque deficiunt, quia pars calicis ex aqua esse debeat. Causas autem commiscendæ aquæ cum vino explicat Concilium *Tridentinum sess.* 22. cap. 7. de *sacrific. miss.* , & *Catechismus Romanus loc. cit.* §. 16.
- 6) Nullum quidem est in sacris literis expressum testimonium, quod Christus aquam vino admiscuit; sed ita tamen ab eo factum esse Conciliorum auctoritate, inquit *Catechismus Romanus par. 2. cap. 4. §. 16.* , & *S. Cypriani testimonio comprobatur.* Revera in antiquis *Liturgiis SS. Basilii*, & *Cyrilli* hujus a Christo factæ commixtionis dissetta mentio est; eamque etiam memorant *S. Irenæus contr. hæres.* lib. 4. cap. 33. num. 2. pag. 270. edit. *Paris.* 1710. , *S. Cyrtianus ep.* 63. ad *Cacil.* pag. 100. edit. *Rigaltii Paris.* 1666. , *S. Hieronymus comm.* in cap. 14. *S. Marci* col. 823. opp. tom. 1. edit. *Vallarsii Veronæ*, *S. Cæsarius Arelatensis hom.* 7. in *Biblioth. PP.* to. 8. pag. 826. edit. *Lugdun.*, Concilium *Carthaginiense III. can.* 24.

col. 125., Aurelianense IV. can. 4. col. 333., Trullanum can. 32. col. 559. *Delect. actor. Eccles. univers. tom. 1.* Ex quo intelligitur, quam graviter desipiant Calviniani, & Lutherani, qui hunc ritum aquæ vino admiscendæ in Eucharistia inter humana commenta, ac recentes traditiones referunt. Quamquam tamen aquæ cum vino commixtio sine mortali peccato prætermitti non possit, ea tamen si desit, constare sacramentum docet Catechismus Romanus *loc. cit. §. 17.* Ceterum, quæstio est, quæ sæculo XII. excitari cepit; num aqua in Christi sanguinem, an primum in vinum, deinde in sanguinem convertatur. Vide Drouvenium *de re sacrament. lib. 4. quæst. 2. cap. 3. §. 4.*

§. XXXVI. Verba, quibus consecratur panis, hæc sunt: *hoc est corpus meum*: vinum autem consecratur his verbis: *hic est calix sanguinis mei, novi, & æterni testamenti, mysterium fidei, qui pro vobis, & pro multis effundetur in remissionem peccatorum* 1). Munus Ministri, qui Eucharistiam administrat, in ea consecranda, ac distribuenda positum est. Eucharistiam consecrant soli Sacerdotes, non item inferiores clerici, multoque minus laici; quoniam Christus hanc potestatem tantum Apostolis, eorumque in sacerdotio successoribus concessit 2). Num plures simul Sacerdotes conficere Eucharistiam possint, ab antiquis Scholasticis disputatum est; sed id diu a Latinis factum, & nunc etiam a Græcis fieri constat 3). Quin apud nos manent adhuc vestigia antiquæ consuetudinis in Presbyterorum, atque Episcoporum ordinationibus.

1) Num in forma, qua consecratur calix, ad vim sacramenti tantum necessaria sint verba *hic est calix*

*lix sanguinis mei*, an etiã cetera requirantur, verus quæstio est, de qua vide Jueninium *de sacram. dissert. 4. quæst. 3. cap. 3.*, & Drouvenium *de re sacrament. lib. 4. quæst. 3. cap. 3.* Quamquam autem Christus voluntatis imperio Eucharistiam consecrare potuisset, revera tamen evangelicis verbis ex pane, & vino suum corpus, & sanguinem confecisse docet D. Thomas *in Summa part. 3. qu. 78. art. 1. ad 1.*, quem Theologi fere omnes sequuntur.

- 2) Concilium Lateranense IV. *cap. 1. tom. 7. col. 17. collect. Harduini*, & Tridentinum *sess. 22. cap. 1. Et can. 2. de sacrific. missæ*. Lutheri somnium est, omnes Christianos jure divino esse sacerdotes, & omnes, præsertim cum id necessitas postular, Eucharistix conficiendæ habere potestatem. Absurdam hanc doctrinam, & ceteros, qui ab ea dissimiles non sunt, errores Guosricorum, Montanistarum, Collyridianorum, Waldensium, Calvinianorum late refutant Theologi, atque inter ceteros Drouvenius *loc. cit. quæst. 4. cap. 1. Celebrem Terrulliani locum*, in quo omnes Christiani sacerdotes esse, & omnes offerre dicuntur, accurate intet ceteros expendunt Albaspinxus *de administrat. Eucharist. lib. 1. cap. 8.*, Herminierus *de sacramen. tom. 2. cap. 19.*, Benedictus XIV. *de Sacrific. Missæ sect. 1. cap. 13.*

- 3) Vetus sane hæc erat Latinæ, & Græcæ Ecclesiæ consuetudo, quam pluribus monumentis confirmant Morinus *de Sacr. Ordin. par. 3. exerc. 8. cap. 1.*, Card. Bona *rer. liturgic. lib. 1. cap. 18. §. 9. pag. 21. tom. 1. edit. Taurin. 1749.*, Martenius *de antiqu. eccles. rit. lib. 1. cap. 3. art. 8. §. 1. Et seq. pag. 119. tom. 1. edit. Antwerp seu Venet. 1763.* Eam apud Latinos desiisse suspicatur Bona *loc. cit. pag. 22.*, cum late diffusis Ordinibus mendicantium, multiplicata sunt onera missarum, atque ideo necesse fuit singulos Sacerdotes, ut iis satisfacerent, singulis diebus privatim celebrare. Nimirum ea res tota pertinet ad disciplinam, quam, salva fide, ab Ecclesia mutari posse, nemo catholicus inficiabitur. Vi-

de etiam Dominicum Georgiam *de liturg. Roman. Pontif. in princ. tom. 3.*, & Catalanum in *Pontific. Roman. par. 1. tit. 12. §. 17. pag. 140. & seq.*

§. XXXXVII. Eucharistiam a Sacerdote consecratam etiam Diaconi distribuere possunt. Quamquam enim jus ordinarium eam distribuendi sit penes ipsum, qui consecrat, non id tamen ita necessario pendet ab ordine sacerdotali, ut non etiam aliis committi possit. Et olim quidem Diaconi Eucharistiam populo tribuebant 1); verum id in Occidente præstabant, si necessitas urgeret, atque abesset Presbyter, aut juberet 2). Nunc soli Sacerdotes Eucharistiam administrant; & ejus quidem rei jus proprium, atque ordinarium Episcopi, ac Parochi est, ceteri Sacerdotes ex alterutrius delegatione id præstant 3). Sed jampridem eo jure utimur, ut omnes Presbyteri Eucharistiam præbeant, atque ita jus Parochorum ad viaticum, & paschalem communionem redactum est.

1) S. Justinus *apol. 1. num. 65. & 67. pag. 83. edit. Paris. 1742.*, Concilium Nicænum *can. 18. tom. 1. col. 1331. collect. Harduini.*

2) Auctor *Constit. Apostolic. lib. 8. cap. 28. apud Cotelerium PP. Apostolic. tom. 1. pag. 416. edit. Amstelædami 1724.*, Concilium Carthaginiense IV. *can. 38. col. 981. tom. 1.*, & Arelatense II. *can. 15. col. 774. tom. 2. collect. Harduini.* Quin propter gravem aliquam necessitatem minores quoque clericos, atque etiam laicos Eucharistiam tribuisse constat ex martyrologiis Bedæ, Adonis, Usuardi, atque ex Eusebio *histor. lib. 6. cap. 44. pag. 318. edit. Valesii Cantabrigiæ 1720.* Ac formidolosis illis temporibus, quibus Ethnici imperio poriebantur, laicos consecratum panem in domos suas detulisse

se, ut eo clam sumpto sese contra Tyrannos instructerent, testatur Tertullianus *lib. 2. ad Uxorem cap. 5. pag. 169. edit. Rigaltii Paris. 1675.* Quem morem etiam post pacem Ecclesiæ redditam obtinuisse demonstrant S. Hieronymus *ep. 48. ad Pommachium num. 15. col. 225. tom. 1. edit. Vallarsii Verona 1734.*, S. Basilius *ep. 93. ad Cæsariam pag. 186. opp. tom. 3. edit. Maurin. Paris. 1730.*, S. Zeno *lib. 1. tract. 5. pag. 60. tom. 1. edit. August. Windelic. 1758.* In suas autem domus Christiani deferabant Eucharistiam aut linea syndone, vel sacculo involutam, aut arca lignea inclusam, quod observant Fratres Ballerini in *S. Zenon. lib. 1. tract. 14. pag. 113. tom. 1. cit. edit.* Nunc apud Latinos non modo Dominicum corpus, sed sacra etiam vasa laici contrectare prohibentur. Nemo tamen dubitat, quin nunc etiam laicis hæc facultas dari ab Ecclesia possit; & certe S. Pius V. Mariæ Stuartæ Scotorum Reginæ, cum ab Elisabethæ Anglorum Regina catholicis infensissima carceribus detineretur, concessit, ut manu propria Eucharistiam sumeret.

- 3) Hinc in *Clem. 1. de privileg.* excommunicantur Regulares, qui sine speciali Parochorum venia Eucharistiam præbent.

§. XXXXVIII. Suscipere Eucharistiam possunt Christiani omnes, qui iusti, ac digni habentur; & olim quidem tum apud Latinos, tum apud Græcos obtinuit consuetudo, ut etiam infantibus post Baptismum Eucharistia tribueretur 1). Sed quamquam id probabili ex causa factum fuerit, numquam tamen Ecclesia infantibus rationis usu carentibus Eucharistiam necessariam iudicavit 2); & Latini jampridem ab ea consuetudine recesserunt 3), quam tamen Græci adhuc retinent 4). Nunc igitur Latini Eucharistiæ participes non faciunt pueros, nisi ea mente,

atque ætate sint, ut vim intelligant sacramenti; quod Episcopi, & Parochi iudicio æstimandum est 5). Perpetuo amentes Eucharistiam non sumunt; at si ante amentiam piam, & religiosam voluntatem ostenderint, in exitu vitæ eo sacramento donantur, nisi periculum vomitus, vel alterius indignitatis, & incommodi timeatur 6).

1) S. Cyprianus *de lapsis* pag. 94. edit. *Amstelædami* 1700., Auctor *Constit. Apostol.* lib. 8. cap. 13. apud Cotelierum *PP. Apostolic.* tom. 1. pag. 409. edit. *Amstelædami* 1724., S. Dionysius seu potius Auctor *Eccles. Hierarch.* cap. 7. §. 11. pag. 417. edit. *Antwerp. cit.*, S. Augustinus *ep.* 98. ad *Bonifac.* tom. 2. col. 265. de *peccator. merit.* lib. 1. cap. 20. col. 15. & 16. tom. 10., & *serm.* 174. cap. 6. col. 834. tom. 5. edit. *Maurin. Venet.* 1731., S. Innocentius I. *ep.* 30. ad *PP. Concil. Milevitan.* num. 5. pag. 898. apud *Constantium epist. Romanor. Pontificum.*

2) Concilium Tridentinum *sess.* 21. cap. 4. de *commun.* Quod decretum impudenter hæretici carpunt, atque abutuntur potissimum Augustini, & Innocentii locis, ut suadeant, eos infantibus necessariam Eucharistiam agnovisse. Ex horum hæreticorum numero sunt Joannes Dallæus, quique ejus errorem sequuti sunt Josephus Binghamus *origin. eccles.* lib. 15. cap. 4. §. 7. pag. 391. & *seq.* tom. 6. edit. *Hala Magdeburg.* 1759., & Petrus Zornius *Histor. Eucharist. Infant.* *Berolini edita an.* 1736. Sed horum commenta graviter, & accurate sunt a catholicis, doctisque viris refutata. Consule D. Thomam *lect.* 7. in cap. 6. S. Joannis, Card. Tolertum ad d. cap. annot. 28., Natalem Alexandrum *Histor. Eccles. sæc.* 5. cap. 4. art. 3. §. 10. tom. 5. pag. 109. edit. *Venet.* 1776., Card. Norisium, *Vindic. Augustin.* §. 4.

3) Vigebat hæc consuetudo apud Latinos etiam XI. sæculo, uti patet ex Hugone a S. Victore *de sacram.*



- eram. lib. 1. cap. 20. pag. 1376. Bibl. PP. to. 10. edit. Paris., & Radulpho Ardente scrm. in die Pasch. pag. 171. terg. edit. Paris. 1754., qui duo scriptores ea ætate floruerunt. Sed jam ævo suo antiquum morem desinere cœpisse, ipse Hugo tradit. Neque solum infantes statim post baptismum, sed & omnes innocentes pueri, tum in Oriente, ac præsertim Constantinopoli, tum in Occidente, potissimum vero in Galliis, Eucharistiæ patticipes fiebant, si quando multæ Dominici corporis particulæ superessent Evagrius lib. 4. histor. Eccles. cap. 36. pag. 416. edit. Valesii Cantabrig. 1720., Nicephorus Callistus Histor. eccles. lib. 17. cap. 25. tom. 2. pag. 772. edit. Paris. 1650. Gregorius Turonensis de glor. martyr. lib. 1. cap. 10. col. 732. edit. Paris. 1699., Concilium Matisconense II. can. 6. col. 396. delect. actor. Eccles. univers. tom. 1.*
- 4) *Consule Arcudium de sacram. Euchar. lib. 3. cap. 11., & Janum Nicium Erythræum epist. 24. lib. 7.*
- 5) *Catechismus Romanus par. 2. cap. 4. num. 62. & 63. Consule Benedictum XIV. de Synod. Diæces. lib. 7. cap. 12., qui ea de re copiose disputat.*
- 6) *Catechismus Romanus loc. cit. num. 64., S. Thomas in Summa part. 3. quæst. 80. art. 9.*

§. XXXIX. Eucharistia nonnisi a jejuniis sumenda est 1), exceptis ægrotis, quibus non jejuniis datur viaticum 2), cum in vitæ discrimine versantur. Nullum quidem ea de re divinum præceptum est: quin Christus Apostolis cœnatis suum corpus, & sanguinem dedit. Verum id ipse fecit peculiaribus, gravibusque de causis, neque Ecclesiæ ademit facultatem stabiliendi jejunii, quod stabilivit 3), & quo aliquem solvere unus Romanus Pontifex justis ex causis potest 4).

- 1) De hoc jejuniis, quod a dimidia nocte usque ad

ad tempus, quo Eucharistia sumitur, servandum esse constar, lare agit Benedictus XIV. *de Synod. dioces. lib. 6. cap. 8.*

- 2) Viaticum ab antiquis scriptoribus Ecclesiasticis appellatur quidquid Christianos munire posset, cum ex hac vita migrabant; idcirco eo nomine non Eucharistia solum, sed etiam Baptismus, Confirmatio, Absolutio, Extrema Unctio continebatur, uti ostendit Alaspinxus *observ. lib. 1. cap. 11. pag. 27. & seq. edit. Neapol. 1770.* Ita in Concilio Nicæno *can. 13. tom. 1. col. 330. collect. Harduini ultimum, & maxime necessarium viaticum*, quod pœnitentibus ex vita excedentibus tribuitur, est absolutio, non Eucharistia: & Concilium Vasense I. *can. 2. tom. 1. col. 1787. collect. Harduini edit. Paris.* memorat generatim sacramentorum viaticum. Sed nunc ejus vocabuli significatio angustior est, ac designat Eucharistiam, quæ morientibus datur.

- 3) Late hoc argumentum persequitur Augustinus *ep. 54. ad Januar. cap. 6. col. 126. tom. 2. edit. cit.* ubi postquam inquit: *liquido apparet, quando primum acceperunt Discipuli corpus, & sanguinem Domini, non eos accepisse jejunos; postremo addit: numquid tamen propterea calumniandum est universæ Ecclesiæ, quod a jejunis semper accipitur? Ex hoc enim placuit Spiritui S., ut in honorem tanti sacramenti in os Christiani prius Dominicum corpus intraret, quam ceteri cibi.* Vide etiam S. Thomam in *Summa par. 3. quæst. 80. art. 8.*, Nicolaum I. in *respons. ad consult. Bulgar. cap. 65. tom. 5. Concil. col. 375. collect. Harduini, Card. Bonam. ver. liturgic. lib. 1. cap. 21. §. 1. ibique Salam in not. tom. 2. pag. 108. edit. Taurin. 1749.*

- 4) Confer Benedictum XIV. *const. 55. tom. 4. ejus Bullarii pag. 248. edit. Romæ seu Venet. 1758.*, ubi Jacobo III. M. Britannicæ Regi post renuem cibum valerudinis causa sumptum facultas Eucharistia suscipiendæ conceditur. Ceterum in Sacramentario S. Gregorii *col. 73. opp. tom. 3. edit. Paris. 1705.* pueris, qui lac ob necessitatem suxe-
- rant,

rant, Eucharistia permittitur; quod etiam habet Ordo XV. Ecclesie Apamiensis apud Martenium *de antiq. Eccles. rit. lib. 1. cap. 1. art. 18. tom. 1. pag. 75. edit. indic.* Ordo aurem Romanus a Mabillonio descriptus *tom. 2. Musei Italici num. 46. pag. 28.* lactentes pueros tantum ante unam horam, quam Eucharistiam capiant, jejunos esse juber. Quin etiam feria V. in cœna Domini Eucharistiam in Ecclesiis quibusdam a non jejunis sumi consuevisse, constat ex *can. 29. Concilii Cathaginensis III. col. 126. Delect. actor. Eccles. univers. tom. 1.,* qua de re rogatus S. Augustinus *ep. 54. ad Januar. cap. 5. col. 126. tom. 2. cit. edit.* respondit, servandam esse locorum consuetudinem. Verum mos ille dandæ pueris Eucharistiæ jampridem antiquatus est, & illa, quam memotavi, consuetudo quarumdam Ecclesiarum, dandæ non jejunis Eucharistiæ feria V. in cœna Domini, Ecclesie lege sublata est. Vide Jueninium *de sacrament. dissert. 4. quæst. 8. art. 2. §. 1.*

§. L. Olim fideles, qui sacrificio intererant, quotidie 1), atque, ut plurimum, sub utraque specie panis, & vini, Eucharistiam accipiebant 2). Sed nullum umquam ea de re præceptum fuit; & certe sub una tantum specie integrum sacramentum suscipi, catholica fides docet 3). Imminuta etiam christianorum caritate quotidiana illa communio sensim desiit; ac denique necessitas suscipiendæ Eucharistiæ præcipuis quibusdam anni diebus ab Ecclesia imposita est. Primum ter in anno, hoc est in Natali Domini, in Paschate, in Pentecoste 4), postremo semel, hoc est saltem in Paschate, Christiani omnes Pœnitentiæ, & Eucharistiæ sacramenta accipere jussi sunt 5).

1) Quod ostendit illud *Lucæ Act. II. 42. de primis Chri-*

Christianis : erant autem perseverantes in doctrina Apostolorum , & communicatione fractionis panis , & orationibus ; quod de Eucharistica Communionem Patres intelligunt . Omnes , qui sacris mysteriis intererant , Eucharistiam suscipiebant Justinus *apol.* 11. num. 65. pag. 83. indic. edit. Paris. , Cyprianus *de orat.* pag. 191. edit. Paris. 1666. , Auctor *lib. de Eccles. hierarch.* cap. 3. §. 12. pag. 290. tom. 1. edit. indic. ; & canone 10. Apostolorum apud Cotelierum *PP. Apostolic.* pag. 443. tom. 1. cit. edit. damnantur fideles , qui ingrediuntur Ecclesiam , & scripturas audiunt , non autem perseverant in oratione , nec sanctam communionem percipiunt , quem canonem explicans de frequenti communione late disputat Beveregius in *cod. canon. Eccles. primit. lib.* 2. cap. 3. pag. 80. tom. 2. apud eundem Cotelierum *loc. cit.* Quin sua etiam ætate quotidianam communionem Romæ viguisse testatur Hieronymus *ep.* 48. ad Pammachium num. 15. col. 225. opp. tom. 1. edit. Vallarsii Veronæ 1734. quod , ipse inquit , non reprehendo , nec probō . Augustinus autem *ep.* 521. col. 125. tom. 2. edit. Venet. cit. variam ea de re Ecclesiarum consuetudinem demonstrat .

- 2) Antiquitus Christianos , ut plurimum , sub utraque specie Eucharistiam accepisse patet ex Apostolo I. *ad Corinth.* XI. 26. seq. , Justino Martyre *loc. cit.* , Cypriano *epist.* 57. pag. 253. ed. Amstelædami , Cyrillo *catech.* 523. numer. 21. & 22. pag. 332. edit. Paris. 1720. , Chrysostomo *hom.* 82. in *Matth.* pag. 788. tom. 7. edit. Montfauconii Paris. , Leone M. *sermone* 41. cap. 5. pag. 111. opp. tom. 1. edit. Romæ 1753. , Zenone *lib.* 2. tract. 38. pag. 251. & tract. 53. pag. 280. tom. 1. edit. August. Vindelic. 1758. , aliisque compluribus . Ut plurimum , inquam ; nam sæpe sub una tantum specie Eucharistiam datam constat , unde intelligitur , id semper Ecclesiam ratum habuisse , quod nullum sit præceptum , quo laici , & clerici sacrificium non conficientes Eucharistiam sub utraque specie accipere compellantur . Revera ad ægrotos in

in lecto decumbentes sub una tantum specie Eucharistia plerumque deferrebat; atque ita eam Serapionem, & Ambrosium accepisse tradunt Dionysius Alexandrinus apud Eusebium *histor. eccles. lib. 6. cap. 44. pag. 318. edit. Valesii Cantabrig. 1720.*, & Paulinus in *vit. Ambros. num. 47. opp. Ambros. tom. 4. col. XIII. edit. Venet. indic.* Similiter pueris infantibus, ut plurimum, sub una specie dabatur sacramentum, & fideles, qui, ethnicis dominantibus, Eucharistiam domi servabant, solum accipiebant panem, quem unum memorant Patres, ac nominatim Tertullianus *lib. 2. cap. 5. ad uxor. pag. 169. edit. Rigaltii Paris. 1675.*, non autem vinum, quod facile corrumpitur. Quia etiam in publicis conventibus diu fideles sub una panis specie Eucharistiam suscepisse die Pasceves ex Ordine Romano manifestum est. Fuse, ac diligenter ea de re contra Protestantes disserit Bosuetus duobus libellis, quorum alteri titulus est *de communione sub utraque specie*, alteri *defensa traditio de communione sub una specie*, Vide etiam, Selvagin *antiquit. Christian. lib. 3. cap. 9.*, Drouvenium *de re sacrament. lib. 4. quæst. 8. cap. 2.*, & Jueninium *de sacramen. dissert. 4. quæst. 9. art. 2.* In primis autem consulendus est doctissimus Cardinalis Garampius, qui in egregio opere, cui titulus *Memorie della B. Chiara di Rimini dissert. 5. pag. 177. Et seq.* tum de quotidianæ communionis, tum de Eucharistiæ sub utraque specie accipiendæ usu copiose, & præclare disputat. Ac gravissimas quidem habuit Ecclesia causas, propter quas communicandi consuetudinem sub altera tantum specie non solum approbaret, sed etiam decreti auctoritate firmaret, easque numerat Catechismus Romanus *par. 2. cap. 4. §. 66.* Ætate S. Thomæ adhuc in quibusdam Occidentis Ecclesiis consuetudo accipiendi sub utraque specie Eucharistiam perseverabat; uti patet ex ejus *Summa par. 3. qu. 80. art. 12.* Græci tamen hanc consuetudinem nunc etiam retinent, atque eam permitteudam censuerunt Concilium Florentinum, Leo X. in *constit. Ac-*

*cepimus*, & Clemens VII. in *constit. Provisionis nostræ* apud *Guerram Pontificiar. Constit. epitom. tom. 2. pag. 506.* Confer Leonem Allatum adnot. 1. de *Eccles. Occident. atque Orient. consens.*, & Arcudium *concord. Occident. & Orient. lib. 3. cap. 4.* Italo-Græcis hæc consuetudo integra relinquitur a Benedicto XIV. in *Const. Etsi pastoralis* 57. §. 6. pag. 106. num. 15. tom. 1., & *Const. allate* sunt 47. §. 25. tom. 4. ejus *Bullarii* pag. 183. ed. *Romæ seu Venet.* 1758.

- 3) Concilium Tridentinum *sess. 21. cap. 1. & 2. de communion.*
- 4) Concilium Agathense habitum VI. sæculo *can. 18. col. 1000. tom. 2. collect. Harduini edit. Paris. Sæculares*, inquit, *qui Natale Domini, Pascha, & Pentecoste non communicaverint, catholici non credantur, nec inter catholicos habeantur.* Eadem habet Synodus Turonensis III. habita IX. sæculo *can. 50. col. 1030. tom. 4. collect. Harduini.* Falso Gratianus Agathensem canonem Concilio Eliberitano, ac Turonensem Fabiano Pontifici adscribit *can. 19. & 21. dist. 2. de consecr.* : nam hæc disciplina, multo post Eliberitanum Concilium, ac Fabianum Pontificem inducta est.
- 5) Concilium Tridentinum *sess. 13. can. 9. de Eucharist.*, quo decreto confirmatus est canon Concilii Lateranensis in *cap. 12. de peniten. & remission.* Hic autem canon omnes utriusque sexus fideles saltem semel in anno proprio Sacerdoti sua peccata confiteri, & Eucharistiam suscipere jubet. Quæsitum est, quis proprius Sacerdos haberi debeat, & omnes scire consentiunt, proprium Sacerdotem, cui sua quisque crimina semel in anno aperire debet, & a quo sacramentaliter absolvendus est, esse Parochum; salva tamen Summi Pontificis in toto orbe Christiano, & Episcoporum in suis diocesisbus auctoritate, qui & eam exercere ipsi possunt, & aliis sacerdotibus exercendam committere. Quare non tantum qui proptio parochus, sed etiam qui aliis Sacerdotibus a Summo Pontifice, aut Episcopo delegatis sua confitentur crimi-

na,

na, Ecclesiæ præcepto satisfaciunt • Confer Natallem Alexandrum *dissert. de sensu canonis utriusque sexus in Thesaur. Theologic. to. 11. opusc. 9. pag. 548. seq.* Quod autem dicitur ab omnibus Christianis Eucharistiæ sacramentum in Paschate esse accipiendum, id de hebdomada sancta, & octava Paschatis accipiendum est Eugenius IV. in *Bulla Fide digna* 24. pag. 33. tom. 3. par. 3. *Bullarii Romani* •

§. LI. Certis autem verbis ab ipsis Ecclesiæ primordiis Eucharistia dari consuevit, uti nunc etiam datur 1). Primum Episcopi, tum Presbyteri, deinceps Diaconi, ceterique inferiores Clerici, Monachi, Diaconissæ, Virgines, ac tandem laici, primum viri, postea mulieres 2); & clerici quidem intra, laici extra sanctuarium 3); atque omnes non flexis genibus, uti nunc, sed stantes, prono tamen capite, ac demissis oculis 4), Eucharistiam accipiebant. Cuncti lotis manibus, & facie accedebant 5); manuque excipiebant Christi corpus 6), sanguinem aut calamo sugebant, aut ex calice ori admoto ebibebant, quin etiam interdum corpus sanguine intinctum porrigebatur 7) •

- 1) Auctor *Constit. Apostol. lib. 8. cap. 13.* apud Cotelierium *PP. Apostolic. pag. 409. tom. 1. edit. Amstelædami cit.*, & S. Ambrosius *de sacram. lib. 4. cap. 5. num. 25. col. 467. tom. 3. opp. edit. Vener. cit.* describunt formulam, quæ ea tempestate adhibebatur, eaque erat: *Corpus Christi: sanguis Christi* • Ætate S. Gregorii, uti testatur Joannes Diaconus in *eius vit. lib. 2. cap. 41. opp. S. Gregor. tom. 4. col. 58. edit. Paris. 1705.*, formula his erat concepta verbis: *Corpus D. N. Jesu Christi conseruet animam tuam* • Denique xvo Alcuini, uti ipse tradit *de Sabbato S. Paschæ col. 259. Bibl. PP. tom. 10.*

tom. 10. edit. Paris. 1624. , facta est formula ad hunc modum: *Corpus D. N. Jesu Christi custodiat te in vitam æternam*. At non eadem omnino ubique fuit. Recitata a ministro formula, Eucharistiam accipientes respondebant, *amen*. Auctor *Constit. Apostolic. loc. cit.*, Cornelius P. apud Eusebium *lib. 6. cap. 43. pag. 315. indic. edit.*, Augustinus *contr. Faust. lib. 12. cap. 10. col. 231. tom. 8. edit. Venet. cit.*, Leo M. *serm. 93. cap. 3. pag. 263. opp. tom. 1. edit. Romæ 1753.*, Cytillus Hierosolymit. *catech. 23. n. 21. pag. 331. cit. edit. Paris*. Sed jampridem apud nos receptum est, ut fideles Eucharistiam taciti accipiant.

- 2) Auctor *Constit. Apostolic. loc. cit.*
- 3) Concilio Toletano IV. *can. 18. tom. 3. col. 584. collect. Harduini* sancitum est: *ut sacerdotes, & Levita ante altare communicent, in choro clerici, extra chorum populus*. In Africa etiam laici ad cancellos, qui chorum a populo separabant, Eucharistiam accipiebant, quod colligitur ex Augustino *serm. 392. cap. 5. col. 1506. tom. 5. edit. Venet. cit.* Neophytis tamen, uti constat ex eodem Augustino *serm. 224. cap. 6. col. 969. d. tom. 5. cit. edit.* beneficii loco permittebatur, ut ad altare accederent. In Mediolanensi Ecclesia laicos extra sanctuarium communicasse, demonstrat factum Ambrosii, qui Theodosium Imperatorem sibi intra illud locum arrogantem sanctuatio prohibuit. Neque dissimilis fuit Græcorum consuetudo, uti colligitur ex Concilio Laodiceno *can. 19. col. 44. Delect. actor. Eccles. univers. tom. 1.*; verum Imperatori datus est intra sanctuarium locus Concilium Trullanum *can. 69. col. 568. loc. indic.* Galli tamen etiam laicis ad altare communionem permittunt, uti ostendunt Concilium Turonense II. *can. 4. col. 368. loc. indic.*, Gregorius Turonensis *Histor. Franc. lib. 10. cap. 8. pag. 491. edit. Paris. 1699.*, Cæsarius Arelatensis *serm. 289. in append. S. August. num. 3. opp. Augustin. tom. 5. par. 2. col. 482. edit. Venet. indic.*
- 4) Hanc quidem fuisse, & nunc etiam esse Græcorum

rum



rum consuetudinem , manifestum est ex Cyrillo catech. 123. num. 22. pag. 332. indic. edit. Paris. atque ex libris ritualibus . Idem de Latinis non audet affirmare Card. Bona rer. liturgic. lib. 2. cap. 17. §. 8. pag. 395. tom. 3. edit. Taurin. 1753. ; tantum monet , in missa solemnī Summi Pontificis Diaconum stantem communicare , omnino ex veteri ritu . Sed verisimile est , eandem Latinorum fuisse disciplinam . Confer Habertum in not. ad Pontific. Græcor. pag. 270. , Valesium in not. ad Euseb. histor. lib. 7. cap. 9. pag. 330. edit. Cantabrigiæ 1720. , Thiesium in Gallic. dissert. de altariibus , Salam ad Bonam loc. cit. not. 3. pag. 396.

- 5) S. Jo. Chrysostomus hom. 3. in ep. ad Ephes. pag. 22. tom. 11. indic. edit. , S. Augustinus serm. 17. cap. 5. col. 96. tom. 5. edit. Venet. indic. Eadem ratione mundissimas quisque vestes sumebat , cum ad Eucharistiam suscipiendam accederet; qua in re singulare est illud , quod legitur in vita S. Jonæ Monachi apud Bollandum 11. Februar. 10. 2. pag. 520. edit. Antwerp. 1658. , quod scilicet per annos octuaginta quinque mundam servavit vestem , qua tantum Eucharistiam suscepturus induebatur .
- 6) Dionysius Alexandrinus in ep. ad Xistum P. apud Eusebium histor. eccles. lib. 7. cap. 9. pag. 330. laud. edit. Cantabrig. , Cyprianus de lapsis p. 176. ed. Paris. 1666. , Basilius ep. 93. ad Cesariam Patric. pag. 187. opp. tom. 3. edit. Maurin. Paris. 1730. , Chrysostomus hom. in diem natal. Dom. num. 7. opp. tom. 2. pag. 365. edit. Paris. cit. , Damascenus de fid. orthodox. lib. 4. cap. 13. opp. tom. 1. pag. 271. edit. Paris. indic. , Augustinus contr. liter. Petilian. lib. 2. cap. 25. col. 233. tom. 9. edit. Venet. indic. , Ambrosius apud Theodoret. histor. eccles. lib. 5. cap. 18. pag. 215. edit. Valesii Cantabrig. 1720. , Cyrillus catech. 23. num. 21. pag. 331. cit. edit. Paris. concava manu , & sinistra dextere subjecta Christi corpus suscipi jubet . Hoc autem viros inter , atque mulieres discrimen intercedebat , quod viri nudis manibus , mulieres linteo Eucharistiam excipiebant , uti patet ex Casario Arelat. Tom. II.

tensi *serm.* 129. in *append. August. num.* 5. *opp. Augustin. tom.* 5. *par.* 2. *col.* 376. *cit. edit. Venet. & ex Concilio Antissiodorensi can.* 36. *col.* 390. *Delect. actor. Eccles. univers. tom.* 1. Atque huc etiam canonem 42. ejusdem Concilii Antissiodorensis referendum putant Card. Bona *rer. liturgic. lib.* 2. *cap.* 17. §. 3. *pag.* 369. *tom.* 3. *edit. indic.*, *Marxenus de antiq. Eccles. rit. lib.* 1. *cap.* 4. *art.* 10. *pag.* 156. *tom.* 1. *edit. Antuerpiæ seu Venet. indic.*, aliique complures. Nam eo canone sancitum est, ut *unaquæque mulier, quando communicat, dominicalem suum accipiat*. Illi autem dominicalem interpretantur linteam mundum, quo subjecto mulieres Eucharistiam accipiebant. Sed cum ea de re Antissiodorenses Patres satis egissent *can.* 36., neque verisimile sit, eos actum agere voluisse *can.* 42., recte Baluzius in Gratianum *can.* 19. *caus.* 23. *qu.* 3, ostendit, *dominicalem*, cujus in eo concilio mentio est, fuisse tegmen, quo mulieres ad Eucharistiam accedentes caput operiebant. Porro non uno, & eodem tempore ubique desiit mos Eucharistiæ manu excipiendæ. In Ecclesia Romana jam inde a sæculo VI. in os injectam Eucharistiam colligitur ex eo, quod narrat S. Gregorius M. *dialog. lib.* 3. *cap.* 3. *col.* 284. *opp. tom.* 2. *edit. Paris.* 1705. Ibi enim refertur communio cuidam muto, & clandestine distributa a S. Agapito, qui anno 535. Summus Pontifex creatus est, ac dicitur corpus *Dominicum in os misisse*. Similiter Rothomagensi Concilio sancitum est, ut nulli laico, aut *feminæ Eucharistiam in manibus ponant* (Sacerdotes), *sed tantum in os ejus*. Integrum hujus concilii canonem describit Mabillonius *præfat.* 12. 1. *part. sæc.* 3. *Benedictin. observ.* 11. *num.* 76. *pag.* XXXVI. *to.* 3. *edit. Venet.* 1734., quem editum putat circa annum 880., quo ex tempore, inquit, abrogari cepit mos ille Eucharistiæ manu excipiendæ, reservata tamen Diacono, & Subdiacono Dominici corporis tractandi facultate. Verum in Romana Ecclesia ante hanc ætatem Christi corpus in os mitti consuevisse, demonstrat Gregorii locus, quem paulo

lo ante descripsi ; nisi quis forte hoc singulare exemplum ducat, unde generalis consuetudo educi non potest. Consule Franciscum de Berlendis *de Oblation. ad altar. commun.* §. 5. pag. 137.

- 7) Postremum hunc modum rejecit Synodus Bracarenensis III. can. 2. col. 539. tom. 1. *Delect. actor. Eccles. univers.*, probavit autem Concilium Turonense apud Burchardum *Decret. lib. 5. cap. 9.* Et vero mos hic sæculo XII. omnibus fere ecclesiis communis erat, uti patet ex *epistola 2. Ernulfi Roffensis Episcopi ad Lambertum apud Dacherium spi-eileg. tom. 3. pag. 471. edit. Paris. 1723.* Confer Martenium *de antiq. eccles. rit. lib. 1. cap. 4. art. 10. §. 13. pag. 157. tom. 1. laudat. edit.*

§. LII. Eucharistia omnibus necessaria, qui eam suscipere possunt ; atque in primis eos, qui ex hac vita migrant, tam salutari viatico instructos, & munitos esse oportet 1). Ergo hac, præsertim de causa, ne quis subita vi morbi correptus sine hoc sacramento decedat, ejus in Ecclesia servandæ usus ab antiquissimo tempore inductus est 2). Labentibus annis Ecclesia nova voluit accedere nostræ venerationis argumenta adversus admirabile sacramentum, quod cum vere contineat gratiarum fontem uberrimum Christum Jesum, eo modo, quo Deum, colere, ac revereri debemus. Nam institutus est peculiaris dies festus Corporis Christi, & supplicationis genus, quod *processionem* dicimus, & mos inductus, ut Eucharistia publice fidelibus adoranda proponatur 3).

- 1) *Duplex est modus, inquit D. Thomas in Summa par. 3. quest. 80. art. 11., percipiendi hoc sacramentum, spiritualis, & sacramentalis. Manifestum est autem, quod omnes tenentur, saltem spi-*

*ritualiter, manducare; quia hoc est Christo incorporari. Spiritualis autem manducatio includit votum, seu desiderium percipiendi hoc sacramentum; & ideo sine voto percipiendi hoc sacramentum non potest homini esse salus. Confer etiam Dronyemum de re sacrament. lib. 4. quest. 8. cap. 1.*

- 2) Samuel Basnagius Calvinianus hom. annal. to. 2. ad an. 209. pag. 255. num. 5. consuetudinem Eucharistiae in Ecclesia servandae recentiorum esse arbitratur. Sed Basnagium solide, graviterque refutat Robertus Sala ad Bonam rer. liturgic. lib. 2. cap. 17. §. 6. not. 1. pag. 379. & seq. tom. 3. edit. Taurin. 1753; atque hujus quidem religiosae consuetudinis antiquitatem ipse etiam agnovit haereticus homo Josephus Binghamus origin. eccles. lib. 15. cap. 4. §. 11. pag. 409. tom. 6. edit. Halæ Magdeb. 1754. Erat autem receptaculum spiritualis alimoniae, hoc est Eucharistiae, uti loquitur Ambrosius ep. 4. ad Felic. opp. tom. 3. col. 792. edit. indic., vas ad instar columbae, vel turtis, ut plurimum, elaboratum, quod aut in praecipuo, aut peculiati altari servabatur Gregorius Turonensis de glor. martyr. cap. 86. col. 818. edit. Paris 1699., Concilium Constantinopolitanum sub Menna act. 5. col. 1319. tom. 2. collect. Harduini edit. Paris. Interdum etiam Eucharistia pone majus altare ad summum Ecclesiae parietem, ara non supposita, in vasculo patente retinebatur. Paulinus ep. 32. ad Sever. col. 197. edit. Muratorii Veronae in Baptisteriis supra fontes in pixide, quae columbam representabat, servatam docet Eucharistiam, quam recenter baptizati accipiebant. Consule Mabillonium comment. ad ordin. Roman. cap. 20. pag. 139. to. 2. edit. Paris. 1689., Martenium de antig. Eccles. ritib. lib. 1. cap. 5. art. 3. pag. 251. edit. laudat., Chatdonium Histor. sacrament. lib. 3. cap. 13. Supra altare autem Eucharistia non in imaginario ordine, sed sub crucis titulo, ut inquit Synodus Turonensis II. can. 3. in Delect. actor. to. 1. col. 367. nimirum non quovis loco, & cujusvis arbitrio, sed in medio altari, & sub crucis titulo posita esse de-

debebat. Sic enim interpretor hunc canonem, qui eruditorum torquet ingenia, neque assentior doctissimis viris Sirmondo, & Mabillonio, qui alias hujus canonis interpretationes ediderunt. Illud hoc loco animadvertendum est, Eucharistiam in Ecclesiis non patochialibus sine venia Sedis Apostolicæ retineri non posse Benedictus XIV. *Constitutio Quamvis justo* 7. §. 24. pag. 38. tom. 3. edit. Romæ seu Venet. 1754. Confer Cardinalem Pettam in *Constitutio Apostolicæ ad Constitutio 1. Urbani IV. sect. un. numer. 29. tom. 3.* Et quoniam facta mentio est antiquissimæ consuetudinis Eucharistiæ in Ecclesiis servandæ, pauca dicenda videntur de celebri, quæ non multis ab hinc annis exarsit, controversia, num scilicet, recte administraretur Eucharistia ex præconsecratis, an omnino ex sacrificio cum præsentibus communicandum sit. Nam anno 1737, cum Cremæ Episcopatum teneret Cardinalis Calinus, Josephus Guetterius cathedralis Ecclesiæ Canonicus contendere cepit, Fideles in ipsa Missa post Sacerdotem Eucharistiam accipere oportere, improbandam autem esse consuetudinem accipiendi extra sacrificium communionem ex præconsecratis. Ut omnis hæc controversia dirimeretur, a Benedicto XIV. die 13. Novembris anni 1742. edita est *Constitutio Certiores* 64. tom. 1. ejus Bullarii pag. 129. edit. Romæ seu Venet. 1754. In ea declarat Pontifex, quod pridem expresserat Synodus Tridentina, optandum quidem esse, ut in singulis Missis Fideles adstantes non solum spirituali affectu, sed sacramentali etiam Eucharistiæ perceptione communicarent, quo ad eos sanctissimi hujus sacrificii fructus uberius perveniret; statuit tamen, nullam esse necessitatem, qua Sacerdotes Missam celebrantes Sacram Eucharistiam omnibus petentibus infra ipsam actionem ministrare cogantur, neque improbari posse consuetudinem communicandi ex præconsecratis, cum id pro tempore, loco, & personis opportunum judicaretur. Nihilominus Michael Maria Nanaronius Dominicanus anno 1770. Neapoli catechismum edidit, quo Guetterii sententiam defen-

dere conatus est ; sed eum refutavit Dominicanus alter Josephus Maria Elephantes, edita Neapoli anno 1774. de hoc argumenti genere peculiari dissertatione . Nannaronius tandem rediit in bonam mentem ; sed adhuc adversus consuetudinem distribuendi fidelibus Eucharistiam præconsecratam anno 1779. Patavii dissertationem edidit *de incruenti novæ legis sacrificii communione* Carolus M. Traversarius ex Ord. Serv. B. M. V. Hanc Traversarii dissertationem, & Nannaronii catechismum damnavit Sacra Indicis Congregatio . Consule Franciscum de Berlendis *de oblation. commun.* §. 5. nu. 8. pag. 153. edit. Ven., R. Salam *in notis ad Bonam rer. liturgic. lib. 2. cap. 20. §. 2. not. 2. pag. 430. & seq. tom. 3. indic. edit.*; Jo. Laurentium Berrium *Theolog. disciplin. lib. 33. in append. cap. 21.*, Jo. Baptistam Gatticum *de orator. domestic.*

- 3) Diem festum corporis Christi instituit Urbanus IV. *in Bulla transiturus* 19. tom. 3. par. 1. *Bullarii* pag. 414. Morem autem solemniter circumgestandi Dominicum corpus memorant Gregorius Turo-nensis *de glor. martyr. lib. 1. cap. 86. cit. col. 818.* & Concilium Bracarense IV. *can. 6. col. 541. Delect. actor. Eccles. univers. tom. 1.* Cuncta hæc accurate persequuntur Jueninius *de sacram. dissert. 4. quæst. 4. art. 4.*, Thiersius *de exposit. Venerabilis*, Chardonius *Histor. Sacrament. lib. 3. cap. 14. 15. 16.*

§. LIII. Non sacramenti solum rationem habet Eucharistia, sed etiam sacrificii; imo unum novæ Legis sacrificium est. Nam quoties illud Sacerdos conficit, toties Christus Dominus sine cruore immolatur, redditque memoria immensæ caritatis ejus, qui pro nostrum salute Deo Patri semetipsum in ara crucis obtulit. Differt sacramentum a sacrificio, quod illud consecratione perficitur, omnis vero sacrificii vis in eo est, ut offeratur 1). Deinde sacramentum, præter ceteras utilitates, meriti causam affert iis, qui  
illud

illud recte suscipiunt; sacrificium vim habet non merendi solum, sed etiam satisfaciendi 2). Nam quemadmodum Christus Dominus in passione sua pro nobis meruit, ac satisfecit, ita qui hoc sacrificium offerunt, quo nobiscum communicant, Dominicæ passionis fructus merentur, ac satisfaciunt 3).

- 1) Catechismus Romanus par. 2. cap. 4. §. 71.
- 2) Concilium Tridentinum sess. 22. cap. 2. & can. 3. de sacrific. Missæ. Hinc catholica veritas de sacrificii, quod vere propitiatorium est, oblatione non solum pro vivis, sed & pro defunctis in Christo nondum ad plenum purgatis. Quarto sæculo Acrius preces pro defunctis fundendas esse negavit, quam nefariam hæresim ut everteret S. Ephtem Syrus S. Basilii discipulus, multas de defunctis odas, cantus, & carmina, officia scilicet defunctorum omnia, ut inquit Abraham Ecchellensis ad Catal. Ebedjesu pag. 45. composuit, de quibus vide Assemanum in Bibl. orient. tom. 1. pag. 132. & seq. Errorum illum Aerii renovarunt Protestantes; verum ea de re Ecclesiæ doctrina ita cerra est, atque omnium Patrum consentiente auctoritate firmata, ut plane desipiant, qui eam in discrimen revocare conantur. Nam ipsam testatissimam faciunt S. Cyprianus ep. 66. pag. 109. edit. Paris. 1666., Tertullianus de coron. cap. 3. de exhortat. castit. cap. 11. de monogam. cap. 10. pag. 102. 523. 531. edit. Paris. 1675., S. Zeno lib. 1. tract. 16. pag. 133. tom. 1. edit. August. Vindelic. 1758., S. Cyrillus Hierosolymitanus catech. mystag. §. n. 9. & 10. edit. Paris. 1720., S. Epiphanius de exposit. fd. num. 23. tom. 1. opp. pag. 1106. edit. Petavii Paris. 1622., S. Ambrosius ep. 39. ad Faustin. num. 4. opp. tom. 3. col. 1014., & in Orat. de obit. Theodos. col. 293. tom. 4. edit. Venet. cit. S. Augustinus confess. lib. 9. cap. 12. col. 168. tom. 1. de civitat. Dei lib. 21. cap. 24. col. 641.

tom. 7. de cur. geren. pro mort. cap. 1. col. 515.  
 tom. 6. cit. edit. Venet., alique complures, quos  
 longum est referre. Auctor *Constit. Apostolic. lib. 8.*  
*cap. 41. Et 42. PP. Apostol. tom. 1. pag. 423.*  
*Et 424. edit. Amstelædami indic. orationem descri-*  
*bit pro defunctis cum sacrificio fieri solitam. Con-*  
*fer Card. Bonam rer. liturgic. lib. 1. cap. 15. §. 4.*  
*pag. 307. Et seq. ibique Salam in not. tom. 1. edit.*  
*Taurin. 1747., Drouvenium de re sacrament. lib. 5.*  
*quæst. 7. cap. 1., Juveninium de sacram. dissert. 5.*  
*quæst. 5. cap. 1. Et seq., Benedictum XIV. de Sa-*  
*cristic. Miss. sect. 1. cap. 17. §. 1. Atque ex hac*  
 quidem catholicæ Ecclesiæ doctrina de divino sa-  
 crificio, quod prodest non tantum vivis, sed etiam  
 mortuis, qui nondum plane sint expiati, piæ Mis-  
 sarum fundationes repetendæ sunt. Quarum funda-  
 tionum præclaratum monumentum occurrit in testa-  
 mento S. Remigii Episcopi Remensis apud Flo-  
 doardum *Histor. Eccles. Remen. lib. 1. c. 18. p. 92.*  
*edit. Duaci 1617., qui ita Agricolum Presbyterum*  
*nepotem suum alloquitur: vineam, quam Bebrimo-*  
*dus fecit, tibi eatenus derelinquo, ut diebus festis,*  
*Et omnibus diebus dominicis sacris altaribus mea in-*  
*de offeratur oblatio. Ad hunc locum advertens Chri-*  
*stianus Lupus schol. in can. 69. Concil. Trullani*  
*opp. tom. 3. pag. 126. edit. Venet. 1724. adeo an-*  
*tiquum est, inquit, pro anima sua missas fundare.*  
 3) Catechismus Romanus loc. cit.

§. LIV. Sacrificium Eucharistiæ *Missa* nun-  
 cupatur, quod vocabulum non Græcum, aut  
 Hebraicum, sed Latinum est; verum, num a  
 mittendis, seu transmittendis ad Deum populi  
 precibus, atque oblationibus, an potius a mitten-  
 do, seu dimittendo populo, ea formula, quam  
 Diaconus recitabat, *ite missa est*, non satis con-  
 stat 1). Certæ in Missa preces, ac cæremoniæ adhi-  
 bentur; atque ille earum ordo vocatur Liturgia,  
 quod Græcum est verbum, ac Latine redditur  
 pu-



publicum ministerium . Semper hi ritus , atque hæ preces , in quibus verba Christi Eucharistiam instituentis principem locum obtinent , adhiberi consueverunt ; sed non eadem fuit ea de re Ecclesiarum omnium disciplina 2) . Hinc plures pro varia temporum , ac locorum ratione exortæ sunt Liturgiæ 3) ; & in Oriente quidem celebriores fuerunt Liturgiæ S. Basilii , ac S. Joannis Chrysostomi , in Occidente Romana , Ambrosiana , Gallicana , Hispanica , quæ etiam Mozarabica appellatur 4) .

- 1) Confer Card. Bonam , qui de Missæ nomine , ejusque origine late disputat *rer. liturgic. lib. 1. cap. 1. pag. 1. & seq. tom. 1. edit. Taurin. 1747.*
- 2) Apostolos recitata oratione Dominica , & formula consecrationis rem divinam confecisse , scribunt Gregorius M. *lib. 9. epist. 12. ad Joan. Syracus. col. 940. tom. 2. edit. Maurin. Paris. 1705.* , Honorius Augustodonensis in *Gemma anim. cap. 86. in Biblioth. PP. tom. 10. col. 1205. edit. Paris.* , Walfridius Strabo *de reb. eccles. cap. 22. col. 680. cit. Biblioth. PP.* , Beruo Augiensis Abbas *lib. de quibusd. ad miss. spectan. cap. 1. cit. Biblioth. to. 10. col. 697.* Contra Proclus Constantinopolitanus *de tradit. divin. liturg. pag. 159. edit. Lugdun. Bataror. 1617. fusissime , longoque verborum ambitu missam decantasse tradit , atque eos preces , & hymnos adhibuisse testatur Chrysostomus Hom. 27. in 1. ad Cor. num. 5. opp. tom. 10. col. 248. edit. indic. Has , quæ inter se pugnant videntur , sententias conciliat Card. Bona *loc. cit. cap. 5. §. 3. pag. 75.* inquiens , brevem illam formulam Apostolos adhibuisse , cum gravis metus , aut justa alia urgeret causa , longiorem autem , cum per tempus , & occupationes licebat .*
- 3) Liturgias , quæ Apostolis Petro , Jacobo , Matthæo , Marco tribuuntur , eorum revera non esse demonstrat

strat Natalis Alexander *histor. eccles. sæc. 1. cap. 12. art. 3. tom. 3. pag. 32. edit. Venet. an. 1776.* Eadem de liturgiis Petri, Marthæ, & Marci sententia est Cardinalis Bonæ *rer. liturgic. lib. 1. cap. 8. pag. 122. & seq.*, ibique Salæ in *not. laud. edit. Taurin.*; sed ramen ipse Jacobi liturgiam multis ruen-  
tur *loc. cit. §. 3. pag. 128.* Præclare autem ab ipso Cardinali Bona *lib. 1. cap. 9. §. 8. pag. 162.* animadversum est, quod *discors concordia in omnibus liturgiis* manifestum facit, ordinem sacrificii ab Apostolis traditum esse, atque in omnem terram diffusum. Quamvis enim non eadem sint verba omnium liturgiarum, neque in omnibus singule earum partes eodem modo locaræ sint, ramen omnes *iisdem membris coalescunt, quæ sunt peccatorum ante omnia confessio, tum introitus, sive quoddam quasi proemium, deinde Psalmi, ac lectiones Sac. Scripturæ, & potissimum Evangelii, Symboli recitatio, lotio manuum, commemoratio, & invocatio Sanctorum, preces pro omnibus vivis, & defunctis, gratiarum actio, & benedictio, præter ea, quæ essentialia sunt, oblationem scilicet, consecrationem, & communionem.* Qui sane Ecclesiarum omnium consensus nonnisi a Spiritu S. esse potest; & certe singularis est insania Protestantium, qui Missæ sacrificium Romanorum Pontificum inventum dicunt. Late hoc argumentum persequitur Rober-  
tus Sala in *notis ad Bonam loc. cit. not. 4. pag. 165. & seq.*; quin etiam saniores Protestantes catholicam veritatem confiteri, ac literis mandare non dubitarunt. Ex eorum numero, præter ceteros, sunt Ernestus Grabbius in *Irenæ. lib. 4. advers. hæres. cap. 32.* Thomas Brettius in *peculiar. dissertat.*, quæ extat in *collect. præcipuar. liturg. eccles. Christ. pag. 104. Londini 1710.*, & Samuel Jebbii in *Justin. dialog. pag. 215. Londini 1719.* Hi omnes cum catholicis farentur, Apostolos, cunctosque Ecclesię Patres Eucharistiam pro novi testamenti sacrificio habuisse, & sub speciebus panis, & vini illud Deo Patri in altari oblatum docuisse demonstrant.

4) Occupata ab Arabibus Hispania, Christiani quod essent

essent cum Arabibus commixti, *Mix tarabes*, & corrupta voce *Mozarabes* dicti sunt. Confer Rodericum rer. *Hispanic. lib. 3. cap. 22.*, & Pagium in *Baron. ad an. 714. num. 7. pag. 250. tom. 12. edit. Luc.* Inde Hispanica liturgia Mozarabica appellata est, quam antiquissimam esse constat. Ritus Mozarabicus servatus in Hispaniis fuit usque ad sæculum XI., sed eo sæculo ad exitum vergente abrogatus, ejusque loco Romanus suffectus est. Denique Cardinalis Franciscus Ximenius, ne tantæ antiquitatis ritus omnino interiret, cum novis characteribus in lucem emitri voluit, & collegium instituit Sacerdotum, a quibus quotidie divina officia, & Missatum solemnia eo ritu celebrarentur in sacello, quod in majori Ecclesia Toletana ædificavit. Sunt etiam Toleti aliquot Parœciæ, in quibus hic Mozarabicus ritus adhuc viget, idemque fit Salmanticæ in sacello Doctoris Talabricensis. Confer Alvarum Gomezium *de reb. gest. Card. Ximenii lib. 2.*, Eugenium Rbl esium *in vit. Card. Ximenii cap. 23.*, Catd. Aguirrini *tom. 3. Concil. Hispan. post concil. Burgense pag. 258. Et seq.*, Cennium *antiquit. Eccles. Hispan. tom. 2. dissert. 7.*

§. LV. Apostoli, eorumque successores in singulis provinciis divina officia persolverunt eo sermone, qui tunc ipsis communis erat 1); atque ita Hierosolymis Hebraice 2); Antiochiæ vero, Alexandria, atque in aliis Græcorum civitatibus Græce, Romæ, atque in toto Occidente Latine rem divinam confecerunt 3). Labentibus annis licet hæ linguæ vulgares esse desiissent, ac tantum doctis viris innotescerent, tamen Ecclesia eas in divinis celebrandis officiis retineri voluit, tum ut major ipsis accederet veneratio, tum ne frequens verborum mutatio sensim etiam mutationem sententiarum induceret 4). Interdum tamen populis, qui novissi-

me

me Christi Religionem susceperunt, Sedes Apostolica liturgias permittit, quæ vernaculo eorum sermone conscriptæ sint 5).

- 1) Apostolos, eorumque successores usque ad ætatem Hadriani Imperatoris Hebraicum sermonem, adhibuisse, tum deinceps Ecclesiam Græcum usurpare cepisse, putat Joannes Echius *de sacrific. miss. lib. 2. cap. 2.* Verum hæc opinio nullo nititur idoneo fundamento.
- 2) Hebraicum idioma, quo usi sunt Apostoli rem divinam conficientes, non illud erat antiquum idioma, quo veteris testamenti Patriarchæ usi sunt, & quod Apostolorum ætate ne notum quidem vulgo Hebræorum erat. Nam eo temporis cursu, quo ipsi Babylone captivi fuerunt, Hebraici sermonis, quem a parentibus acceperant, oblivisci, & Chaldaicam linguam addiscere ceperunt, qua deinceps usi sunt, aliquid tamen retinentes ex patris sermone, quem pridem adhibebant. Hinc orta est tertia lingua ex Hebraica antiqua, & Chaldaica mixta, quæ a regione Syriaca dicta est, quæque deinceps Hebræis vulgaris esse cepit, & Hebraica vulgo appellata, tum quod commixtas habebat ex Hebraico sermone voces, tum quod eam Judæi usurpabant. Hac lingua Christus Dominus usus creditur, & eadem S. Matthæi evangelium, ac S. Pauli Apostoli epistola ad Hebræos scripta traduntur. Atque hic est sermo Hebraicus, vel potius Syriacus, aut Syro-Chaldaicus, qui Christi, & Apostolorum ætate vernaculus erat sermo Hebræorum, & quo Apostoli rem divinam confecerunt. Confer Petirdierum *in dissert. critic. in Sac. Scriptur. dissert. 8. pag. 63.*, & Renaudotium *dissert. de Liturg. Orient. origin. Et antiq. cap. 6.*
- 3) Consule Card. Bonam *rer. liturgic. lib. 1. cap. 5. §. 4. pag. 79. tom. 1.* Negant Papebrochius *in conat. chronico. hist. diss. 15.*, & Martenius *de antiq. Eccles. rit. lib. 1. cap. 3. art. 2. tom. 1. pag. 101.* his tantum linguis divina mysteria ab Apostolis

cc-

celebrata fuisse, ac multa proferunt monumenta, ut conficiant, initio omnes gentes vernaculo sermone suo tem divinam consecisse. Sed eos graviter, lateque refellit Robertus Sala in not. ad Bonam loc. cit. not. 6. pag. 85.

- 4) Concilium Tridentinum sess. 22. de sacrific. Missæ cap. 8. *Etsi Missa*, inquit, *magnam contineat populi fidelis eruditionem, non tamen expedire visum est Patribus, ut vulgari passim lingua celebraretur.* Tum retineti jubet ubique cujusque *Ecclesiæ antiquum, & a Sancta Romana Ecclesia, omnium Ecclesiarum matre, & magistra, probatum ritum.* Porro de Missa vulgari sermone non celebranda plures extant doctorum hominum lucubrationes, quas omnes simul collectas superiori sæculo jussu Cleri Gallicani Patisiis edidit anno 1661. Antonius Vitræus, quibus apertissime ostenditur, quam tecte, quamque sapienter id ab Ecclesia constitutum fuerit. Late etiam ea de re agit, pluresque laudat, qui hoc ipsum argumentum egregie illustrarunt, Benedictus XIV. de *Sacrific. Missæ cap. 6.*
- 5) Ita Sclavis sæculo IX. a Joanne VIII. petmissa est liturgia vernaculo sermone, uti constat ex ipsius Joannis *epist. 247. ad Sfantopulerum* apud Labbeum *concil. tom. 11. col. 170. ed. Venet.* Constat Benedictum XIV. de *sacrific. missæ lib. 2. cap. 3. num. 14.*

§. LVI. Primis Ecclesiæ sæculis non omni die sacra mysteria peragebantur. Solum diem Dominicum Paulus 1) memorat; sed tamen ab Apostolis ternos dies in singulas hebdomadas, hoc est Dominicam, & quartam, sextamque feriam, constitutos fuisse, Epiphanius 2) tradit. Accessit etiam deinceps Sabbatum 3), qua die ab omnibus, exceptis Alexandrinis, atque Romanis, sacra mysteria celebrari consueverunt 4). Ætate Augustini variæ erant Ecclesiarum consuetudines, cum alibi quotidie, alibi Sabbato,

ac

ac die Dominico, alibi tantum Dominico die res divina perageretur 5). Sed jamdiu Latini cunctis diebus, exceptis feria sexta, ac Sabato majoris hebdomadæ, sacrificium conficiunt. Græci illud omittunt per quadragesimam, exceptis Sabbatis, Dominicis, & die festo Annunciationis; & cum non celebrant, adhibent Missam *præsanctificationum*, hoc est corporis Christi ante consecrati, quæ missa etiam a Latinis feria sexta majoris hebdomadæ adhibetur 6).

- 1) Paulus I. *ad Corinth. XVI. 2.*, quod etiam habet Justinus Martyr. *apol. 2. num. 67. pag. 83. edit. Paris. 1742.*
- 2) Epiphanius *exposit. fidei. num. 22. pag. 1105. to. 1. opp. edit. Petavii Paris. 1622.*
- 3) Basilii *ep. 93. ad Cæsar. Patric. pag. 186. opp. tom. 3. edit. Maurin. Paris. 1730.*
- 4) Socrates *Histor. lib. 5. cap. 22. pag. 295. edit. Valesii Cantabrig. 1720.* Verum non multo post etiam Romana Ecclesia aliarum consuetudinem recepit S. Hieronymus *ep. 71. num. 6. col. 432. tom. 1. edit. Vallarsii Veron.*
- 5) Consule Augustinum *ep. 54. ad Januar. col. 124. Et seq. tom. 2., Et serm. 58. de orat. dominic. ad competen. col. 339. tom. 5. cit. edit. Venet., Hieronymum cit. ep. 71. Hæc autem ad solemnem tantum missam, quam majorem dicunt, pertinere monet Martenius *loc. cit. art. 3. §. 4. pag. 103.**
- 6) De Missa præsanctificationum vide Card. Bonam *rer. liturgic. lib. 1. cap. 15. §. 5. tom. 6., & Salam in not. pag. 317. edit. Taurin. 1747., Leonem Allatum in prolegomen. ad Gabrielem Nau- dæum de Missa Præsanctificat. num. 1. pag. 1531., & Benedictum XIV. in Constit. allatæ 47. §. 31. pag. 188. Et Const. Ex quo primum 54. §. 32. pag. 234. tom. 4. ejus Bullar. edit. Romæ seu Venet. 1758.,*

qui

quibus duabus constitutionibus de Græcorum ritibus late disseritur.

§. LVII. Quin etiam uno eodemque die idem Sacerdos plures missas, & eas non in eodem, sed in diversis altaribus celebrabat 1). Ita in Natali Domini, Kalendis Januarii, in cœna Domini, in Paschate, in Rogationibus, in jejuniiis post Pentecosten, in festo Apostolorum Petri & Pauli, S. Joannis Baptistæ, S. Laurentii, & aliorum quorundam unus Sacerdos pluries rem divinam conficiebat, quot nimirum erant officia, & festa, quæ iis diebus occurrebant. Aliis quoque diebus plures Sacerdoti missas celebrare licebat 2); sed sæculo XI. positus est usque ad tertiam vicem huic arbitrio modus 3). Denique ut avaritiæ quæstus, & obloquentium suspensiones removeret Ecclesia, sancivit, ut semel tantum, nisi aliud necessitas postulet, a Sacerdotibus quotidie sacrificium fiat, excepto die Natali Christi Domini 4).

1) Gregorius Turonensis *de glor. Confes. cap. 50. col. 935. edit. Paris. 1699.*, Concilium Antissiodotense *can. 10. tom. 3. col. 445. collect. Harduini.* Consule Vicecomitem *de antiq. Miss. rit. lib. 3. cap. 28.*, Card. Bonam *rer. liturgic. lib. 1. cap. 18. §. 5. Et seq. pag. 13. Et seq. tom. 2. edit. Taurin. 1749.*, & Martenium *de antiq. eccles. rit. lib. 1. cap. 3. art. 3. §. 4. Et seq. pag. 103. Et seq. to. 1. edit. indic.*

2) Regino *de eccles. discipl. lib. 1. cap. 33. pag. 10. edit. Viennæ 1765.*, Walfridius Strabo *de reb. Eccles. cap. 21. in Biblioth. PP. tom. 10. edit. Paris. col. 679.*

3) Concilium Salegustadiense anni 1012. *cap. 5. to. 6. par. 1. col. 829. collect. Harduini.*

4) *Can.*

- 4) *Can. 53. de consecr. dist. 1. Cap. consulisti 3. & Cap. Te referente 12. de celebr. Missar.* Subditis tamen Hispaniarum, & Lusitanæ Regum a Benedicto XIV. in *const. quod expensis 61. pag. 296. to. 2. ejus Bullarii edit. Rom. seu Venet. 1754.* concessa est facultas duas, tresve missas celebrandi in die commemorationis omnium defunctorum, modo nihî exinde accipiant, easque speciatim non applicent. Ceterum nunc etiam necessitas, secundum Innocentii III. decretalem in *cap. 3. de celebr. missar.*, efficere potest, ut ab uno Sacerdote Missa repetatur. Verum Sac. Congregatio apud Fagnanum in *cap. in ordinando 1. de simon. num. 37.* declaravit, id tantum posse fieri, cum gravis urget necessitas, quæ primum Episcopo probari sit. Tum Benedictus XIV. in *Const. declarasti 3. pag. 13. tom. 2. certissimum*, esse monet, *Missionariis tantum a Sede Apostolica potestatem aliquando fieri, ut uno die sacrificium bis operentur; reliquis vero sacerdotibus opus esse, ut hoc de re facultatem ab Episcopo consequantur, etiamsi causa necessitatis intercedere videatur.* Ipse Benedictus XIV. in *Const. Apostolicum 16. §. 11. pag. 62. tom. 4. Bullarii edit. indic.* Missionariis in Angliâ degentibus bis interdum uno die sacrificium permisit, cum consensu Vicarii Apostolici, ob fidelis populi necessitatem. Quæ eadem necessitatis causa facit, ut Parochus, qui duas haber distantes Ecclesias, cum in unam universus populus convenire non potest, neque, alius est sacerdos, qui rem divinam conficiat, diebus festis, impetrata primum legitima facultate, duas Missas celebrare possit Benedictus XIV. in *Const. declarasti 3. pag. 9. tom. 2. ejus Bullarii edit. indic.*

§. LVIII. Initio sacra mysteria noctu, & vero etiam post cœnam peragebantur, tum ut fideles Christum imitarentur, qui post legalem cœnam primum obtulit sacrificium, tum ut ethnicos laterent conventus, quos in latebris habebant 1).



bant 1). Cum pax Ecclesiæ data est, confici res divina per diem capit; sed tamen etiam post ea tempora Ecclesia retinuit antiquam consuetudinem certis quibusdam temporibus, nimirum in nocte Natalis Domini, in pervigiliis Paschatis, & Pentecostis, atque in diebus ordinationum 2). Nunc sola Missa Natalis Domini noctu celebratur. Privatæ missæ quavis hora fiebant, uti nunc omni hora recte fiunt ab aurora usque ad meridiem 3); sed pro publicis, ac solemnibus Missis certæ erant constitutæ horæ, nimirum tertia, sexta, & nona 4).

1) Hinc Christiani ab Ethnicis appellati apud Minutium Felicem in *Lib. Octavius* pag. 332. edit. Paris. 1605. natio latebrosa, & lacifuga; atque hinc nocturnæ convocationes, & catus antelucani apud Tertullianum *apologi cap. 2. pag. 3. de coron. cap. 3. pag. 102. & ad uxores cap. 4. pag. 168.* edit. Paris. 1675.

2) Late ea de re disputat Card. Bona rer. liturgic. lib. 1. cap. 21. §. 4. pag. 114. & seq. ibique Sala in notis tom. 2.

3) Consule Martenium loc. cit. art. 4. §. 3. & seq. pag. 107.

4) Amalarius de rit. Eccles. lib. 3. cap. 42. in Biblioth. PP. tom. 14. pag. 1000. edit. Lugdun. Honorius autem de gemma animæ lib. 1. cap. 113. col. 1213. Bibl. PP. tom. 10. edit. Paris. cit. ita rem explicat, ut in festis tertia, in privatis diebus sexta, in quadragesima, vel in diebus jejuniî nona hora Missa peragatur, idemque tradit Durandus rational. lib. 4. cap. 1. Certe diebus festis hora tertia sacrificium offerri consuevisse, manifestum est ex Concilio Aurelianensi III. can. 14. to. 2. col. 1426. collect. Harduini, Gregorio M. hom. 37. in Evangel. num. 9. col. 1632. tom. 1. edit. Maurin. Paris. 1705., Gregorio Turonensi de vit. Patr. Tqm. II. H cap. 8.

cap. 8. num. 11. col. 1196. edit. Paris. 1699., *Reginone de eccles. discipl. lib. 1. cap. 33. pag. 10. edit. Viennæ 1765.* Atque ita intelligendi sunt Epiphanius *exposit. fidei cap. 23. pag. 1106. tom. 1. edit. Paris. 1622.*, & Walfridius Strabo *de reb. eccles. cap. 23. in Biblioth. PP. tom. 10. edit. Paris. col. 685.*, quorum alter *matutinis horis*, alter *ante meridiem* rem divinam conficiendam statuunt.

§. LIX. Nam Missa alia publica, alia privata est. Missa publica apud veteres ea præsertim erat, ad quam populus una cum suo Pastore conveniebat, atque in precibus, & oblatione communicabat; aderant autem clerici, qui suorum ordinum muneribus fungebantur 1). Quæ missa dicebatur *collecta*, & *synaxis*, quod ad offerendum, atque ad communicandum multitudo fidelium colligeretur 2). Verum lapsu temporum cum illa desiit frequens communio Christianorum, missa *publica*, sive *conventualis*, & *canonica* appellata est, quæ cum cantu, rituque solemni peragitur, quæque in omnibus cathedralibus, collegiatis, & conventualibus ecclesiis pro benefactoribus quotidie celebranda est 3). Parochialis quoque Missa, quam omnes Parochi saltem diebus festis pro populo, cui præsent, offerre debent, publica dicitur 4); ut distinguatur a privatis sacrificiis, quæ pro quovis homine privato, ac bene de ea Ecclesia merito offeruntur.

- 1) Non tantum clerici Missæ præsententes erant suorum ordinum munera exercentes, verum etiam Presbyteri adhærebant Sacerdoti sacra facienti, cum eoque communicabant, & ejusdem sacrificii participes erant, quem ritum late explicat Morinus *de sacr. ordinat. pag. 3. exerc. 8. cap. 11. & seq.* Cert. e.

Au-

Auctor *Apostolic. constit. lib. 3. cap. 11. & seq. pag. 401. loc. indic.* Episcopum describit, qui rem divinam agit cum Presbyteris adstantibus, offerentibus, & communicantibus. Verba etiam consecrationis ab adstantibus Presbyteris prolata fuisse tradit Amalarius *de Eccles. offic. lib. 1. cap. 12. in Biblioth. PP. tom. 14. pag. 945. edit. Lugdun.*, idemque patet ex vetusto Pontificali Ecclesie Rothomagensis apud Menardum *in not. ad sacrament. S. Gregor. not. 282. col. 337. opp. S. Gregor. to. 3. edit. Maurin. Paris. 1705.* Antiquæ hujus consuetudinis apud Latinos vestigia supersunt in Episcopoporum, & Presbyterorum ordinationibus; sed apud Græcos concelebratio adhuc viget.

- 2) S. Augustinus *in Brevi. collat. diei tertiæ cap. 17. col. 573. opp. tom. 9. cit. edit. Venet.* distinguit collectam a Dominico, veluti speciem a genere, uti nos publicam, solemnemque Missam a sacrificio distinguimus.
- 3) Confer ea de re Benedictum XIV. *in Constit. cum semper 103. §. 11. & seq. pag. 225. tom. 1. Bullarii.*
- 4) De Missa Parochiali vide laudatam *Constit. 103. Benedicti XIV. §. 2. & seq. pag. 223.*

§. LX. Privata Missa est, quæ sine cantu, ac solemnibus cæremoniis a solo Sacerdote celebratur, uno tantum ministrante; sive pauci alii, sive nulli intersint, sive solus Sacerdos, sive alii etiam Eucharistiam accipiant 1). Privata Missæ usus perpetuus in Ecclesia fuit, ut proinde sese deridendos præbeant recentiores hæretici, cum rem novam, & contra Missæ œconomiam prædicant id, quod constanti Ecclesiæ sententia, longaque vetustate firmatum est 2).

- 1) Missa privata differt a *solitaria*, quam nimirum solus Sacerdos, ministrante, ac præsentem nemine,

celebrabat. Id Missæ genus primum instituerunt Monachi Sæculo IX., deinde etiam sæculares Presbyteri arripuerunt. Verum hanc Missam vetuerunt sacri canones, quod præsertim absurdum esset in ea Sacerdotem dicere *dominus vobiscum*, *sursum corda*, *gratias agamus*, *oremus* Concilium Moguntinum an. 813. can. 43. col. 1015., Parisiense VI. lib. 1. cap. 48. col. 1324. tom. 4. collect. Harduini, Nannetense apud Ivonem par. 3. cap. 7., Can. 61. de consecr. dist. 1., qui canon sæculo IX. antiquior non est, & ideo male Soteri, aut Anacleto attribuitur.

- 2) Vide Concilium Tridentinum sess. 22. can. 8. & cap. 6. de sacrific. Missæ, Benedictum XIV. in Const. Certiores 64. pag. 129. tom. 1. ejus Bullar. edit. Romæ seu Venet. 1754. Et sane gravis est insania, atque error Lutheri, aliorumque hæreticorum, qui privatas missas, atque eas, in quibus solus Sacerdos sacramentaliter communicat, abrogandas censuerunt. Nam etiam privata Missa quamquam cateat externo illo solemnî ritu, qui intimitatem ejus naturam non attingit, verum est sacrificium, atque in ea similiter, sicut in Missa solemnî, verum Christi corpus, & sanguis consecratur. Atque hæ quoque Missæ, ut recte inquit Synodus Tridentina loc. cit., *vere communes censeri debent, partim quod in iis populus spiritualiter communicet, partim vero quod publico Ecclesiæ ministro non pro se tantum, sed pro omnibus fidelibus, qui ad corpus Christi pertinent, celebrentur*. Perpetuum ea de re Ecclesiæ usum, pluribus collectis ecclesiasticis monumentis, fuse demonstrant Card. Bona rer. liturgic. lib. 1. cap. 14. §. 1. & seq. ibique Sala in not. pag. 276. & seq. tom. 1., Natalis Alexander histor. eccles. sæc. 13. & 14. tota dissert. 13. pag. 476. seq. tom. 8. & sæc. 15. ac 16. dissert. 12. art. 12. num. 5. pag. 556. tom. 9. edit. Venet. an. 1776., Drouvenius de re sacrament. lib. 5. quest. 9. per tot.; eandemque rem agunt, petitis ex liturgiis argumentis, Muratorius dissert. de liturg. Roman. cap. 16. seq., & Assemanus in dissert. cod.

*cod. liturgic. lib. 6. par. 7. præmiss. sect. 2. art. 1. 2. 3.*  
 Videndus est etiam Emanuel Schelestratus in *act. Eccles. orient. contr. Luteran. cap. 1. de Missis privat. in Eccles. Græc. circ. fin.*, ubi narrantur conatus Lutheranorum, qui ut Orientales ad suam sententiam perducerent, ad Hieremiam Constantinopolitanum Patriarcham miserunt Augustanam confessionem, in qua privatæ Missæ tolluntur. Sed responsum est, ab Orientalibus, sicut ab Occidentalibus damnari pravam morem illorum, qui improba obtridendæ eleemosynæ cupiditate ad altare accedunt, non autem illos, qui ea, qua decet, pietate, & religione privatas Missas celebrant, ut Deo sacrificium offerant.

§. LXI. Omni etiam loco, ethnicis dominantibus, sive is esset privata domus, sive carcer, sive cæmeterium, sacrificium offerebatur 1). Cum ad Christianos Imperatores rerum summa delata est, eam ob rem publica templa ædificata sunt; & vero nunc tantum in Ecclesiis consecratis, aut jussu Episcopi benedictis res divina conficitur, nisi secus postulet necessitas, quia tunc ea recte fit quovis commodo, & decenti loco 2). Cum venia Sedis Apostolicæ etiam in privatis sacellis sacra mysteria celebrantur 3).

1) Act. Apostol. XX. 7. Auctor *Constit. Apostol. lib. 6. cap. 30. pag. 361.* apud Cotelærium loc. cit., S. Cyprianus *ep. 4. ad Presbyter. & Diacon. pag. 12. edit. Paris. 1666.*, Philostorgius *histor. eccles. lib. 2. cap. 13. pag. 484. edit. Valesii Cantabrig. 1720.*

2) Confer Benedicturn XIV. *Constit. inter omnigenas 89. §. 22. tom. 1. pag. 180. Bullar. edit. Romæ seu Venet. 1754.*

3) Vide Benedicturn XIV. *Const. magno 48. p. 216. tom. 3. Bullarij.*

§. LXII. Jam Ecclesiæ lege Christiani dominicis, festisque diebus Missæ sacrificio interesse debent. Ac vetus quidem Ecclesiæ disciplina fuit, ut iis diebus singuli accederent ad Ecclesiam parochialem, ibique interessent sacrificio, quod a Parocho conficiebatur 1). Verum hæc disciplina jampridem antiquata est; & licet deceat Christianos diebus festis ire ad Ecclesiam parochialem, nulla tamen ea de re necessitas est, & qui extra eam sacrificio intersunt, Ecclesiasticæ legi satisfaciunt, neque alicujus criminis rei sunt 2).

1) Concilium Sardicense *can. 14. col. 648. tom. 1.*, Quini-Sextum *can. 80. col. 1690. tom. 3. collect. Harduini edit. Paris.*, *Cap. 2. de Paroch.*

2) Leo X. *Const. Intelleximus 28. pag. 462. tom. 3. part. 3. Bullarii Romani*, S. Pius V. *Const. etsi 58. num. 8. pag. 376. tom. 4. par. 2.* Confer Benedictum XIV. *de Synod. dioces. lib. 11. cap. 14. §. 7. Et seq.*

§. LXIII. Mos in Ecclesia fuit, qui quidem diu servatus est, ut Fideles omnes, qui ad Missam convenirent, suam sacrificii partem hoc est panem, & vinum offerrent 1). Eo pane, ac vino Christi corpus, & sanguis conficiebatur, & quod supererat (supererat autem plurimum, quoniam satis lautæ, & copiosæ oblationes erant) id totum alendis clericis, & pauperibus inserviebat 2). Labentibus annis loco panis, & vini pecunia offerri cæpit, quæ initio dabatur Ecclesiæ, atque omnibus generatim clericis, deinceps autem data est certo Sacerdoti, ut privatim pro certis, designatisque personis sacrificium offerret 3).

- 1) Late ea de re disseram paulo post, cum de oblationibus agendi locus occurreret.
- 2) Confer Christianum Lupum *schol. in can. 13. Concil. Roman. V. opp. tom. 6. pag. 101. Et seq. edit. Venet. 1726.*
- 3) Ab ipsis Ecclesiæ primordiis in omnibus Christianorum templis fuisse arcam, in quam fidelium pecunia inferebatur, constat ex Tertulliano *apolog. cap. 39. pag. 31. edit. Paris. 1675.*, & Justino *apolog. 1. ad Antoninum Pium num. 67. pag. 84. edit. Paris. 1742.* Eandem consuetudinem adhuc IV. & V. sæculo perseverasse ostendunt Augustinus *serm. 356. tom. 5. par. 2. opp. num. 13. col. 1389. edit. Maurin. Venet. 1731.*, Hieronymus *ep. 71. num. 3. col. 431. opp. tom. 1. edit. Vallarsii Veronæ 1734.*, & Paulinus *ep. 34. sive serm. de g30-phylacio col. 213. edit. Veronæ 1736.* Sed quo primum tempore pecunia in arcam infertur desierit, atque ad ipsum altare offerri cæperit, certo definiti non potest. Testatur quidem Augustinus *ep. 12. ad Aurelium Primat. num. 6. col. 29. to. 2. opp.* tempore oblationis, seu Missæ pro defunctis fuisse simul denarios oblatos, sed eos oblatos fuisse constat ea lege, ut pauperibus tribuerentur. Honorius Augustodunensis, qui sæculo XII. floruit, in *Gemma animæ lib. 1. cap. 66. in Biblioth. PP. tom. 10. col. 1199. edit. Paris.* tunc pecuniam ad altare locq panis offerri cæpisse asseverat, cum fideles, qui sacrificio inteterant, sacrotum mysteriorum participes esse desierunt; vetum non ipsum designat tempus, quo id factum fuerit. Illud vero compertissimum est, quod recte animadvertit Thomassinus *vet. & nov. Eccles. disciplin. par. 3. lib. 1. cap. 7. num. 8.*, semper olim sive panem, sive denarium Ecclesiæ, atque omnibus generatim clericis offerri consuevisse, non dari certo Sacerdoti, ut privatim tem divinam ageret pro eo, qui oblationem fecerat. Morem offerendi eleemosynam certo Sacerdoti, ut ejus largitor exuberantem sacrificii fructum in se, altosve detiver, tantum sæculo VIII. inductum, ac sæculo XII. passim ubi-

que receptum putat Mabillonius *præfat.* 1. in *sæc.* 3. *Benedictin.* num. 62. pag. XXVII. edit. Venet. 1734., sed tamen eum longe antiquiorem esse contendit Franciscus Berlendius in *dissert. Historico-Theolog. de oblation. par.* 2. §. 2. Certe sæculo VIII. ad exitum vergente jam eam consuetudinem fuisse receptam, ostendit Chrodegangus Metensis Episcopus in *regula*, quam eo, aut IX. ineunte sæculo pro suis canonicis scripsit, & in qua *cap.* 32. *de elemosynis tom.* 4. *concil. col.* 1196. *collect. Harduini.* Canonicorum cuique permittit accipere, & in quemvis usum convertere elemosynam, quæ pro sua sibi Missa offerebatur. Sæculo vero XI. mos hic tam late patebat, ut etiam pueris notus esset, sicuti patet ex eo, quod de S. Petro Damiani memorix prodidit *Joannes Monachus in ejus vit. cap.* 2. *pag.* 3. *opp. Petri Damiani tom.* 1. edit. Paris. 1664., quem narrat repertum numum tradidisse Presbytero, qui Deo pro ejus Patre sacrificium offerret.

§. LXIV. Quæ pecunia offertur Sacerdoti, rem divinam facienti, non quasi pretium sit consecrationis Eucharistiæ, quod certe simoniæ crimen esset; sed quasi stipendium debitum Sacerdoti, qui cum altari serviat, habere ex eo debet, quæ suppeditent ad cultum, & ad victum 1). Et quoniam Episcopi est judicare, quid singulis Presbyteris in unoquoque loco sit necessarium, ut vitam honeste traducant, hinc ejus est definire, quid ipsis rem divinam facientibus tribuendum sit 2). Sacrificium pro eo speciatim oblatum, qui stipem dedit, non ei solum, sed etiam toti prodest Ecclesiæ; verum ille fructum ex eo capit uberiores, modo ad capiendum sacrificii fructum aptus, & idoneus sit 3).

- 1) Lutherani, & Calviniani improbant morem dandi



di pecuniā Sacerdoti rem divinā acturo, quasi ea pretium sacrificii sit. Sed hanc calumniam jampridem anteverterat S. Thomas 2. 2. quæst. 100. art. 2. ad 2. inquit: *Sacerdos non accipit pecuniā, quasi pretium consecrationis Eucharistiæ, aut Missæ decantandæ; hoc enim esset simoniacum, sed quasi stipendiū suæ sustentationis.* Et in 4. dist. 25. quæst. 3. art. 2. quæstionē 1. ad 4. *Facere pactionem, inquit, de Missa celebranda est simoniacum semper. Si tamen non habet alios sumptus, & non tenetur ex officio Missam cantare, potest accipere denarios, sicuti conducti Sacerdotes faciunt; non quasi pretium Missæ, sed quasi sustentamentum vitæ.* Huc etiam spectat Gersonius in opusc. de solitud. ecclesiastic. tom. 2. part. 19. pag. 603. edit. Antuerpiæ 1706. cum ait: *sufficere in primis debet ad consensum hujus veritatis usus totius communis Ecclesiæ, qui sic habet, & recipit, cui si quis detrahit, imprudenter se decipit.* Et part. 6. pag. 599. *Nihil æquius, inquit, secundum omnem legem esse deducit Apostolus 1. ad Corinth. 9. quam qui altario deservit, de altario & vivat.* Hæc eadem, quæ a D. Thoma, aliisque pietate, ac doctrina præstantibus viris de honorario Missarum adversus hæreticos animadversa sunt, quadrant etiam in libellum Neapolit editum, cui titulus *Dissertazione sull'onorario delle Messe*, de quo libello judicium ediderunt veritatis, ac sapientiæ plenum Scriptores Annalium Trivulsiensium ad menses Januarii & Februarii an. 1749. In hoc libello eadem pene dicuntur, quæ contra Missarum honorarium dicta, & a pluribus refutata sunt, tum potissimum recensentur mala, & incommoda, quæ ex eo propter sacerdotum avaritiam oriri dicuntur. Sed huic rei satis provisum est a Synodo Tridentina sess. 22. in decret. de observan. & evitan. in celebr. missæ, cum sancivit, ut Episcopi cujusvis generis mercedum conditiones, pacta, & quidquid pro missis novis celebrandis datur; nec non impræptunas, atque illiberales elemosynarum exactiones potius, quam postulationes, aliæque hujusmodi, quæ a simoniaca labe, vel

certe

*certe a turpi questu non longe absunt, omnino prohibeant; atque a Summis Pontificibus, præsertim Benedicto XIV., cujus præclata ea de re est Constitutio 22. pag. 34. tom. 1. ejus Bullarii edit. Romæ seu Venet. 1754. Si qui sunt Sacerdotes, qui saluberrimis hisce legibus non obtemperant, non ideo tollendum est Missarum honorarium, uti nemo tollenda dicat beneficia, quoniam interdum simoniæ causam præbent; itemque cetera bona, quoniam iis sæpe hominum vitia abutuntur.*

- 2) Consule Benedictum XIV. *de Synod. diæces. lib. 5. cap. 9. Et in Instit. Eccles. 56.* Atque in omnibus quidem, quæ ad Missarum celebrationem pertinent, Episcopus tamquam delegatus Sedis Apostolicæ etiam in exemptos jurisdictionem exercet Benedictus XIV. *in Const. accepimus 17. tom. 2. Bullarii pag. 78. indic. edit.*

- 3) Walfridus Strabo *de reb. eccles. cap. 22. col. 683. Bibl. PP. tom. 10. edit. Paris. cit.* visus est improbate consuetudinem, per quam sacrificium speciatim offertur pro illo, qui eleemosynam dedit, non plus illud ei prodesse ratus, quam cœtui fidelium universo. Sed quamquam sacrificium, si rem ipsam, ac præcipuum offerentem, nimirum Christum spectemus, vim intuitam habeat, tamen, ita Christo ipso volente, ejus effectus finitus est, & ideo plus ei, pro quo speciatim offertur, quam ceteris prodesse manifestum est. Aut enim sacrificium tamquam propitiatorium, seu satisfactorium habetur, & certe pro illo speciatim satisfact, cujus debiti dissolvendi gratia Deo exhibetur; aut tamquam impetratorium habetur, & profecto Deum movere ad uberiora beneficia ei concedenda, pro quo Sacerdos offerens sacrificium, Deum ipsum nominatim rogat. Rem omnem explicat diligenter D. Thomas *in 4. dist. 45. art. 4. quæstiunc. 1. & 2.* Hinc triplex Missæ fructus distinguitur, *Generalis, Specialis, Specialissimus.* *Generalis* ad rotam Ecclesiam pertinet, *specialis* ad eum, pro quo nominatim sacrificium offertur, *specialissimo* solus Sacerdos fruitur, præterea nemo.

§. LXV. Et quamquam Missæ, quæ pro uno nominatim celebrantur, universam quoque Ecclesiam attingant, tamen Sacerdos pro eo speciatim offerre sacrificium debet, a quo eleemosynam accepit, nec licet Missam unam celebrare, ac pro pluribus stipendium accipere. Nam suam adstringunt fidem Sacerdotes, ut pro uno rem divinam agant; ac præterea cavendum est, ne quis divinum illud opus in quæstum vertat, si pro pluribus stipendiis Missam unam celebrare liceret 1). Hinc qui propter beneficium, aut capellaniam, qua fruitur, tenetur onere celebrandæ Missæ, non potest pro eadem Missa eleemosynam accipere 2).

1) Confer propositiones damnatas ab Alexandro VII. num. 8. 9. 10. in *Bullar. tom. 6. par. 6. Const. 520. pag. 85.*, & Benedictum XIV. *Const. demandatam 87. §. 10. pag. 178. tom. 1. ejus Bullarii.*

2) Vide Decreta Urbani VIII. in *Bullar. Const. 132. pag. 335. tom. 5. par. 5. præsertim ad 4. dubium pag. 340.*, & Innocentium XII. in *Const. nuper 155. pag. 464. tom. 9. Bullarii.* Consule etiam Benedictum XIV. in *Instit. Eccles. 36. 56. 92.*, & de *Synod. dioces. lib. 5. cap. 9.*, & Gagliardum in *Instit. Canonic. lib. 2. tit. 7. num. 36. & seq.*, ubi de his omnibus, quæ pertinent ad missarum eleemosynas, late disputatur.



## SECTIO IV.

### *De Pœnitentia .*

- |   |  |
|---|--|
| LXVI. Effectus , & necessitas sacramenti pœnitentiæ . | LXXVII. Pœnitentium restituendum tempus .                          |
| LXVII. Ejus quasi materia .                           | LXXVIII. Vetusti sollemnibus Pœnitentiæ gradus antiquati .         |
| LXVIII. Confessio peccatorum .                        | LXXIX. Absolutio quando danda ?                                    |
| LXIX. Qualis confessio esse debeat ?                  | LXXX. Forma sacramenti Pœnitentiæ .                                |
| LXX. Satisfactio , seu Pœnitentia .                   | LXXXI. Minister hujus sacramenti .                                 |
| LXXI. Ea vel publica , vel privata .                  | LXXXII. In ministro requiritur potestas ordinis & jurisdictionis . |
| LXXII. Antiqui Pœnitentium gradus , seu stationes .   | LXXXIII. Unde sumitur potestas jurisdictionis ?                    |
| LXXIII. Flentes , & Audientes .                       | LXXXIV. Casus Episcopo reservati .                                 |
| LXXIV. Substrati , & Consistentes .                   | LXXXV. Casus reservati Summo Pontifici .                           |
| LXXV. Stationum Pœnitentiæ tempora .                  | LXXXVI. Omnia crimina Ecclesiæ potestati subiecta .                |
| LXXVI. Pœnitentium vitia .                            |  |

### §. LXVI.

**D**ei gratiam baptismo quæsitam , ac postea nostris criminibus amissam per sacramentum Pœnitentiæ recuperamus . Itaque quantum ad æternam salutem necessarius est baptismus non-

nondum regeneratis, tantum est necessaria pœnitentia iis, qui post baptismum criminis rei facti sunt 1); & recte hoc sacramentum *secunda post naufragium tabula* appellatur 2); quoniam in eo spes est posita, ac salus eorum, qui se contagione scelerum contaminarunt. Dicitur etiam hoc sacramentum *reconciliatio*, & *absolutio*, & *confessio*, & *manuum impositio reconciliatoria* 3), a Græcis autem *Μετάνοια*, & *Ἐξομολόγησις* 4) nuncupatur. Definitur a Theologis sacramentum, quo lapsis post baptismum contritis, confessis, ac satisfacere proponentibus absolutio a peccatis tribuitur.

1) Concilium Trident. sess. 14. cap. 2. de sacram. pœnit.

2) S. Hieronymus epist. 84. ad Pammach. num. 6. col. 524. tom. 1. opp. edit. Veron.

3) Concilium Arausicanum I. can. 3. col. 211. tom. 1. *Delect. actor. Eccles. univers.* Sed in Concilio Carthaginensi IV. can. 76. col. 137. dicitur simpliciter *manuum impositio*.

4) Exomologesis vocabulum & confessionem, & criminum pœnitentiam significat, quod late ostendunt Fratres Ballerini not. 40. in S. Zenonem lib. 2. tract. 14. pag. 197. tom. 1. edit. August. Vindelic. 1758.

§. LXVII. Hujus sacramenti quasi materia sunt actus Pœnitentis Contritio, Confessio, Satisfactio 1). Qui actus omnes in Pœnitente sunt necessarii, ut integrum sit sacramentum, atque ut ipse plenam, perfectamque suorum criminum veniam consequatur, & ideo pœnitentiæ partes dicuntur. Contritio est *animi dolor, ac detestatio de peccato commisso cum proposito non peccandi de cetero* 2); eaque duplex est, altera *cari-*  
*tate*

*zate perfecta*, quæ cum sacramenti voto conjuncta hominem Deo reconciliat, priusquam hoc sacramentum actu suscipiatur: altera imperfecta, quæ attritio dicitur, quoniam vel ex turpitudinis peccati consideratione, vel ex gehenna, & pœnarum metu communiter concipitur: eaque si voluntatem peccandi excludat cum spe veniæ, peccatorem ad Dei gratiam in sacramento Pœnitentiæ impetrandam disponit 3).

- 1) Eugenius IV. in Decreto Concilii Florent. col. 440. tom. 9. collect. concilior. Harduini. Conc. Tridentinum sess. 14. cap. 3. de sacram. Pœnit., Catechismus Romanus par. 2. cap. 5. §. 13.
- 2) Concilium Tridentinum loc. cit. cap. 4.
- 3) Concilium Tridentinum *ibid.*

§. LXVIII. Confessio est peccatorum accusatio, eo suscepta, ut virtute clavium veniam impetremus. Accusatio inquam, quoniam nostra scelera non ita commemoranda sunt, quasi ociosis auditoribus rem gestam narraremus, sed accusatorio animo ita sunt enumeranda, ut ea etiam in nobis vindicare cupiamus 1). Omnibus post baptismum lapsis integra peccatorum confessio jure Divino necessaria est: quoniam Christus Dominus ad cœlos migraturus Sacerdotes sui ipsius Vicarios reliquit, tamquam præsides, & judices, ad quos omnia Christianorum mortalia crimina deferantur, ut pro clavium potestate remissionis, aut retentionis peccatorum sententiam proferant. Quod judicium ferri, & justa, quæ facinori debetur, pœna imponi non potest, nisi omnia singillatim, ac perspicue crimina aperiantur 2).

1) Con-

- 1) Consule Catechismum Romanum par. 2. cap. 5. §. 38.
- 2) Concilium Tridentinum sess. 14. de sacram. pœnit. cap. 5.

§. LXIX. Itaque omnia mortalia peccata, quæ post omnes excussas animi latebras diligenter cogitanti occurrunt, Sacerdoti aperire oportet, ac præterea patefaciendæ sunt *circumstantiæ, quæ speciem peccati mutant* 1). Cuncta hæc apud solius Sacerdotis aures secreto deponuntur 2). Publicæ confessionis multa extant in antiquis monumentis exempla, eaque justas habuere causas, quas laudant Tridentini Patres; sed nulla umquam Ecclesiæ lege publicæ confessionis necessitas imposita est 3). Olim sedentes peccata confitebantur 4), qui nunc etiam mos Græcorum est 5); hodie Latini genua flectunt, quam consuetudinem a Monachis, ut videtur, arreptam sæculo XIII. usurpare ceperunt 6).

- 1) Confer Concilium Tridentinum loc. cit.
- 2) De sacramentali confessione, quæ apud Sacerdotis aures absolvitur, quamque semper agnovit, ac probavit Ecclesia, late inter ceteros agit Jueninius de sacram. Dissert. 6. quæst. 5. art. 2., collectis unoquoque sæculo Patrum testimoniis, aliisque ecclesiasticis monumentis, unde intelligitur, illam semper fuisse, quæ nunc est, ea de re Ecclesiæ sententiam. Quare, ut recte monet Julius Laurentius Selvagiùs *antiquit. Christian. lib. 3. cap. 12. §. 42.*, risu potius, quam solida confutatione excipiendum est commentum eorum, qui contendunt, Innocentium III. auricularem confessionem excogitasse vetustati prorsus inauditam. Ac multi quidem adversus catholicam de auriculari confessione doctrinam sunt, semperque fuerunt impetus,

tus, & conatus hæreticorum, qui nullo prorsus modo peccandi licentiam coerceri vellent. Ut mittam Valdenses, Albigenses, Wicleffianos in Calvinianis redivivos, Joannes Dallæus Calvinianus Minister libros quatuor contra auricularem confessionem in lucem edidit. Sed ejus, ac ceterorum hæreticorum delitamenta late refutavit Natalis Alexander *Histor. Eccles. sæc. 13. & 14. tot. dissert. 14. pag. 501. & seq. tom. 8. edit. Venet. cit.*; ejusdemque etiam Dallæi ratiunculis, atque commentis satisfacit peculiari tractatu, & responsione Dionysius Sanmarthanus Monachus e Congregatione S. Mauri. Videndi etiam sunt Emmanuel Schelestratus de *Concil. Antiochen. tot. cap. 9. a pag. 231. usque ad 307.*, Mabillonius *præfat. ad sæc. 3. Benedictin. num. 80. seq. pag. XXXVIII. tom. 3. edit. Venet. an. 1734.*, Juevinus de *sacramen. quæst. 5. dissert. 6. art. 2. cap. 1.*, Drouvenius de *re sacramen. lib. 6. quæst. 5. cap. 1.*, Selvagius *cit. cap. 12. per tot.*, aliique complures, qui catholicum dogma de auriculari confessione latissime ostendunt. Dallæi, ac ceterorum hæreticorum errores novissime renovavit Eybelius libello edito Vindobonæ an. 1784., cujus titulus latine redditus est: *Quid continent documenta antiquitatis Christianæ de auriculari confessione?* quo quidem libello totus Eybelii labor, & totum ingenium est in recoquenda crambe toties recocta, atque in alienis erroribus describendis. Deterrimum, & dignum homine hæretico librum merito damnavit sapientissimus, idemque optimus Pontifex PIUS VI. Apostolicis literis *Mediator Dei* datis die 11. Novembris 1784. Illud non omitam, etiam hostes sacramentalis confessionis experiundo discere, ac fateri debuisse, quam utilis, quamque necessaria ea sit non tantum ad salutem animarum, sed etiam pro communi Reipublicæ bono ad vitia comprimenda, virtutesque inducendas. Hinc, uti narrat Sotus oculatus testis in *4. dist. 18. quæst. 1. art. 1.*, cum propter abrogatam a Luthero sacramentalem confessionem virgines Deo dicatæ ex mona-



monasteriis ereptæ, furtâ, raptus, adulteria, aliæque multa, eaque gravissima mala erupissent, Norimbergensis Civitas Carolum V. Imperatorem publica supplicatione exoravit, ut ibi sacramentalis confessio restitueretur, quoniam tot, ac tantorum scelerum copia nonnisi ex ejus abrogatione processerat.

- 3) Confer S. Leonem M. *ep. 140. opp. tom. 2. pag. 492. edit. Romæ 1755.*, & Concilium Tridentinum *loc. cit.*
- 4) Consule Martenium *de antiq. Eccles. rit. lib. 1. cap. 6. art. 3. §. 5. pag. 265. tom. 1. cit. edit. Venet.*
- 5) Vide Leonem Allatium *de consens. Eccl. Occid. Et Orient. lib. 3. cap. 9. num. 6.*
- 6) Vide Martenium *loc. cit.*

§. LXX. Satisfactio est pœna, quæ pœnitenti arbitrio Sacerdotis imponitur. Per sacramentalem absolutionem remittitur quidem culpa, removenturque pœnæ in inferis constitutæ; sed tamen sæpe remanent peccatorum reliquiæ, & quæ criminibus debetur, pœna certo tempore definita 1). Nam omnis æqui ratio postulat, ut pro illatis Deo injuriis aliquid persolvamus; & consentanea est Divinæ clementiæ compensatio, quam ipse postulat, ut ea sit quasi frenum, quo diligentius contineamur in officio, atque a criminibus, pravaque consuetudine abstrahamur 2). Itaque necessaria est satisfactio, per quam eluatur quidquid sordium propter peccati maculam in anima resedit, ac solvamus pœnis temporariis, quibus tenebamur 3).

- 1) Concilium Tridentinum *sess. 14. de sacram. pœnit. can. 12. 13. 14. 15.*, Catechismus Romanus *par. 2. cap. 5. §. 65.*

Tom. II

I

2 Con-

- 2) Concilium Tridentinum *sess. 14. cap. 8. de sacram. pœnitent.*, Catechismus Romanus *loc. cit. §. 62. & 66.*
- 3) Catechismus Romanus *loc. cit. §. 64.*

§. LXXI. Hæc satisfactio passim dicitur pœnitentia, eaque vel publica est, quæ publice, & coram Ecclesia, vel privata, quæ clam, & privatim absolvitur. Mortalia peccata palam admissa publica pœnitentia expianda esse, constans semper Ecclesiæ doctrina fuit, ut ita publicæ offensionis satisfiat 1). Sed & publica pro gravioribus criminibus, licet occultis, pœnitentia frequens olim erat 2); quin etiam felicissimis illis Ecclesiæ temporibus multi erant, qui sceleris puri publicam pœnitentiam sponte suscipiebant.

- 1) Apostolus I. *ad Timoth. V. 10.* Concilium Tridentinum *sess. 24. de reform. cap. 8.*
- 2) Frequentissimam olim fuisse publicam occultorum, eorumque graviorum criminum pœnitentiam, inter omnes constat; vetum magna inter eruditos disputatio est, num hujus, pro occultis criminibus, publicæ pœnitentiæ necessitas aliqua umquam Ecclesiæ lege imposita fuerit. Joannes Morinus *de pœnitent. lib. 5. cap. 8.*, Natalis Alexander *Histor. Eccles. sæc. 3. dissert. 6. pag. 54. tom. 4. edit. Venet. 1774.*, aliique complures, Ecclesiæ lege sancitum putant, ut rei graviorum criminum, qualia erant idololatria, homicidium, adulterium, aliaque his affinia, licet ea essent occulta, publicam pœnitentiam agere cogerentur. Contra vero Bellarminus *in contrav. de pœnit. l. 3. cap. 14. opp. tom. 3. pag. 561. edit. Venet. 1721.*, Sirmondus *hist. pœnitent. pub. cap. 2. & 3. opp. tom. 4. pag. 482. & seq. edit. Paris 1696.*, Jacobus Petrus *ad Theodor. Cantaurien. pœnitent. tom. 2.*

ad

*ad calcem pag. 61. Et seq.*, Constantinus Roncaglia in *not. ad Natal. Alexandr. loc. cit. pag. 69.*, atque alii bene multi, nullam fuisse putant Ecclesie legem, qua propter occulta crimina, licet gravissima, publica pœnitentia imponeretur. Longum esset in hac questione immorari; confer tamen Robertum Salam in *not. ad Card. Bonam reliturg. lib. 1. cap. 17. §. 6. not. 4. pag. 380. Et seq. tom. 1. edit. Taurin. 1747.*, qui de ea multis disputat.

§. LXXII. Publica pœnitentia nullis certis definitis spatiis, atque solemnibus initio peracta est, eaque tota erat posita in ejectione ab ecclesia, laboriosisque operibus, quæ rei criminum suscipere cogeabantur 1). Sed post schisma Novatianum, quod medio fere tertio sæculo erupit, certa, atque solemnia agendæ pœnitentiæ spatia sunt constituta: ut ita vel externis ritibus Ecclesia occurreret Novatianis, qui dimittendi graviora peccata post baptismum admissa in Ecclesia potestatem esse negabant 2). Omnis hæc solemnitas, atque omnes hi ritus consistebant in certis gradibus, sive stationibus, quæ quatuor numero erant, *Fletus, Auditio, Substratio, Consistentia* 3).

- 1) Consule Mattenium *loc. indic. art. 4. §. 1. pag. 266.* Sane ab Ecclesie primordiis usque ad ætatem Montani, & vero etiam Tertulliani nullum fuisse solemne tempus agendæ pœnitentiæ constitutum, patet ex silentio Tertulliani, qui nusquam ejus rei meminit, quamquam de pœnitentia egerit, itemque ex silentio eorum, qui ante Tertullianum floruerunt. Idem jus fuisse a Montano ad Novatianum eorum, qui per ea tempora scripserunt, ac præsertim Cypriani silentium ostendit. Quin etiam

constat ex eorum temporum monumentis, rem hanc totam Episcopi arbitrio gestam fuisse; licet post Montanum diuturniores, quam antea, pœnædari consueverint, quæ omnia late persequitur Juenius *de sacram. dissert.* 6. cap. 4. art. 1. §. 1. & 2.

- 2) Confer Card. Bonam *rer. liturgic. lib.* 1. cap. 17. §. 3. ibique Salam *in not. pag.* 363. tom. 1. edit. Taurin. 1747., Morinum *de pœnitent. lib.* 4. cap. 1. num. 3., Albaspinzum *obser. lib.* 2. cap. 22. pag. 111. edit. Neapol. 1770.

- 3) Quatuor hos pœnitentiæ gradus, ut observat Natalis Alexander *Hist. Eccles. sæc.* 3. *dissert.* 8. tom. 4. pag. 77. edit. Venet. 1776., primus singillatim, ac distincte S. Gregorius Neocæsariensis cognomento Thaumaturgus *can. ult. epistolæ canonice* memotavit. Negat Morinus hunc canonem revera Gregorii esse; sed eum refellit Natalis Alexander *loc. cit.* Eorundem graduum mentio est apud S. Basilium *epist.* 199. *canonic. ad Amphilo-* *loch.* 2. *canon.* 22. & *ep.* 217. *canonic.* 3. *can.* 56. & *seq.* 64. 75. 77. 80. 81. 83. *opp. t.* 3. *pag.* 293. & 326. & *seq.* edit. Maurin. Paris. 1730., Concilium Aucyrarum *can.* 6. 16. 17. tom. 1. *collect. Harduini col.* 273. & 277., & Trullanum *can.* 87. *col.* 1691. tom. 3. Apud Latinos jam inde a IV. sæculo Pœnitentium divisiones fuisse, ostendunt Ecclesiæ per ea tempore ædificari, ac præsertim antiquissima Basilica S. Clementis, de qua videndi Joannes Ciampinius *vet. monument. Mus. par.* 1., & Philippus Rondininus, qui de ea penulteriam librum edidit. Hos etiam pœnitentium gradus, & ordines in vetustis Urbis Basilicis extitisse Ciampinius ostendit *loc. cit.* Consule Morinum, Albaspinzum, Martenium *locis indicatis*, itemque Christianum Lupum *in schol. ad can.* 11. *concil. Nicæni opp. tom.* 1. *pag.* 254. edit. Venet. 1714., & ceteros recentiores sacrorum rituum scriptores, qui singulos Pœnitentium gradus accurate describunt.

§. LXXIII. Primo gradu erant *Flentes*; qui scilicet extra Ecclesiam in porticu commorabantur, ac lugubri induti veste, sparsisque crinibus, & cinere, ac cilicio sordidati peccata sua publice confitebantur, & flentes, sæpeque etiam ad pedes provoluti fideles, qui Ecclesiam ingrediebantur, rogabant, ut sibi a Deo, atque Episcopo pœnitentiæ locum impetrarent 1). Hi potius candidati pœnitentiæ, quam veri pœnitentes erant. Proximum tenebant locum *Audientes*, qui scilicet Ecclesiæ narthecem ingressi Divinam Scripturam, sacrasque conciones audiebant, quibus finitis, cum reliquis audientibus, sive ethnicis, sive catechumenis ab Ecclesia exire juebantur 2). Erat hic gradus & beneficii, & opprobrii loco; beneficii, inquam, quoniam ita pœnitentia digni habebantur, opprobrii autem, quod iterum mittebantur ad audienda fidei rudimenta, quæ, quod graviter peccassent, vix didicisse videbantur.

- 1) Vide Cyptianum *de lapsis* pag. 177. *cit. edit. Paris.*, & epistolam Cleti Romani ad Cyptianum *epist.* 31. *pag.* 45., ubi flentium status graphice describitur, Ambrosium *de pœnitent.* lib. 1. *cap.* 16. *opp.* col. 523. *Et de laps. Virgin.* *cap.* 8. *col.* 392. *to.* 3., Concilium Agathense *can.* 15. *to.* 2. *col.* 999., Barchinonense I. *can.* 6. *col.* 1434. *tom.* 2., Tolentanum III. *can.* 12. *col.* 481. *tom.* 3. *collect. Harduini.* Apud Basilium *ep.* 217. *ad Amphilochem* *can.* 56. *opp.* *tom.* 3. *pag.* 326. *edit. Paris.* de voluntatio homicida, quem inter flentes per triennium esse jubet, habentur hæc: *quatuor annis deflere stans extra fores domus orationis*; hæc autem *can.* 75. *pag.* 328. de incesto, qui sororem vitiauit: *triennio defleat stans ad fores domus orationis.* Antiqua monumenta Ecclesiastica memotant etiam

*Hyemantes*, qui *Fletibus* inferiores erant, quoniam extra tectum Ecclesiae pulsī sub dio pœnitentiam agere cogeantur. Præsertim Ancyra Synodus can. 17. col. 33. in cit. *Delect. Actor.* t. 1., eos qui *rationis expertis animantia inierunt*, & qui *leprosi sunt*, vel fuerunt, iussit inter hyemantes orare. Verum hic gradus aut a *Fletu* non differebat, ut quidam putant, aut erat veluti extra ordinem gradus, in quo rei gravissimorum quorundam criminum versabantur, quoniam ordinarius pœnitentiæ cursus conficiebatur ex quatuor illis gradibus, quos recensuimus. Erant autem inter Hyemantes majori excommunicatione percussi, ac plane ab Ecclesia præcisi, quo etiam in loco, procul scilicet a partibus, iussi sunt stare leprosi, ne ceteros inficerent, & qui cum brutis, aut contra naturam luxuriabantur, quos monstra, & furias appellabant. Confer Card. Bonam loc. cit. §. 5. ibique Salam not. 2. pag. 374. & 377. tom. 1., Albaspinxum in not. ad cit. can. 17. Ancyran. pag. 203. edit. Neap. 1770., & Selvagium antiquit. christ. lib. 3. cap. 11. §. 21. not. 27., a quibus de hyemantibus, deque leprosis, qui in hoc loco erant, late disseritur.

- 2) Memorant *Audientes* S. Gregorius Thaumaturgus loc. cit., S. Basilius indic. epist. can. 57. pag. 326. Concilium Nicænum can. 19. col. 466. tom. 1. collect. Harduini. Similiter S. Gregorius Nyssenus in epist. canonic. ad Letojum Episc. Mitilenen. canon. 4. & 5. pag. 951. & seq. t. 1. edit. Paris 1615 hæc adversus homicidam voluntarium post novem annos in fletu exactos statuit: *tot annos in auditione permaneat, sola Doctorum, & Scripturarum auditione dignus habitus.*

§ LXXIV. In tertio gradu erant *Substrati*, seu *Genusflectentes*, qui stabant intra Ecclesiae ambitum usque ad ambonem; ubi post ejectos *audientes* in genua provoluti 1) manuum impositionem sub certis precibus accipiebant, inde etiam

etiam ab Ecclesia exhibant; interim vero jejuniis, precibus, durisque, & laboriosis operibus exercebantur 2). Quartus denique gradus erat *Consistentium*, qui ita dicebantur, quod post ejectos Catechumenos, ceterosque pœnitentes cum fidelibus in Ecclesia consisterent, precesque funderent 3). Hi participes quidem erant precum, quæ fidelium dicebantur, sed non item corporis, & sanguinis Christi, neque eorum oblationes recipiebantur: quo factum est, ut quarta hæc pœnitentium statio interdum *Segregatio*, & *Separatio* diceretur.

- 1) Illud quasi prætereuntes animadvertemus, non solum Pœnitentes Presbyteris, atque Episcopis præsertim advolvi solitos fuisse, sed & ceteros fideles id obsequii genus adversus illos a primis Ecclesiæ sæculis præstare consuevisse. Hinc illa orta est ethnicorum calumnia apud Minucium Felicem *Octavius pag. 333. edit. laud.*, Christianos *Antistitis*, ac *Sacerdotis*, quasi parentis sui, adorare naturam. Unde intelligitur, quam graviter desipiant, qui nostras adgeniculationes, seu genuflectiones ad Romani Pontificis Christi Vicarii pedes irrident; cum exploratissimum sit, hanc reverentiam ab antiquis Ecclesiæ sæculis etiam in Episcopos, & Sacerdotes semper adhibitam fuisse. Et Summo quidem Pontifici hoc semper obsequii genus Christianos exhibuisse, ejusque pedes osculari solitos fuisse, compertum est. In actis antiquissimis S. Susannæ Virginis, & martyris, quæ recitat Cardinalis Baronius *ad an. 194. num. 10. pag. 271. tom. 3. edit. Lucæ de Præpedita Claudii uxore* narratur, quod *audita viri tanta a Deo facta mutatione, repente ad Cajum Papam se contulit, ad pedesque coniciens, eos ex more exosculata, æque se ad fidem recipi postulabat.* Cum autem id eodem more factum dicatur, perspicuum est, id ab ipsis

Ecclesiæ primordiis fieri consuevisse ; quod & paulo post confirmatur in lisdem actis, ubi de eodem Ca-  
jo Pontefice dicuntur hæc : *ad cujus adventum qui  
erant congregati in domo Gabinii, in terram pro-  
straverunt se omnes ex more .* Eadem etiam de  
Maximo occurrunt . Vetustus Ordo Romanus, qui  
Gelasio tribuitur, apud Mabillonium *Ord. I. n. 11.  
Ord. II. num. 8. Ord. III. num. 10. pag. 9. 45. ,  
& 56. edit. Paris. 1689.* Diaconum inducit oscu-  
lantem pedes Pontificis, antequam Evangelium le-  
gat . In vitis Romanorum Pontificum, quæ Ana-  
stasio tribuuntur, pluries mentio est obsequii, quo  
Imperatores Summum Pontificem exceperunt . Cum  
Joannes I. an. 525. Constantinopolim adiret, cun-  
cti eum summo honore prosequuti sunt, sed præ-  
sertim Justinus Augustus dans honorem Deo humi-  
liavit se pronus, & adoravit Beatissimum Papam  
Joannem . Non multo post Agapetus simili honore  
exceptus fuit, quoniam piissimus Augustus Justi-  
nianus gaudio repletus humiliavit se S. Sedi Aposto-  
licæ, & adoravit Sanctissimum Papam Agapitum .  
Etiam Justinianus II. incunte VIII. sæculo hoc  
ipsum obsequium præstitit adversus Constantinum  
Summum Pontificem : in die autem, qua se invi-  
cem viderunt, Augustus Christianissimus cum regno  
in capite sese prostravit, pedes osculans Pontificis,  
deinde in amplexum mutuum corruerunt . Anastasi-  
us Bibliothecarius in Vitis Sum. Pontificum tom. 1.  
Sect. 33. pag. 95. Sect. 96. pag. 102. & Sect. 173.  
pag. 160. edit. Romæ 1735. Mitto cetera, quæ  
fusius, & uberius explicat Cajetanus Cennius dis-  
sert. 6. inter ejus dissertationes Pistorii editas  
an. 1778. tom. 1. pag. 171. & seq. Vide etiam  
Thomasinum *Vet. & nov. Eccles. disciplin. par. 2.  
lib. 3. cap. 65.*, & Dominicum a SS. Trinitate  
*Biblioth. Theolog. tom. 5. par. 2. lib. 4. sect. 11.  
cap. 42.*

- 2) Vide Concilium Ancytanum *can. 16. col. 32. cit.  
Delect. actor. tom. 1.*, ubi potissimum de sub-  
stratis agitur . Erat Substratorum statio intra Ec-  
clesiæ ambitum a portis usque ad ambonem, vi-  
deli-



delicet parvum illud, atque altius ædificium, ex quo legebantur Epistolæ, & Evangelium, Dyptica recitabantur, atque ad populum conciones habebantur. Adhuc Romæ extant vetusti quidam Ambones in Ecclesia S. Clementis, SS. Nerei, & Achillei, aliisque Ecclesiis, ac de iis late scripserunt Du-Cangius in *not. ad Pauli Silentarii description. Templi S. Sophiæ* num. 75. *Et seq. ac in Glossar. med. Et inf. latinis. verb. ambo*, Thiersius in *dissert. eccles. num. 2.*, Rondininus de *Eccles. S. Clemen. pag. 95.*

- 3) Concilium Nicænum can. 11. col. 318. tom. 1. *Collect. Harduini* hunc gradum vocat *communicare cum populo orationibus* *Χωρίς προσφοράς sine oblatione*, & can. 12. & 13. col. 330. *communio- nem orationis* appellat. Concilium Ancyranum, can. 4. & seq. col. 27. tom. 1. *Collect. Harduini* utitur his formulis: *communicent sine oblatione; sola oratione communicent: communionem ad preces assequantur.* Quæ formulæ etiam apud plures Latinos Patres occurrunt. Consistentium in Ecclesia locum fuisse ab Ambone usque ad Altare, inter omnes constat; sed non ita exploratum est, num permixti cum fidelibus, nullo discrimine, an potius ab iis loco disjuncti fuerint. Verisimilius tamen est, eos fuisse sejunctos; nam secus ad cancellos sanctuarii accedere potuissent, a quibus non offerentes, & non communicantes arcebantur.

§. LXXV. Certa erant stationum spatia pro singulis criminibus constituta; sed ea tamen pro gravitate delicti longiora, aut breviora erant 1): & vero rei gravissimorum quorundam criminum toto vitæ curriculo pœnitentiam agere cogebantur 2). Episcopus stata tempora pro vario pœnitentium studio contrahebat, aut producebat arbitrato suo; & hoc quidem Episcopi arbitrium interdum tam late patebat, ut posset pœniten-  
tes

tes ex Auditione ad Consistentiam, omissa Substratione, traducere 3). Longius, ut plurimum, erat tempus substrationis, quoniam hæc statio ad eluendas animorum sordes proprie erat instituta; & interdum anno decimoquinto absoluebatur 4).

- 1) Concilium Ancyranum *can. 5. col. 273. tom. 1. collect. Harduini*, S. Basilius *epist. 217. ad Amphilocho. fere per tot. opp. tom. 3. pag. 324. U seq. edit. Paris. cit.*
- 2) Hujusmodi pœnitentiam Concilium Elibetanum *can. 3. col. 249. tom. 1. collect. Harduini* constituit adversus eos, qui Flaminis, sive ethnici Sacerdotis officium suscepissent, *U can. 13. col. 251. adversus virgines consecratas, quæ se stupro contaminassent; Concilium Neæsaræense can. 2. col. 28. tom. 1. adversus mulierem duobus fratribus nuptam; Arelatense I. can. 14. col. 265. tom. 1. adversus eos, qui falso fratres accusaverant; Ancyranum can. 16. col. 277., Valentinum in Gallia can. 3. col. 790. eod. tom. 1., Ilerdense can. 5. col. 1065. tom. 2. adversus aliorum criminum reos. Confer Muratorium antiquit. Italic. medii ævi tom. 5. disert. 68.*
- 3) Concilium Nicænum *can. 11. col. 328. tom. 1. Collect. Harduini.*
- 4) Concillium Ancyranum *can. 16. loco mox laudato.*

§. LXXVI. Toto illo temporis cursu, quo Pœnitentes in iis stationibus versabantur, multas edere debebant dolentis animi significationes, seque etiam a multis, quæ ceteris licebant, abstinere. Et vero cinere aspersi, & operi cilicio 1), ac mares vel raso capite, vel tonsis capillis, mulieres autem aut sumpto pœnitentiæ velo, aut passis, tonsisve crinibus pœnitentiam acci-

accipiebant 2) . Præterea corpus jejuniis cruciabant , eleemosynas dabant pauperibus , iis etiam diebus , quibus ceteri fideles stantes orabant , flexis genibus preces fundebant , seque a balneis , conviviis , ipsoque matrimonii usu abstinebant 3) .

1) Cilicium erat vestis aspera ex pilis animalium contexta , quæ totum corpus operiebat Ambrosius *de laps. virgin.* cap. 8. num. 35. opp. tom. 3. col. 392. edit. Maurin. Venet. 1751.

2) Concilium Agathense can. 15. col. 999. tom. 2. Collect. Harduini, Toletanum III. can. 12. col. 481. tom. 3. Collection. ejusdem , Ambrosius loc. cit. , Hieronymus ep. 77. num. 4. col. 456. opp. tom. 1. edit. Vallarsii Veron. Velum pœnitentiæ , quod mulieres sumebant , memorat Optatus Milevitanus l. 2. contra *Parmenian* pag. 58. edit. Paris. 1676.

3) Consule Martenium *de antiq. Eccles. rit.* lib. 1. cap. 6. artic. 4. tom. 1. pag. 266. & seq. edit. indic. , a quo hæc omnia accurate describuntur .

§. LXXVII. Certus erat pœnitentium restituendorum dies 1) , nisi justa adesset causa , propter quam id celerius faciendum videretur . Nam citius restituebantur ii , quos martyrum libelli commendarent 2) , qui ad Martyrium , erant comparandi , qui illustrem Christo pii , & obsequentis animi significationem edidissent , qui in vitæ discrimine versarentur ; idem denique fiebat , si quid inde mali ab Ecclesia amoveretur , aut si quid boni in eam redundaret 3) . Quin etiam multi erant , qui sua crimina privata pœnitentia expiabant , neque publicam subire cogeantur , quamquam graviora flagitia admisissent . Hujusmodi erant juvenes propter ætatis fragilitatem 4) , & mulieres adulteræ , quoniam publica pœnitentia ,

tia, quæ certum erat earum criminis monumentum, iis mortis causa esse poterat 5) ; & conjugati, nisi conjugis consensus accederet 6) ; & clerici majores, qui clam in monasterio sua crimina deflebant, nisi publicam pœnitentiam sponte susciperent 7) .

- 1) Fetiæ V. in cœna Domini olim pœnitentes reconciliari consuevisse, demonstrat Innocentius I. in *epist. ad Decentium Eugubin. cap. 7. col. 862.* apud Coustantium *epist. Roman. Pontific. Hæc* quidem consuetudo erat Ecclesiæ Romanæ, aliarumque Occidentalium Ecclesiarum, quæ ejus ritus susceperant. Verum in Mediolanensi Ecclesia Pœnitentes reconciliari solebant feria sexta majoris hebdomadæ, uti patet ex S. Ambrosio *epist. 20. ad Marcellinam soror. num. 26. col. 908. tom. 3.*, & in *Hexamer. lib. 5. cap. ult. col. 130. tom. 1. edit. Venet. indic.* Eandem quoque consuetudinem viguisse in Hispaniis, atque in quibusdam Gallicanis Ecclesiis, ostendit Martenius *de antiq. eccles. rit. lib. 1. cap. 6. art. 5. §. 10. tom. 1. pag. 271.*
- 2) Confer Alaspinzum in *can. 25. Concil. Eliberit. pag. 167. edit. Neapol. 1770.*, & Natalem Alexandrum *hist. eccles. sæc. 3. & 4. dissert. 3. t. 4. pag. 46. edit. Venet. 1776.*
- 3) Late hæc omnia persequitur, & multis confirmat monumentis Natalis Alexander *loc. cit. dissert. 9. pag. 80.*
- 4) Concilium Aurelianense III. *can. 24. col. 1428. tom. 2.*, & Agathense *can. 15. col. 1000. tom. 2. Collect. Harduini.*
- 5) S. Basilius *can. 34. ibique Balsamon, & Alexius Aristinus in scholiis apud Beveregium in Pandectis tom. 2. par. 1. pag. 47.* Consule Card. Bonam *rer. liturg. lib. 1. cap. 17. §. 5. ibique Salam not. 1. pag. 373. & seq. tom. 3. laudat. edit. Taurin.*

6) Con-

- 6) Concilium Arelatense III. *can. 12. col. 775. tom. 2. Collect. Harduini.*
- 7) Siricius P. *ep. ad Himerium Tarraconen. Episc. cap. 14. col. 636. apud Coustantium loc. indic.*, Hieronymus *ep. 147. ad Sabinian. Diacon. col. 1078. tom. 1. cit. edit. Veron.* Confer Morinum *exerc. eccles. lib. 2. exerc. 14.*, Natalem Alexandrum *dissert. 11. pag. 89. loc. indic.*, & P. Coustantium *de pœnitent. major. Cleric. in Thesaur. Theolog. tom. 12. opusc. 12. pag. 191.*

§. LXXVIII. Solemnes illi, quos numeravi, publicæ pœnitentiæ gradus jampridem antiquati sunt 1) ; & nunc pœnitentia arbitrio Sacerdotis imponitur. Quod eo spectat, ut non certæ, sicuti olim fiebat 2), pro singulis criminibus constitutæ a canonibus pœnæ infligantur; verum Sacerdotes debent *salutares, & convenientes satisfactiones injungere* 3), quæ scilicet apte conveniant ad novæ vitæ custodiam, atque ad peccatorum castigationem. Hinc pœnitentiæ ministri, ut suo recte munere fungi possint, scire debent canones pœnitentiales, ut inde criminum gravitatem, & dignam crimine pœnitentiam noscant 4).

- 1) Solemnes publicæ pœnitentiæ gradus Constantinopoli sustulit Nectarius Patriarcha Constantinopolitanus; cujus exemplum etiam reliquæ Græcorum Ecclesiarum brevi sequutæ sunt. Consule Cl. Franc. A. Zachariam, qui rem totam diligenter explicat *diatrib. de pœnitentia Constantinopoli sublata a Nectario in Thesaur. Theolog. tom. 11. pag. 290.* In Occidente verus illa disciplina diutius obrinuit. Nam Latini octavo exeunte, nonoque ineunte sæculo gradus illos integros retinebant, uti patet ex capitularibus Caroli M. & Ludovici Pii *lib. 5. cap. 136. apud*

apud Baluzium *Capitul. Reg. Francor. tom. 1. col. 569. edit. Venet. 1772.* Medio sæculo IX. solemnes pœnitentiæ ritus memorat Nicolaus I. *epist. ad Rivoladrum Episcopum* apud Labbeum *tom. 8. concil. col. 503. edit. Venet. & epist. 24. ad Hincmar. Remens. col. 513., & Concilium Wormaticense an. 868. can. 30. col. 742. tom. 5. collect. Harduini.* Sed his in locis tantum tres Pœnitentiæ gradus describuntur, scilicet Fletus, Auditio, Consistentia, omittitur autem Substratio, quod etiam fit in epistolis Summorum Pontificum, & decretis Conciliorum, quæ ad eam ætatem pertinent. Denique sæculo XII. gradus illi pœnitentiæ apud Latinos fere ubique desierunt, atque ejus mutatæ disciplinæ causæ præsertim fuerunt canonicæ pœnitentiæ commutatio cum certis precibus, & corporis flagellis, cum pecunia collata in pauperes, atque in alios pios usus conversa, aut cum laborioso aliquo opere, quod in bonum Ecclesiæ redundaret; & ideo peccatores sæpe sunt-jussi arma capere contra hæreticos, aut infideles; & communis prope Theologorum ejus ætatis sententia, pœnitentiam in foro conscientiæ Sacerdotis arbitrio esse constituendam, quæ omnia late enarrat Moynus *de pœniten. lib. 10. cap. 16. & 25.*

- 2) Magna erat veterum Patrum cura, & diligentia, ut propria remedia, & justa pro unoquoque crimine pœnitentiæ tempora constituerentur. Ea de re agebatur in conciliis, ubi plures conditi sunt canones, consulebantur etiam primarum sedium Episcopi, & qui ceteris pietate, ac doctrina præstarent; & hi suas dabant literas, quibus apram, & idoneam ad singula crimina pœnitentiam, & ejus quoque tempus stabiliebant. Hinc collecti sunt *canones pœnitentiales*, ex quorum auctoritate pœnitentiæ imponebantur; & ideo cum Episcopi synodum habebant, inter cetera monebant Presbyteros, ut non *ex corde, sed sicut in pœnitentiali scriptum est*, pœnitentias darent apud Reginonem *lib. 1. cap. 98.* Similiter Episcopi, cum diœcesim lustrabant, illud in primis quærebant, num presbyter

sbyter habet librum pœnitentialem, & num secundum ejus leges pœnitentiam imponeret, uti patet ex Burchardo *lib. 1. cap. 94.*, & Reginone *lib. 1. cap. 95.* Multi adhuc extant hujusmodi libri Pœnitentiales evulgari a viris eruditis, quos memorat Benedictus XIV. *de synod. diœces. lib. 1. cap. 11. num. 3.*

3) Concilium Tridentinum *sess. 14. cap. 8. de pœnitent.*

3) Consule S. Carolum Borromeum *in præfat. ad canon. pœnitent.*, & Card. de Aguirre *ad can. 11. Et 12. Concilii Toletani III. tom. 2. collect. maxim. Concil. Hispan.*

§. LXXIX. Absolutio primis Ecclesiæ sæculis, ut plurimum, post actam pœnitentiam concedebatur 1). Verum cum ea res ad disciplinam pertineat, nullaque sit necessitas præmittendæ pœnitentiæ, ut integrum sit sacramentum, labentibus annis invaluit usus tribuendæ absolutionis, antequam pœnitentia peragatur. Quin & vetusta ætate quamquam ea, quam memoravi, disciplina obtineret, tamen sæpe ante emensa pœnitentiæ spatia absolutio dabatur, si quem libelli martyrum commendarent, si quis præclaram pietatis significationem edidisset, si qua gravis urgeret causa, quæ mitiorem disciplinam postulare videretur; diuque obtinuit, ut statim post confessionem dimitterentur crimina, quæ publica pœnitentia expiare non oportebat 2). Merito hinc damnatæ, & proscriptæ sunt duriores, asperioresque sententiæ illorum, qui Christi lege institutum ferunt, ut pœnitentia absolutioni præeat, ac minus probant eam, quæ nunc viget, disciplinam, per quam absolutio pœnitentiam antevertit 3).

1. Cy-

- 1) Cyprianus *ep.* 10. 52. 59. *pag.* 23. 66. 94. *edit.* Paris. 1666., Pacianus *ep.* 1. *ad Sympronian.* *pag.* 307. *Bibl. PP.* tom. 4. *edit.* Lugduni, Ambrosius *de peniten.* lib. 2. *cap.* 9. *col.* 549. tom. 3. *indic. edit.* Venet., Innocentius I. *ep.* 25. *ad Decent.* *col.* 862. apud Coustantium *epist. Pontif. Roman.*, Leo M. *ep.* 84. *ad Theodor. Forojulien. Episc.* *opp.* tom. 2. *pag.* 328. *edit. Romæ cit.*, Concilium Tolera-num III. *cap.* 11. *col.* 481. tom. 3. *collect. Har-duini.*
- 2) Consule Morinum *de penit. lib.* 9. *cap.* 14.
- 3) Sæculo XV. Petrus Oxomensis Theologix in Sal-maticensi Academia Professor docuit, satisfactio-nem absolutioni omaino esse præmittendam, isque a Sixto IV. damnatus est. Superiori sæcu-ulo hunc errorem aliqui renoverunt, contendentes, differendam esse absolutionem sacramentalem, ut prius aliqua saltem laboriosa opera a Sacerdote imposita Pœnitentes absolverent; sed eum dam-narunt Alexander VIII. num. 16. 17. 18. in *Bul-lar. Roman.* *pag.* 97. tom. 9., & Clemens XI. in *Constit. Unigenitus* 187. *pag.* 340. tom. 10. *ejus-dem Bullarii.*

§. LXXX. Formam hujus sacramenti con-ficiunt verba illa absolutionis, quæ Sacerdos pro-fert, *non nudum præstans ministerium pronuncian-di, remissa esse peccata, sed actum judiciale* exercens: *Ego te absolvo &c. quibus de Ecclesiæ more preces quædam laudabiliter adjunguntur, ad ipsius tamen formæ essentiam nequaquam spec-tant, neque ad ipsius sacramenti administra-tionem sunt necessariae* 1). *Indicativa hæc for-ma antiquissima certe est apud Latinos* 2); de Græcorum forma non eadem omnibus senten-tia est 3).

- 1) Concilium Tridentinum *sess.* 14. *de sacramen-*  
*penit.*



*pœnit. cap. 3. & 6.*

2) Joannes Motinus *lib. 8. de administrat pœnitent.* multis capitibus defendit, deprecativam fuisse formam sacramenti Pœnitentiæ, qua usque ad sæculum XII. Latini usi sunt. Morinum complures sequuntur, licet fateantur, nunc tantum indicativam esse formam, quam Synodus Florentina, ac Tridentina proposuit. Contra Latinorum formam & nunc esse, & semper fuisse indicativam, contendit Edmundus Simonetus *de Forma Sacrament. Pœnitent. in Thesaur. Theologic. tom. 11. opusc. 9. pag. 483. & seq.*

3) Simonetus *loco mox laudato artic. 5. pag. 535. & seq.* Græcorum formam non deprecativam, sed indicativam esse arbitratur. Sed alia sententia est Motino *loc. cit. cap. 12.*, Jueninio *de sacrament. dissert. 6. quæst. 7. cap. 2. art. 1.*, aliisque compluribus.

§. LXXXI. Minister sacramenti pœnitentiæ est Episcopus, aut Sacerdos 1). Si quando a Diacono datam absolutionem constat 2), non id referendum est ad sacramentalem absolutionem, quæ rei crimen tollit, quæque ordinis propria est, sed ad cæremonialem absolutionem: quæ pœnitentem solvit legibus publicæ pœnitentiæ, quæque etiam Diacono committi poterat, cum tota jurisdictionis sit 3). Similiter si quem laico sua interdum patefecisse crimina scriptum est 4), factum id fuit patientiæ, & demissionis causa, non quod laicus per sacramentum pœnitentiæ solvere quemquam posset 5).

1) Concilium Tridentinum *sess. 14. de pœnitent. c. 6.*, Eugenius IV. *in decret. union. Armen. tom. 9. collect. Harduini col. 440.*, Leo X. *const. 44. tom. 3. par. 3. Bullarii pag. 489.*, ubi inter ceteros damnatur Lutheri error, quod ydelicet in  
*Tom. II. K sacra-*

sacramento pœnitentiæ, ac remissione culpæ non plus facit Papa, aut Episcopus, quam infimus Sacerdos; imo, ubi non est Sacerdos, æque tantum quilibet Christianus, etiamsi mulier, aut puer esset. Quo in luto ante Lutherum hæsitaverant Wicleffus, Flagellantes, & Hussitæ qui spreto Sacetdotis Tribunali sua apud laicos crimina confitebantur, atque ab iis absolutionem obtinebant, ut videte est in lib. 3. de gestis Baldevvini de Luczenburch. cap. 9. apud Biluzium *Miscellan. Historic. tom. 1. pag. 324. edit. Luca. 1761.* Quinquam, ut in ceteris, ita etiam in hoc errore Lutherus inconstans, & varius de captivit. Babylon. unum Baptismum Sacramentum habeat: quo factum est, ut quasi dux familiz proseminatæ sint Lutheranorum, quorum alii Pœnitentiam sacramentum esse affirmant, alii negant. Adeo verum est, nonnisi in Ecclesia catholica unam semper, & eandem esse fidem.

2) S. Cyrtianus *ep. 12. pag. 25. edit. Paris cit., Constitutiones Odonis Parisiensis Episcopi cap. 56. tom. 6. par. 2. col. 1946. collection. Harduini, Cap. fures de furtis, si vera est lectio, quæ vulgo traditur, Presbytero, vel Diacono confessi fuerint. Nam Antonius Augustinus in not. ad prim. Collect. Decretalium lib. 5. tit. 26. cap. 4. pag. 326. edit. Luca. 1769. legendum esse monet Presbytero, vel Deo, uti est in can. 31. Concilii Triburensis col. 449., tom. 6. collect. Harduini, unde illud caput desumptum est.*

3) Confer Cardinalem de Aguirre *Concil. Hispan. tom. 1. pag. 729.*, Natalem Alexandrum *Hist. Eccles. sæc. 3. dissert. 4. tom. 4. pag. 49. edit. Venet. 1776.*, & Benedictum XIV. *de Synod. Diacesis lib. 7. cap. 16. num. 7. ad 8.* Late etiam, ac solide hoc argumentum persequitur Carolus Blaschus *dissert. 1.*, & contra Basnagium, Launojum, atque alios ostendit, numquam Diaconos, etiam urgente necessitate, pœnitentiæ sacramentum administrasse.

4) *Can. qui vult de pœnitent. dist. 6.* Multa hujusmodi exempla colligunt Moriaus *de pœnitent. lib. 8. cap. 24.*, Jueninius *de sacram. dissert. 6. quest. 5. cap. 4.*

cap. 4. art. 2., Martenius *de antiq. Eccles. rit. lib. 1. cap. 6. art. 6. §. 8. pag. 274. tom. 1. cit. edit. Venet.*

- 5) Vide D. Thomam in 4. dist. 17. quæst. 3. art. 3. quæst. 2., & vide etiam Benedictum XIV. loc. cit. num. 9. & seq.

§. LXXXII. Ut autem valeat absolutio, in ministro requiritur non tantum potestas Ordinis, per quam ei ex divina institutione committitur iudicium animarum in foro pœnitentiæ, sed etiam jurisdictionis. Potestas Ordinis efficit, ut Presbyter iudicium hoc sacramentaliter exercere possit; sed frustra id exerceret, nisi haberet subditos, in quos suam explicet potestatem. Atque hæc est potestas jurisdictionis, quæ tota pendet ex imperio in subditos, adeo ut sine subditis nulla sit. Cetera sacramenta sine hac potestate conferre non licet, sed tamen valent collata cum sola ordinis potestate; verum sacramentum pœnitentiæ utramque desiderat; quoniam opus est ministro, per quem & conferatur gratia, & feratur sententia, quæ tantum valet prolata in eos, qui Iudicis jurisdictioni subjecti sunt 2).

- 1) Concilium Tridentinum sess. 14. de sacram. pœnitent. cap. 6. & can. 9., & Catechismus Romanus par. 2. cap. 5. §. 54.  
2) Consule Cl. Christianopolum in libro della nullità delle assoluzioni ne' casi riservati cap. 2. §. 3. §. 109. pag. 158. & seq.

§. LXXXIII. Jurisdictio penes Episcopum in omni diœcesi est, & ideo nisi quis eam ab Episcopo obtineat, in ejus subditos exercere iudicium, ac sententiam ferre non potest. Pa-

rochi, cū animarum curæ præficiuntur, sui officii jure obtinent hanc potestatem; quia cum Parochi fiunt, accipiunt ab Episcopo subditos, quos regant, & in quos jurisdictionem exercent 1). Ceteri Sacerdotes, quibus nulli cum beneficio subditi dati sunt, opus habent venia Episcopi, a quo ad hoc munus apti, & idonei judicentur, ac muneris gerendi potestatem accipiant 2). Itaque Parochi posteaquam rite constituti sunt, jure proprio; reliqui Sacerdotes, sive ex sæcularibus, sive ex regularibus, jure delegato pœnitentiæ sacramentum administrant.

- 1) Parochos a Christo ipso fuisse institutos, ut una cum Episcopis, subjecta tamen ipsis potestate, Ecclesiam regerent, quorundam opinio est; & id quidem demonstrari vult libro, qui ex Gallico in Italicum sermonem conversus Florentiæ prodit anno 1783. cum titulo: *L' istituzione divina de' Parochi, e loro diritto al governo generale della Chiesa*. Eadem est sententia Petri Tamburini in libro, cui titulus *Vera idea della S. Sede*. Verum, quam falsa hæc opinio sit, satis ostendit ipsa Parochorum origo, quæ certe III. sæculo antiquior non est. Initio nulli erant Parochi, qui proprium haberent officium regendi populum, sed Episcopus unum, aut alterum eligebat Presbyterum, cui modo unam, modo alteram populi partem committebat, & cui adimebat officium eodem arbitrio, quo dederat. Nemo enim, uti nunc Parochi sunt, certo erat addictus populo, quem perpetuo regeret jure officii sui: dabat Episcopus subditos cuivis Presbytero, dabat quamdiu, & quos velle, neque ulla erat injuria Presbytero, a quo Episcopus repetebat subditos suos, quos vel ipse per se regeret, vel alteri Presbytero regendos committeret. Lapsu temporum maluerunt Episcopi Parochos eligere, hoc est Presbyteris quibusdam certam

tam populi partem perpetuo regendam committere ; atque ita Parochorum potestas ab Episcopali ordine , tamquam a fonte , procedens instituta est ; sed ita tamen instituta , ut hujusmodi Presbyteri in rebus omnibus ab Episcopo penderent , ac nihil agerent sine mente , aut conscientia Episcopi , ut inquit Concilium Laodicenum *can. 57.* , & Toletanum I. *can. 20. in Delect. actor. Eccles. tom. 1. col. 48. & 148.* Ex quo intelligitur , quam falsa sit opinio illorum , qui Parochorum officium , & potestatem a Christo ipso repetunt . Et certe quæ divini juris sunt , non nisi a Sacra Scriptura , vel a Divina Traditione procedunt . Atqui neutra Divinam Parochorum originem ostendit . Nam , quod ajunt , Parochos septuaginta Discipulorum locum obtinere , id tantum dicitur per quamdam similitudinem , quatenus videlicet , sicut discipuli populos Christo parare debebant , ita idem quoque Parochorum munus est . Revera Discipuli missi quidem sunt in omnem locum , & civitatem , quo Christus erat venturus , ad animos ejus adventui præparandos , sed neque erant sacerdotali characterè insigniti , neque ipsis erat tributa potestas regendi populos , neque electi ad sacramenta administranda , cum potestas clavium non nisi in Petrum , & Apostolos a Christo collata fuerit . Itaque procul aberant Discipuli ab iis , quæ proprie Parochum constituunt . Et quemadmodum Discipuli propria Parochorum potestate , atque imperio initio carentes , eam interdum ab Apostolis obtinebant , cum ab ipsis ad regendos populos mittebantur , ita Parochi postmodum instituti fuerunt , cum eos vocarunt Episcopi ad Ecclesiæ regimen plus minusve suæ potestatis in eos conferentes . Late hoc argumentum persequitur Cornigius peculiari dissertatione , quam descripsit II. tomo operis , quo jura defendit Episcoporum ; & vide etiam Bolgenium *Esame della vera idea della S. Sede pag. 7. & seq.* , atque Auctorem operis *de l'autorité des deux puissances tom. 2. par. 3. sup. 1. §. 3.* Ad hæc autem , quæ dixi , adverti

diligenter volo, ut omnibus pateat, quæ vera sit animi mei sententia de Parochorum jurisdictione, quam ipsis committi arbitror ab Episcopis, quos Ecclesiæ Rectores Christus constituit. Nam Scriptores Annalium Ecclesiasticorum Florentiæ, quod harum Institutionum *lib. 1. tit. 2. sect. 2. §. 17. not. 2.* scripsi, Presbyteros interdum appellari *Sacerdotes secundos*, aut *secundi ordinis Sacerdotes*, ut distinguantur ab Episcopis, qui *Summi Sacerdotes*, aut *Sacerdotes primi ordinis* dicuntur, exinde conficere se posse censuerunt, me sectari falsam opinionem illorum, qui a Christo repetunt Parochorum jurisdictionem. Ego vero me ab hac sententia quam longissime abesse profiteor, idque satis me declarasse arbitror argumentis illis, quæ mox attuli, & scriptoribus, quos, ne præter institutum meum longior essem, indicavi. Presbyteros vocavi sacerdotes *secundos*, non quod in iis aliquam agnoscerem jurisdictionem ab Episcopo non delegatam, sed tantum ut eos distinguerem ab Episcopis, qui sunt *Sacerdotes Summi*, quorum est in sua Ecclesia jurisdictio. Atque hoc sensu Patres *Sacerdotes secundos* Presbyteros vocant.

2) Concilium Tridentinum *sess. 23. cap. 15. de reformat.* Consule Benedictum XIV. *Instit. Eccles. Instit. 86.* ; ubi multa sunt, quæ ad hunc locum pertinent.

§. LXXXIV. Hæc autem ab Episcopo data potestas modo angustioribus coercetur finibus, & modo latioribus explicatur. Nam ea res pendet ab Episcopi arbitrio, qui ut jurisdictionem attribuit, ita eam arctat, constringit, explicat suo arbitratu. Ex quo patet, posse Episcopum suo lubitu tantum in certos homines, atque in certa crimina potestatem concedere; unde intelligitur, quamobrem Sacerdotes nequeant ferre sententiam in certos homines, ac judicare  
de

de quibusdam criminibus , quorum sibi iudicium Episcopus reservavit . Inde jus oritur *casuum* , quo *reservatos* vocamus , quod efficit , ut Sacerdos , excepto mortis articulo 1) , nihil possit in iis rebus , quarum potestatem Episcopus non mandaverit 2) .

1) Mortis articulus a periculo differt. *Est namque mortis periculum* , inquit Melchior Canus *de pœnitent. par. 9.* , in his dum taxat , unde mors frequenter solet accidere . . . . *At articulus mortis intelligitur , cum regulariter certa mors est .* Non solum in articulo , sed etiam in gravi mortis periculo , cum abest Parochus , aut alius ab Episcopo approbatus confessarius , quemlibet Sacerdotem absolutionem impartiri posse , ostendit Carolus Blaschus in *appendic. ad dissert. 2. de pœnitent.*

2) Concilium Tridentinum *sess. 14. de sacram. pœnitent. cap. 7. & can. 9.* Inquit autem ipsa Synodus *cit. cap. 7.* , quod nulla sit reservatio in articulo mortis , atque ideo omnes Sacerdotes quolibet pœnitentes a quibusvis peccatis , & censuris absolvere possunt . Quæ verba cum pateant amplissime , ac nullum Sacerdotem excipiant , omnibus fere Scriporibus Juris Canonici argumento sunt , quod , urgente necessitate , absolvere possit quisvis Sacerdos , etiam excommunicatus , suspensus , degradatus , hæreticus , modo absit publica offensio , ac periculum subversionis . Graviter , & copiose in hoc argumenti genere versatur Carolus Blaschus *dissert. 2. de pœnitent.*

§. LXXXV. Quod autem Episcopus in sua diœcesi , id potest Summus Pontifex supremo jure , cui subsunt omnes in Ecclesia universa . Nam per totam Ecclesiam ejus propagata , ac diffusa jurisdictio est ; & ideo nulla est aliorum potestas in iis , quæ huic uni Summæ Potestati

servata sunt 1). Ac recte quidem, & merito graviora quædam crimina Summo Pontifici, aut Episcopo reservata sunt, ut ea difficultate absolutionis cohiberentur, & gravioribus morbis peritiores medici remedium adhiberent 2).

- 1) Concilium Tridentinum sess. 14. de pœnit. cap. 7. & merito sapientissimus, atque optimus Pontifex PIUS SEXTUS literis doctrinæ, veritatis, dignitatis, auctoritatisque plenis, quas edidit die 28. Novembris an. 1786., Eybelium damnavit ausum iu libro *Quid est Papa?* calumniati reservationes absolutionum, quæ ad Sedem Apostolicam pertinent. De casibus a Summo Pontifice, aut ab Episcopo reservatis, deque nullitate absolutionis, quæ contra reservationis legem data est, copiose disputat Cl. Christianopolus libro Romæ edito anno 1785., cui titulus: *Della nullità delle assoluzioni ne' casi riservati*. Vide etiam Cl. Bolgenium in egregio libello Maceratæ edito an. 1785., cui titulus: *Esame della vera idea della S. Sede §. 133. & 134. pag. 208. & seq.* Falsi autem sunt Van-Espenius *Jur. eccl. univers. tom. 1. par. 2. tit. 6. cap. 7. num. 9.*, & Dominicus Cavallarius *Instit. Jur. Canon. par. 2. cap. 16. §. 7. in not.*, qui graviora crimina Sedi Apostolicæ tantum reservari cœpisse putant post sæculum X.; & initio quidem potius Episcoporum, quam Summotum Pontificum auctoritate. Nam Romanos Pontifices jam VI. sæculo quosdam sibi casus, ut dicimus, suo sibi jure reservare solitos fuisse, demonstrat S. Gregorius M., quem nemo ignorat abfuisse quam maxime a violandis juribus Episcoporum. Is autem *ep. 7. lib. 3. col. 631. tom. 2. opp. edit. Paris cit.* Joannem Latissensem Metropolitam, si quid ageret contra quam ab Sede Apostolica præscriptum fuisset, privandum statuit communione sacrotum, quam non recuperaret, *excepto ultimo vitæ suæ tempore, nisi concessa Romani Pontificis jussione*. Vide etiam S. Leonem M. *ep. 12. ad Anastas. Thessalonicen. cap. 1. & ult.*



ult. pag. 49. 199. Et 55. 199. Homicidas autem ante annos circiter nongentos, quod vere observat Martenius *de antig. eccles. rit. tom. 1. lib. 1. cap. 6. art. 6. num. 6. pag. 273.*, veniæ impetrandæ causa ad Summum Pontificem missos fuisse constar ex *lib. 3. de gest. Sanctor. Rotonens. cap. 1. sæc. IV. Benedictin.* Cum autem homicidium esset ex genere eorum criminum, quæ in quibusdam Ecclesiis veniæ locum non relinquebant, fortasse cum hæc disciplinæ austeritas emolliiri, ac mitigati cæpit, id retentum est, ut eorum graviorum criminum rei nonnisi a Sede Apostolica veniam consequerentur. Nam ea semper ipsius lenitas, benignitasque fuit, ut etiam cum antiqua vigeret disciplinæ severitas, ipsa tamen justis de causis veniam interdum daret in criminibus, quæ alicubi ordinatâ lege uni Dei judicio relinqui, non autem ab Ecclesia dimitti solebant. Ita Tertullianus, posteaquam in Montani errores inciderrat, Zephyrinum Pontificem reprehendit, quod veniam daret mœchis, quibus illam aliæ Ecclesiæ antea denegare consueverant.

- 2) Nota est omnibus antiqua Ecclesiæ disciplina de publica pœnitentia, quæ donec vixit, publice pœnitentium reconciliario ad Episcopum pertinebat, eademque obsolescente Summi Pontifices, & Episcopi potestatem absolvendi a gravioribus quibusdam criminibus, extra mortis periculum, sibi reservarunt. Quinimo non tantum Episcopis, sed etiam Majoribus Sedibus ab atrocioribus quibusdam criminibus absolutionem reservari consuevisse jam inde a V. Ineunte sæculo, ostendit Synesius *ep. 67.*, unde constar, Teophilo Alexandrino Patriarchæ, cui Synesius subetat, Lamponiani cujusdam absolutionem fuisse servatam. Inquit autem ipse Synesius *cit. ep. 67. pag. 215. edit. Paris 1633.* *Sed ego in iis perseveravi, quæ semel decreveram; solvendi porro jus, Et auctoritatem ad Pontificiam Sedem rejeci.*

§. LXXXVI. Nullum esse scelus, quod Eccle-

Ecclesiæ potestati non subjiciatur, contra Montanistas, & Novatianos definitum est; & vero hanc potestatem initio Ecclesiam, nullo discrimine, exercuisse demonstrant Paulus 1), & Joannes Evangelista 2), quorum alter incestus in novercam reo, alter homicidæ veniam dedit 3). Quoniam vero Christus dimittendorum, æque ac retinendorum criminum jus Ecclesiæ fecit, *non desperatione indulgentiæ, sed rigore disciplinæ* 4), factum est, ut alicubi venia, & cum Ecclesia reconciliatio non daretur reis graviorum quorundam criminum, quibus spes omnis veniæ in una Dei misericordia relinquebatur 5). Verum disciplina hæc, quæ non diu obtinuit 6), propria fuit peculiarium quarundam Ecclesiarum 7), non totius Ecclesiæ catholicæ, quæ reis criminum, pœnitentia functis, præsertim in vitæ exitu, numquam pacem, aut sacramentalem absolutionem denegavit 8).

1) *Epist. II. ad Corinth. cap. 2.*

2) Eusebius *Histor. Eccles. lib. 3. cap. 23. pag. 112. edit. Valesii Cantabrig. 1720.*

3) Consule Hermam Pastorem *lib. 2. mandat. 4.*, & Auctorem *Constit. Apostolic. lib. 2. cap. 23.* utrumque apud Corelerium *PP. Apostolic. tom. 1. pag. 88. & 236. cit. edit. Amstelædami.*

4) Augustinus *ep. 135. ad Bonifac. num. 45. col. 661. opp. tom. 2. edit. indic.*

5) Graviora hæc crimina, quæ iis in locis cum Ecclesia reconciliationis spem adimebant, erant idololatria, homicidium, adulterium.

6) Zephyrinus Pontifex mœchis veniam dedit; qua de re cum acerbe carpit Tertullianus, posteaquam in Montani hæresim lapsus fuerat. Verum Zephyrinus non novam aliquam disciplinam induxit, sed potius

potius jam inductam confirmavit. Concilium Nicænum *can. 19. col. 466. tom. 1. Collect. Harduini* nemini morienti sacramentalem absolutionem, quam *viatici* nomine appellat, denegandam statuit; qui canon ostendit, adhuc ea ætate quosdam fuisse, qui reis quorundam criminum veniam denegabant. Secus enim ejus condendi canonis causa defuisset. Concilium Sardicense, quod non multo post Nicænum habitum est, *can. 1. col. 637. t. 1. Collect. Harduini*, Prælati Ecclesiarum, qui per ambitionem sedem mutaverant, ne in exitu quidem laicam communionem habere permittebat; quod decretum ita mitigavit Damasus Pontifex in *epist. ad Paulin. Antiochen.* apud Holstenium in *collection. Roman. par. 1. pag. 183.*, ut illi a communione alieni haberentur, *quamdium ad eas redierint civitates, in quibus primum sunt constituti.* Quam Pontificiam sanctionem memorat etiam Theodoretus *hist. eccles. lib. 5. cap. 11. pag. 210. edit. Cantabrig. 1720.* Sed & ante Damasum Julius I., quo Pontifice Sardicense Concilium habitum est, *reum animarum* dixit Presbyterum, qui morientibus veniam denegaret *can. 12. caus. 26. q. 6.*, Cælestinus I., qui Summus Pontifex creatus est *an. 423. epist. 4. ad Episcopos provinc. Viennen. & Narbonen. cap. 2. col. 1067.* apud Coustantium *epist. Roman. Pontific.* graviter reprehendit Gallicanos Præsules, qui morientibus veniam denegabant, ac denique sic concludit: *quovis tempore non est deneganda penitentia postulanti.* Eadem sententia est Innocentii I. *epist. 25. ad Decent. Eugubin. cap. 7. col. 862.* apud eundem Coustantium, & eadem Leonis M. *ep. 84. cap. 3. opp. tom. 2. pag. 329. edit. Romæ 1755.*, cum inquit *in dispensandis Dei donis non debemus esse difficiles.*

- 7) Fuit hæc disciplina Ecclesiarum quatumdam, præsertim in Africa, & Hispania; ac de Africanis quidem Episcopis, inquit Cyprianus *ep. 55. ad Antonian. pag. 247. edit. Amstelædami 1700.*, & quidem apud Antecessores nostros quidam de Episcopis  
istic

istic in provincia nostra dandam pacem mæchis non putaverunt, & in totum pœnitentiæ locum contra adulteria clausurunt. Confer Natalem Alexandrum *histor. eccles. sæc. 3. dissert. 7. propos. 2. tom. 4. pag. 72. edit. Venet. 1776.*

- 8) Dyonisius Petavius *animadvers. ad Epiphan. hæres. 59. tom. 2. pag. 227. edit. Paris 1622.*, Gabriel Albaspinæus *lib. 2. observ. 7. pag. 90. edit. Neapol. 1770.*, Jacobus Sirmondus *Histor. pœnitent. public. tom. 4. cap. 1. col. 481. edit. Paris 1696.*, Edmundus Martenius *de antiq. eccles. rit. lib. 1. cap. 6. artic. 2. tom. 1. pag. 261. edit. indic.*, aliique putant, tribus prioribus, aut saltem II., & III. sæculo Ecclesiam idololatriis, homicidiis, adulteris veniam denegare consuevisse. Contra Morinus *de pœnitent. lib. 9. cap. 20. & seq.*, Natalis Alexander loco mox laudato, Cardinalis Capizucchius in *select. quæstion. theolog. pag. 52.*, Balthasar Francolinus in *Cleric. Roman. par. 1. disp. 2.*, aliique complures ostendunt, nunquam Ecclesiam eo severitatis venisse, ut reis atrociorum quorumvis criminum in vitæ exitu veniam non concederet. Præ ceteris vero Cardinalis Orsius peculiari ea de re edita dissertatione demonstravit, *Catholicam Ecclesiam tribus prioribus sæculis capitalium criminum reis pacem, & absolutionem nequitiam denegasse.* Certe in Ecclesiis quibusdam, aliquandiu viguit severior illa disciplina, quam ea ætate retinere licuit, cum adversus eam nulla adhuc Ecclesiæ lex esset. Verum Catholicæ Ecclesiæ sententia semper fuit, nulla esse crimina, quorum rei vere pœnitentes veniam, & absolutionem aliquando non obtinerent. Hinc quænamodum Tertullianum ab Ecclesiæ communione rejecit, ejusque nimiam severitatem repressit Zephirinus, Novatianum, qui criminum reis implacabilem se, inexpiabilemque præbebat, Cornelius, deincepsque Innocentius; ita duritiem, & asperitatem Episcoporum aliquor Galliæ Cælestinus, & postea similem aliorum duritiem Leo M. damnavit; quos & alii Romani Pontifices usque ad hanc nostram

etatem sequuti sunt, ex recentioribus S. Pius V., Gregorius XIII., Urbanus VIII., Innocentius X., Alexander VIII., & Clemens XI., qui antiquos Montanistas, Novatianos, Encratistas, Eustathianos, & Luciferianos in Michaeli Bijo, Cornelio Jansenio, ceterisque similibus redivivos nimiam, atque a Christi, & Ecclesie benignitate alienam, severitatem præferentes damnant, & rejecerunt. Consule Cardinalem de Aguirre *Concil. Hispan. tom. 2. dissert. 7. 8. & 9. in canones 11. & 12. Concilii Toletani II. vulgo III. an. 589. pag. 358. & seq.*, ubi late agitur de antiqua Hispaniarum ea in te disciplina, & in not. ad canon. 1. 2. 3. & 7. *Concilii Eliberitani tom. 1. pag. 333. & seq.*, qui Eliberitani canones valde torquent et auditorum ingenia, cum dutores, asperioresque videantur. De his ipsis canonibus agitur etiam Cardinalis Orsius *laudat. dissert. sect. 4. cap. 1. digres. 5. & cap. 3. num. 4.*

## SECTION V.

### *De Extrema Unctione.*

- |   |  |
|---|--|
| LXXXVII. Effectus sacramenti Extremæ Unionis. | XCII. Parochus Minister ordinarius.            |
| LXXXVIII. Ejus materia remota.                | XCIII. Quibus datur hoc sacramentum?           |
| LXXXIX. Materia proxima.                      | XCIV. Græcorum unctio.                         |
| XC. Forma.                                    | XCV. Quando datur sacramentum Extremæ Unionis? |
| XCI. Minister.                                |  |

### §. LXXXVII.

**E**xtrema unctio, quæ & *Oleum Sanctum*, & *Oleum infirmorum* appellatur, sacramentum est, quod ex hac vita migrantibus tribuitur. Propterea

pterea dicitur Extrema Unctio , quoniam hæc omnium sacrarum unctionum , quas Christus Dominus Ecclesiæ commendavit , ultimo administranda est . Hujus sacramenti vim expressit Jacobus Apostolus his verbis 1) : *Infirmatur quis in vobis ? inducat Presbyteros Ecclesiæ , & orent super eum , ungentes eum oleo in nomine Domini , & oratio fidei salvabit infirmum , & alleviabit eum Dominus : & si in peccatis sit , remittentur eis* . Quibus ex verbis facile est intelligere materiam , formam , ministrum hujus sacramenti ; atque iis utitur , ut hæc cuncta explicet , Synodus Tridentina 2) .

1) *Epist. Catholic. V. 14.*

2) *Sect. 14. de sacram. extrem. unct. can. 2.*

§. LXXXVIII. Materia , unde conficitur Extrema Unctio , est oleum olivarum , & oleum quidem merum ; quoniam nulla permixtionis mentio in libris ritualibus , atque in antiquis monumentis occurrit 1) . Oleum ab Episcopo benedictum esse debet 2) , atque hæc quidem vetus Ecclesiæ consuetudo est 3) . Apud Latinos solus Episcopus oleum infirmorum consecrat feria V. cœnæ Domini 4) , ab eoque illud quotannis accipiunt singuli , quibus opus est 5) ; apud Græcos etiam Presbyteri ; & vero non semel in anno , sed singulis vicibus , quibus illud adhibere oportet 6) .

1) Innocentius I. in *epist. 25. ad Decent. Episc. Eugubin. cap. 8. col. 863.* apud Constantium *epist. Roman. Pontific.* hujus sacramenti materiam esse inquit *oleum Chrismatis* , qui locus Suaresium tom. 4.

in 3. part. disp. 40. sect. 1. num. 10., aliosque Scholasticos in eam opinionem adduxit, ut crederent, olim balsamum cum oleo misceri consuevisse. Verum sæpe apud Ecclesiasticos Scriprores chisma metum oleum infirmorum est. Confer Jueninium de sacram. dissert. 7. quæst. 3. cap. 1., & Tournelyum de sacram. extrem. unct. quæst. 1. artic. 3.

2) Eugenius IV. in decret. pro instruct. Armen. Conc. Florent. col. 440. tom. 9. conc. collect. Harduini, Concilium Tridentinum sect. 4. de sacram. extrem. unct. can. 2. Episcopus autem oleum benedixit p̄sēntibus P̄sbyteris, aliisque clericis, de quibus agit Pontificale Romanum tit. de offic. in fer. V. cænæ D. §. 3. ibique Catalanus in not. n. 4. tom. 3. pag. 17. unde, ut putat Mattenius de antiq. Eccles. rit. lib. 4. cap. 22. §. 3. num. 3. tom. 3. p. 87. edit. cit., factum est, ut quidam P̄sbyteri sibi olei consecrandi potestatem adscriberent; sed iis restitit concilium Carthaginense II. can. 3. col. 120., & Toletanum I. can. 20. col. 148. in Delect. actor. Eccles. tom. 1. Quæstio tamen, est inter Theologos, num ex Ch̄risti Domini institutione, an tantum ex Ecclesiæ p̄cepto Episcopi benedictio sit necessaria. Verum ut ut ex Ch̄risti institutione consecratio aliqua requiratur, ut oleum fiat apta materia sacramenti extremæ unctionis, cum tamen illud ex delegatione Summi Pontificis sive tacita, sive expressa etiam a P̄sbytero benedici possit, tantum Ecclesiæ lege inductum est, ut oleum infirmorum ab Episcopo benedicatur. Consule Benedictum XIV. de Synod. Dioces. lib. 8. cap. 1. num. 4.

3) Innocentius I. loc. cit., Gregorius M. in sacrament. col. 67. opp. tom. 3. edit. Maurin. Paris. 1707.

4) Disciplinam conficiendi quotannis ch̄rismatis feria V. in cœna Domini memorat Fabianus P. in can. 18. de consecr. dist. 3., vetum hic canon pertinet ad falsas Isidori decretales. Hoc certum est, uti observat Van-Espenius Jus eccles. par. 2. tit. 3.

tit. 3. cap. 3. num. 13. ; disciplinam illam sæculo VII. obtinuisse, quoniam eam memorant Sacramentarium S. Gregorii, Vetustus Ordo Romanus atque omnes, qui per ea tempore de divinis officiis scripserunt. Constitutus deinceps fuit etiam olei conficiendi locus, scilicet Ecclesia cathedralis in cap. 12. de celebr. Miss.

- 5) Nonnisi a proprio Episcopo sacra olea, hoc est chrtisma, & oleum catechumenorum, ac infirmorum accipiendum est Can. 122. & 123. de consecr. dist. 4. , neque exemptionis privilegium aliquem ea lege solvit, quod late ostendit Passerinus de stat. homin. tom. 3. quæst. 189. art. 10. inspect. 10. num. 910. & seq. Quotannis autem sacra hæc olea sumenda sunt; nam verus, quod superest, ponitur ut inquit Rituale Romanum tom. 1. Comm. tit. 2. cap. 1. §. 34. num. 3. pag. 71. edit. Romæ 1767. , in lampadibus Ecclesiæ ante sacramentum, ut comburatur; Reliquum autem, quod est in pyxidibus, sive capsulis cum bombice igni comburitur; & novum deinde cum novo bombice in pyxidibus, sive capsulis imponitur. Vide etiam Concilium Provinciale IV. Mediolanense a S. Carolo habitum Act. Eccles. Mediolan. par. 2. tom. 1.
- 6) Confer Goatium in Eucholog. Græc. pag. 436., Arcudium lib. 5. cap. 2. , Allatium de consens. utriusque eccles. cap. 16. Quam Græcorum consuetudinem ratam habuit Clemens VIII. Instruct. seu Const. 107. Bullar. tom. 5. par. 2. pag. 72. , & Benedictus XIV. Const. 57. §. 4. tom. 1. ejus Bullarii pag. 104. edit. indic.

§. LXXXIX. Consecrato oleo ægrotus inungitur; quæ unctio materia proxima appellatur. Quoniam vero Jacobus Apostolus nullam certam indicavit corporis partem, quam inungere oporteret, hinc varia ea de re fuit Ecclesiæ disciplina. Olim una pars corporis, puta pectus, inungi consuevisse videtur 1).

Pla-



Placuit deinde plures partes inungere , ac præter ceteras , alicubi partem morbo affectam 2) , quo referebant verba Jacobi : *& alleviabit eum Dominus* . Nunc Latini ungunt quinque organa sensuum , videlicet oculos , aures , nares , os , manus , itemque pedes , & renes : verum renum unctio in feminis propter honestatem omititur , & omittitur etiam in viris , cum ea morbi vis est , ut infirmus commode moveri non possit 3) . Græci Sacerdotes ungunt ægri frontem , mentum , ambas genas , deinde pectus , tum utramque manum , postremo pedes 4) .

1) Consule Mabillonium *præfat. ad sæc. I. Benedictin. num. 97. pag. XXXVI. edit. Venet. 1733.*

2) Vide Menardum in *sacrament. S. Gregorii M. col. 540. & 541. tom. 3. opp. S. Gregor. edit. indic.*

3) Confer Rituale Romanum *tom. 1. in Comm. Tit. 5. cap. 2. §. 15. num. 2. pag. 336. edit. cit. , & Decretum Eugenii IV. pro instruct. Armen. col. 440. tom. 9. Concil. Collect. Harduini* . Constat inter omnes , pedum , ac tenum unctiones necessarias non esse ad vim sacramenti ; verum inter Theologos quæritur , num reliquæ quinque unctiones omnes necessario requirantur , ut integrum sacramentum sit . Plerique sic statuunt , valete hoc sacramentum collatum per unicam unctionem , prolata tamen formula universali , quæ sensus omnes complectatur ; quod tamen facere non licet , nisi id summa necessitas postulet . Late ea de re agit Benedictus XIV. *de Synod. diæces. lib. 8. cap. 3.*

4) Vide Arcudium *lib. 5. cap. 7.*

§. XC. Formam comprehendunt præces , quas Sacerdos fundit , cum ægrotum ungit : *per*  
*Tom. II. L istam*

*istam sanctam unctionem, & suam piissimam misericordiam indulgeat tibi Dominus &c.* 1). Et quoniam Jacobus Apostolus non designavit verba, quibus Sacerdotem ungentem uti oportet, hinc Ecclesiæ variis orationibus, & formulis, iisque conceptis verbis tum precantibus, tum directis usæ sunt 2). Synodus Tridentina precativam formulam proposuit; sed cum non expresse rejecerit indicativam, hinc factum videtur, ut etiam post Synodum aliquæ Ecclesiæ eam formulam retinnerint 3). Nunc omnes Latini deprecativa formula utuntur; forma Græcorum non iisdem est concepta verbis, sed tamen eodem redit, ac similiter deprecativa est 4).

1) Concilium Tridentinum sess. 14. cap. 1. *de extrem. unct.*

2) Albertus M. in IV. dist. 23. art. 4. plures vestros Germaniæ rituales libros se legisse testatur, qui indicativam formam describunt, eamque disciplinam ab ipsis Gregorianam appellari dicit. Sacramentale Venetum a Leone X., ut fertur, approbatum indicativam habet formam, quod Arcudius refert lib. 5. cap. 5. Plures etiam describit Morinus de sacram. peniten. lib. 8. cap. 16. aliarum Ecclesiarum formas, quæ conceptæ sunt verbis aut indicativis, aut precibus intermixtis. Vide Menardum in not. ad sacrament. S. Gregor. not. 923. col. 537. & seq. tom. 3. opp. S. Gregorii edit. Paris. 1705., & Martenium de antiq. eccles. rit. lib. 1. cap. 7. artic. 3. §. 4. t. 1. pag. 301. edit. indic.

3) Confer Benedictum XIV. de Synod. dioces. lib. 8. cap. 2., ubi quaeritur, num propter formam directis verbis prolatam sacramentum valeat.

4) Vide Arcudium loc. cit.

§. XCI. Minister hujus sacramenti jure Divino est Episcopus, aut Sacerdos, quoniam uterque *Presbyter* est, quem Jacobus memorat 1). Et quoniam Jacobus plurali numero *Presbyteros* nominat, plures olim Sacerdotes apud Latinos vocari solebant 2), uti nunc etiam plures a Græcis vocantur 3), ad hoc sacramentum administrandum. Sed jamdiu in Occidentali Ecclesia universa tantum Sacerdos unus adhibetur, atque eum solum recte ægrotum inungere certo jure cautum est 4). Non enim pluralis numerus, quem Iacobus expressit, Divinum aliquod præceptum continet; cum præsertim in sacris libris sæpe pluralis numerus singularis vicem obtineat 5).

- 1) Concilium Tridentinum *cit. sess. 14. cap. 3.* Innocentius I. *cit. epist. ad Decent. Eugubin. cap. 8.*, quem in locum vide Petrum Coustantium in *not. col. 863.*, ubi omnem evellit scrupulum, quem forte alia ipsius Innocentii verba de ministro extremæ unctionis injicere videntur posse.
- 2) Id multis collectis monumentis ostendunt Menardus in *sacramentar. S. Gregorii not. 909. col. 534. loc. cit.*, & Martenius *loc. cit. §. 3.* Quæ disciplina adhuc in Galliis vigeat sæculo XII., uti patet ex constitutionibus Odonis Episcopi Parisiensis apud Harduinum *collect. Concilior. tom. 6. par. 2. col. 1941.*, imo vero eam deinceps etiam consequenti ætate obtinuisse, demonstrant synodalia Statuta Ecclesiarum Aduensis, Cadurcensis, Rutenensis, & Tutelensis apud Martenium *cap. 17. tom. 4. Anecd. Recte* tamen animadvertit ipse Martenius, illam Latinæ Ecclesiæ consuetudinem non ita firmam, atque constantem fuisse, ut non interdum ab uno tantum Sacerdote ægrotus ungeretur. Nam

Artemium febre correptum ab unico S. *Nepotiano* visitatum, atque oleo S. *perunctum* narrat S. *Gregorius Turonensis lib. 1. histor. cap. 41. pag. 31. edit. Ruinarti Paris. 1699.*, atque etiam S. *Eugendum ab uno de fratribus inunctum* legimus in *eius vita* apud Bollandum 1. *Januar.*

3) Adhibent autem Græci Sacerdotes septem, uti patet ex eorum Euchologio, atque testantur *Simeon Thessalonicensis* apud *Saintebeuvium de sacram. extrem. unct. disp. 6. art. 2.*, & *Atcudius lib. 5. cap. 3.*

4) *Cap. quæsit de verb. signif.*

5) Confer S. *Augustinum de consens. Evangelist. lib. 3. cap. 16. opp. tom. 3. par. 2. col. 128. edit. Venet. 1730.*, & S. *Thomam lib. 4. contr. Gent. cap. 73.*

§. XCII. A quovis Presbytero collatum hoc sacramentum valet; sed tamen soli Parocho illud conferre licet, qui ordinarius ejus minister est, aut ei, cui suam Parochus jurisdictionem commisit 1). Quod si mors instet, ac Parochus præsens esse non possit, cuivis Sacerdoti licet jam jam moriturum inungere 2).

1) *Catechismus Romanus par. 2. cap. 6. §. 13.* Hinc in *Clem. 1. de privileg.* vetatur Presbyter sine Parochi venia hoc sacramentum administrare, ac si Religiosus sit, excommunicationis poena plectitur.

2) Consule S. *Carolum Borromeum in Concil. Mediolanen. V. par. 1. actor. Mediolanen. par. 1. pag. 213.*

§. XCIII. Datur hoc sacramentum infirmis, *de quorum morte timetur* 1), sive mortis periculum proxime immineat, sive absit lon-

longius; modo ea sit vis morbi, ut in gravi vitæ discrimine versari videantur 2). Decet autem ægrotum ungere, cum integris adhuc sensibus utitur, non cum omnino fractis viribus, ac omni spe salutis amissa vita carere incipit. Nam ita salus corporis facilius restituitur, atque ita infirmus integra adhuc mente, & ratione valens fidem, ac religiosam animi voluntatem afferre, ac sacramenti gratiam percipere uberiores potest 3). Pueri, qui nulla admiserunt peccata, quorum reliquias hoc sacramentum deleat, sacro oleo non unguuntur; similiter & amentes, nisi interdum rationis usum habuerint, atque eo potissimum tempore suscipiendi sacramenti voluntatem significaverint 4).

- 1) Eugenius IV. in *Decret.* apud Harduinum collect. Concil. tom. 9. col. 440.
- 2) Concilium Tridentinum sess. 14. de extrem. unct. cap. 3., Catechismus Romanus cit. cap. 6. §. 9.
- 3) Circa sæculum XIII. loca quædam Occidentalis Ecclesiæ mors perversus invasit differendi hoc sacramentum ad extremum vitæ tempus; quem morem induxit falsa opinio, quod eo sumpto non amplius liceret uxorem cognoscere, & carnes comedere, ac condere testamentum. Falsam hanc opinionem evelere curarunt synodi ea ætate habitæ præsertim Wigorniensis cap. 19. col. 337. tom. 7., & Exoniensis cap. 6. col. 1081. tom. 7. collect. Harduini. Consule Thiersium de superstitione cap. 7. tom. 2. Mabillonium præfat. in sæc. 1. Benedictin. num. 100. pag. XXXVIII. edit. Venet. 1733.
- 4) Vide Catechismum Romanum loc. mox indicat.

§. XCIV. Græci non eos tantum ungunt, qui corpore, sed etiam qui mente ægrotant,  
L 3 qua-

quales sunt peccatores, qui edita peccatorum confessione pœnitentiam agunt 1). Nam apud eos feria V. in cœna Domini, postquam Episcopus infirmorum oleum solemnî ritu consecravît, non illud servari jubet, ut suo tempore ad ægrotos deferatur, sed totum insumit inungendo illos, qui præsentes sunt. Verum hæc Græcorum unctio sacra tantum cæremonia, non verum sacramentum est. 2).

- 1) Confer Allatium *de consens. Eccles. Occident. & Orient. lib. 9. cap. 16.*, Goarium *in not. ad Eucholog. Græcor. pag. 432 & seq. edit. Paris. 1647.* Arcudium *concord. lib. 5. cap. 4. & ult.* Quam Græcorum consuetudinem tolerandam statuit Innocentius IV *ep. 10. ad Ottonem Card. Tusculan. apud Labbeum tom. 14. Concil. col. 17. edit. Venet.*
- 2) Confer Benedictum XIV. *de Synod. diæces. lib. 3. cap. 5. num. 4. & seq.*, qui graviter, & copiose ea de re disputat adversus Arcudium, Juennium, Saintebeuvium.

§. XCV. Sacramentum extremæ unctionis in veteri disciplina cum pœnitentia, ut plurimum, conjungebatur, ut per utrumque sacramentum omnes eluerentur animæ sordes, ac plane expiatus homo Eucharistiam acciperet 1). Desiit jamdudum hæc disciplina, & nunc post acceptum viaticum ægrotus inungitur 2). Toties autem sacra unctio repetitur, quoties aliquis incidit in morbum, a quo in vitæ discrimen adducitur 3); verum in uno eodemque morbo, cum æger in eodem vitæ periculo versatur, semel tantum ungendus est 4).

- 1) Hæc quidem disciplina antiquitus generatim obti-

obtinerebat, ut ægrotis primum Extrema Unctio, deinceps Eucharistia tribueretur, quod late ostendunt Hugo Menardus in *sacrament. S. Gregorii* not. 915. col. 536. opp. S. Gregorii tom. 3. edit. Paris. cit., Mabillonius *præfat. ad sæc. 1. Benedictin.* num. 93. pag. XXXVII. edit. Venet. cit., Pougetus *Instit. catholic.* tom. 2. par. 3. sect. 1. cap. 6. §. 4. Verum contraria consuetudo alicubi obtinuit, neque umquam aliquis hanc consuetudinem improbare ausus est, quasi Extrema Unctio ante Eucharistiam omnino danda videretur. Sane Cæsarius Arelatensis *serm.* 265. in *appendic. opp. S. Augustini* tom. 5. par. 2. col. 437. edit. Venet. cit. Eucharistiam ante Extremam unctionem ægrotis concedi jubet, *quoties, inquit, aliqua infirmitas supervenerit, corpus, & sanguinem Christi ille, qui ægrotat, accipiat, & inde corpusculum suum ungat*; idemque habet *serm.* 279. col. 465. Concinat id, quod scriptum est in *Vita S. Eligii Episcopi Noviomensis* lib. 2. cap. 2. tom. 2. *Spicileg. Dacherii* pag. 97. edit. Paris. 1723., quodque ipse tradit Eligius de *rectitud. catholic. conversat.* num. 6. in *append. opp. S. Augustini* tom. 6. col. 268. indic. edit., ac præterea consentiunt Isaac Lingonensis Episcopus in *capitul. tit.* 1. cap. 23. apud Harduinum *collect. Concilior.* tom. 5. col. 425. edit. Paris., Herardus Turonensis Archiepiscopus in *Capitulis* num. 21. apud Labbeum tom. 10. *concil.* col. 62. edit. Venet., Prudentius Trecensis Episcopus in *sermon. de vit. & morte S. Mauræ* apud Camusatium in *Promptuar. antiquit. Tricassin. dioces.* pag. 47. edit. Augustæ 1610. Idem videri potest in *vita B. Roberti de Arbrisello* num. 27. & 28. apud Bollandum 25. *Februar. cap. 5. pag.* 613. edit. Antwerp. 1658., in vetusto Pontificali Florentino apud Mabillonium *Itiner. Italic.* pag. 164., & in antiquo libro Rituali Eugubino, quem vidit Cl. Card. Garampius, quemque ipse memorat in libro *Memorie della B. Chiara di Rimini dissert.* 5. pag. 187. in not. lib. 6. Ex quibus intelligimus, neque novam esse, neque minus probandam vi-

deri posse disciplinam, quæ viget, quæque justissimas habet causas, dandi ægrotis Extremam Unionem, posteaquam Eucharistiam acceperunt.

- 2) *Rituale Romanum tit. de extrem. unct.*
- 3) *Concilium Tridentinum cit. sess. 14. cap. 3. de Extrem. Unct.*, *Catechismus Romanus par. 2. cap. 6. §. 11.*, *S. Thomas in supplem. 3. part. quest. 33. art. 1.*
- 4) *Consule Benedictum XIV. de Synod. Dioces. lib. 8. cap. 8.*, qui late ea de re agit, atque etiam refert falsam opinionem illorum, qui hoc sacramentum aut numquam, aut tantum post certum tempus iterari posse putabant, & illorum etiam, qui illud in eadem ægrotatione, eodemque vitæ periculo repetebant.



## SECTIO VI.

### *De Ordine.*

XCVI. Quid Ordo, & quot Ordines sunt?	tertia, & Forma Ordinis.
XCVII. & XCVIII. Ma-	XCIX. Minister, & subiectum Ordinis.

### §. XCVI.

**O**Rdo sacramentum est, quo solemnī inauguratione spiritualis potestas ad sacra obeunda munera confertur. Proprie ipsa potestas data ordo est; sacra autem cæremonia, per quam illa datur, ordinatio dicitur. Ordines sunt numero septem, Ostiariatus, Lectoratus, Exorcistatus, Acolytatus, Subdiaconatus, Diaconatus, Presbyteratus; atque horum priores quatuor *minores*, posteriores tres *maiores* appellantur 1). Presbyteratum, seu  
Sacer-



Sacerdotium & ordinem, & sacramentum esse certum est: verum non constat inter Theologos, num Episcopatus, ac Diaconatus sacramenta sint a Sacerdotio re ipsa distincta; & num Ostiarius, Lectoratus, Exorcistatus, Acolythatus, itemque Subdiaconatus Ordines tantum sint, an etiam sacramenta 2).

- 1) Concilium Tridentinum sess. 23. de sacram. ordin. cap. 2., Catechismus Romanus par. 2. cap. 7. §. 12.
- 2) Late ea de re disputant Theologi, & Canonistæ, quos omnes refert longum esset. Satis erit indicare Benedictum XIV. de Synod. dioces. lib. 8. cap. 9., & Robertum Salam in not. ad Card. Bonam rer. liturgic. lib. 1. cap. 25. §. 17. not. 1. t. 2. pag. 365. edit. Taurin. 1749. De simplici tonsura quæstio est inter Theologos, & Canonistas, num ea ordo sit, uti animadvertimus lib. 1. tit. 2. sect. 2. §. XXX.

§. XCVII. De materia, & forma ordinis Eugenius IV. 1) habet hæc: *materia est illud, per cuius traditionem confertur ordo, sicut Presbyteratus traditur per calicis cum vino, & patenæ cum pane porrectionem: Diaconatus vero per libri Evangeliorum dationem: Subdiaconatus vero per calicis vacui cum patena vacua superposita traditionem; & similiter de aliis per rerum ad ministeria sua pertinentium assignationem.* Tum pergit Eugenius, ac forma, inquit, *Sacerdotii talis est; accipe potestatem offerendi sacrificium pro vivis, & mortuis in nomine Patris, & Filii, & Spiritus S., & sic de aliorum ordinum formis, prout in Pontifi-*

*tificali Romano late continetur*. Locus hic Eugenii caput, & radix est controversiarum, quæ inter homines doctos de ordinis forma, & materia sunt.

- 1) *In Decreto Concil. Florentin. col. 440. tom. 9. Concil. collect. Harduini.*

§. XCVIII. Nam plurimi sunt præstantes ingenio, & doctrina viri, qui trium majorum ordinum, quos hierarchicos dicimus, Episcopatus videlicet, Presbyteratus, Diaconatus, materiam faciunt manuum impositionem 1), formam orationem, quam Episcopus manus imponens recitat. Et certe hanc Græci materiam, & hanc formam agnoscunt; neque umquam de vi harum ordinationum Latina Ecclesia dubitavit. Accedit, quod illa instrumentorum traditio recentioris disciplinæ est; quoniam Apostolos, atque antiquos Ecclesiæ Patres per manuum impositionem majores illos ordines contulisse, memoriæ proditum est. Eugenius autem, cum illam memoravit instrumentorum traditionem, verbaque illa descripsit, non ordinis materiam, & formam definivit, unde vis sacramenti penderet; sed tantum proposuit Romanæ Ecclesiæ ritum, quem manuum impositioni Armenos adjungere optabat, ut ita cum Ecclesia Romana communes haberent ritus, atque ad eam firmiter adhærescerent. Omnis hæc disputatio propria Theologorum est 2).

- 1) Ceteros tamen ordines diaconatu inferiores per solam instrumentorum traditionem conferri, inter omnes constat.

2) Sunt


- 3) Sunt & alii, qui tertiam sequuntur sententiam ponentes ordinis materiam in utroque riru, scilicet in illa instrumentorum traditione, atque in manuum impositione. Totam hanc questionem, præter ceteros, graviter, & copiose pertractat Benedictus XIV. *de Synod. dioces. lib. 8. cap. 10.*

§. XCIX. Episcopus ordinarius est minister hujus sacramenti; extra ordinem, & cum venia Summi Pontificis, etiam Presbyteri Subdiaconatum, ceterosque inferiores ordines conferre possunt 1). Ordinationes factæ ab Episcopo excommunicato, schismatico, hæretico valent, modo cum legitima potestate, debitoque ritu, materia, forma, intentione perficiantur 2). Soli mares ordines suscipere possunt, non item feminæ, quas *turpe est in Ecclesia loqui, ac docere* 3). Cetera, quæ ad hoc sacramentum pertinent, superiori libro explicuimus.

1) Confer ea, quæ diximus *lib. 1. tit. 3. sect. 6. §. XXXXIX. pag. 211.*

2) Anglicanas ordinationes, ceteris etiam missis, nullas omnino, arque irritas esse, facile deprehendet quisquis ad solam advertat formam, quæ secundum Eduardi VI. Rituale jam usurpatur. Nam ea Christi Domini institutioni, & Apostolicæ Traditioni adversatur, apertasque hæreses complectitur. Hinc merito Romana Ecclesia cererarum mater, & magistra sancivit, ut, quories Minister aliquis Anglus ad Catholicam Ecclesiam redeat, si dignus sit, qui in Clerum cooptetur, tamquam merus laicus omnes ordines suscipere debeat secundum Ritualis Romani leges.

3) Apo-



## SECTIO VII.

### De Matrimonio.

- |  |   |
|--|---|
| C. Matrimonium novæ legis sacramentum.                           | CIV. Matrimonium legitimum, raturum, consummatum. |
| CI. Ejus definitio.  | CV. Verum, præsumptum, putativum.                 |
| CII. Materia, Forma, Minister.                                   | CVI. Matrimonium conscientiz.                     |
| CIII. Consensus in matrimonio necessarius, & quomodo declaretur? |   |

#### §. C.

**M**atrimonium etiam novæ legis sacramentum est 1). Cum enim Christianus homo Christianæ mulieri rite, & recte nubit, utrumque divina virtute donari voluit Christus Dominus ad perpetuam unius vitæ societatem retinendam, atque ad filios instituendos sapienter educatione, doctrinaque christiana. Recte ab Apostolo 2) matrimonium dicitur *honorabile connubium*; quoniam in baptizatis signum est conjunctionis Christi cum Ecclesia, *propter quam Dominus Patrem suum Deum reliquit, & venit ad terras, sicut de homine dictum est: relinquet homo patrem suum, & matrem, & adhærebit uxori suæ* 3). Matrimonii nomine intelligitur tum ipse contractus inter virum, ac mulierem initus, tum vincu-

culum, quod ex contractu oritur, & quod solvi non potest 4).

1 Concilium Tridentinum sess. 24. can. 1. de sacram. matrim.

2) *Epist. ad Hebr. XIII. 4.*

3) S. Hieronymus in cap. 5. ad *Ephes. col. 660. ver. 32. tom. 7. edit. Veronæ 1737.*

4) Eugenius IV. in decret. pro Armen. apud Harduinum collect. Concil. tom. 9. col. 440. Ita sola vocis explicatione dirimenda est quæstio, quæ a Scholasticis de matrimonii essentia proponitur. Hanc autem perpetuam matrimonii firmitatem ex jure divino procedere certum est, idque docent Bonifacius VIII. in cap. unic. de vot. & vot. redempt. in 6., & Concilium Tridentinum in decret. de Sacram. Matrim. sess. 24.

§. CI. Est autem matrimonium viri, & mulieris maritalis conjunctio inter legitimas personas, quæ individuum continet vitæ consuetudinem. Ex quo intelligitur, quam procul absit a matrimonii ratione conjunctio non maritalis, neque individuum continens vitæ consuetudinem, uti est concubinatus 1), adulterium, stuprum, itemque conjunctio duarum personarum, quas dirimens impedimentum nuptias inire vetat 2). Maritalis autem conjunctio non in corporum, commixtione præcise, verum in animorum præcipue copulatione consistit 3); & translatio domini in corpus utriusque conjugis ab usu separari potest 4).

1) Concubina proprie est mulier, quam quis non mariti animo, sed concubitus tantum causa domi retinet, atque hæc consuetudo, sive concubinatus, individuum non continet vitæ consuetudinem,

nem , & procul abest a matrimonio ; quod dissolvi non potest . Decet tamen animadvertere , quod concubina interdum dicitur vera uxor , du-  
 cra tamen sine dote , & nuptiali solemnitate , uti colligitur ex *L. 144. ff. de verb. signific. , L. 32. ff. de donat. , & Novell. 18.* , eaque a vera uxore tantum dignitate differebat , quia scilicet concubina , etsi vera esset uxor , non transibat in familiam mariti , neque , uti uxor legitima , ejus jurium , privilegiorum , honorum particeps fiebat , quod ostendunt Merillus *observat. lib. 3. cap. 16.* , Antoninus Augustinus *de emendat. Gratian. lib. 1. dialog. 15. opp. tom. 3. pag. 80. edit. Lucae* , Du-Cangius in *Glossar. verb. dos.* De his concubinis , quas a pellicibus sedulo distinguere oportet , loquuntur antiqui canones , qui concubinas ad Baptismum , & concubinariorum ad communionem admittunt ; & has porto spectant Auctor *Const. Apostolic. lib. 8. cap. 32.* apud Cotelletium *PP. Apostolic. pag. 418. tom. 1. edit. Amstelædami 1724.* , Patres Concilii Toletani I. , & Isidorus apud Gratianum *can. 4. & 5. dist. 34.* Ad hoc sane concubinatorum genus non adverterunt Van-Espenius , & ceteri , qui Gratianum reprehendunt , quod Toletanum illum canonem in decepto descripserit . Occurrit & mentio concubinarum , quas viri accipiebant non solum sine tabulis nuptialibus , sed etiam cum vinculo , quod solveretur ; & cum his quidem viri individuum servabant vitæ consuetudinem , sed eas ramen squaloribus dimittebant . Genus hoc concubinatorum non infrequens olim fuit , neque deerant , qui licet putarent unam sibi feminam jungere , quam a se abjicerent suo arbitratu : sed Ecclesia semper hujusmodi conjunctiones extra matrimonium improbavit . De concubinatorum discrimine late agunt Benedictus XIV. *de Synod. dioces. lib. 9. cap. 12.* , & Carolus Blaschus in *epistola de interpretatione can. fraternitatis dist. 34. inter ejus opuscula Neapoli edita an. 1758. pag. 1. & seq.*

2) Con-

- 2) Consule Careschismum Romanum par. 2. cap. 8. §. 3.
- 3) Vide S. Augustinum *serm.* 51. *cap.* 13. *col.* 293. *tom.* 5. *cit. edit. Venet.* Unde illud apud Partes, & in canonibus frequenter occurrit: non concubitu, sed consensu matrimonium existere.
- 4) Hinc verum matrimonium fuit inter Beatissimam Virginem, & S. Josephum, quamquam immaculata semper Virgo ad perpetuo servandam virginitatem sese voto obstrinxisset. B. Virgo, ut inquit S. Thomas in 4. *sent. dist.* 30. *quæst.* 2. *art.* 1. *ad* 2., antequam cum S. Josepho matrimonium contraheret, divinitus intellexit, quod Joseph in simili proposito erat, Et ideo non se commisit periculo nubendi, nec tamen propter hoc aliquid veritati deperit, quia illud propositum non fuit conditionaliter in consensu appositum; talis enim conditio cum sit contra matrimonii bonum, scilicet prolem procreandam, matrimonium tolleret. Ceterum quod dixi translationem domini in corpus utriusque conjugis ab usu secerni posse, id ita est intelligendum, ut uterque in alterius corpus dominium habeat, quamquam nihil referat, quod eo jure non utatur. Si enim cum inicit matrimonium, expresso pacto caveatur, ut neque vir in corpus mulieris, neque vicissim mulier in viri corpus dominium habeat, hoc pactum irritum matrimonium facit, quoniam ejus bono adversatur. Consule Benedictum XIV. *de Synod. dioces. lib.* 13. *cap.* 22. *num.* 10. *Et seq.*

§. CII. Materia sacramenti matrimonii est contractus, per quem vir, & femina suam obstringunt fidem, ac perpetuam coeunt vitæ societatem. De forma vero, & ministro magna disputatio est. Sunt enim qui Sacerdotem benedicientem nuptiis ministrum, Sacerdotalem benedictionem sacramenti formam esse arbitrantur,

tur . Sed plerique sacramenti ministros ipsos contrahentes faciunt , formam in verbis , aut signis , quæ consensum declarant , positam esse sentiunt 1) .

- 1) Theologorum de his rebus sententias , quæ variæ sunt , enumerat , atque expendit Benedictus XIV. *de Synod. dioces. lib. 8. cap. 13.* Vide etiam eadem de re Carolum Blaschum *diatrib. 5. pag. 231.* , ubi de forma sacramenti matrimonii late disputatur .

§. CIII. Matrimonium mutuo consensu contrahitur , quoniam societas est , neque sine consensu jungi societates possunt . Hic vero consensus tum verbis , tum signis ostenditur ; ac debet respicere tempus præsens , quoniam in futurum collatus matrimonium non conjungit , sed spondet 1) ; editurque vel verbis , vel signis certam voluntatem declarantibus ; quin , etiam vicaria alterius opera uti quis potest ; modo ad id speciale mandatum detur , Procurator commissum sibi munus per se gerat , & mandans , cum matrimonium contrahitur , in consensu perseveret 2) .

- 1) Vide Cateschismum Romanum *par. 2. cap. 8. §. 6.*  
2) *Cap. ult. de Procurator. in 6.*

§. CIV. Dividitur matrimonium in legitimum , ratum , & consummatum . Legitimum secundum gentium leges contrahitur cum solo naturali consensu , caret Ecclesiæ auctoritate , ac sacramenti dignitate ; & hujusmodi sunt matrimo-



monia infidelium. Ratum est, quod contrahunt fideles ex regulis Christianæ Religionis; & est quidem ratum, donec conjugum corpora commixta non sunt. Cum hæc accessit maritalis conjunctio, matrimonium consummatum efficitur, ac significat conjunctionem Christi cum Ecclesia, cujus conjunctionis causa perfectum, & consummatum dicitur. Nam propter sacramentum, quod gratiam confert, itemque ob civile negotium, etiam ratum perfectum censetur.

§. CV. Est item matrimonium verum, præsumptum, putativum. Verum dicitur, quod rite, & recte contractum est inter virum, & mulierem, quorum uterque ad nuptialem consociationem aptus, & idoneus est. Præsumptum educebatur olim ex juris præsumptione; puta si post consensum de futuro ineundo conjugio vir cum muliere concubisset 1). Sed jure novo Concilii Tridentini nullum hoc matrimonium est 2). Putativum vocamus, quod re quidem est irritum ob latens impedimentum, sed specie valet; quia coram Ecclesia contractum est, & impedimentum vel uterque, vel alter conjugum ignoravit. Filii ex hoc matrimonio suscepti legitimi habentur 3), & dos suis gaudet privilegiis.

1) *Cap. 15. & 30. de spons. & matrimon. Cap. 3. & 6. de condition. apposit. in despons.* At inanis conatus ad copulam præsumptum matrimonium non efficiebat *Cap. 32. & ult. de sponsal.*

2) Concilium Trident. sess. 24. cap. 1. de reform. matrim.

3) *Cap. 11. qui fil. sint legit.*

§. CVI. Nec prætereundum matrimonium  
Tom. II. M con-

conscientiæ, quod coram Ecclesia contrahitur, ea lege, ut semper occultum maneat Matrimonium hoc, ut cetera Christianorum matrimonia palam, ac rite inita, verum est sacramentum 1), & conjungitur coram Parocho, ac duobus testibus, qui omnes arcani silentii lege obstringuntur 2); sed a reliquis differt, quia contrahitur omissis tribus denunciationibus 3), neque contractum describitur in libro, quo Parochus omnium matrimonia describit 4). Non omnes inire suo lubitu possunt hoc matrimonium, quod, cum occultum sit, gravia mala importare potest, sed ab Episcopo ex justa, gravique causa permittitur 5). Hujus simile est matrimonium *ad Morganaticam* 6), quod in Germania præsertim contrahunt viri nobiles, cum post obitum nobilis mulieris, quam pridem uxorem habebant, ac genitos ex ea filios, aliam ducunt humili loco natam. Uxor hæc, atque ex ea suscepti liberi a viri, ac patris dignitate excluduntur: quod in matrimonio conscientiæ secus est. 7).

1) Heitius, Willebergius, aliique Protestantes ita explicant hujus matrimonii naturam, ut vix illud a concubinato distinguatur. Sed certum est inter catholicos, verumtesse, ac legitimum matrimonium, & ideo sacramenti rationem habere. Videndæ autem in primis sunt enciclycæ literæ *Satis vobis* Benedicti XIV. in ejus *Bullario tom. 1. num. 35. pag. 54. edit. Romæ seu Venet.*, in quibus omnia, quæ ad hoc matrimonium pertinent, accurate explicantur, quæque regulam præbent Apostolicæ Pœnitentiariæ, cum de his matrimoniis agitur, uti patet ex ipsius Benedicti XIV. *Constit. 95. §. 39. pag. 198. loc. cit.*

a) Late ea de re disputat V. Cl. Franciscus Mazzeus

zens in Romāna Curia Advocatus ; qui *de matrimonio conscientiae* singularem librum Romae edidit an. 1765. , cap. 9.

- 3) Facultatem solvendi aliquem lege proclamationum totam Episcopi arbitrio commisit Synodus Tridentina sess. 24. cap. 1. *de reform. matrim.* De harum proclamationum origine paulo post dicam .
- 4) Synodus Tridentina loc. cit. , *habeat* , inquit , *Parochus librum , in quo conjugum , Et testium nomina , diemque , Et locum contracti matrimonii describat , quem diligenter apud se custodiat .* Eadem Synodus Episcopi arbitrio non committit hanc legem , ut committit proclamationes ; sed cum hodie Episcopus , secundum encyclicas literas Benedicti XIV. , *permittere possit matrimonium , conscientiae , dubitandi locus esse non potest ,* quin etiam cum ejus venia hujus matrimonii descriptio in ordinario matrimoniorum libro omitti possit .
- 5) Benedictus XIV. in laudatis encyclicis male commemorat , quae ex occulto matrimonio oriri solent , ideoque statuit , illud non esse permittendum *sine causa gravi , urgenti , Et urgentissima .* Unam ipse expressit causam , si videlicet vir , & mulier in occulto concubinato vivant , neque ulla apud homines hujus criminis suspicio sit . Tunc enim permittendum est matrimonium conscientiae ; sed recte addit ipse Pontifex : *hanc praxim vobis duximus proponendam ; non quia dispensatio praemisso casui solum congruat , cum alii similes , Et fortasse urgentiores esse possint , in quibus dispensare expediat ; sed quia vestri pastoralis officii partes versari debent in sedulo investiganda legitima , Et urgenti causa dispensationis , ne matrimonia occulte celebrata luctuosos habeant exitus , quos intimo cordis dolore recensuimus .*
- 6) De origine matrimonii *ad Morganaticam* , deque hujus vocabuli significatione late disputant Heineccius *elem. jur. German. lib. 1. tit. 13. per tot. ,* & Henricus Coccejus *de leg. morganat.*

sect. 2. §. 7. , quorum alter ex lege Salica , & alter moribus hoc matrimonium obtinuisse patet . Ita autem describitur in lib. 2. Feudor. tit. 29. , quidam habens filium ex nobili conjuge , post mortem ejus non valens continere , aliam minus nobilem duxit , qui nolens existere in peccato eam desponsavit , ea lege , ut nec ipsa , nec filii ejus amplius habeant de bonis patris , quam dixerit tempore sponsaliorum : verbi gratia decem libras , vel quantum voluerit dare , quando eam desponsavit , quod Mediolanenses dicunt accipere uxorem ad morganaticam , alibi lege Salica ; hic filiis ex ea susceptis decessit . Isti in proprietatem non succedunt aliis extantibus ; sed nec in feudo , etiam aliis non existentibus , qui licet legitimi sint , tamen in beneficio minime succedunt . In proprietate vero succedunt patri , prioribus non existentibus : succedunt etiam fratribus sine legitima prole decedentibus , secundum usum Mediolanensium . Quo ex loco facile intelligitur , quæ hujus matrimonii natura sit , & quibus legibus regatur . Est autem *Morgengab* , unde ducrum est vocabulum ad morganaticam , donum maratinum , quod a viro uxori datur post concubitum , cum adhuc nuptiarum solemnia peraguntur . Ac illud quidem erat voluntarium , magis scilicet lautum , magisque renue , pro cuiusque amore , & caritate in uxorem ; & in lege Longobardorum lib. 2. tit. 1. cap. 8. gratuita donatio dicitur : *per gratuitam donationem , idest morgengap* . Sed cum quorundam , quos mulieris illecebræ deliniebant , ea in re dissolutior esset liberalitas , Rex Longobardorum Liutprandus anno quinto regni sui legem tulit , qua sancivit , ut nemo propter *morgengap* uxori daret ultra quartam partem bonorum suorum Lib. 2. Leg. Longobard. tit. 4. cap. 1. Hinc Papias in suo Vocabulario inquit : *Morgengap* , idest quarta pars in lege Longobardorum . Multa de hoc *Morgengap* antiqua monumenta afferuntur a Baluzio

*in not.*

in not. ad Capitular. Reg. Francor. verb. *Morgan-  
geba* tom. 2. col. 668. edit. Venet. 1773.

- 7) Pactum præsertim, quo cavetur, ut uxor,  
& liberi certis contenti bonis, quæ data sunt,  
a viri, ac patris hereditate, & dignitate ar-  
ceantur, matrimonium *ad Morganaticam* a con-  
scientiæ matrimonio distinguit.



## SECTIO VIII.

### *De Sponsalibus.*

- |                          |                        |
|--------------------------|------------------------|
| CVII. Sponsalia quid?    | CX. Eorum vis, & obli- |
| CVIII. Qui ea recte con- | gatio.                 |
| trahant?                 | CXI. & CXII. Quomodo   |
| CIX. Consensu sponsalia  | solvantur?             |
| fiunt.                   |                        |

### §. CVII.

**Q**Uod veteribus in more fuisse scribit Ul-  
pianus 1), *stipulari, & spondere sibi ux-  
ores futuras*, id etiam a Christianis semper fieri  
consuevit; tum quia comparare se sponsi debent  
ad gratiam sacramenti, tum quia periculi plena  
res est sese perpetuo vinculo temere implicare.  
Itaque ante matrimonium fiunt sponsalia, quæ  
*a spondendo* dicuntur 2), quæque sunt futura-  
rum nuptiarum facta, & vicissim accepta pro-  
missio 3). Sponsalium nomine proprie intelli-  
gitur consensus in futuras nuptias; sed interdum  
etiam comprehenditur consensus in præsens ma-

rimonium, quæ sponsalia *de præsentī* appellantur 4).

- 1) L. 2. ff. de spons.
- 2) Confer A. Gellium *Noct. Attic. lib. 4. cap. 4. pag. 281. edit. Lugduni Batavor. 1666.*, & Brissonium. *de formul. lib. 6. form. 123. pag. 518. edit. Halæ 1731.*
- 3) Cap. 31. de sponsal.
- 4) Sponsalia *de futuro*, ac *de præsentī* memorat Gregorius IX. in cap. 31. de sponsal. Sponsalia *de præsentī* videntur Hotomanus *disp. de sponsal. cap. 7.*, & A. Matthæus *manud. ad jus canon. lib. 2. tit. 6.* Sed, ut rectissime animadvertit Panormitanus in d. cap. 31., matrimonium ratum sponsalia *de præsentī* appellare solemus, non propter conjugale vinculum, quod jam colligatum est, sed propter ejus *exequutionem*, quæ corporum conjunctio est. Hanc sane loquutionem in vulgus probari, ac vulgares loquendi modos ipsis Romanis Jurisconsultis probatos constare. Adde & illud, quod ipsi veteres Romani sponsalia *de præsentī*, qualia canones agnoscunt, haud ignorasse videntur, quod recte tradit Huberus *observ. jur. lib. 2. cap. 8.*

§. CVIII. Sponsalia consensu perficiuntur, eaque recte contrahunt omnes, qui in futurum matrimonium consentire possunt. Furiosi, amentes, itemque pueri, qui nondum e septennio excesserunt, eadem contrahere vetantur 1); sed majores septem annis, qui suo consensu futuras nuptias probare possunt, recte illa conciliant; modo, si sint filii familias, parentes assentiantur, aut saltem non dissentiant; quæ naturalis est reverentia, qua filios prosequi decet parentes suos 2). Quoniam vero impuberi lubrica ætas, atque

atque incertum, & præceptum consilium est, ideo potest a sponsalibus resilire, cum pubertas advenit 3). Ipsi quoque parentes pro filiis impuberibus, aut puberibus dare possunt futuri matrimonii fidem, quam filii liberare debent, si expresse, vel tacite consenserunt 4).

1) *Leg. 8. & Leg. 14. ff. de sponsalibus, Cap. 13. de desponsat. impuber.*

2) *Leg. 7. ff. de sponsalibus Can. 1. & 3. caus. 30. quest. 5.* Ac sponsalia quidem a filiis familias inita parentibus insciis, vel juste invitis, etiamsi iurata sint, nullius momenti esse, demonstrat Franciscus M. Muscettula *dissert. de sponsal. & Matrim. quæ a filiis familias contrahuntur parentibus insciis vel juste invitis dub. 4. num. 145. & seq. pag. 107. & seq. edit. Romæ 1766.*

3) *Cap. 3. de desponsat. impuber.*

4) *Leg. 13. ff. de sponsal., Cap. un. §. ult. de desponsat. impub. in 6.*

§. CIX. Confirmantur sponsalia donationibus sponsalitiis 1), aliisque solemnitatibus; imo & adhibentur testes 2), & matrimoniales tabulæ conficiuntur, ut ea jam contracta fuisse, constet 3). Sed tota eorum vis posita est in consensu contrahentium, qui modo sit certus, nihil refert, nutu ne quis assentiatur, an verbis sive ore prolatis, sive epistola comprehensis; neque etiam refert, per se quis contrahat, an per procuratorem. Quin etiam sponsalia fiunt sub conditione, quæ pendet ab incerto futuro eventu, quæque si honesta, & possibilis sit, vim contractus suspendit, donec existat, & si non existit, contractum solvit. Turpes autem, atque impossibiles conditiones rejiciuntur, ac

firma manent sponsalia ; quæ tamen infirmantur , si conditio matrimonii bono adversetur 4) .

- 1) Munera hæc , quæ *arrhæ* , & *pignora* vocantur , a Christianis etiam usurpara memorat *Gregorius Turonensis de vit. Patr. cap. 20. pag. 1252. edit. Paris 1699.* Inter munera , quæ in sponsalibus tradebantur , eminebat præsertim annulus , qui a viro feminae dabatur ante nuptias , *Tertullianus de cultu feminar. lib. 1. cap. 5. pag. 152. & apologet. cap. 3. pag. 7. edit. Paris 1675.* Hujus annuli usum , quem Christiani quoque retinebant , memorant etiam *Clemens Alexandr. paedagog. lib. 3. cap. 11. pag. 287. tom. 1. edit. Oxonii 1715.* Annulus arthæ nomine in omnibus spon- sionibus a Romanis sæpe adhibebatur , cum darent vel pecuniam , vel annulum , ut pignoris loco esset *Plinius lib. 33. cap. 6. Histor. Naturol. tom. 5. pag. 16. edit. Paris 1685. , L. 11. §. 6. ff. de action. empt. , L. ult. ff. de Lege commiss. , L. 5. §. 15. ff. de institor.* Hinc ad firmandam spon- sionem , quæ in sponsalibus fiebat , annulus ad- hiberi consuevit , quem ferreum , ac sine gem- ma sua ætate fuisse , testatur *Plinius loc. cit.* Sed *Tertulliani* ætate , uti constat ex ejus *apologetic. cap. 3. pag. 7. edit. indic. aureus erat.* Antiqui Galli *per solidum* , & *denarium secundum Legem Salicam* sponsalia contrahebant , uti patet ex *formula 5. Bignonii* , & ex *formula 75. Linden- brogii* apud *Baluzium capitular. Reg. Francor. t. 2. col. 344. & 367. edit. Venet. 1773.* Nimirum ar- rha erat & denarius , & annulus , ideoque alterutra sponsalia contrahebantur . Sunt qui annuli cæremoniam non ad sponsalia , sed ad ipsas nu- ptias referendam purant ; sed longe aliud ostendunt *Gregorius Turonensis loc. cit. , & Nico- laus I. in respons. ad consult. Bulgar. c. 3. apud Harduinum collect. concil. to. 5. col. 354. Isidorus de Offic. Ecclesiast. l. 2. cap. 19. pag. 608. edit. Pa- ris. 1601.* annulum a sponso sponsæ dari inquit vel  
pro-



propter mutue fidei signum, vel propter id magis, ut eodem pignore eorum corda jungantur. Unde Et quarto digito annulus idem inseritur, quod in eo vena quædam, ut fertur, sanguinis ad cor usque perveniat.

- 2) Quot numero testes in sponsalibus adhiberi solerent, non satis exploratum est; adhiberos tamen fuisse testes decem, colligi potest ex Ambrosio de laps. Virg. cap. 5. opp. t. 3. col. 386. edit. indic.
- 3) Consule Martenium de antiq. eccles. rit. lib. 1. cap. 9. art. 3. tom. 2. pag. 124. edit. Venet. 1763., & Jacobum Gothofredum in Leg. 3. Cod. Theodos. de nuptiis tom. 1. pag. 321. edit. Lipsiæ 1736., a quibus omnes sponsalium ritus describuntur. Præter ceteros ritus, etiam osculum, & dextrarum conjunctio adhibebatur. Osculi quidem sponsalitii consuetudinem a Christianis, apud quos nihil osculo sanctius, & usitatius erat, repetendam putant Jacobus Gothofredus in Leg. 5. Cod. Theodos. de sponsal. & ante nupt. donation. tom. 1. pag. 308. edit. indic., & Mazochius in adnot. ad Muscettulæ dissert. de sponsal. & matrim. &c. diatrib. 1. num. 8. & seq. pag. 227. & seq. edit. Romæ 1766. Meminit hujus osculi Tertullianus de veland. Virgin. cap. 11. pag. 179. edit. Paris. 1675., & meminit Constantinus in L. 16. Cod. de donat. ante nupt., quæ ejus constitutio est Lex 5. mox indicata Codicis Theodosiani, ac refertur in Basilicis lib. 28. tit. 3. cap. 16. Hæc porro sponsalia osculo firmandi consuetudo viguit, & nunc etiam viget in Ecclesia Græca, uti ex Crusii Turcogræcia colligit Mazochius loc. cit. not. 3. pag. 233., sed Latina Ecclesia Græca severior, & austerior, cum sponsalia in grandiotem ætatem differri cæperunt, atque hominum malitia desiit antiqua simplicitas, rituale illud osculum omittendum putavit. Postrema ejus osculi mentio est in Palea can. Lex Divina c. 27. q. 2., quisquis tandem sit auctor hujus rescripti, quod vulgo Benedicto tribuitur.
- 4) Cap. ult. de condit. apposit.

§. CX. Contracta sponsalia obligationem contrahendi matrimonii pariunt; adeo ut renuens implere fidem non tantum monendus, sed etiam metu poenarum, atque ecclesiasticis censuris cogendus sit 1). Verum coactioni, atque censuris, in quibus nervus inest ecclesiasticæ potestatis, non ita facile dandus est locus, quoniam tristes habent exitus coacta matrimonia; & ideo vel levis causa procul esse jubet coercitiones, atque ab iis plane abstinendum est, cum adhuc sponsus voluntate obstinata pergit matrimonio resistere 2). Quod si qua gravis causa urgeat, puta si mulier a sponso deflorata sit, ipse omnino ad nuptias cogi debet.

- 1) Lucius III. in Cap. 17. de sponsal. sponsam monendam potius, quam cogendam esse statuit, cum coactiones difficiles soleant exitus frequenter habere. Contra Alexander III. in cap. 10. eod. sponsum non tantum moneri, sed etiam ecclesiastica censura, compelli jubet, ut ipsam, nisi rationabilis causa obstiterit, in uxorem recipiat. Ita componendus videtur uterque locus Juris Canonici, ut vel levissima causa faciat soli monitioni locum; contra vero adhibenda sit coercitio, cum eam gravis causa postulat.
- 2) Confer Muscettulam laud. dissert. de sponsal. & matrim. Ec. dub. 4. num. 134. & seq. pag. 100. & seq., ibique Mazuchium not. 34. pag. 103.

§. CXI. Solvuntur sponsalia mutuo consensu eorum, a quibus contracta sunt, etiamsi jurata sint; quia sacramentum sequitur naturam actus, cui adjectum est 1). Impuberes vero dissentire non possunt, nisi puberes facti sint, & se corporum conjunctione abstinuerint 2).

Quod

Quod si alter impubes suam obligavit fidem, atque dissentiat, sponsalia dissolvuntur, etiam invito altero, qui ea contraxit, cum jam pubes evaserat 3).

- 1) *Cap. 25. de jurejur.*
- 2) *Cap. 8. de desponsat. impuber.*
- 3) *Cap. 7. eod.*

§. CXII. Sed & solvuntur sponsalia per matrimonium, quod sponsorum alter injuria quidem, sed valide cum alia, aliove contraxit; per sacros susceptos ordines 1), aut emissam in approbata religione professionem 2). Quin etiam interdum unus liberatur, sed alter adhuc manet obstrictus sponsione sua; si nimirum ipse dolo rem egit, si in longinqua proficiscatur sine alterius consensu 3), si magnam, atque constantem post sponsalia pertulit mutationem animi, corporis, fortunarum 4), si fidem fregit, hoc est suum cum alio corpore commiscuit 5). Qua in re Canonici Juris interpretes virum liberant, etiamsi mulier ante sponsalia, ac per vim quoque stuprata sit; verum mulier lege solvitur, tantum si vir post inita sponsalia in fide non stetit.

- 1) *Cap. unic. de vot. in 6.*
- 2) Qui ingreditur religionem obligatus manet, donec professionem emittat; sed alterius obligatio per solum illius ingressum tollitur.
- 3) *Cap. 5. de sponsal.*
- 4) *Cap. ult. de conjug. lepros.* Nam in omnibus pactionibus, multo magis sponsalibus, inesse censerur conditio, rebus in eodem statu manentibus.
- 5) *Cap. 25. de jurejur.*

Se.



## SECTION IX.

### *De matrimonii impedimentis.*

- |   |  |
|---|--|
| CXIII. Quæ & qualia sint matrimonii impedimenta?  | CXXVII. Votum solemne.                 |
| CXIV. Ea constituere, & laxare Ecclesiæ est.  | CXXVIII. Ligamen.                      |
| CXV. Matrimonii sacramentum a contractu civili non pender.                                      | CXXIX. ad CXXXIII. Cognatio naturalis. |
| CXVI. ad CXIX. Summo Pontifici, non item Episcopis laxandi dirimentia impedimenta potestas est. | CXXXIV. Cognatio civilis.              |
| CXX. Impedimentorum dispensatio publica, vel occulta.   | CXXXV. Cognatio spiritualis.           |
| CXXI. & CXXII. Divisio impedimentorum dirimentium.  | CXXXVI. Affinitas.                     |
| CXXIII. Ætas.   | CXXXVII. Publica honestas.             |
| CXXIV. & CXXV. Impotentia.  | GXXXVIII. Crimen.                      |
| CXXVI. Ordo sacer.  | CXXXIX. Cultus disparitas.             |
|   | CXL. Error.                            |
|   | CXLI. Ignoratio servilis conditionis.  |
|   | CXLII. Vis.                            |
|   | CXLIII. Raprus.                        |
|   | CXLIV. Turpis conditio.                |
|   | CXLV. Matrimonium clandestinum.        |

### §. CXIII.

**D**Um ineuntur nuptiæ, illud in primis considerandum est, num aliquid interveniat, quo illæ vel prorsus irritæ, vel non laudabiles, neque honestæ sint. Quæ irritum matrimonium faciunt, impedimenta dirimentia; quæ minus lau-

laudabile, & honestum, impediencia appellantur. Impedimenta impediencia vetant, ne nuptiæ contrahantur, sed non tollunt, evertuntque contractas; dirimentia vim prorsus adiungunt matrimonio, & ideo non tantum contrahendum impediunt, sed etiam contractum dirimunt.

§. CXIV. Impedimentorum constituendorum, & laxandorum jus penes unam Ecclesiam est 1). Id ostendit & natura matrimonii, quod cum apud Christianos sacramentum sit, civilibus legibus subesse non potest; ac perpetua traditio, & consuetudo, quam semper Christiani omnes ratam firmam habuerunt 2). Civilibus quidem legibus effici potest, ut qui certas nuptias conciliarunt, potiri non debeant juribus, & privilegiis, quibus reliqui Cives potiuntur; sed unius Ecclesiæ est leges constituere, quæ vim matrimonii respiciunt.

- 1) Concilium Tridentinum sess. 24. can. 3. de sacram. matrim. Si quis, inquit, dixerit, eos tantum consanguinitatis, & affinitatis gradus, qui in Levitico exprimuntur, posse impedire matrimonium contrahendum, & dirimere contractum, nec posse Ecclesiam in nonnullis illorum dispensare, aut constituere, ut plures impedian, & dirimant, anathema sit. Idemque habet can. 4. Waldenses primum, postea Lutherani, & Calviniani, tum Marcus Antonius de Dominis Archiepiscopus Spalatensis, & apostata, Paulus Sarpus, & Joannes Launojus nullam esse putarunt in Ecclesiastica hierarchia impedimenta illa constituendi potestatem. Errorum hunc jam prope senescentem ab oblivione hominum, atque silentio non multis abhinc

abhinc annis vindicare conati sunt Aloysius Litta, Thomas Nestius, Perrus Tamburinius, & quidam alii; qui etiam absurde detorquebant Tridentinos canones, quorum supra facta mentio est, ne in illum ipsum incidere videantur errorem, quem Synodus contra Lutherum, ceterosque hæreticos damnavit. Inquiunt videlicet, canones non esse dogmaticos; Tridentinis Patribus Ecclesie potestatem esse potestatem non propriam Ecclesie, sed ei a Principibus concessam; denique Ecclesie nomen Patres ipsos usurpasse, non ut ecclesiasticum ordinem, sed ut sæculares Principes significarent. Verum si Tridentina Synodus hanc de matrimonio doctrinam non aliquo *de reformatione* titulo, sed comprehendit canonibus, quibus semper catholicum dogma stabilire solent; si initio *sessionis* 24. in qua extant duo illi canones de matrimonii impedimenti, declarat, se *anathematizare* omnes hæreses, & errores, qui de sacramento matrimonii orti sunt; si inter has hæreses, & errores *anathematizat* etiam eos, qui negant jus esse Ecclesie constituendorum, & laxandorum impedimentorum matrimonii; nonnisi obfirmata cavillandi licentia hos canones dogmaticos esse inficiabitur. Quod vero ajunt de prava illa interpretatione vocabuli Ecclesie, id argumentum est, quo nullum illustrius, & præclarior esse potest, perditæ, ac desperatæ causæ, quam tuerentur. Quis enim putet, Ecclesiam, quæ omnibus, atque ipsis Tridentinis Patribus semper est Ordo Ecclesiasticus, duobus illis canonibus esse potestatem sæcularem; Patres ipsos, qui cuncta suis propriis, germanisque vocabulis explicatur studio, ac diligentia singulari, eo tantum loco a proposito discessisse, pervertisseque vocabuli significationem, ut facerent disputationi locum, & simul integrum relinquerent errorem Lutheri, cujus erant conatus omnes in ecclesiasticam potestatem; Principum Oratores qui Concilio intererant, curabantque diligenter, ne quid verbis, aut factis eorum potestati de-

tra-

traheretur , permittere voluisse , quod hæc potestas , quæ suo , & proptio vocabulo clarissime designari potuisset , comprehendetur vocabulo , quod tantum violenter detortum , ac minus proptie eam significare poterat ? *Cap. 1. sess. 14. de reform. matrim.* Synodus irrita facit clandestina matrimonia , quæ rata sita fuisse dicit , *quandiu ea Ecclesia irrita non fecit* . Ergo Tridentinis Patribus Ecclesia , quæ dirimentia matrimonium impedimenta constituit , est ipsa Synodus , hoc est cœtus Ecclesiasticus , cujus decreto factum est , ut clandestina matrimonia , quæ pridem *Ecclesiæ lege* irrita non erant , alla deinceps *Ecclesiæ lege* irrita habeantur , & sint . Quid ? Nova illa a Synodo constituta impedimenta ; illæ Principum Oratorum pteces , illaque de his impedimentis , studia , quæ partim Synodi Patres probantur , partim rejecerunt arbitrio suo , nonne evidenter ostendunt in eo negotio Ecclesiæ potestatem ? Neque his precibus , & officiis rem egissent *Delegantes* cum *Delegato* ; nihil illis ab se postulanti- bus Synodus recusare poruisset ; non ruto , ac certo statuere *can. 3. & 4.* ( addita quoque pœna anathematis in eos , qui id negarent ) non solum antea potuisse , sed etiam in posterum Ecclesiam posse matrimonii impedimenta constituere ; non pari anathematis pœna plectere *can. 12.* , qui dicerent , *causas matrimoniales non spectare ad Ju- dices Ecclesiasticos* , si in eo negotio Ecclesia delegato tantum jure uteretur , non proptio , & suo . Denique cum Tridentini Patres impedimen- ta stabilire dicant *Ecclesiam* , & *Sanctam Syno- dum* , quibus iisdem verbis catholicum dogma constituunt ; aut in utroque , aut in neutro po- testas delegata ponenda est . Quis autem dicat , Synodum œcumenicam in constituendo dogmate potestate delegata indigere ? Paucis hæc attigi , quæ multo fusius , & uberius explicari possunt , sed ita instituti mei ratio postulabat . Præclare in hoc argumenti genere versatus est Cl. Auctor operis edui *Hierapoli* anno 1786. ; cui titulus

*Defen-*

*Defensio Tridentinorum Canonum de Ecclesiæ potestate in dirimentia matrimonium impedimenta adversus Launojum, Tamburinium, Nestium, aliosque recentiores, Auctore Petro Deodato Nicopolitano.*

- 2) Id ostendam paulo post, cum de unoquoque impedimento singillatim dissëram. Interim, ut mittam cetera ejus rei monumenta, quorum magnus est numerus, quæque a Gerbaisio recensentur, satis est legere duas canonum collectiones, quas VII. & VIII. sæculo ediderunt Theodorus Cantautiensis, & Egbertus Eboracensis, ut pateat, quot jam essent ea ætate matrimonii impedimenta ab Ecclesia constituta. Ille enim apud Dacherium *Spicileg. tom. 1. Cap. 24. 23. 30. 31. 32. 63. 92. 93. 108. 139. 140. 143. pag. 487. ad 490. edit. Paris. 1723.* multa hujusmodi impedimenta describit, & multa item habet Egbertus in collectione, cui titulus *Excerptiones a cap. 128. ad 138. apud Spelmanum Concil. Britannic. tom. 1. pag. 271. & seq. edit. Londini 1639.* Vide Jueninium *de sacrament. quest. 6. de matrimonii impedimen. in gener.*, Gerbaisium *Traité du pouvoir de l' Eglise, & de Princes sur les empechemens du mariage*, quo quidem opere *tota parte I.* apertissime ostendit, Ecclesiam jus proprium habere constituendi impedimenta matrimonii, atque omnium ætatum collectis monumentis, hanc esse demonstrat perpetuam traditionem, & consuetudinem, quam etiam sæculares Principes sæpissime ratam habuerunt; quamquam *parte 2.* minus vere jus constituendi impedimenta matrimonium dirimentia etiam laicæ Potestati adscribere conetur. Vide etiam Launoii sophismata refellentem Auctorem operis *de l' autorité des deux puissances cap. 3. §. 8. tom. 2.*, & Iacobum Clementem *Traité du pouvoir irrefragable & inébranlable de l' Eglise sur le mariage des Catoliques.*



§. CXV. Neque vero quod in matrimonio inest etiam civilis contractus, exinde effici potest, quod si forte civiles leges contractum tollant, matrimonium quoque tollatur; quoniam materia eripitur, in qua consistit. Nam sacramenti materia non civilis, sed naturalis est contractus, qui simul est hinc quidem contractus civilis, illinc vero sacramentum; quoniam ab eo perficitur, qui simul civis, & Christianus est. Atqui nec contractus civilis a sacramento, nec sacramentum a civili contractu pendet, quæ diversa sunt rerum genera certæ Civitatis, & Christianæ religionis, utrumque per se constans, non alterne necessario nexa inter se; cum sit tamen utrumque singillatim innexum, conditioni naturali hominis, atque ab hac pendeat. Itaque, sublato etiam civili contractu, integrum tamen est sacramentum, quod ab illo non pendet, & quod suam habet materiam in contractu naturali 1).

- 1) Gravis est error illorum, qui cum in matrimonio civilem contractum fieri animadvertant, ita ab hoc contractu sacramentum pendere arbitrantur, ut illo sublato, alterum etiam tolli, evertique debeat. Inquiunt enim, in matrimonio inesse & civilem contractum, & sacramentum; sed primum contractum existere, postea sacramentum, quod ab illo sumit materiam, in qua consistat. Quemadmodum vero civilibus legibus ceteri contractus subiciuntur, ita etiam iis subesse contendunt contractum matrimonii; & ideo cum civiles leges contractum perimunt, ipsam tollunt materiam, sine qua sacramentum stare non potest. Verum materia sacramenti matrimonii non civilis, sed ipse est contractus naturalis, qui cer-

te absolvi cepit, multo ante quam ullæ civiles societates constituerentur. Naturalis hic contractus materiam præbet tum contractui civili, tum sacramento. Cum is contractus ab eo perficitur, qui tantum est civis, ejus matrimonium tantum civilis contractus esse potest; arque ex eo genere sunt conjugia, quæ ab infidelibus contrahuntur. Sed quando nuptias conciliat, qui simul civis, & Christianus est, matrimonium simul efficitur contractus civilis, & sacramentum; quia non primum a Cive, deinde a Christiano, sed ab uno simul cive, & simul christiano contrahitur. Quare utut leges civiles impedimenta constituent adversus civilem contractum, nulla certe possunt constituere adversus sacramentum; neque illo sublato, hoc etiam tollitur, petinde ac non amplius habeat materiam, in qua consistat. Hæc enim est posita in contractu naturali, cui tamquam fundamento utriusque communi, & proximo, tum contractus civilis, tum sacramentum incumbit. Certe Christus Dominus, qui suam instituit Ecclesiam ex omnibus gentibus, quibus dissimiles erant mores, legesque civiles, omnibus, qui ad hanc Ecclesiam pertinerent, matrimonium sacramentum esse voluit. Itaque ejus materiam constituere debuit, quæ omnibus una, & eadem esset; & ideo primam, quæ ante ullas conditas civiles leges fuit, matrimonii institutionem appellavit. Atqui tantum naturalis contractus unus, idemque erat omnibus, non civilis, quem aliis legibus Romani, aliis Hebræi, aliis reliquæ gentes perficiebant. Equidem pero ab iis, qui civilem contractum sacramenti materiam faciunt, quorum populorum civiles leges Christus respexerit, ut in his sacramenti materiam poneret? An Hebræorum, an Romanorum, an reliquarum Gentium? Si Hebræorum leges spectavit, negabimus sacramentum fuisse matrimonium ceterorum, qui ex Romanis, aut ex reliquis gentibus ad Ecclesiam veniebant; quoniam non iisdem, quibus illi, legibus ute-

ban-

bantur . Eadem contra argumentatio redit , si in contractu civili Romanorum , aut reliquarum gentium sacramenti materiam a Christo collocatam dicamus . Adde , quod nullæ runc erant civiles leges de matrimonio , quæ non Christi legi adversarentur . Hebræorum leges repudium permittebant , leges Romanorum , ac gentium reliquarum & repudiū facultatem dabant , & plenæ superstitionum , ac victorum erant . Quis dicat , Christum fecisse sacramenti materiam has leges , a quibus Divina , quæ ab eo ferebatur , Lex abhorrebat ? Fecisse præterea materiam vagam , & incertam , qualis est contractus civilis , qui a populorum moribus , a temporum ratione , ab hominum voluntate , arbitrioque pendet ? Confer Jacobum Clementem *loco cit. cap. 3.* , & Auctorem operis *de l'autorité des deux puissances cap. 3. §. 8. tom. 2.*

§. CXVL Cumque Ecclesiam repræsentent vel ejus caput Romanus Pontifex , vel œcumenicum Concilium , sequitur , ut ab alterutro tantum dirimentia matrimonium impedimenta constitui 1) , & constituta removeri possint 2) . Sæpe enim justis de causis aliquis lege solvitur ; solvendus est autem potestati pari , qua adstrictus est . Episcoporum potestas infra Summi Pontificis , atque œcumenici Concilii potestatem est ; & ideo , quæ superiori lege sancita sunt , impedimenta perfringere , & labefactare non possunt . Quare ut Summi Pontifices jus illud exercent , quod semper exercuerunt , laxandi dirimentia matrimonium impedimenta , nihil sibi præcipue reservare debuerunt , neque aliquid de juribus episcopalibus deminuere , ac detrachere oportuit .

tuit . Res ipsa vetat , inferiorem abrogare legem , quæ superioris imperio sancita est .

- 1) Impedimentorum matrimonii , quæ a Summis Pontificibus constituta sunt , vel probata , & tunc generalis Ecclesie legis vim obtinuerunt , antiquissima exempla suppeditant Innocentius I. *epist. 2. ad Victric. Rothomag. cap. 13.* apud Constantium *epist. Roman. Pontifi. col. 756.* , Siricius *epist. 1. ad Himer. Tarraconen. cap. 4.* apud eundem Constantium *col. 628.* , Leo M. *ep. 2. ad Rustic. Narbonen. & ep. 133. ad Nicet. pag. 11. & 443. opp. tom. 2. edit. Romæ* , Gregorius M. *ep. 1. lib. 7. epist. 64. lib. 11. epist. 17. lib. 14. & in decret. 6. opp. tom. 2. col. 845. 1154. 1179. 1293. edit. Paris.* , Gelasius *decret. cap. 20.* apud Pithæum *Cod. canon. Eccles. Roman. Paris. 1637. pag. 268.* , Gregorius II. *Decret. 1. 2. 3.* apud eundem Pithæum *loc. cit. pag. 300.* Falso igitur auctor libri *sopra il diritto di stabilire impedimenti dirimenti il matrimonio , e di dispensare a Romanis Pontificibus constituta* negat matrimonii impedimenta . Sane eorum quædam primum a Conciliis particularibus stabilita sunt ; sed ea tantum post Decretum Summi Pontificis in Ecclesia universa vim legis habere ceperunt .
- 2) Sæculo VI. Gregorius M. Anglorum genti , quæ recens Christi fidem amplexa fuerat , matrimonia permisit in tertio consanguinitatis gradu , in quo jam tunc itritæ conjugia erant . Unde , inquit ipse Gregorius *Ad Augustinum ep. 54. lib. 11. tom. 2. col. 1154. edit. Paris cit.* , *necesse est , ut jam tertia , aut quarta generatio fidelium licenter sibi jungi debeat ; nam secunda , quam diximus , a se omnino debet abstinere . Quæ indulgentia Pontificis cum displicuisset Felici Episcopo Messanensi , ipseque ea de re vehementiores ad Gregorium literas dedisset , respondit Pontifex epist. 17. lib. 14. col. 1277.* , se non omnibus universe , sed tantum Anglis hanc veniam  
justis

justis de causis concessisse . En dispensationum matrimonialium , ut vocant , quæ ab Sede Apostolica datæ sunt , monumentum luculentissimum , ac vetustissimum . Scio , quosdam esse , qui has literas Gregorii esse negant ; sed & stylus , & rerum , de quibus agitur , ratio , & cetera argumenta , meo quidem iudicio , evidenter ostendunt , eas omnino Gregorio adscribendas esse . Adeundi sunt eruditi Monachi e Congregatione S. Mauri in not. ad utramque epist. Hujus simile exemplum suppeditat initio sæculi VIII. Gregorius II. , qui Germanis facultatem dedit nubendi post quartum gradum , quo quidem gradu nulum ea tempestate matrimonium erat , uti patet ex ejus epist. 13. ad Bonifacium Moguntinum apud Labbeum collect. Concilior. tom. 8. col. 177. edit. Venet. Alia multa eadem de re monumenta collegit Auctor operis , quod Fulginei prodiit anno 1784. cum titulo *Le storte idee raddrizzate* cap. 3. pag. 89. , & seq. Interdum etiam a Synodis provincialibus laxata sunt matrimonii impedimenta , quando scilicet Pontificiis Constitutionibus , aut totius Ecclesiæ lege nondum probata fuerant . Multa enim impedimenta primum a Conciliis provincialibus constituta sunt ; & tunc ea tolli poterant eadem auctoritate , qua stabilita fuerant . Sed posteaquam jus illud totius Ecclesiæ lex evasit , ei certe non amplius derogare potuit Synodus provincialis , cujus potestas infra illam potestatem est . Certe matrimoniales causas inter causas majores , quas Romano Pontifici servatas voluerunt Innocentius I. , Leo M. , & ceteri , quorum loca indicavi lib. 1. tit. 3. sect. 1. §. 14. not. 6. pag. 159. , recensent Cælestinus III. epist. 9. ad Archiepiscopum Senonensem apud Labbeum tom. 13. Concil. col. 698. edit. Venet. , Sigefridus Moguntinus epist. ad Alexan. II. Tom. 3. Concil. German. pag. 152. , Annales Bettiniani ad ann. 831. apud Eckartum Gallia orient. tom. 2. lib. 28. §. 193. Synodus Tridentina sacram rectam esse voluit potestatem , qua sem-

per Apostolica Sedes usa fuerat, removendi dic-  
 tamenta impedimenta, ideoque *regulas in materia di-*  
*spensationis, ac signanter super impedimentis matrimo-*  
*nii præscriptas ad Romanum Pontificem præcipue di-*  
*rexit*, uti post Du-Cassium *de jurisdict. eccles. tom. 1.*  
*cap. 10. §. 5.* observat Van-Espenius *Jus eccles.*  
*part. 2. sect. 1. tit. 14. cap. 1. num. 10.* Imo cum di-  
 sputatatum esset a Patribus, num satius esset Epi-  
 scopis, quam Summo Pontifici facultatem la-  
 xandi impedimenta reservare, potissimum Pius IV.  
 æquo animo assentiebatur, ut consanguinitas  
 in quarto gradu, quia frequentior, a Pon-  
 tificiis reservationibus tolleretur, & Episcoporum  
 arbitrio permitteretur. At Synodo magis placuit  
 sententia M. Antonii Bobbæ Augustani Episcopi,  
 & Sabaudix Ducis Legati, qui animadvertit,  
 fore, ut data Episcopis hac facultate multo  
 facilius, & frequentius, quod Patrum  
 studio, & proposito adversabatur, hujus-  
 modi veniæ concederentur. Confer Paleorum  
*in act. Concil. Trid. ad diem 17. Augusti 1563.,*  
 & Pallavicinum *Histor. Concil. Trident. lib. 23.*  
*cap. 9. num. 17.* Neque verum est, ut aliqui  
 putant, Tridentinam Synodum *sess. 25. cap. 18.*  
*de reform.* dispensandi necessitatem imposuisse,  
 cum reuera canones *exacte ab omnibus, Et indi-*  
*stincte observari voluerit.* Tantum statuit, ut si  
 interdum canones justis de causis laxentur, id  
 nonnisi *causa cognita, ac summa maturitate fiat.*  
 Quibus verbis non dispensandi necessitas consti-  
 tuitur, sed modus præscribitur, quem servare  
 oportet, cum venia datur. Haud multo post  
 Tridentinam Synodum jus removendi impedi-  
 menta matrimonii tantum Romani Pontificis proprium  
 agnoverunt Concilia Turonense *tit. 9. de ma-*  
*trim.,* & Tolosanum *par. 2. cap. 8. col. 1405.*  
 & 1804. *tom. 10. collection. Harduini.* Merito igitur  
 Optimus, Sapientissimusque Pontifex Pius VI.  
 quem diu Deus servet incolumem omnium bono,  
 literis datis die 28. Novembris 1786., præter  
 ceteros, damnavit errorem Eybelii agentis, dispen-  
 satio-

sationum reservationes indebitas , atque Episcopis injurias esse . Consule doctissimum Mamachium , qui de jure dispensationum , quod in Romano Pontifice inest , graviter , solide , accurate disputat in libro , quem nuper edidit *Pisti Alethini* nomine contra Auctorem opusculi *Quid est Papa?* ep. 3. §. 9. pag. 232. tom. 1. ; & Cl. Auctorem dissertationis , qua defenditur *Romani Pontificis auctoritas in impedimenta matrimonium dirimentia* .

§. CXVII. Verum si quid etiam ex juri-  
bus Episcoporum detractum , si ipsorum ea in  
re arctata jurisdictio videatur ; quis neget , id  
suo jure factum a Summis Pontificibus pro su-  
prema , quam habent , in tota Ecclesia potesta-  
te 1) ? *Primigenia* quidem , ut vocant , sint jura  
Episcoporum , quæ ad jurisdictionem pertinent ,  
eaque jurisdictio a Christo repetatur 2) . Sed  
hæc ab ipso Christo ita instituta est , ut uni  
Summo omnium capiti , & moderatori subes-  
set 3) ; neque Christus , cum eam Episcopis de-  
dit , divisit diœceses , & singulis certos adscri-  
psit subditos , in quos jurisdictionem illam exer-  
cerent . Id totum factum ab Ecclesia est , & fa-  
ctum cum opera , & auctoritate Summi Pontifi-  
cis , sine quo vera Ecclesia esse non potest . Itaque  
jurisdictio Episcoporum a Christo , usus , &  
exercitium hujus jurisdictionis in certos subditos  
ab Ecclesia est .

- 1) Concilium Tridentinum sess. 14. cap. 7. de sa-  
crament. *Pœnitent. Merito* , inquit , *Pontifices Ma-*  
*ximi pro suprema potestate sibi in Ecclesia univer-*  
*sa tradita causas aliquas criminum graviores suo po-*  
*tuerunt peculiari judicio reservare* . Qua in re illud  
in primis animadvertere oportet , quod si quæ

potestas Episcopis jure Divino concessa integra relinqui deber, ea certe est potestas absolvendi a quibuscunque peccatis; quam amplam, ac nullo modo cohibitam a Christo Apostolis, & Episcopis eorum successoribus dariam fuisse constat. Quod si tanta hæc, tamque late patens potestas ita (& id quidem Divino jure) Pontificiæ auctoritati subest, ut pro *suprema* Romanorum Pontificum potestate per reservationes coerceri, & arctari merito potuerit; an non ceteræ Episcoporum facultates, simili prorsus jure, ac *suprema* potestate, cum id expedire visum fuerit, arctius astringi poterunt?

- 2) Ne quis obtrudat, nisi me principiis minus exploratis, minusque probatis omnibus, tamquam certum pono id, quod incertum, controversumque est. Non enim certo constat, num Episcoporum potestas a Christo *immediate* sit repetenda, an potius in eos per Petrum, ejusque Successores transierit; neque Synodus Tridentina quæstionem hanc definire voluit, ut ostendi *tom. 1. cap. 2. not. 1. pag. 19.*
- 3) Episcoporum jurisdictio primigenia quidem sit, & a Christo immediate præcedens; sed primigenius etiam est, essentialis, & a Christo institutus Primatus non dignitatis solum, sed etiam jurisditionis in Ecclesia universa. Utæque potestas primigenia est; sed utriusque ex lege divina propria est, atque intima natata, ut altera subsit, altera præsit. Christus & Petrum, ejusque successores toti Ecclesiæ præfecit non solum dignitate, sed etiam imperio; & simul Episcopis jurisditionem dedit, sed jurisditionem subjectam superiori potestati, in qua Principatum posuit. *Jesus Christus ipse*, inquit Clerus Gallicanus in comitiis extraordinariis diei 8. Maji 1728., *sua institutione limites præscripsit huic potestati Episcopali, quam subjecit Sedi Petri, in qua posuit plenitudinem Apostolicæ potestatis.* Reservationes causarum matrimonialium, & ceteræ hujusmodi non tollunt, everruntque

pri-



primigeniam, & essentialem Episcoporum jurisdictionem, quæ Divinæ institutionis est; tantum ejus exercendæ constituunt modum, qui a Christo definitus non fuit. Et vetustiori quidem ætate ea res tota fere pendebat a Synodis provincialibus, Metropolitibus, Patriarchis, quos humanæ institutionis esse, inter omnes constat; adeo verum est, primigeniæ, essentiali, & a Christo datæ Episcopis potestati non adversari modum, qui in ea exercenda superiiori imperio stabilitur. Quod si hunc modum constituit Potestas, quæ tantum humana est, nonne id multo magis poterit præstare potestas Summi Pontificis, hoc est Potestas divinitus instituta? Si magis intrare volumus, potius hæ ipsæ reservationes ad jus divinum refecti possunt; quatenus videlicet jure Divino Summo Pontifici in omnes Episcopos jurisdictionis data est, & quatenus Christus ordinem inter Potestates omnino servandum constituit. Cujus quidem ordinis ea vis, & natura est, ut inferiores subjecti sint superioribus, uti docet Petrus *ep. 1. cap. 2. v. 13. Subditi igitur estote omni humanæ creaturæ propter Deum, sive Regi quasi præcellenti, sive Ducibus &c.*, & Paulus ad Roman. c. XIII. vers. 1. *Omnis anima Potestatibus sublimioribus subdita sit; non est enim potestas nisi a Deo; quæ autem sunt a Deo ordinatæ sunt.* En ordinem inter Potestates a Deo constitutum, ut inferiores quantumvis potestate aliqua præditi, sublimioribus subesse debeant. Consule Balletinum *de potest. Ecclesiast. Summor. Pontific. cap. 1. §. 4. 5. & 6.*, & doctissimum Mamachium egregio opere, quod paulo ante indicavi, *epist. 1. 2. 3. fere per tot.*

§. CXVIII. Cum Episcopo certi adimuntur subditi, non tollitur primigenia illa jurisdictionis, quæ divinitus data est; tantum arctatur, & constringitur usus jurisdictionis, quæ amplius exerceri non potest in subditos, qui ab Epi-

SCO-

scopi imperio subtracti sunt . Ita Synodi particulares sæpe arctarunt usum jurisdictionis Episcopalis ; & id quidem jure , ac recte factum , omnes facile concedunt ; quia cum Synodi Episcopis auctoritate præstarent , potuerunt Episcopatum facultatum usum , pro Ecclesiæ utilitate , præfinire 1) . Quod si hæc facta , & rite fieri potuerunt a Synodis particularibus , quæ tantum jure ecclesiastico provinciarum , aut regionum , ejusque Episcopis divinitus institutis præsumunt ; id certe multo magis concedendum est Petri successoribus , qui non humano , sed divino jure omnibus Episcopis , ipsisque Synodis particularibus præfecti sunt 2) .

- 1) Episcopalis potestatis , quæ a Synodis , Metropolitanis , Patriarchis cohibita fuerit , innumeræ propemodum , & omnibus comperta exempla sunt . Præclarum est illud Concilii Chalcedonensis act. 4. col. 418. tom. 2. collect. Harduini , ubi sancitum est , *ut nihil absque ipso* ( Antistite Alexandrino ) *ageretur ab aliquo subjacente Episcopo* . Hoc quidem loco ita arctatur Episcoporum potestas , ut nulla in re non pendeat a Patriarcha , ac *nihil* Episcopus agere possit sine venia Patriarchæ , cui subest . Divino quidem jure ad Episcopos pertinere ordinationes eorum , quos suarum Ecclesiarum regimini utiles , & multo magis necessarios agnoscant , quis ignorat ? Africanæ autem Ecclesiæ in exitu sæculi quarti , & initio quinti magna sacrorum ministrorum inopia laborabant , adeo ut multæ earum plebes essent desertæ & alicubi ne unus quidem Diaconus reperiretur . Huic malo remedium adhibere oportebat ; & vero adhiberi facile poterat , tum si in suis reciperentur gradibus , qui a Donatistis ad Catholicam unitatem revertebantur , tum si ordi-

ordinibus donarentur, qui apud Donatistas in infantia baptizati, rationis usu præditi ad Catholicam Ecclesiam redierant. Sed obstabant decreta edita in transmarino Concilio, quorum mentio est in Synodo Africana *can. 35.* apud Pithæum *Cod. canon. pag. 152. edit. Paris 1687.* Itaque ut ea lex necessitatis gratia laxaretur, missa legatio est ad eos, a quibus illa lata fuerat, sicuti patet ex eadem Synodo Africana *loc. cit. pag. 143.* Quod si Synodi particulares Episcoporum potestatem in re tam gravi, tamque Episcopi propria auctoritate potuerunt; an non idem multo magis præstare poterit Summus Pontifex, cujus non humano jure sancita, sed a Christo ipso instituta potestas est?

- 2) Si antiquis temporibus Episcopalium facultatum definiendarum modus a Patriarchis, Metropolitibus, Synodisque provincialibus totus fere penderet, non idcirco Pontificio juri, quod ex Primatu descendit, quidquam detractum videri potest. Cum enim omnis illorum, quæ tandem cumque illa esset, in Episcopos, & Episcopatus jurisdictio tantum ex Ecclesiastico jure procederet; profecto quidquid ecclesiasticæ institutionis est juri ordinario, ac divino Primatus detrachere nihil potuit. Consule Ballerinium *de potest. ecclesiast. cap. 1. §. 4.*

§. CXIX. Hoc sane primigenium jus est Pontificum Romanorum, quod abrogari nequit, nisi abrogetur, quod salva fide tolli non potest, Primatus jurisdictionis, cui Christus omnes subjecit, & cui Episcoporum jurisdictionem obnoxiam voluit 1). Eo jure Summi Pontifices recte potuerunt Episcopalis jurisdictionis modum constituere, ac sibi tantum certorum criminum veniam, ac laxandi dirimentia matrimonium impedimenta facultatem reservare. Atque hæc quidem

dem vetustissima consuetudo est, quam omnium ætatum consensus comprobavit; ut Summus Pontifex dirimentia matrimonium impedimenta constituat, & tollat constituta, cum id justis de causis faciendum est 2). Episcopis permissa tantum est facultas laxandi impedimenta impediencia, exceptis hæresi, & sponsalibus, in quibus non licet fidem fallere, invito eo, cui data est; & voto simplici aut perpetuæ castitatis, aut ingrediendi Religionem, quod cum purum fuerit, nullique conditioni obnoxium, tantum Romano Pontifici reservatur 3).

- 1) Consule præstantissimas, gravissimasque literas datas a PIO VI. Pont. Max. die 28. Novembris. 1786. adversus auctorem opusculi *quid est Papa?* & vide etiam Cl. Mamachium loc. mox indicat.
- 2) Auctor libri *sopra il diritto di stabilire impedimenti dirimenti il matrimonio, e di dispensare novum* excogitavit genus dispensationum, quas vocant, suoque hoc invento efficere se posse censer, ut etiam Episcopi laxandorum impedimentorum potestatem habere videantur. Inquit enim, impedimenta laxata quidem initio fuisse ex gratia, & beneficio, sed frequentem laxandi consuetudinem quasi legis exceptionem induxisse, ita ut dispensationes, quæ initio gratiæ tantum erant, lapsu temporum justitiæ evaserint. Quare Episcopus suo jure removet impedimenta, quorum vetus est, & longo usu firmatus removendotum usus; & tunc quidem judicat, num locum habere debeat exceptio legis, quæ jam vetustate consuetudinis inducta est. Sed primum nego, ex repetitis actibus fieri posse, ut quod semper ex gratia, & beneficio conceditur, justitiæ actus evadat. Longa consuetudo parere quidem potest exceptionem legis, cum ei populorum mores, & consensus legislatoris ita derogant vel omnino,  
vel

vel ex parte, ut jus ea lege constitutum non amplius vigeat, neque ullam parendi affertat necessitatem. An quisquam superiorem rogat, ut eum lege solvat, quæ contraria consuetudine sublata est? Imo legis loco est ipsa consuetudo, quæ antiquo juri adversatur, eique tantum parere omnes debent. Sed dispensationum, quas vocant, longe dissimilis ratio est. Non enim per eas, ut ut sæpe concedantur, diuque concessæ fuerint, jus novum inducitur. Imo vero ea, quæ peritur, & quæ conceditur, dispensatio, vigentis, & confirmatæ legis monumentum est. Nam quisquis superiorem rogat, ut lege solvatur, necessario taceat, integram esse legem, qua stulte, & inutiliter solvi veller, si ea esset antiquata; & superior quoties aliquem solvit, ejus quidem gratia legi derogat, sed legem ipsam confirmat, qua obstrictos vult esse ceteros, quos ipse simili beneficio, ac privilegio non solvit. Quod si specialis dispensatio non legem generatim abrogat, sed confirmat, Oedipo opus est conjectore, ut intelligatur, quomodo *justitiæ* actus evadere possit, ut quis parere non debeat legibus, quæ fixæ, certæque sunt, atque omnibus constitutæ. At enim frequens usus beneficii, quod superior confert in unum, aut alterum, quem lege solvit, quasi vim consuetudinis obtinet, ita ut omnes ad simile beneficium obtinendum jus consequi videantur. Falso. Nam omnis dispensatio *ex gratia*, *Et beneficio* est; justitia postulat, ut lex, quæ viget, observetur; sed superior justis de causis hanc justitiam silete jubet, ut in unum, aut in alterum beneficium conferat. Itaque quotquot numero esse poterunt dispensationes, cum semper *ex gratia*, *Et beneficio* concedantur, semper *gratiæ*, ac *beneficii* actus erunt, neque unquam *justitiæ* actus evadent; imo semper justitia erit obtemperatio legibus, nisi beneficium accedat supremae Potestatis, per quam aliquis lege solvatur. Sed esto; fac sane actus, qui semper  
gra-

gratiz , ac beneficil sunt , ex longâ consuetudine in actus justitiæ converti , ita ut omnes ad beneficium , ac privilegium obtinendum jus consequantur . A quo beneficium ipsum impetrandum erit ? Ab eo , qui semper dedit , quique longa consuetudine hanc sibi legem imposuit , ut quod semper largiti solet , jam amplius nemini denegare possit . Itaque totum hoc inventum , dispensationum , quas vocant *justitiæ* , eo demum redibit , ut Summus Pontifex jam omnibus concedere debeat beneficium , quod longa consuetudo justitiæ actum fecit ; sed certe non efficiet , quod jus concedendi beneficium amittat Pontifex , qui illud semper dedit , acquirit autem Episcopus , qui numquam eo jure potitus est . Si Princeps certum aliquod beneficium in omnes conferat , si cunctos lege solvat , si longo usu fiat actus *justitiæ* , qui pridem erat *gratiæ* , & beneficii ; an ideo Magistratus inferior sibi etiam jus arrogabit exercendi actum , quem semper unus Princeps exercere consuevit ? Sunt hæc plane nugæ . Revera ætate S. Anselmi jam obtinebat usus dispensationum , quæ a Sede Apostolica concedebantur , uti testatur Paschalis II. *P. ep. 42. ad Anselm. col. 1008.* apud Labbeum *collect. Concil. tom. 12. edit. Venet.* , & tamen nullus unquam fuit Episcopus , qui sibi earum concedendarum potestatem arrogaret . Imo ipse Anselmus , qui Episcopus erat , eas a Summis Pontificibus Urbano II. , & Paschale II. impetrandas curavit , uti patet *ex loco mox laudato* ; & anno 996. Gregorius V. in Concilio Romano Robertum Regem deserere coegit Bertam consanguineam suam , quam in matrimonium acceperat , sacrisque interdixit Erchembaldum Archiepiscopum Tironensem , ceterosque Episcopos , quorum consensu nuptiæ illæ conciliatæ fuerant , apud Labbeum *collect. concil. tom. 11. col. 1019. can. 1. & 2. edit. indic. Sæculo XII.* tam crebro dispensationes a Summis Pontificibus concedebantur , ut S. Bernardus *de consider. lib. 3. cap. 4.*

opp.

*opp. tom. 2. pag. 373. edit. Venet. 1781. Eugenium III. discipulum olim suum monendum putavit, ne quem tam facile lege solveret; & tamen nullus Episcopus propter eam dandæ veniæ consuetudinem, jus illud sibi debitum contendebat. Imo cum frequentior esset dispensationum usus, omnis eorum potestas Sedi Apostolicæ servata est in Concilio Lateranensi IV. can. 29. 30. 57. 58. col. 42. 62. & 63. tom. 7. collect. Harduini, ac tantum abfuit, quod Summi Pontifices ex crebro illo dispensationum usu jus aliquod, aut aliquam necessitatem inductam putarent, ut plus semel rejecerint preces eorum, qui veniam postulabant. Ita Alexander IV. qui anno 1258. a Galliarum Rege rogatus legem solverat de consanguinitatis gradibus, Waldemaro Svecorum Regi veniam dare noluit, per quam nuberet Sophiæ suæ ex fratre nepti; sed postea gravioribus expensis causis hanc ipsam veniam dedit, & ita nuptiæ illæ conciliatæ sunt, uti narrat Raynaldus ad an. 1258. n. 20. & 1259. n. 19. pag. 27. & 39. tom. 3. edit. Lucæ. Clemens IV. apud Martenium *Anecd. tom. 2. pag. 537.* lege solvit ex justis causis filium Regis Siciliæ, non item filiam Alphunsi Regis, quam Pater filium Balduini Imperatoris in matrimonio habere cupiebat, licet ipse Pontifex fateatur, quod *larga esset retroactis facta temporibus diversarum effusio gratiarum.* Ejusdem generis exempla suppeditant Clemens VI., & Innocentius VI. apud Baluzium *miscellan. diplomat. & epist. pag. 118. tom. 3. edit. Lucæ*, itemque Ioannes XXII., qui veniam, quam propter cognationis impedimentum Arragoniæ Rex ab se postulaverat, concedere noluit apud Raynaldum *ad an. 1329. n. 88. seq. pag. 46. seq. tom. 5. edit. Lucæ.**

- 3) Consule Benedictum XIV. *de Synod. dioces. lib. 9. cap. 2.*

§. CXX. Sunt tamen graviora quædam impedimenta, quæ tametsi divino, aut naturali jure

jure inducta non sint , tamen a Summo Pontifice laxari non solent ; & huc spectat consanguinitas in primo gradu , quæ videlicet est inter fratrem , & sororem 1) , affinitas in primo item gradu inter vitricum , & privignam , publicum impedimentum criminis ex occisione conjugis cum adulterio 2) . In ceteris impedimentis , quæ Ecclesiastici Juris sunt , Summus Pontifex ex justis , gravibusque causis veniam tribuit 3) . Quæ venia , sive dispensatio , ut vocant , vel publica , vel occulta est ; illa pro utroque foro datur per *Datariam* , vel *Secretariam Brevium* , hæc per *Sacram Pœnitentiarium* pro interno tantum foro conceditur .

- 1) Non convenit inter Theologos , interque Peritos Juris Canonici , an matrimonium inter fratrem , & sororem jure naturali , Divino , vel humano prohibeatur . S. Thomas , Gonzalezius , Pontius , atque alii solam juris positivi prohibitionem agnoscunt .
- 2) Confer Benedictum XIV. in *epist. ad Ignatium Realem de celebratione Missæ a sedente* , quæ extat in *appendic. II. tom. 4. ejus Bullarii* §. 13. 14. 15. pag. 7. & 8. edit. indic.
- 3) Ita fidei catholicæ utilitas , timor apostasiæ , bonum publicum , studium avertendi mali , angustia loci , inopia mulieris indotatæ justam præbent causam , propter quam dispensatio concedatur . Sunt & aliæ similiter graves causæ , quarum judicium pertinet ad Summum Pontificem , a quo venia tribuitur . Dataria solet in diem dispensationes publicas concedere super consanguinitate , & affinitate , & spiritali cognatione , & publica honestate , & crimine adulterii , modo nulla fuerit in necem conjugis machinatio . Ceteræ dispensationes super aliis publicis dirimentibus



tibus impedimentis rati, atque ex causis gravissimis per secretariam Brevium conceduntur. Ex Cancellariæ Regula 49. in literis dispensationum super aliquo gradu consanguinitatis, vel affinitatis ea adjicitur clausula, seu conditio, *si mulier rapta non fuerit*. Si raptor scienter nuptias cum rapta contraxerit, ac veniam postulet, tunc alia adjicitur *ex quaterno conditio, ut separentur ratione delicti, quoadusque arbitrio commissarii, seu executoris Apostolici congruam egerint penitentiam*. Confer Rigantium *ad eandem regulam 49. Cancellar.*, & confer etiam Gagliardum *Instit. Jur. Canon. lib. 2. tit. 11. §. 5. num. 93. Et seq.*

§. CXXI. Jamvero dirimentia impedimenta nuptiarum ad tria summa capita revocari commode possunt. Nuptiæ enim nullius momenti sunt, vel quod aliquis ad eas contrahendas aptus, & idoneus non est; vel quod eas deceptus errore contraxit; vel quod in iis conciliandis non eum servavit modum, quem servare oportebat.

§. CXXII. Primum caput duplex est; nam quis vel ab omnibus universe, vel a certis tantum nuptiis arcetur. Irritæ sunt generatim nuptiæ impedimento vel corporis, vel animi. Corporis impedimento tenetur, qui non satis progressus ætate est, & qui venerem exercere non potest; quorum vitiorum alterum *defectum ætatis*, & alterum *impotentiam coeundi* vulgus appellat. Impedimentum animi triplex est, ordo sacer, votum, ligamen. Quædam autem nuptiæ fieri non possunt propter cognationem, affinitatem, honestatem, delictum, cultus disparitatem. Caput alterum impedimentorum est error, siquidem personæ sit, vel conditionis. Tertium

modus, quo frustra ineuntur nuptiæ; si nimirum vi, si raptu, si clam, si cum iniqua conditione perficiantur. Singula partite, atque ordine expendenda sunt.

§. CXXIII. Omnes, uti diximus, generatim nuptias propter corporis impedimentum inire prohibentur, quos vel ætas tenera, vel imbecilla natura, vitiumque corporis cum conjuge liberis operam dare non sinit. Fiunt maturæ viro mulieres anno decimosecundo, mares autem anno decimoquarto idoneam ad procreandos liberos ætatem consequuntur. Ante hoc tempus initum matrimonium irritum est 1); nisi malitia suppleat ætatem, hoc est impuberes dare operam liberis possint, & rem uxoriæ intelligant 2).

1) Cap. 6. 10. 11. de desponsat. impuber.

2) Cap. 9. eod.

§. CXXIV. Vitium corporis procul a matrimonio esse jubet adultos, qui vel natura, vel morbo ita sunt comparati, ut suum cum femina corpus nequeant commiscere; præterea mulieres, quæ ita habent obstructam viam, ut viriles conatus excludant. Quisquis tali hoc laborat vitio, modo perpetuum sit, & contractum ante matrimonium, frustra inire conatur nuptias, quæ jure ipso naturæ irritæ sunt 1). Stat enim vis matrimonii, quando impedimentum, postea ortum est 2); & quando illud tolli humana opera, ac sine vitæ discrimine potest, periculum est faciendum 3).

1) Cap. 1. & 3. de frigid. & malefic.

2) Can. 25. c. 32. q. 7.

3) Cap. 6. de frigid. & malefic.

§. CXXV.

§. CXXV. Ut hoc impedimentum dirimat matrimonium, certum, atque exploratum esse debet; ubi dubium sit, ad triennale experimentum confugiendum est. Scilicet triennii spatio simul conjuges agere vitam debent, nixque ad venerem periculum facere virium suarum. Lapsa triennio si omnes conatus inutiles fuerint, matrimonium dissolvitur, accedente jurejurando conjugum, ac septem propinquorum 1). Præsertim vero, cum de alterutrius conjugis viribus controversia est, inspicienda sunt corpora, quod in viris fit per chirurgos, in mulieribus per honestas, & fide dignas obstetrices 2). Omnes hi jurati confirmare debent, sese novisse mulieris, aut viri corpus minus aptum ad rem uxoriæ gerendam.

1) *Can. 2. c. 33. q. 1., Cap. 5. & ult. de frigid. & malefic.*

2) *Cap. 4. & 14. de probat.*

§. CXXVI. Animi, sive voluntatis impedimento irritæ sunt generatim nuptiæ, si quis ante illas vel sacro ordine, vel religiosa professione, vel altero matrimonio sese obligavit. Sacros quidem ordines, vel ex voto, vel ex lege ecclesiastica 1), impedimento esse, quominus valeant matrimonia eorum, qui illis obstricti sunt, inter catholicos omnes constat 2). Nam continentes esse oportere majores clericos, ex ipsa Apostolica traditione intelligimus 3); & certe iis numquam licuit uxores accipere 4). Verum initio nullis opus fuit pœnis, quarum formidine clerici servare cogerentur officium, in

quo eos prisca vivendi ratio pura, & incorrupta satis sua sponte retinebat. Constitutæ sunt ea de re pænæ annis consequentibus, cum depravati, & corrupti mores clericorum hoc officium comminuere, & violare cæperunt 5).

- 1) Quæstio est, num majores clerici ex voto, an potius ex lege ecclesiastica castitatem servare debeant. Obligationem hanc ex mera constitutione Ecclesiæ continentiam præcipientis reperunt Scotus 4. dist. 37. q. unic. §. dico igitur, Jo. de Lignano de cleric. conjung. cap. 2., Gutier. quæst. canon. lib. 2. cap. 7. num. 45., Valent. de cælib. cap. 2. paulo post princ., contra vero eam ex voto, quod sacris ordinibus adjunxit Ecclesia, oriri arbitrantur Cajetanus in opusc. tom. 1. tr. 27. q. un. §. quoad secundum, Waldens. de sacrament. cap. 66. num. 2., Bellarminus controuv. l. 1. de matrim. cap. 21. paulo post princ. §. impedimenta opp. tom. 3. pag. 662. edit. Venet. 1721. Sanchez de matrim. lib. 7. d. 27. num. 10., alii-que complures. Synodi Tridentinæ Patres de hac evolvenda, definiendaque quæstione minime laborarunt; & Cardinalis Pallavicinus histor. Concil. Trident. Lib. 23. cap. 9. num. 2. ad rem hanc refert, Sedis Apostolicæ Legatum Osium voto suo declarasse, quod Synodus can. 9. sess. 24. haud voluerit definire, cælibatum sacris Ordinibus adjunctum ex ecclesiastica lege procedere, cum nil ea de re disputatum a Patribus esset, sed tantum damnare Lutherum suis ipsius verbis ita conceptis ab eo: non obstante lege ecclesiastica, vel voto. Conter, qui ea de re late disputant, Schmalzgrueber Jus Eccles. univers. lib. 3. tit. 3. par. 1. num. 28., & Leutenium For. Eccles. l. 3. tit. 3. quæst. 41.

- 1) Concilium Tridentinum sess. 14. de sacram. matrim. can. 9.

- 3) De origine, ac sanctitate cælibatus, quem Majores Clerici servare debent, copiose disserit V. Cl.

V. Cl. Franciscus Antonius Zaccaria duobus libris, quorum alter *Storia Polemica del Celibato Sacro Romæ* editus est an. 1774., alter *Nuova giustificazione del Celibato Sacro &c.* editus Fulginæ an. 1785. His duobus libris egregie, ac diligenter expenditur quidquid ad hoc argumentum pertinet, ac plane evetuntur commenta, & sophismata liberculorum quorundam, qui adversus Sacrum Cœlibatum paucis ab hinc annis in Germania, atque alibi prodierunt.

- 4) Canon Apostolorum 27. apud Corelerium PP. *Apostolic. tom. 1. pag. 445. edit. Amstelædami 1724.*, quem canonem, & simul etiam cap. 17. lib. 6. *Apostolic. Constit. pag. 350. loc. cit.* Græci corrumpunt, atque absurde detorquent, uti observat Corelerius in notis ad utrumque locum, S. Epiphanius *Exposit. fid. catholic. cap. 21. Et hæres. 59. num. 4. tom. 1. Lib. 2. pag. 496. edit. Paris 1622.*, Iustinianus *Novel. 22. cap. 42. coll. 4. tit. 1. §.* S. Hieronymus *contr. Vigilant. n. 2. opp. t. 2. col. 389. edit. Vallarsii Veron.* Quibus ex locis intelligimus, eandem initio fuisse Orientalis, atque Occidentalis Ecclesiæ sententiam, quod scilicet Majores Clerici post sacros susceptos ordines matrimonium inite prohiberentur, quodque se in posterum matrimonii usu abstinere deberent, qui uxorem habebant, antequam sacros ordines acciperent. Verustissimam hanc disciplinam Græci relaxate ceperunt sæculo VII., cum scilicet Synodus Trullana, seu Quini-sexta habitæ est. Nam hæc Synodus *can. 6.* ratam quidem fitmam haberi voluit antiquam disciplinam, per quam majores Clerici post sacros ordines nuptias conciliate prohibentur, sed tamen *can. 13.* Subdiaconis, Diaconis, Sacerdotibus, non item Episcopis, permisit usum matrimonii cum uxoribus, quas anrea duxerant. Huic autem novitati Trullani Patres præsidium quartæ studuerunt in antiquiori Canone Carthaginensi, in quo tamen nihil tale statutum est; sicuti post Fleuryum animadvertit doctissimus Zaccaria in opere

nuova giustificazione del celibato sacro &c. dissert. 2. cap. 2. pag. 88. Canonem, hunc numquam probarunt Romani Pontifices, neque ut probarent, Græci Imperatores aut minis, aut blanditiis, & pollicitationibus efficere potuerunt, uti ostendit ipse Zaccaria *Storia Polemica del Celibato Sacro* pag. 159. & seq.; sed tamen cum postea tolerandum putarunt, ut præciderent causam schismatis, ad quod Græcorum animi propensiores esse videbantur. Optandum vehementer esset, inquit Benedictus XIV. const. 57. num. 26. tom. 1. ejus *Bullarii* pag. 109. edit. Romæ seu Vener. 1754., ut Græci in sacris ordinibus constituti, non secus ac Latini, castitatem servarent: nihilominus ut eorum Clerici, Subdiaconi, Diaconi, Presbyteri uxores in eorum ministerio retineant, dummodo ante sacros ordines, Virgines, non viduas, neque corruptas duxerint, Romana non prohibet Ecclesia. Irritum tamen est matrimonium apud Græcos a Diacono, vel Sacerdote contractum; & Sacerdos, qui uxorem habeat antea ductam, per hebdomadam, vel per triduum abstinere se ab usu matrimonii debet, antequam ad sacrificium conficiendum accedat Benedictus XIV. loc. cit. num. 28., Clemens VIII. Const. 107. §. 5. tom. 5. par. 2. *Bullarii* pag. 73. Pertinet etiam ad hunc locum Constitutio 129. ipsius Benedicti XIV. in cit. *Bullar.* tom. 1. pag. 312., ubi multa sunt de uxoribus Coptorum, qui in sacris ordinibus versantur. Ceterum de Subdiaconorum continentia non eadem semper fuit Ecclesiæ disciplina. Canones Apostolorum, Justinianus, Epiphanius locis paulo ante indicatis eadem, quæ ceteros majores clericos, continentix lege obstringunt Subdiaconos; verum Hieronymus loc. cit. tantum Episcopos, Presbyteros, Diaconos, non item Subdiaconos memorat, qui matrimonii usu prohiberentur. Idem de Subdiaconis est silentium in Decretalibus Siricii, & Innocentii, atque in reliquis antiquis monumentis. Primus omnes Subdiaconos continentix legi addi-

addixit S. Leo M. *ep. 14. cap. 4. col. 687. tom. 1. edit. Ballerin.* ; verum hæc decretalis non ubique obtinuisse videtur . Nam Concilium Turo-nense I. , quod postea habitum est , *can. 2. col. 794. tom. 2. collect. Harduini* clericos Dia-conis inferiores continentæ lege non obstringit . Concilium Aurelianense III. *can. 2. col. 1423. mox laudato tom. 2.* continentem vult esse Subdia-conos ; at Concilium Aurelianense IV. *can. 17. col. 1438. ibid.* tantum Presbyteros , & Dia-conos , non item Subdiaconos , quorum nullam mentionem facit . Romæ , cum Pontificatum teneret Gregorius M. , Subdiaconi continentiam servare debebant , atque ipse utitur exemplo Se-dis Romanæ *lib. 1. epist. 44. tom. 2. opp. col. 538. edit. Paris 1705.* , ut Subdiaconos Siculos eadem lege constringat .

- 5) Extat ea de re decretum latum a Siticio an. 386. *in epist. 1. ad Himerium Tarraconen. cap. 6. & 7. apud Coustantium epist. Pontific. Roman. col. 629. sqq.* , atque hoc decretum postea confirmavit Inno-centius I. *epist. 6. ad Exuper. Tolosan. cap. 1. col. 790. sqq. apud eundem Coustantium .*

§. CXXVII. Votum , quod matrimonium dirimit , solemne votum est , conjunctum scilicet cum professione , quæ in probata Religione emissa fuit . Quod votum ab eo distinguitur , quo quis extra Religionem sese obligavit , quod votum simplex castitatis dicitur 1) . Hoc enim minus licitum , non item irritum matrimonium , facit 2) ; uti irritæ sunt nuptiæ eorum , qui religiosæ professionis voto , aut sacris ordinibus impediti , ac devincti sunt 3) . Sed Religiosa Professio differt ab Ordinibus sacris , quoniam ea solvit etiam matrimonium antea contractum , modo ratum sit , non consummatum 4) ; verum

sacer ordo tantum irritas facit nuptias, quæ post eum conciliatæ sunt 5).

- 1) Plerique sentiunt, distinctionem voti *simplicis*, ac *solemnis* Gratiani ætate primum iuventam fuisse, deinceps ubique receptam, posteaquam ab eo descripta in decreto fuit. Ego dabo non gtavate, ea vocabula *simplicis*, & *solemnis* ea tempestate primum usurpati cæpisse; sed certe res ipsa, hoc est distinctio eorum, qui solemniter, & qui minus solemniter castitatem voverant, multo antiquior est. Mitto testimonia Hieronymi, Augustini, ceterorum, quæ Gratianus habet *can. 21. 22. 41. c. 27. q. 13. & can. 2. 4. 5. 9. dist. 27.*, & ex quibus intelligimus, jam IV. sæculo aliud fuisse votum, quod irritas, & aliud, quod non irritas nuptias efficiebat. Utriusque voti diversitatem luculentissime mihi quidem videtur proposuisse Siricius P., qui IV. Ecclesiæ sæculo Pontificatu Maximo functus est. Is enim *epist. 10. cap. 1. col. 638.* apud Constantium *epistol. Roman. Pontific.* primo agit de *Virgine velata jam Christo, quæ integritatem publico testimonio professa a sacerdote prece fusa benedictionis velamen accepit*. Hic sane locus pertinet ad professionem, quam solemnem dicimus. Pergit continuo Pontifex, deque hac virgine dicit hæc: *sive incestum commiserit furtim, seu volens crimen protegere adultero mariti nomen imposuit, tollens membra Christi, faciens membra meretricis &c.* Sane si hæc velatæ virginis conjunctio *incestum*, & *adulterium*, si ipsa mulier non uxor, sed *meretrix* appellatur, manifestum est, ejus nuptias irritas judicari. Hæc de virginibus velatis, quæ publicam, aut solemnem professionem emisierant, Siricius constituit; sed longe aliud habet de virginibus non velatis, quæ scilicet privatim castitatem voverant. Eas quidem pœnitentiæ subjicit, quod  
fidem



fidem fregerant , & *furtivam* vocat earum conjunctionem , sed eam tamen veti matrimonii , ac *nuptiarum* nomine appellat . Inquir enim : *Item puella , quæ nondum velata est , sed proposuerat sic manere , licet non sit in Christo velata , tamen quia proposuit , & in conjugio velata non est , furtivæ nuptiæ appellantur , ex eo quod matrimonii celestis præceptum non servaverit .* Hic quidem locus meo iudicio satis aperte indicat discrimen voti simplicis , & solemnis , quorum alterum minus licitum , alterum vero irritum matrimonium efficit . Ex eodem hoc loco intelligimus , quam graviter errent , qui negant , per quinque priora sæcula irritas fuisse nuptias illorum , qui solemniter castitatem voverant . Nam eas Siricius apertissime irritas iudicat , & consentit Innocentius I. *ep. 2. ad Victricium cap. 12. col. 754. & seq.* , quem Innocentii locum Constantius in notis diligenter expendit .

- 2) *Cap. 4. & seq. qui cleric. vel voven. Concilium Tridentinum sess. 24. can. 9. de reform. matrim.*
- 3) *Cap. un. de vot. in 6.*
- 4) *Cap. 2. de convers. conjug.*
- 5) *Extrav. un. Joannis 22. de vot.*

§. CXXVIII. Pertinet etiam ad generalia impedimenta matrimonium antea cum alia muliere , virove contractum , quod impedimentum ligamen dicitur . Nam qui obstringitur vinculo primi matrimonii novis se nuptiis obligare non potest , cum divino jure vetitum sit plures simul habere uxores 1) ; ideoque apud Christianos novæ nuptiæ conciliari non possunt , nisi primum de conjugis morte certus nuntius allatus sit 2) .

- 1) *Concilium Tridentinum sess. 24. can. 2. de sacram.*

*eram. matrim. ; & huc spectat Decretalium titulus de sponsa duorum .*

2) *Cap. 19. de sponsal.*

§. CXXIX. Nunc a generalibus impedimenti ad particularia veniamus. Sunt igitur qui non omnes, sed aliquas in specie nuptias inire prohibentur, atque id quinque de causis, quarum prima est cognatio, quæ triplex est, naturalis, legalis, seu civilis, spiritualis. Cognatio naturalis vinculum est personarum, quæ per generationem ab eodem propinquo stipite descendunt. Stipes est ille, a quo procedunt ii, de quorum cognatione quæritur.

§. CXXX. Distribuitur cognatio in lineas, lineæ in gradus. Linea series est personarum sanguine junctarum; gradus sunt intervalla harum personarum, quibus tamquam punctis linea conficitur, & quibus noscitur, quæ persona stipiti propinquior sit. Linea vel recta est, quæ genitores, & genitos continet; vel transversa, & obliqua, qua comprehenduntur, qui ex latere conjuncti sunt. Cum hi pari gradu distant a stipite, linea transversa æqualis est; cum distant gradu dispari, nimirum alter altero remotior est, inæqualis dicitur. Ita fratres & sorores, qui æqualiter a parte distant, itemque horum filii, qui similiter paribus intervallis ab avo sejunguntur, in linea æquali sunt; patruus, & fratris filius in linea inæquali versantur, quoniam alter sursum, alter deorsum fertur, & ille ad communem stipitem propius accedit.

§. CXXXI. Jure civili una, & perpetua regula in omnibus lineis gradus numerantur, scilicet

licet *generata persona gradum adjicit 1)*, sive, tot gradus, quot generationes sunt. Retinent hanc eandem regulam Sacri Canones in linea recta, nisi quod generationum loco personas usurpant, & ita, quot, demto stipite, personæ sunt, tot idem gradus numerant. Quare filius patri est primo gradu conjunctus, quoniam una hic generatio, sive una, demto stipite, persona est, nepos ab avo distat secundo gradu, quoniam duæ generationes, sive duæ, sublato stipite, personæ sunt. Sed in numerandis gradibus lineæ transversæ alia est Juris Civilis, & alia Canonici Juris ratio. Nam Jus civile subji- cit iisdem legibus & rectam, & transversam li- neam; & ideo lateris utriusque generationes nu- merat.

1) §. 7. *Instit. de gradib. cognat.*

CXXXII. At canones tot gradus consti- tuunt, quot personæ in uno tantum latere repe- riuntur; & in linea æquali collaterales inter se sunt eo gradu, quo distant a stipite communi, in inæquali eo gradu, quo a stipite remotior di- stat 1). Nimirum canones ex uno latere ascen- dunt ad stipitem, unde collaterales originem ducunt, atque hic subsistunt; civiles leges de- scendunt etiam ad aliud latus, & in utroque, colligunt generationes omnes, quotquot sunt, atque ex singulis singulos gradus efficiunt. Ita- que secundum canones etiam cognatio collatera- lium incipit a primo gradu, in eoque sunt fra- tres, & sorores; verum hic gradus Juri Civili secundus gradus est. Ecclesiastica illa ratio nu- mera-

merandorum graduum obtinet in matrimoniis; at in hereditatibus adhuc ex jure civili gradus æstimantur 2).

- 1) Initio canones in numerandis gradibus lineæ transverſæ Juris Civilis regulam retinuiſſe, putat Cuiacius ad tit. de consanguinit. Et affinit. optom. 6. col. 1084. edit. Mutin. an. 1773. Verum est sane vetus Ecclesiastica illa regula a civili distincta, eamque discrete memorat Gregorius M., quem certe ( utut alia quibusdam sententia sit ) auctorem puto can. 20. c. 35. q. 2. Et 3. Inquit enim, *terrenam legem in Romana Republica* nuptias consobrinorum permittete; sed ipse vetat has nuptias, tamquam in secunda generatione contactas, atque Anglis matrimonium in tertia, aut quarta generatione permittit. Ergo Gregorio Pontifice consobrini erant in secundo gradu, quæ omnino Juris Canonici regula est, neque ipsis licebat nuptias inter se conciliare. Atque hæc quidem ætate editum jam erat jus Justinianæum, quod nuptias inter consobrinos permittebat §. 4. *Instit. de nupt.* Non enim assentior iis, qui hoc Institutionum loco adjiciendam putant negantem particulam, quoniam ita sensum reddidit Teophilus, qui jus expressit, quod post Justinianum in Oriente inductum est. Et certe vulgata lectio, quam veteres Interpretes, & Glossæ sequuntur, legit *affirmative*; sicut & editiones Haloandri, Russardi, Contii, Catondæ, Cujacii. Atque hoc quidem jus de nuptiis consobrinorum comprehensum Institutionibus consentaneum est Arcadii, & Honorii constitutioni in L. 19. C. de nuptiis, si integra hæc lex illorum revera est, quod negat Contius *subseciv. lection. lib. 1. cap. 9. pag. 12. edit. Neapol. 1715.* per quam legem abrogata est antiquior Constitutio Theodosii M., qua vetantur inter consobrinos matrimonia. Sed de civilibus legibus, quæ ad nuptias pertinent consobrinorum, deque illa, quam

quam memoravi, Theodosii constitutione disputant Contius *loc. cit. lib. 2. cap. 1. pag. 19.*, Jacobus Gothofredus in *Cod. Theodos. Leg. 1. tit. 10. & Leg. 3. tit. 12. lib. 3. tom. 1. pag. 330. & 341. edit. Lipsiæ 1736.*, Harprechtus in *Instit. lib. 1. tit. 10. §. 4.*, Fr. Flotens, cujus ea de re peculiaris disputatio est *de nuptiis consobrin. prohibet. opp. tom. 1. pag. 339. edit. Norimbergæ 1756.* Nunc eo redeamus, unde discessimus. Post Gregorium Zacharias Pontifex in *can. 4. c. 35. q. 5.* similiter ecclesiastica regula utitur in numerandis gradibus cognationis; denique Alexander II. in *can. 2. c. 35. q. 5. novum, & inauditum* vocat errorem illorum, qui germanos fratres, ac sorores in secunda generatione esse asseverant, atque ait, in Lateranensi Concilio *diu ventilatis legibus, & sacris canonibus* deprehensum fuisse, *ob aliam, atque aliam causam alteram legum fieri, alteram canonum computationem.* Quæ Alexandri constitutio per se ipsa refutat Van-Espenium *Jus Eccles. par. 2. tit. 13. cap. 5. num. 10.*, qui Ecclesiasticam illam regulam numerandi gradus sæculo XI. nondum ubique receptam, nec extra questionem fuisse arbitrat. Nam eos, qui unam, eandemque esse aiebant juris utriusque regulam, Alexander *legum, & canonum imperitos* vocat, & facere inquit contra sacros canones, & ecclesiasticum morem, eorumque errorem novum esse, & inauditum. Ex quibus facile intelligitur, jam ea ætate ecclesiasticam illam regulam exploratissimam, ac receptissimam fuisse. Cum Van-Espenio sentit Dominicus Cavallarius *Instit. Jur. Canon. par. 2. cap. 21. §. 8.*

2) *Cit. can. 2. c. 35. q. 5.*

§. CXXXIII. Jam vero inter illos, qui in linea recta sunt, sive inter generantes, & genitos, matrimonium esse numquam potest, quocumque, vel remotissimo gradu inter se distent.

stent. Natura enim ab hujusmodi nuptiis abhorremus, & officia conjugum non bene congruunt cum officiis, quæ liberos parentibus tribuere oportet 1). Sed in linea transversa Jus Canonicum nuptias vetat usque ad quartum gradum, gradu ipso comprehenso 2); Jus Civile ad quartum quoque gradum producit interdictum suum, sed gradum ipsum excludit 3). Itaque Jus Civile nuptias probat consobrinorum, quos collocat in quarto gradu. At Canones improbant has nuptias, non solum quod & quartum gradum interdicto comprehendunt, sed etiam quod revera ipsis consobrini in secundo gradu sunt 4).

1) Ascendentium, & descendentium nuptias jure ipso naturæ vetitas esse ferme inter omnes constat. At in linea transversa tantum jure ecclesiastico interdictas nuptias multi sentiunt; contra vero alii etiam primum gradum lineæ transversæ ad juris naturæ interdictum pertinere arbitrantur, quoniam naturalis pudor nuptias inter sorores, & fratres vetare videtur.

2) Olim cognationis impedimentum ad septimum usque gradum producebatur *can. 1. & 19. c. 35. q. 2.*, Nicolaus II. *decret. 13.* apud Baluzium *miscellan. sacr. tom. 2. pag. 119. edit. Luca 1761.* Sed cum iam late patens impedimentum sine gravi incommodo observari non posset, Innocentius III. in *cap. 8. de consanguinit.* illud coercuit ad quartum gradum, eoque jure nunc utimur.

3) §. 4. *Instit. de nuptiis.*

4) Verus est regula canonum de nuptiis inter consobrinos vetitis. Nam eam, præter Gregorium M., cujus paulo ante indicavi locum, memorat etiam Gregorius II. *decret. 8.* apud Pithæum *Cod. Canon. Eccles. Roman. pag. 300. edit. Paris. 1687.* Atque ea quidem ætate, uti demonstratum supra est, Jus Civile consobrinorum nuptias

ptias permittebat . Abrogat tamen hoc jus uterque Gregorius ; & ita uterque jus constituendi dirimentia impedimenta Pontificum Romanorum proprium agnoscit . Nolo autem hic omittere præclarum Ennodii Ticinensis locum , ex quo patet , jaminde a V. & VI. sæculo ( nam Ennodius obiit an. 521. ) omnes de matrimonio , deque cognatione controversias ad Summum Pontificem delicti consuevisse . Ipse enim *ep. 24. lib. 5. in Biblioth. PP. tom. 9. pag. 345. edit. Lugdun.* inquit : *Divinis tamen legibus cognationem indiculo comprehensam in matrimonio licere sociari, sine dubitatione noveritis . Sed continuo ad Urbem Romam homines meos dirigo , exacturus a venerabili Papa super hac parte responsum , ut animum vestrum potioris præcepti firmet auctoritas .*

§. CXXXIV. Præter cognationem ex sanguine, etiam civilis, & spiritualis cognatio irritas nuptias facit . Civilem cognationem a Jure civili inventam probarunt, atque acceperunt Canones 1), eaque ex adoptione oritur, triplexque est. Prima diffunditur per lineam rectam ascendentem, & descendentem adoptantis, & adoptati 2); altera obtinet in linea transversa inter adoptatum, & filias legitimas, ac naturales adoptantis sub patria potestate manentes; quod impedimentum tollitur, vel soluta adoptione, vel filio emancipato, quoniam his modis solvitur vinculum, unde impedimentum oriebatur 3). Denique affinitatis similitudine oritur etiam impedimentum nuptiarum inter adoptantem, & uxorem adoptati, similiter inter adoptatum, & uxorem adoptantis 4).

1) *Can. 1. c. 30. q. 3., Cap. unic. de cognat. legal. Inte-*

Integrum ab Jure civili Ecclesia hoc impedimentum accepit, neque aliquid in eo mutavit; hinc Cujacius in *Tit. Decretalium de cognat. legal. opp. tom. 6. col. 1078. edit. Mutin. 1778.* monet, nunc etiam civilem fraternitatem nuptias dirimere.

- 2) §. 2. *Instit. de nuptiis.*
- 3) *L. 55. ff. de rit. nupt.*
- 4) *Leg. 14. ff. de rit. nupt.*

§. CXXXV. Spiritualem cognationem parit Baptismus, & Confirmatio 1). Vetus est Ecclesiae doctrina, qua veluti pater habebatur, qui aliquem Baptismo donaverat, aut in Christo instituerat, & de sacro fonte susceperat. Sed nullum inde impedimentum initio oriebatur, adeo ut ipsi parentes filios suos de fonte susceperent 2). Lapsu temporum hoc impedimentum inductum est, & late etiam propagatum, adeo ut ad instar consanguinitatis, & adoptionis suscipiens ex sacro fonte, ejusque filii, neque cum suscepta, neque cum ejus cognatis nuptias conciliare possent 3). Verum Tridentini Patres, quod experti didicerant, nimis late patente cognationis spiritualis impedimento saepe per errorem, matrimonia contra jus fieri, quae nec sine peccato stabant, nec sine offensione dirimebantur, statuerunt, cognationem spiritualem tantum comprehendere susipientem, & baptizatum, hujusque patrem, ac matrem, itemque baptizantem, & baptizatum, atque hujus patrem, ac matrem, praeterea neminem. Quod jus etiam obtinet in confirmatione 4).

- 1) Solum Baptismus memorat Justinianus in *L. 6. Cod. de nuptiis*, Concilium Trullanum *can. 53. Delict.*



*Delect. actor. Eccles. univers. tom. 1. col. 565.*, & Nicolaus I. in can. 1. c. 30. q. 3. Verum confirmatione contractam cognationem ponit Concilium Compendiense an. 757. can. 12. *Delect. actor. Eccles. univers. tom. 1. col. 641.*, non *Vermerien-* se, seu apud *Vermerias*, uti habet Gratianus can. 2. c. 30. q. 1., qui quidem Compendiensis Concilii canon extat etiam in *Capitularibus Caroli M.*, & Ludovici Pii lib. 5. cap. 7. apud Baluzium tom. 1. col. 553. edit. Venet. 1772. Diserte autem Bonifacius VIII. in Cap. 1. & ult. de cognat. spirit. in 6. hoc impedimentum memorat. Intetim ex iis, quæ mox collegimus, monumentis intelligimus, antiquissimum esse, & multo ante quam in Decretalibus describeretur, ab Ecclesia agnitum, ac probatum spiritualis cognationis impedimentum. Quod etiam ostendit Gregorius II. decret. 4. apud Pirhæum loco mox indic.

- 2) S. Augustinus ep. 98. ad Bonifac. t. 2. col. 266. num. 6. edit. Venet. 1729.
- 3) Consule Gratianum caus. 30. q. 3. & 4.
- 4) Concilium Tridentinum sess. 24. cap. 2. de re-form. matrim.

§. CXXXVI. Est & alia nuptiarum prohibitio inducta ex maris, & feminae conjunctione, per quam duæ cognationes copulantur, & inde affinitas oritur 1). Leges civiles tantum ex maritali, canones etiam ex vetita conjunctione affinitatem repetunt 2). Quod affines ab affinibus non generantur, nulli proprie gradus inter eos sunt 3); Verum exemplo cognationis, etiam affinitatis gradus recepti sunt, & ideo quo gradu quis est cognatus viro, eodem est affinis uxori, & contra 4). Affinitas orta ex nuptiis matrimonium impedit eo modo, quo cognatio; perpetuo scilicet in linea recta ascendentium,

Tom. II.

P

& de-

& descendendum, in linea transversa usque ad quartum gradum 5); orta vero ex vetita corporum commixtione tantum primum, atque alterum gradum comprehendit 6). Contrahit autem affinitatem sola uxor cum viri consanguineis, & solus vir cum consanguineis uxoris; verum nulla inter utriusque consanguineos affinitas intercedit 7).

- 1) Affinitatis impedimentum ecclesiastica lege constitutum initio fere sæculi IV. habes in Concilio Neocæsariensi *can. 2. in cit. Delect. actor. tom. 1. col. 38.*
- 2) *Can. 10. c. 35. q. 2., Cap. 8. & 10. de eo qui cogn. consanguin. uxor.*
- 3) Consule Cujacium *ad tit. de consanguinit. & affinit. opp. tom. 6. col. 1084. indic. edit.*
- 4) *Leg. 10. ff. de grad. & affn.*
- 5) *Cap. 1. de consanguinit. & affinit.*
- 6) Concilium Tridentinum *sess. 24. cap. 4. de reform. matrim.*
- 7) *Cap. 5. eod.* Jus civile affinitatis impedimentum inducit etiam inter vitricum, & uxorem privigni *Leg. 15. ff. de rit. nuptiar.*, verum huic legi derogatum est a Jure Canonico in *Cap. 8. de consanguinit. & affinit.*, uti ostendit Benedictus XIV. *de Synod. diæces. lib. 9. cap. 13.*

§. CXXXVII. Tertium particulare impedimentum est publica honestas, hoc est reverentia certis personis debita, quæ facit, ut si quis cum aliqua matrimonium ratum, non consummatum, aut etiam sponsalia contraxit, quæ certa, ac pura, hoc est sine conditione, & valida sint 1), cum consanguineis uxoris usque ad quartum gradum, cum consanguineis spon-

sponsæ usque ad gradum primum ; matrimonio jungi vetetur, ac si jungatur, nihil agat 2).

- 1) Etiam sponsalia irrita, modo non dæsser consensus, publicæ honestatis impedimentum patete, Bonifacius VIII. constituit in *Cap. un. de sponsal. in. 6.* Verum Concilium Tridentinum sess. 24. de reform. matrim. cap. 3. sustulit impedimentum honestatis ex sponsalibus quavis ratione nullis ; quam Tridentinam legem tantum ad sponsalia de futuro pettinere, declaravit S. Pius V. in *Const. Ad Romanum 85. in Bullario tom. 4. par. 3. pag. 12.*
- 2) Publicæ honestatis impedimentum tamquam recens inventum Hæretici reprobant, atque eorum e numero Henricus Brouvetus de *jure connub. lib. 2. cap. 14.* plura de hoc impedimento, præter verum, atque honestum, dicit, atque illud primum a Bonifacio VIII. excogitatum putat. Verum multo ante Bonifacium hujus impedimenti diserta mentio est in *can. 14. Et 15. c. 27. q. 2.*, ac plane falsum est, sicuti Jueninius observat de *sacram. dissert. 10. quæst. 7. cap. 9.*, decretum, quod ex Benedicto Pontifice Brouvetus recitat. Quin impedimenti publicæ honestatis vetus origo est, non obscure expressa in Jure civili, uti læte ostendit Alexius Symmachus Mazochius *diatrib. 1. in can. Illiberit. 54. num. 15. Et not. 6. pag. 235. Et seq. edit. Romæ 1766.* Et sane laudat Vir doctus *L. 12. §. 1. L. 14. §. 4. L. 42. ff. de rit. nupt.*, Et §. 9. *Instit. ut de nupt.*, additque præterea Alexii Comneni constitutiones 3. & 4. apud Gothofredum in *corp. jur. civil.*, quibus in locis de publica honestate agitur disertissime. Itaque hoc impedimentum in remotissima Ecclesiæ antiquitate fixas habet radices ; imo nunc etiam magna ex parte mitigatum est, cum antea quartum gradum comprehenderet, nunc a Synodo Tridentina coarctatum sit intra primum gradum, si ex sponsalibus, intra quartum, si

ex matrimonio rato procedat ; tantum abest , ut conqueri Brouwerus , alique hæretici possint , inventum hoc impedimentum fuisse ambitu , & cupiditate Summorum Pontificum , ut suam latius jurisdictionem , potestatemque explicarent .

§. CXXXVIII. Sequitur impedimentum criminis , quod duplex est , adulterium , & homicidium . Adulteram nubere adultero vetat Jus Civile Romanorum 1) ; quod quidem jus initio etiam Ecclesiæ fuisse videtur 2) . Sed nunc adulterium tantum matrimonium dirimit , si adulter , & adultera , vel eorum alter in innocentis uxoris , vel mariti mortem conspiraverint , ut nuptias inter se conciliarent , vel vivo adhuc alterius conjugis , patratum sit adulterium , ac simul mutuo data futuri matrimonii fides , cum alter alterius nuptias non ignoraret 3) . Homicidio quoque dirimitur matrimonium ; nam si quis alterius conjugem interfecerit , nuptias inire non potest cum altero conjugis , qui superstes est , modo & ipse in hanc mortem conspiraverit 4) .

1) *Leg. 11. §. 11. , & Leg. 40. ff. ad. L. Jul. de adulter. , Novel. 234. cap. 7. col. 9. tit. 9.*

2) *Can. 1. c. 31. q. 1.* Idem habet Augustinus *can. 2, loc. cit.* , ubi male Gratianus , seu potius Decreti editores negantem particulam adimunt ; & idem Concilium Triburiense an. 895. *can. 51.* apud eundem Gratianum *can. 3. ibid.* , quem locum perperam Gratianus adscribit Concilio apud Althæum habito , præsentis Conrado Rege , quod nusquam extitit . Solum adulterium initio irritum fecisse videtur matrimonium ; sed Gratianus antiquos canones attexit iis conditionibus , quas descripsit post *cit. can. 3.* , si adulter nihil in mortem viri machinatus fuerit , vel si  
*viven-*

*vivente viro fidem adulteræ non dedit, se sumptuum eam sibi in conjugem, si viro ejus superviveret. Jus idem hoc constitutum est in cap. 6. Et pen. de eo qui dux. in matrim. quam polluit per adulter. Conditiones illas a Gratiano descriptas minime necessarias habuisse videtur Alexander III. in cap. 1. eod., uti intelligitur ex eo, quod utitur verbo maxime, sed eas ut necessarias agnovit Innocentius III. in d. cap. 6. Quare simplex adulterium sine conspiratione in conjugis necem, aut sine data matrimonii fide dicimens impedimentum non inducit. Confet. Benedictum XIV. in Constit. redditæ 113. tom. 1. ejus Bullarii §. 15. Et seq. pag. 279. edit. Romæ seu Venet. 1754.*

3) *Cap. 1. Et 7. de eo qui dux. in matrim. quam polluit per adulter.*

4) *Cap. 1. de convers. infidel.*

§. CXXXIX. Cultus disparitas matrimonio jungi vetat baptizatos, & non baptizatos. A primis Ecclesiæ sæculis semper interdictæ fuerunt Christianorum nuptiæ cum Judæis, & Infidelibus, quoniam eas contrahere idem videbatur, *ac prostituere membra Christi cum gentilibus 1)*. Verum Christiani, qui tales nuptias conciliabant, tantum violatæ disciplinæ rei erant, pœnisque subiciebantur; at nulla Ecclesiæ lex erat, quæ illas infirmaret. Quin talium nuptiarum occurrunt exempla celeberrima, qualia sunt S. Monicæ, & S. Clotildis, quarum altera Patricium, altera Clodovæum Francorum Regem, utrumque ethnicum, virum habuit. Postremo consuetudine, ut videtur, inductum est, ut fidelium conjugia cum infidelibus irrita habeantur 2). Matrimonia Catholicorum cum Hæreticis improbat Ecclesia, sed ea tamen consistunt;

quin etiam interdum a Sede Apostolica ex justa causa, certisque adjectis legibus permittuntur 3).

- 1) S. Cyprianus *de laps.* pag. 88. edit. *Amstelædami* 1700. Vide etiam Concilium Eliberitanum can. 15. 16. 17. col. 252. tom. 1., Chalcedonense can. 14. col. 607., Agathense can. 67. col. 1005. tom. 2. collection. *Harduini*, & Gratianum tot. c. 23. q. 1. Neque cum infidelibus solum, sed etiam cum hæreticis Catholicorum matrimonia damnat Ambrosius in can. 15. c. 28. q. 1. Synodus Agathensis in can. 16. loc. cit. misceri vetat connubia cum hæreticis: *nisi profiteantur, Christianos esse futuros, & catholicos.* Jus Græcorum in iis matrimoniis constitutum explicat Synodus Trullana can. 72., quem in locum vide Balsamonem, & Zonaram apud Beveregium *Pandect. Canon. tom. 1. pag. 241. seq. edit. Oxonii* 1672.
- 2) Consule Jueninium *de sacram. dissert. 10. quest. 7. cap. 6. art. 2.*
- 3) Late ea de re agit Benedictus XIV. in *Const. Matrimonia* 34. tom. 1. ejus *Bullarii* pag. 53., & in *Constit. Magnæ* 51. tom. 2. pag. 247. edit. *Romæ seu Venet.* 1754., ubi etiam antiquiores Summorum Pontificum constitutiones indicantur.

§. CXL. Caput alterum impedimentorum, uti supra diximus, error est. Non omnis error, qui in nuptiarum contractum incidit, eas irritas facit, sed ille, qui *personæ* dicitur, cum videlicet is, cum quo contrahitur, alius revera est ab eo, qui creditur 1). Quod naturali rationi consentaneum est, cum in id, quod ignorat, consentire nemo possit. Error, qui dicitur *fortune*, aut *qualitatis*, nihil officit, cum non pertineat ad vim intimam, siye ad substantiam.

con-

contractus 2) ; nisi error qualitatis in personam redundet 3) . Itaque valent nuptiæ ; cum quis uxorem accepit inopem , ignobilem , inelegantem , quam divitem , nobilem , elegantem putabat .

1) *Tot. caus. 29. q. 1.*

2) *Cap. 26. de sponsal. & matrim., L. 9. ff. de contrah. empt.*

3) *Confer S. Thomam in 4. senten. dist. 39. & 30. q. 1. art. 2. ad 5.*

§. CXLI. Sed & ignorata quoque servilis conditio nuptiis impedimento est ; & ideo non valet matrimonium ab homine libero contractum cum ancilla , quæ libera habebatur 1) . Civiles Leges nullas servorum nuptias , sed tantum contubernia agnoverunt 2) ; & canones initio desiderasse videntur consensum dominorum , ut nuptiæ illæ ratæ firmæ haberentur 3) . Sed nunc valent matrimonia servorum , etiam invitis dominis , contracta 4) ; & valet etiam matrimonium liberi hominis cum ancilla , modo ipse ejus servitutem non ignoraverit 5) .

1) *Cap. ult. de conjug. servor.*

2) *Leg. 3. C. de incest. & inutil. nupt. Consule Harprectum , & ceteros interpretes in tit. Inst. de nupt.*

3) *Can. 8 c. 29. q. 2.*

4) *Cap. 1. de conjug. servor.* Sæculo VI. jam rata firma habebantur matrimonia contracta inter servum , & ancillam , . atque inter ancillam , liberumque hominem , uti ostendunt S. Gregorius M. ep. 42. ad Roman. defensor. lib. 12 opp. tom. 2. col. 1209. edit. Paris. 1705. , & S. Gregorius Turonensis histor. lib. 5. cap. 3. pag. 203.

*edit. Paris. 1692. Eandem disciplinam VII., & VIII. sæculo vixisse, testantur Theodorus Cantuariensis in Penit. Cap. 12., & Concilium Vermeriense can. 13. in delect. actor. eccles. tom. 1. col. 626. edit. indic. Ex quo facile deprehenditur error Van-Espenii jus eccles. par. 2. tit. 13. cap. 3. num. 9., qui putat Ecclesiam semper irrita habuisse servorum matrimonia usque ad sæculum XII., quo demum tempore Gratianus nixus falso Decrero Julii Pontificis can. 1. c. 29. q. 2., inventa distinctione inter eum, qui sciens, interque eum, qui ignarus ancillam ducit, servilis conditionis impedimentum induxerit. Jam enim VI. Ecclesia rata firma habebat servorum matrimonia, & in libro Pœnitentiali Theodori Cantuariensis loc. cit., qui pertinet ad sæculum VIII., atque in Concilio Vermetensi, quod habitum est sæculo VIII., can. 13. valere statuit matrimonium liberi hominis cum ancilla contractum, modo ipse servilem conditionem mulieris non ignoraverit. Quod etiam habet Concilium Compendiense habitum an. 757. can. 5. in delect. actor. eccles. univers. col. 639. tom. 1. Novum hinc argumentum educitur potestatis, quam semper habuit Ecclesia, in constituendis, atque tollendis matrimonii impedimentis; contra id, quod a Jure Civili sancitum fuerat. Porro Jus Civile, uti supra demonstravimus, nuptias permittit inter consobrinos, sed Jus Ecclesiasticum eas irritas facit. Rursus Jus Civile nullum vult esse servi, & ancillæ matrimonium; at Jus Ecclesiasticum illud ratum firmum haberi jubet. En impedimenta duo, quorum alterum contra Juris Civilis decreta Ecclesiastica lege inductum, alterum sublatum est. Atque hinc qui impedimenta obijciunt interdum a laica Potestate constituta, considerare in primis debent, quam vim hæc impedimenta habuerint in iis, quæ ad sacramentum pertinent, & num ea Christianos obligant. Nam ea tantum parendi necessitatem arulerunt, posteaquam Ecclesiæ auctoritate, &*

CON-



consensu probata sunt ; ac sæpe Ecclesia , contra id , quod Jure Civili præscriptum fuerat , aut nova impedimenta constituit , aut constituta removet . Unde novum profuit argumentum adversus eos , qui tantum jure delegato ab Ecclesia impedimenta constitui arbitrantur . Quis enim jure delegato agere credat eum , qui suo lubitu removeret , atque abrogat jus a delegante constitutum ?

5) *Cap. 2. 4. Et seq. c. 29. q. 2.*

§. CXLII. Postremum caput impedimentorum pertinet ad formam , atque rationem , qua nuptiæ conciliantur . Principio nullum est matrimonium , quod vi adhibita , illatoque metu contractum fuit ; cum omnem consensus libertatem postulet nuptialis consociatio , quæ semel rite inita amplius dissolvi non potest . Verum ut vis , indeque ortus metus irritum matrimonium faciat , debet esse gravis , & quo vir fortis , & constans afficiatur 1) ; præterea ab homine injuste illatus esse debet , quia si quem Judex metu pœnarum cogat nubere puellæ , cui stuprum intulit , justus hic metus est a legis imperio procedens , & ideo nuptiæ consistunt 2) . Est autem Judicis metum expendere , gravis ne sit , an levis , & inanis 3) ; ac sæpe novo , liberoque consensu convalescit matrimonium , quod irritum metus fecerat 4) .

1) *Cap. 6. 15. Et 28. de sponsal. , Cap. 2. de eo qui dux. in matrim. quam pol. per adulter.*

2) *Cap. 1. de adulter. Et stupr. , Cap. 10. de sponsal. Et matrim.*

3) *Consule Fagnanum in cap. consultationi de sponsal. num. 12.*

4) *Cap. 21. de sponsal. Et matrim. Vide etiam Fagnanum*

*gnatum in cap. is qui 30. de sponsal. num. 14. ,  
ubi habes ea de re editam a S. Pio V. declara-  
tionem .*

§. CXLIII. Eadem est causa raptus , qui vetat consistere matrimonium , quod inter raptorem , & raptam contractum fuit . Mulier enim per vim abducta , ac raptoris imperio , aspectuque truci perterrita non videtur sponte in nuptias consentire . Atque antiquis quidem legibus numquam ipsa raptori matrimonio coniungi poterat 1) , sed nunc potest : si a rapto-  
re separata , atque in loco tuto constituta libere assentiatur , quia procul est metus , qui suum mulieri arbitrium , & liberam voluntatem adimebat 2) .

- 1) *Can. 11. c. 36. q. 2. Vide etiam Codicem Theodosianum lib. 9. tit. 24. de raptu virgin. vel viduar. , L. 1. Et L. un. Cod. Justinian. eod. tit.*
- 2) *Concilium Tridentinum sess. 24. cap. 6. de re-  
form. matrim. , Cap. 7. de raptor.*

§. CXLIV. Turpes , & iniquæ conditiones faciunt irritum matrimonium , modo ejus bono adversentur . Ita si qui nubat adjecta lege , ut mulier suum corpus in quæstum conferat , ut partum abigat , ut matrimonium dissolvatur , faciunt hæ conditiones , ut nulla vis matrimonii sit 1) . Ceteræ conditiones , licet turpes , & iniquæ sint , modo cum matrimonii bono non pugnent , haud illud vitiant , sed potius ipsæ vitiantur , ac despiciuntur , quasi adjectæ non fuerint 2) .

- 1) *Cap. 7. de condit. opposit .*
- 2) *Cap. 1. eod.*

§. CXLV.

§. CXLV. Denique irritum est matrimonium non contractum *in facie Ecclesiæ*, quod clandestinum dicitur. Hujusmodi matrimonia etiam ante Synodum Tridentinam prohibuit Ecclesia, quæ semper exegit præsentiam Parochi, ac testium, sed ea pridem subiecit pœnis, non item infirmabat 1). Concilium Tridentinum cum adverteret ad damna gravissima, quæ ex his matrimoniis oriebantur, ea irrita declaravit 2); & ideo nunc nuptiæ non valent, nisi coram proprio Parocho, aut alio vel ejus, vel Episcopi mandato Sacerdote, ac duobus, tribusve testibus concilientur 3). Quod non pertinet ad eas regiones, in quibus Tridentinum Concilium receptum non est; nam ibi adhuc valent clandestina matrimonia, nisi quis tantum ut clam nuberet, eo se contulerit, relicto loco, in quo Tridentina lex obtinebat 4). Quod attinet ad ea matrimonia, quæ temere sunt contracta, omissis tribus denunciationibus 5), ea vetita quidem, & minus honesta, non tamen irrita sunt.

1) Disputat ea de re accurate, & copiose Benedictus XIV. *de Synod. Dioces. lib. 8. cap. 12.*

2) Concilium Tridentinum sess. 24. *de reform. matrim. cap. 1.*


3) Modo autem Parochus præsens sit, atque id, quod agitur, intelligat, matrimonium valet, etiam si casu repertus, aut aliam ob causam vocatus sit. Vide Benedictum XIV. *de Synod. Dioces. lib. 13. cap. 23.*, ubi et alia multa habes, quæ ad hanc rem pertinent. Confer etiam Schmalzgrueber *Jus eccles. univers. lib. 4. tit. 3. §. 3.*, ubi etiam late ostenditur, qualis, & quomodo Parochus præsens esse debeat. Similiter necesse non est, quod testes expresse sint vocati,

cat, ut præsentes matrimonio sint ; sed etiam restes casu reperti apti, & idonei sunt . Consule Schmalzgrueber *loc. cit.* §. 5. num. 234. & seq.

- 4) Vide Benedictum XIV. *loc. cit. lib. 13. cap. 4. num. 10.* , ubi habes declarationem ea de re editam a Sac. Congregatione Concilii , quam Urbanus VIII. confirmavit .

- 5) Vetus est lex Ecclesiæ confirmata a Synodo Tridentina *sess. 24. cap. 1. de reform. matrim.* , per quam omnium matrimonia , antequam conjungantur , tribus continuis diebus festis in Ecclesia publice inter Missarum solemnias nunciandasunt , ut ita , si quod forte latet , impedimentum detegantur . Concilium Lateranense in *Cap. 3. de clandestin. desponsat.* hæc edicta , sive denunciationes repetit ex speciali nonnullorum locorum consuetudine , quam ubique servandam esse constituit . Cujacius in *Cap. 27. de sponsal.* , & in *Cap. 3. de clandestin. desponsat. opp. tom. 6. col. 1041. & 1055. edit. Mutinæ 1778.* præsettiam apud Gallos hujusmodi consuetudinem viguisse tradit ; sed eadem revera & in aliis locis obtinebat . Nam illas in Papiensi Ecclesia adhibitas testatur Gonzalez *ad cap. 17. verb. bannis de sponsal.* , & in Africa etiam usitatas fuisse , ex Terulliano monet Bohemerus *ad cap. 3. num. 21. de clandest. desponsat.* Quinimo a primæva Apostolorum institutione eam semper fuisse disciplinam , ut nuptiæ non clam , sed publice in facie Ecclesiæ , coram testibus , & de Episcopi sententia conciliarentur , facile colligitur ex S. Ignatio *ep. ad Polycarpum num. 5.* apud Cotelerium *PP. Apostolic. tom. 2. pag. 41. edit. cit.* , & Tertulliano *lib. 2. ad uxor. num. 8. de monogam. num. 10. de pudicit. num. 4. pag. 171. 531. 557. edit. Paris. 1675.* His addere possumus Hormisdam P. apud Gratianum *can. 2. c. 30. q. 1.* , canonesque ceteros , quorum magnus est numerus . Quanta vero sit harum denunciationum utilitas , ipsi etiam Protestantes noverunt , qui eas suis legibus pluries confirmarunt , uti ostendunt Menckenius *de*

*omiss.*



## S E C T I O   X.

### *De impedimentis impredientibus .*

CXLVI. Antiqua impedi-          numero .  
 menta impredientia plura      CXLVII. Hodie quæ sint ?

#### §. CXLVI.

**I**mpedimenta impredientia esse diximus , quæ contractum matrimonium non dirimunt , sed tantum contrahendum impediunt . Sunt igitur cum his impedimentis minus laudabiles , & minus honestæ nuptiæ , irritæ vero non sunt . Magnus olim horum impedimentorum numerus . Nam reus gravioris criminis , & qui publicam agebat pœnitentiam a nuptiis arcebatur 1) ; nec puellæ nubere poterat , qui eam ad christianam religionem instituerat , qui patrinus catechismi dicebatur .

1) *Can. 5. 12. Et seq. c. 33. q. 2. , Cap. 2. de pœnitent. Et remiss.*

**CXLVII.** Nunc impedimentis impredientibus irretiti sunt sponsi , qui cum sibi futuras nuptias promiserunt , nequeunt fidem fallere , & cum alio , aliave inire matrimonium ; filii familias , qui sine parentum consensu nubere prohibentur 1) ; obstricti voto simplici castitatis , quale  
est

est votum extra sacros ordines, aut extra religionem professionem emissum; ignorantes elementa christianæ religionis 2); catholici conjungentes nuptias cum hæreticis 3); nubentes omissis denunciationibus, aut extra tempus permissum, hoc est a prima Dominica Adventus usque ad diem Epiphaniæ, & a feria quarta Cinerum usque in octavam Paschatis *inclusive*, ut ajunt, quo toto temporis cursu publicæ, ac solemnes nuptiæ interdictæ sunt 4); vetiti a Summo Pontifice 5), vel ab Episcopo, aut Parocho certas inire nuptias ob latens impedimentum, quod subesse creditur, donec ejus suspicio removeatur 6).

- 1) Concilium Tridentinum *sess. 24. de reform. matrim. cap. 1.* Qua in re Jus Canonicum abrogat Jus Civile, quod parentum consensum necessarium statuit ad vim matrimonii *Inst. de nupt. in princ. L. 2. 10. 11. ff. de rit. nupt. L. 7. 12. 20. Cod. de nupt.* Sed obstat locus Pauli *IC. recept. senten. lib. 2. tit. 19. num. 2.*; qui etiam ex Jure civili valere inquit matrimonia, quæ a filiisfamilias sine parentum consensu contracta sunt. De hoc Pauli loco multæ sunt doctorum virorum Cujacii, Gothofredi, Vinnii, Grotii interpretationes, quas vide apud Antonium Schultingium *ad eumd. loc. num. 6. Jurisprud. vet. ante-Justinian. tom. 1. pag. 300. edit. Lipsiæ 1737.*, & Alexium Symmachum Mazochium *in dissert. Muscettulæ de sponsal. & matrim. dub. 1. not. §. pag. 21. edit. Romæ 1766.* Ecclesia autem, cuius tantum ea in re leges sequi debemus, hæc quidem matrimonia inita a filiisfamilias contra reverentiam, qua eos prosequi decet parentes suos, semper detestata est; sed ea tamen rata firma habet. Multi putant, Gallos eo jure uti, ut apud ipsos parentum dissensus impedimentum dirimens inducat. At longe alia Gallis plerisque mens

mens est, ex quorum sententia defectus patris consensus secundum mentem Regum Christianissimorum non attingit contractus substantiam, sed tantum effectus civiles, uti ex Iueninio tradit Mazochius loc. cit. not. 12. pag. 30. Argumentum hoc late, & diligenter pertractavit Franciscus Maria Muscetula peculiari dissertatione *De sponsalibus, & matrimoniis, quæ a filiis familias contrahuntur parentibus insciis, vel juste invitis*, quam dissertationem Alexius Symmachus Mazochius doctis, copiosisque notis illustravit.

- 2) Consule *Rituale Romanum*, tit. de matrim., S. Carolus Borromeus in *Concil. Provinc. Mediolanen. V. par. 3. act. Eccles. Mediol. par. 1. pag. 287.*, Benedictus XIV. *Const. Etsi minime* 42. §. 11. tom. 1. ejus *Bullarii* pag. 68. edit. Romæ seu Venet. 1754. & de *Synod. dioces. lib. 8. Cap. 14.*
- 3) Concilium Laodicenum can. 10. tom. 1. collect. *Harduini* col. 784., can. 16. c. 28. q. 1., *Cap. 14. de hæret. in 6.*, Benedictus XIV. *Const. matrimonia* 34. §. 3. tom. 1. ejus *Bullarii* pag. 53. indic. edit. Quemadmodum autem, & quibus legibus interdum a Sede Apostolica catholicorum cum hæreticis matrimonia permittantur, late explicat Benedictus XIV. cit. const. 34. & const. magnæ nobis 51. pag. 247. tom. 2. Confer etiam eundem Benedictum XIV. de *Synod. Dioces. l. 6. cap. 5. 6. & 7.*, ubi de matrimoniis, quæ inter catholicos, & hæreticos, quæque inter hæreticos contrauntur, late disseritur.
- 4) Can. 8. & 11. c. 33. q. 4. Concilium Tridentinum sess. 24. de reform. matr. cap. 10. Vide etiam Fulgentium Ferrandum in *Breviat. Canon. n. 210.*, & Crisconium in *Breviar. canon. cap. 188.*, utrumque apud Pithoeum *Cod. canon. Eccles. Roman. pag. 313. & 322.* Multiplex autem erat olim hoc tempus, quo publicas, ac solemnes nuptias inire non licebat, uti patet ex can. 10. caus. & quæst. cit., quem canonem Gratianus tribuit Concilio Ilerdensi, & Salegunstadiensis can. 3. in *Delect. act. Eccles. univers. t. 1. col. 1104.* Sed  
nunc

nunc a Concilio Tridentino ita ; uti diximus , arctatum est . Hoc autem tempore tantum publicas , ac solemnes nuptias veritas , non item veritum esse matrimonium , quod sine solemnitate conjungitur , omnes plerique sentiunt . Quate non datur sollemnis benedictio , neque item celebratur missa *pro sponso , & sponsa* , in qua eadem benedictio tribuitur , neque sponsa solemniter in viri domum traducitur , neque demum ceteræ solemnitates peraguntur . Confer Cabassutium *Jur. Canon. theor. & prax. lib. 3. cap. 20. n. 8. , & Benedictum XIV. Inst. eccles. 80. n. 3. sqq.*

5) Summus Pontifex , cum matrimonium vetat , etiam clausulas adjungere potest , per quas irritum fiat , si contrahatur *Cap. 4. de spons. duor. Episcoporum , & Parochi interdictum tantum impediens impedimentum inducit , donec in latens malum , & impedimentum inquiratur .*

6) *Cap. ult. de clandestin. desponsat. , Cap. 1. & 3. de matrim. contract. contr. interdict. eccles.*



## SECTIO XI.

### *De Divortiis .*

- |   |   |
|---|---|
| CXLVIII. Quid divortium , & repudium ?            | CLI. & CLII. Quibus de causis tori separatio fiat ?               |
| CXLIX. Quomodo solvatur matrimonium consummatum ? | CLIII. & CLIV. Quomodo , & quibus solemnitatibus expedienda sit ? |
| CL. Quomodo ratum ?                               |   |

### §. CXLVIII.

**M**atrimonium interdum solvi contingit , idque duobus modis , vel quoad ipsum vinculum , quo conjuges obstricti tenentur , vel tan-



tantum quoad torum ; & mutuam habitationem . Jure Romano ipsa vinculi solutio divortium dicitur , & hoc facit potestatem novas ineundi nuptias , cum primæ solvuntur . Differt divortium a repudio , quod hoc & in uxorem , & in sponsam cadit , illud tantum in uxorem ; quoniam non recte dicitur sponsa divertere , cum divortium ex eo dicatur , quod in diversas partes eunt , qui discedunt 1) . Jure Canonico & ipsa vinculi nuptialis solutio , & separatio tori , atque habitationis , quæ fit , integro vinculo , divortium appellatur .

- 1) *Leg. 101. ff. de verb. significat. Consule Philippum Vicat vocabular. jur. verb. divortium .*

§. CXLIX. Nuptiale vinculum difficilius solvitur , si consummatum , facilius , si nondum consummatum matrimonium sit . Consummati matrimonii vinculum solvit mors naturalis conjugis , quo vita functo alias nuptias inire licet 1) , & conversio conjugis infidelis ; si nimirum alter adhuc infidelis sit , atque ab illo discedat , aut ejus mora injuriam religioni afferat , ac peccandi occasionem præbeat 2) . Quod si conjugis , qui Christi fidem amplexus est , molestus non sit infidelis , divortium fidei non conceditur , ut nimirum alter alterius salutem procuret . Separato autem conjugio per Christianam Religionem ab altero susceptam , si deinceps etiam infidelis Christianus fiat , antequam alter novas nuptias conciliet , matrimonium redintegratur 3) . Verum matrimonii vinculum non solvitur , si duo fide-

les conjugio juncti sint , atque alter eorum a fide discedat 4) .

- 1) Apostolus I. *ad Corinth. VII.* 39. Non defuerunt hæretici Montanistæ , atque alii , qui contra Ecclesiæ doctrinam secundas nuptias vetitas dixerunt . Confer Jueninium *de sacram. dissert.* 10. *quæst.* 4. *cap.* 1. *art.* 2.
- 2) Apostolus I. *ad Corinth. VII.* 13. *Et seq.* , *Can.* 4. *Et seq.* c. 20. q. 1. , *Cap.* 7. *de divort.* Monendus est autem conjux infidelis , num & ipse Christi Religionem amplecti velit , antequam hoc matrimonium dissolutum habeatur . Consule , qui ea de re copiose disputat , Benedictum XIV. *de Synod. diæces. lib.* 13. *cap.* 21. *num.* 2. *Et seq.*
- 3) *Cap.* 8. *de divort.*
- 4) *Cap.* 7. *eod.*

§. CL. Ratum matrimonium , præter alterius obitum , & infidelis conjugis conversionem , solvitur etiam auctoritate Summi Pontificis , qui ea tamen uti non solet , nisi causa cognita 1) , & Religionis professione . Nam ut conjuges de meliori proposito deliberent , postquam matrimonium contraxerunt , non eo statim uti coguntur , sed habent duos menses ; quo temporis intervallo si eorum alter Religionem ingrediatur , in eaque professionem emittat , ita solvitur matrimonium , ut conjugii relicto suo lubitu liceat alias nuptias conciliare 2) .

- 1) Confer Benedictum XIV. *loc. cit.* *num.* 4. , & vide etiam ipsius *Constitutionem Dei miseratione* 33. §. 15. *tom.* 1. *ejus Bullar. pag.* 52. *indic. edit.* , ubi declaratur , quomodo , & quo ritu matrima-

monium ratum a Sede Apostolica dissolvatur.

- 2) *Cap. 2. 7. 14. de convers. conjug.* Concilium Tridentinum *sess. 24. can. 6. de matrim.* Tridentinum hunc canonem, & Pontificias illas leges, quibus statutum est, matrimonium ratum, non consummatum dītīmi per solemnem Religionis professionem, capere ausus est Petrus Suavis, sive Paulus Sarpius, aut Marcus Antonius de Dominis, quisquis sit auctor historię Concilii Tridentini. Sed omnia hujus scriptoris commenta, & sophismata, p̄ter ceteros, solide, graviterque refutavit Carolus Blaschus *diatrib. 4. pag. 205. sqq.*

§. CLI. Tori, seu habitationis separatio minorem quoque habet difficultatem; quoniam & mutuo consensu conjugum, & altero invito fieri potest. Mutuo consensu fit, cum uterque conjux castitatem vovet, aut approbatam Religionem profitetur 1). Altero autem invito plures sunt divortii causę; nimirum si alter conjugum in hæresim, aut in idololatriam prolatur 2); si ea conjunctio peccatum parere, aut disjunctio emendationem afferre possit 3); si gravem in uxorem sævitiam maritus adhibeat 4); si alter conjugum adulterium, aut infandę veneris scelus commiserit 5).

- 1) *Cap. 1. & 4. de convers. conjug.* Qua in re illud decet animadvertere, non cogi uxorem religiosam professionem emittere, cum in ea ætate est, ut sine suspitione in communi hominum societate versari possit, modo extra religionem castitatem voveat, cogi autem omnino, cum florens ætas facit huic suspitioni locum.

- 2) *Cap. 2. 6. 7. de divort., Can. 5. c. 28. q. 1.*

- 3) *Cap. 2. de divort., Cap. 3. de adulter.*

- 4) *Cap. 8. & 13. de restit. spoliat., Can. 6. c. 31. q. 1.*

Q 2

Verum

Verum si maritus caveat de non vexanda uxore, neque tanta sit ejus sævitia, ut non satis caveri posse videatur, eam ob causam tori separatio non conceditur.

- 5) Quin debet maritus uxorem adulteram, nisi pœnitentiam egerit, ab se remove *can. 4. & 6. c. 32. q. 1.*, sed post actam pœnitentiam eam recipere potest *can. 7. eod., Cap. 3. de adulter.* Vide etiam Hermam Pastorem *l. 2. mandat. 4. apud Cotelierium PP. Apostolic. tom. 1. pag. 87. edit. Amstelædami 1724.*

§. CLII. Verum propter adulterium separatio non permittitur, si mulier invita fuerit compressa 1); aut vir deceptus, quod aliam mulierem uxorem putaverit 2); vel si uterque conjux ejusdem criminis reus sit 3); vel si vir aut opera, aut hortatu causa adulterii fuerit 4), vel si crimen remiserit uxori, cum qua concubuerit, licet ejus culpam non ignoraret 5).

- 1) *Can. 3. c. 32. q. 5.*  
 2) *Can. 6. c. 34. q. 1. ibique Glossa.*  
 3) *Cap. 6. & 7. de adulter.*  
 4) *Cap. 6. de eo qui cognov. consanguin. uxore.*  
 5) *Can. 4. c. 32. q. 1.*

§. CLIII. Quæcunque autem fuerit causa, non proprio arbitrio, sed re primum diligenter cognita, & ecclesiastici judicis sententia conjuges separantur 1). Quod faciendum in primis est, cum agitur de vinculo matrimonii, quod non facile, nec temere dirimendum est. Quare ob impedimentum dirimens matrimonium solutum haberi non potest, nisi primum ea de re sedulo quæsierit Judex Ecclesiasticus 2), atque edita sententia solutum declaraverit.

- 1) Con-

- 1) Confer Benedictum XIV. *de Synod. dioces. l. 9. cap. 9. num. 4.*
- 2) Conc. Tridentinum *sess. 24. cap. 20. de reform. matrimoniales causas Episcopi iudicio commisit, Prælati inferioribus generatim exclusi.* Hinc Benedictus XIV. causas matrimoniales eorum, qui subsunt Capitulo Veronensi, non ab ipso Capitulo, sed ab Episcopo Veronensi iudicandas esse decrevit in *Constit. Regis Pacifici 59. §. 29. t. 4. Bullarii sui pag. 285. edit. Romæ seu Venet. 1758. 3.* quemadmodum & similes causas non ab Abbate Cryptæ Ferratæ loci Ordinatio, sed ab Episcopo Tusculano cognosci voluit in *Constit. inter multa 33. §. tertium tom. 2. pag. 170.*

§. CLIV. Quod iudicium certo ritu expediendum est, ne quid in re gravissima inconsiderate, ac negligenter fiat. Nimirum in omnibus his controversiis publicus matrimonii Defensor esse debet, sive uterque conjux, sive alter tantum solutionem postulet, eoque citato gerenda sunt omnia, ut iudicium valeat. Si Iudex ratum firmum habendum esse definiverit matrimonium, neque quis ab ea sententia appellaverit, etiam matrimonii Defensor abstinere se a iudicii progressu debet; verumtamen ejus est provocare ad Iudicem superiorem, cum sententia contra vim matrimonii lata est. Altera sententia si matrimonium similiter irritum declaratur, necesse non est longiori iudicio experiri, & tunc eo finito conjuges, qui interim, dum, fervebat iudicium, novas nuptias inire prohibebantur, ad eas transire libere possunt. Semper tamen integrum est, etiam postquam duabus sententiis infirmatum est matrimonium, redinteg-

grare iudicium , quoniam hæ sententiæ vim ,  
numquam accipiunt rei iudicatæ 1) .

- 1) Cuncta hæc , quæ pertinent ad cognoscendas causas matrimoniales , earumque iudicia expedienda , accurate , lateque explicantur a Benedicto XIV. in *Constit. Dei miseratione* 23. 1. 1. ejus *Bullarii* pag. 49. edit. Romæ. seu Ven. 1758.; quam constitutionem ipse Benedictus memorat in *Const. Si datam* 47. tom. 2. *Bullarii* pag. 236. & in *Constit. Etsi matrimonialis* 51. tom. 4. pag. 213.



## T I T U L U S I I I .

### DE INDULGENTIIS ET REMISSIONIBUS .

- |  |   |
|--|---|
| I. Indulgentiarum fons ,<br>& effectus .       | clesiam .                                   |
| II. Indulgentiæ plenariæ ,<br>vel partiales .  | IV. Variæ earum species .                   |
| III. Earum concedendarum<br>potestas penes Ec- | V. Earumdem finis .                         |
|  | VI. Indulgentiæ pro vivis,<br>& defunctis . |

#### §. I.

**H**abet Ecclesia thesaurum inexhaustum conflatum ex infinitis Christi meritis , Sanctorumque satisfactionibus 1) , unde depromit Indulgentias , quibus remittit pœnas temporales , quas pœnitentes subire , & quibus sua scelera expiare debent. Sacramentalis absolutio veniam

pec-

peccati tribuit, Indulgentiæ reum criminis liberant a pœnis temporalibus, in quas æternæ vi sacramenti commutantur 2). Utraque potestas a Christo data Ecclesiæ est 3), & ea usus Apostolus veniam peccati dedit, & pœna solvit Corinthium, quem pridem ab Ecclesia eiecerat 4).

1) *Extravag. 2. de pœnitent. & remission. int. communes*. Vide etiam Benedictum XIV. in *constit. Peregrinantes* 17. 6. 4. tom. 3. ejus *Bullarii* pag. 75.

2) Non desunt Theologi, qui per indulgentias tolli posse peccata venialia, etiam quoad culpam, existimant, sed hæc valde dubia sententia est, neque sanæ theologiæ rationibus convenit, quod ostendunt Passerinus *de indulgent. quæst.* 7. n. 82., & Theodotus a Spiritu S. *eod. tract. tom. 1. cap. 5. §. 1.* Hinc si quæ occurrunt indulgentiarum formulæ, quibus quis a culpa, & a pœna liberari dicitur, ex vel falsæ haberi debent, uti monet Benedictus XIV. *de Synod. diœces. lib. 13. cap. 18. num. 7.*, vel tribuendæ sunt eleemosynariis quæstoribus, quos increpat Clemens V. in *Clem. 2. de pœnitent. & remiss.* Si quæ autem reperiuntur indulgentiæ, in quibus ex gr. quarta, aut septima pars venialium peccatorum remittitur, qualis est indulgentia data ab Urbano III. apud Du-Cangium *glossar. med. & infim. Latinit. verb. indulgentia*, ex referendæ sunt ad remissionem pœnæ temporalis, & huc illa spectat Urbani indulgentia, uti pater ex ejus verbis, quæ describit Lucas Dacherius *t. 3. spicilegii pag. 383. edit. Paris cit.*

3) Concilium Tridentinum *sess. 25. in decret. de Indulgent.* Confer Theologos, atque inter ceteros, Juveninum *de sacram. dissert.* 13. *quæst.* 1., qui de vi Indulgentiarum, deque earum concedendarum a Christo Ecclesiæ data potestate contra Lutherum, Zuinglium, Calvinum, ceterosque hæreticos copiose disputat; & consule

Amottum *Histor. Indulgentiar.*, & Theodorum a Spīritu S. *de Indulgentiis*, qui latissime de Indulgentiis agunt.

- 4) Apostolus II. *ad Corinth. II.*, quem in Pauli locum vide Chrysostomum *hom. 4. in 2. ad Corinth. opp. tom. 10. pag. 454. edit. Paris. indic.*, Ambrosium, Anselmum, Thomam, aliosque apud Cornelium a Lapide *in Paul. ep. 2. ad Corinth. cap. 2.*, qui cuncti illum de plenaria indulgentia interpretantur. Confer etiam Jueninium *loc. cit. cap. 2.*, qui illum Pauli locum diligenter expendit.

II. Indulgentia vel integram relaxat pœnam, vel ejus partem, & ideo vel plenaria, vel partialis est. Jus concedendi indulgentias a Christo datum est Apostolis, eorumque successoribus, quibus potestas ligandi, & solvendi, in qua illud continetur, concessa est. Sed quoniam Episcoporum potestas subest Romano Pontifici, qui illius exercendæ modum constituit 1), jure suo Pontifices Maximi, pro suprema potestate sibi in Ecclesia universa tradita, sibi plenarias indulgentias reservarunt, ac tantum partiales Episcopis permiserunt 1). Quare unus Romanus Pontifex plenarias indulgentias tribuit, Episcopi tantum partiales; & vero ab ipsis in Ecclesiæ dedicatione unius anni, in anniversario dedicationis die quadraginta dierum indulgentia tribuitur 3). Jure extraordinario, & delegato etiam Presbyteri, imo & inferiores clerici indulgentias elargiuntur: quin etiam interdum Summus Pontifex Vicariis Apostolicis plenarias indulgentias permittit 4).

1) Confer quæ scripsi in *Prolegomenis cap. 2. §. 20. pag. 19.*



pag. 19. , & confer ; quem eo loco laudavi ,  
 Pettum Balletinium . Atque huc etiam redeunt  
 ea , quæ supra dixi *tit. 2. §. 117. & seq. de*  
 Summi Pontificis potestate in Ecclesia universa ,  
 deque jure , quod habet , arcendi Episcopalem  
 jurisdictionem . Ex his autem , atque ex cete-  
 ris harum Institutionum locis satis patere arbi-  
 tror , quid ego revera sentiam de Primatu Sum-  
 mi Pontificis , deque ejus in tota Ecclesia pote-  
 state . Sed Scriptores Annalium Ecclesiasticorum  
 Florentiæ primum me immerito reprehendunt ,  
 quod nimis late hujus Primatus jura explicave-  
 rim ; deinde aliam mihi sententiam adscribunt ,  
 meque immerito similiter laudant , quasi harum  
 Institutionum *lib. 1. tit. 3. sect. 1. Primatus ju-*  
*ra* arcere voluerim . Præsertim vero appellant §. 14.  
*not. 6. ,* ubi egi de judiciaria Summi Pontificis  
 potestate , atque ita hunc locum explicant , qua-  
 si negarim , etiam omissis mediis judiciis ad  
 Pontificem provocari posse . Sed ego eo loco ne  
 attigi quidem hanc disputationem , quam inte-  
 gravi servavi *lib. III. ,* ubi ostendam , etiam  
 medio Judice prætermisso , recte ad Primatem to-  
 tius Ecclesiæ provocari . Ordinarius quidem judici-  
 cursus est , ut gradatim appellatio fiat , ac me-  
 dius iudex non negligatur , antequam controver-  
 sia deferatur ad summum omnium Rectorem ,  
 cujus iudicium soli Deo subicitur ; & huc re-  
 ferendus est Innocentius I. , cujus ibi descripsi lo-  
 cum . Sed non inde efficitur , quod Summus  
 Pontifex eodem jure , quo atterat Episcoporum ju-  
 risdictionem , ex eaque subtrahit certos Subditos ,  
 eodem inquam vocare ad se non possit contra-  
 versias , & ita de iis rebus agere prohibeantur  
 medii Judices , qui Primatis , cui subsunt , im-  
 petio patere debent . Agam ea de re copiose  
*Libro III. ,* ut annalium Scriptores intelligant , mi-  
 hi de his appellationibus ad Summum Ponti-  
 ficem interponendis fixam esse , certamque  
 sententiam . Primatus autem jura , ut plu-  
 ribus ostendi harum Institutionum locis , pa-  
 tere

tere confirmo quam latissime , & prorsus assentior Bellarmino , Baronio , Mamachio , Ballerinio , ceterisque similibus doctissimis viris , quorum pluries opeta laudavi .

- 2) Consule Bellarminum *de indulgent.* lib. 1. cap. 11. *controv. tom. 2. opp. pag. 584. edit. Venet. 1721.* , & Benedictum XIV. *de Synod. Diæces. lib. 2. cap. 9. num. 7.* Multa etiam , atque præclara de Indulgentiis , deque Summi Pontificis in iis concedendis potestate habet doctissimus Mamachius in opere paulo ante laudato contra Auctorem opusculi *Quid est Papa ? ep. 5. §. 6. tom. 2. pag. 48. & seq.*
- 3) *Cap. 14. de peniten. & remiss. , Cap. 3. eod. in 6.*
- 4) Benedictus XIV. *Constit. Apostolicum 16. §. 13. pag. 66. tom. 4. Bullarii indic. edit.* Ita etiam Cardinalibus de latere Legatis , qui jussu Summi Pontificis anno Jubilæi aperiunt , clauduntque portas sanctas , plenariæ indulgentiæ permittuntur Benedictus XIV. *Constit. Neino 23. §. 9. pag. 146. & Const. 26. pag. 151. tom. 3. cit. edit.* Solent quoque Episcopi , uti monet ipse Benedictus XIV. *de Synod. diæces. lib. 5. cap. 1. n. 5.* , saltem cum primam agunt Synodum , plenariam a Summo Pontifice indulgentiam impetrare illis , qui una ex tribus Synodi diebus Ecclesiam catholicam visitaverint .

III. Indulgentias ii tantum consequuntur , qui ab omni peccati labe expiati satisfaciunt universis operibus , quæ præscripta sunt ab eo , qui illas elargitus est 1) . Fuisse semper penes Ecclesiam potestatem concedendi indulgentias certum est ; sed usus hujus potestatis , qui totus ab Ecclesiæ judicio pendet , pro rerum , temporum , personarum ratione multiplex , variusque fuit 2) . Initio justæ concedendarum indulgentiarum

rum

rum causæ erant libelli martyrum 3), reditus hæreticorum ad Ecclesiam, imminens in Christianos persecutio, ferventius agendæ pœnitentiæ studium 4).

- 1) Vide Benedictum XIV. *Constit. accepimus* 6. tom. 2. pag. 19. *Bullarii laudat. edit.*
- 2) Consule Papebrochium in *responsionib. ad P. Sebastianum a S. Paulo respons. ad art. 14. num. 22.*
- 3) Ferventibus persecutionibus confessores, qui carceribus detinebantur, libellos dabant ad Episcopos, quos rogabant, ut lapsis pœnitentiam, vel ejus partem remitterent, pacemque darent Tertullianus *ad Martyres* cap. 1. pag. 137. *edit. Paris. 1675.*, Cyprianus *ep. 11. 21. 22. 23. pag. 24. 33. 34. edit. Paris. 1666.*, & alibi præsertim libro *de lapsis*. Videndus ea de re Morinus *de administr. pœnitent. lib. 9. cap. 26.* Magna vis erat eorum libellorum, qui valebant etiam jam sedata persecutione, mortuisque martyribus, uti recte ostendit Albaspinæus *lib. 1. observ. 20. pag. 52. edit. cit.*
- 4) Integrum erat Episcopis pœnitentibus, quorum maximus erat in agenda pœnitentia fervor, & studium, tempus contrahere, ac *de ipsis aliquid humanius cogitare*, uti loquitur Synodus Nicæna *can. 12. col. 330. tom. 1.*, idemque habet Synodus Ancyrana *can. 2. & 5. eod. tom. 1. col. 271. 272. collect. Harduini.*

IV. Labentibus annis invaluit redemptio pœnitentiarum eleemosynis, quæ aut in pauperum subsidium, aut in ædificandas, reparandasve ecclesias convertebantur; tum etiam data indulgentia per Missarum sacrificia, aliaque suffragia, vel sacras peregrinationes, aut pia opera, quæ ab Ecclesiarum Prælati imponebantur 1).  
Sæculo XI. potissimum in Ecclesiæ dedicatione  
Indul-

Indulgentiæ concedebantur 2) , eademque ætate tributæ sunt illis ; qui captis armis contra infideles Hierosolymitanum iter susciperent 3) . Denique Bonifacius VIII. plenam indulgentiam attribuit iis , qui certis vicibus Apostolorum ecclesias visitarent 4) , quæ est indulgentia Jubilæi centesimo quoque anno initio constituta , deinceps vero a Clemente VI. vocata ad annos quinquaginta , ab Urbano VI. ad annos tres , ac triginta ; a Paulo II. ad annos vigintiquinque .

1) Hujusmodi pœnarum redemptiones memorant Concilium Triburiense an. 895. can. 56. col. 455. tom. 6. collect. Harduini , Ratherius Veronensis orat. synodic. ad Presbyter. num. 9. col. 416. edit. Veronæ 1765. , atque alii bene multi .

2) Benedictus IX. , ut tradit Mabillonius *pref. in sec. V. Benedictin.* num. 109. pag. LV. tom. 7. edit. Venet. indic. , an. 1047. indulgentiam tribuit omnibus , qui se ad Ecclesiam S. Victoris Massiliensis recenter dicatæ contulissent ; eamque indulgentiam concessit Alexander II. in Cassinensis Ecclesiæ dedicatione tum iis , qui tunc præsentibus erant , tum reliquis omnibus , qui per octo continuos dies eo convenirent , uti patet ex *Chron. Cassinens. lib. 3. cap. 31.* Similis data venia est an. 1098. ab Urbano II. visitantibus Ecclesiam S. Nicolai Andegavensis , quam ipse dicaverat , eodemque modo Calixtus II. an. 1120. dedicata Mautianensi prope Stampas Ecclesia , uti narrat Duchesnius *histor. Franc. tom. 4. pag. 369.* , annuam peccatorum remissionem in dedicationis anniversario die constituit , quod & consequentes Pontifices præstitetunt .

3) Alexander II. , ut tradit Malaterra *de rebus gestis a Roberto Guiscardo Calabria Duce aliisque lib. 2. cap. 33. in Schotti Hispan. illustr. tom. 3.* , contra infideles in Sicilia pugnantibus anno 1063. indul-

indulgentiam largitus est, deinde Urbanus II. in Concilio Claramontano an. 1096. can. 2. apud Labbeum tom. 10. Concilior. col. 507. plenam attribuit veniam omnibus, qui captis armis contra infideles irent ad Terram Sanctam, ut eam recuperarent. Quam indulgentiam omnium, quæ plenariæ sunt, antiquissimam putat Cardinalis Thomasius in commentar. de concess. Indulgent. opp. tom. 7. pag. 126. editionis Romanæ, quam accurate, & erudite perficiendam curavit Antonius Vezzosi Collega olim meus in Romana Academia, Vir præstans ingenio, doctrina, pietate singulati, mihi quæ, dum vixit, amicissimus. Sed alia plenariarum, ut videntur, Indulgentiarum exempla Urbano II. antiquiora sunt apud Schelestratum in act. Eccles. Orient. tom. 2. dissert. 1. cap. 5. pag. 761. & seq., & Amortum Histor. Indulgent. par. 1. sect. 2. pag. 46. edit. Venet. sect. 4. pag. 105. & sect. 7. pag. 155. Urbani Indulgentiæ similem, quam S. Bernardus ep. 426. opp. tom. 1. pag. 319. edit. Mabillonii Venet. 1781. largissimam veniam appellat, Eugenius III. iisdem Crucesignatis impertit, uti patet ex ipsius Bernardi epist. 363. pag. 276.; quod exemplum & alii Summi Pontifices sequuti sunt.

- 4) Centenariam hanc indulgentiam, quæ Jubilæi nomine appellatur, primum a Bonifacio VIII. institutam fuisse, plerique arbitrantur; verum ejus ætate antiquiorem esse, ostendit Jacobus Cajetanus Diaconus Cardinalis S. Georgii ad velum aureum in tract. de Centesimo seu Jubilæo anno in Biblioth. PP. tom. 25. pag. 936. edit. Lugdunen. Omnium accuratissime, copiosissimeque de anno Jubilæi, sive anno Sancto peculiari opere Romæ edito anno 1775. disserit Cl. Zaccaria.

V. In concedendis indulgentiis adhibenda est moderatio; quoniam effusa liberalitas pœnitentiam enervat. Itaque ante oculos habenda sunt

sunt exempla veterum Patrum, qui respectu habito ad dolorem, atque ad lacrimas pœnitentium indulgentias concedebant 1). Quavis vero de causa dentur indulgentiæ, non eas certe largitur Ecclesia, ut foveat pœnitentium ignaviam, sed ut nostram imbecillitatem erigat, atque excitet 2). Itaque non desides nos, & ignavos esse oportet, cum vocamur ad cælestem thesaurum accipiendum; sed omni ope enitendum est, ut dignos pœnitentiæ fructus facientes, Deoque pro nostris criminibus satisfaciētes studio obsecundemus Ecclesiæ, quæ omnem nobis opem ferre conatur, ut æternam gloriam consequamur 3).

2) Concilium Tridentinum sess. 25. in decret. de indulgent.

2) Consule Baronium ad an. Chr. 1073. num. 71. tom. 17. pag. 371. edit. Luca, Pallavicinum histor. Concil. Tridentin. lib. 24. cap. 12. num. 6., Bellarminum de indulgent. lib. 1. cap. 12. §. ad tertium opp. tom. 2. pag. 587. edit. Venet.

3) Quæstio est, num ad acquitendam indulgentiam non tantum debeat præscriptis opetibus satisherī, sed etiam necessaria sit pœnitentia, per quam criminum labes peculiatiter expietur. Consule Jueninium de sacramen. dissert. 12. quæst. 5. cap. 5. & quæst. 6. cap. 1. & 2., Lucium Ferraris Biblioth. verb. Indulgentia in append. 1. num. 9. & seq. & appendic. 2. §. 4. & seq., & Benedictum XIV. Instit. eccles. 53. §. 11.

VI. Prosunt Indulgentiæ tum vivis, tum illis, quos vita defecit, sed his per suffragii, illis vero per absolutionis modum 1). Nunciandæ autem sunt ab Episcopo cum duobus Canonicis, & oblata

oblatæ a Fidelium pietate eleemosynæ, nulla prorsus accepta mercede, colligendæ sunt. Quod sanctissime, & providentissime sancitum est a Synodo Tridentina 2), ut omnes intelligant, hos cælestes Ecclesiæ thesauros non ad quæstum, sed ad pietatem exerceri. Ideo sublati sunt eleemosynarum Quæstores, qui suo sæpe abusi munere gravissima Ecclesiæ mala attulerunt.

- 1) Confer Benedictum XIV. *Const. Apostolica* 19. §. 14. pag. 87. tom. 3. ejus *Bullarii*, & confer etiam, quæ eodem loco laudatur, Leonis X. Constitutionem.
- 2) Concilium Tridentinum *sess. 21. de reform. cap. 9.*, & in *decret. de indulgent. sess. 25.*



## T I T U L U S I V.

### DE DIVINO OFFICIO.

I. Quid Divinum Officium? & diversa ejus nomina.

II. Horæ canonicæ.

III. Matutinæ, & Vesperinæ preces antiquissimæ.

IV. Horarum canonicarum distributio.

V. Quando hæc ubique inducta?

VI. & VII. Quo tempore

Divinum Officium persolvendum sit.

VIII. Olim etiam laici ad Divinum officium conveniebant.

IX. Qui nunc illud persolvere cogantur.

X. Quomodo persolvendum sit; & quis ejus ritus, ac formulas constituit?

**C**ertus ille, ac sollemnis numerus, ritusque psalmorum, hymnorum, lectionum, aliarumque precum Ecclesiæ auctoritate institutus, atque in statas diei horas distributus, ut continenter Deo laudes offeramus, *divinum officium* appellatur. Nam officium significat id, quod ratione habita locorum, temporum, personarum efficere omnes debent: unde tractum est nomen divini officii, quoniam in eo comprehenditur, quod erga Deum quotidie præstare debemus 1). Dicitur etiam divinum officium *sacra synaxis*, & *collecta*, hoc est conventus, & congregatio fidelium, qui ad fundendas preces conveniunt; & *cursus ecclesiasticus*, quasi orbem, & cursum constituat, quem singulis diebus conficere oportet 2); & *Breviarium*, quasi summa ceremoniæ, & precum, quas servare, & quas fundere oportet, ut divinum officium recte persolvatur 3).

1) Confer Cardinalem Bonam *de Divin. Psalm.* cap. 2. §. 1. Antequam vero sæculo XI. Breviarium introduceretur, ad recitandas horas canonicas in Ecclesiis Occidentalibus adhibebantur Psalteria, Biblia Sacra, Homiliaria, Passionaria, Antiphonaria, Hymnaria, Collectaria, Martyrologia, de quibus omnibus doctissime, accuratissimeque agit V. Cl. Franciscus Antonius Zaccaria *Biblioth. ritual. lib. 1. cap. 4. art. 3. tom. 1. pag. 96.*

2) Ratherius Veronensis *in orat. synodic. ad Presbyter. num. 6. col. 414. edit. Veronæ 1765.*

3) Rodulphus Tungrensens *de canonic. observant. cap. 12. brevii nomen repetit a Franciscanis, qui*



Apostolicis Missionibus occupati contraxerunt divinum officium, quod pridem longiori sermone conceptum erat. Tum ait, hoc officium fuisse receptum in Ecclesia Latetanensi ab illis, qui Summo Pontifici serviebant, deincepsque a Nicolao III. sancitum, ut eo Breviario omnes Romæ Ecclesiæ uterentur: unde hodie, inquit Rodolphus, in Roma omnes libri sunt novi, & Franciscani. Narrationem hanc tamquam veram cognoverunt Cardinalis Bona loc. cit., ac Thomasinus vet. & nov. Eccles. disciplin. par. 1. l. 2. cap. 4. num. 12. & 13. Verum cum ex epistola apologetica, quam adversus S. Bernardum scripsit Petrus Abaelardus circa an. 1140., nimirum ante annos fere centum, quam Honorius III. Franciscanum Ordinem aptobaret, constet, quod ea tempestate omnes Romæ Ecclesiæ contracto illo officio utebantur, minus vera videtur ea Rodulphi narratio, uti observat Franciscus Pagius in vit. Roman. Pontific. tom. 3. pag. 441. Divinum officium primus contraxit S. Gregorius VII., qui ab an. 1073. ad an. 1085. Pontificatum obtinuit; & inde verisimile est, natum Breviarii nomen, hoc est breve horarium, seu precum epitomen. Verustum Breviarium Monasterii Cassinensis, quod circa ea tempora scriptum est, quodque continet tubricas totius ecclesiastici officii, ritusque, & cæremonias divini recitandi officii, missæque celebrandæ, habet hæc: *Incipit Breviarium, sive Ordo officiorum per totam anni decursionem.* Consule Du-Cangium glossar. med. & infim. latinit. verb. *breviarium*, & Cl. Zaccariam Bibliothecæ ritual. lib. 1. cap. 4. tom. 1. pag. 107.

§. II. Frequens quoque est *horarum canonicarum* nomen, quo divinum officium appellamus. Omnes Christiani, ac præsertim clerici prece, & obsecratione humili adversus Deum continenter uti deberent; sed quoniam id neque

Tom. II.

R

infr-

infirmæ naturæ patiuntur vires, neque negocia, quibus implicamur, sapienter Ecclesia constituit, ut certis saltem horis has preces fundamus, atque ita numquam intermittamus officium, quod erga Deum præstare debemus. Inde processit nomen *horarum canonicarum*, quoniam in eas divinum officium tributum est 1). Quod autem divinum officium statis horis persolvitur, pluribus constat officiis, quæ omnia simul conjuncta ecclesiasticum cursum conficiunt. Hæc vero officia ex recepta ecclesiæ disciplina sunt Matutinum cum laudibus, hora prima, tertia, sexta, nona, vespera, & completorium.

- 1) Institutionem hanc certis saltem horis debitas Deo laudes persolvendi ab ipsis Apostolis repetendam esse, atque ad nos perpetua traditione delatam, ostendit Martenius *de antiq. eccles. rit. lib. 4. cap. 1. §. 1. & seq. tom. 3. pag. 1. & seq. & de antiq. Monach. rit. lib. 1. cap. 1. & seq. tom. 4. pag. 1. sqq. edit. indic.*, ubi cuncta fere habes, quæ ad hoc argumenti genus pertinent.

§. III. Vêrum hæc officia non omnia ejusdem antiquitatis, sed alia vetustiora, alia recentiora sunt. Apud priscos Christianos celebres sunt matutinæ, & vespertinæ preces. Nimirum quotidie Christiani ante ortum lucis in Ecclesiam conveniebant, ut preces funderent, laudarentque Deum, qui conventus, quod ante lucem haberentur, *cætus anteculani*, & *vigilia*, & *horæ nocturnæ* dicebantur 1). Sed & Vespere, cum Sol ad Occasum vergeret, in solemnibus conventibus preces fundebantur 2); atque hæc

hæc duo tempora , matutinum , & vespertinum  
quotidie erant præcipua antiqui ministerii tem-  
pora .

- 1) Tertullianus *ad Uxor. lib. 2. cap. 4. pag. 168.*  
& *de coron. milit. cap. 3. pag. 162. edit. Pa-*  
*ris. 1675.* Hinc Chrtistiani apud Minucium Feli-  
cem *de Idololatr. vanit. in l. Octavius pag. 332. edit.*  
*Paris. 1605.* appellati *latebrosa, & lucifuga natio ;*  
& Plinius *ep. 97. lib. 10. ad Trajan. pag. 629. n. 7.*  
*edit. Lipsiæ 1711.* ex ore quorundam Apostatarum  
de Christianis se accepisse scribit , quod *stato die*  
*ante lucem convenire soliti sunt .* In his conven-  
tibus adhibitam psalmodiam constat , eamque in-  
choatam a psalmo LXII. tradit Auctor *Constit.*  
*Apostol. lib. 2. cap. 59. apud Corelerium PP.*  
*Apostolic. tom. 1. pag. 270. indic. edit.* Matuti-  
num hoc officium plures psalmos , precesque  
comprehendebat ; sed non illam habebat distin-  
ctionem nocturnorum , & laudum , quæ recen-  
tiori ætate a Monachis initium habuisse vide-  
tur . Hi tribuerunt Officium antelucanum , seu  
matutinum in tria nocturna , atque in laudes .  
Tria nocturna tribus primis noctis vigiliis seor-  
sim celebrati solebant ; quod S. Thomas *in. ep. I.*  
*ad Corinth. cap. 14. lect. 6. , & Marcellus Francoli-*  
*nus de hor. canonic. cap. 6. observarunt .* Quin in  
quibusdam Occidentalium Monachorum regulis ex-  
presse sancium est , ut nocturna seorsim cele-  
brentur , atque ita porro habet Regula Colum-  
bani *cap. 7. apud Holstenium Cod. Regul. pag. 171.*  
*tom. 1. edit. August. Vindelic. 1759.* Laudes  
etiam distinctum a nocturnis officium consituerunt ,  
uti ostendit Card. Bona *de divin. psalmod. cap. 5.*  
*§. 1.* Primus S. Benedictus tria nocturna con-  
junctisse videtur ; saltem ita fert ipsius *regula*  
*cap. 11. pag. 121. apud Holstenium Cod. Regul.*  
*tom. 1. edit. laud. ,* ut uno tempore tria nocturna  
celebrentur . Longo post tempore in Ecclesia  
Romana etiam laudes nocturnis conjunctæ unum

R 2

con-

continuum officium nocte persolvendum constituerunt, uti testatur Hugo a S. Victore *de offic. eccles. lib. 2. cap. 2. col. 1389. in Biblioth. PP. tom. 10. edit. Paris. Rem totam, præter Card. Bonam de Divin. psalmod., explicant Thomasinus vet. & nov. eccles. disciplin. par. 1. l. 2. cap. 71. & seq., Martenius de antiq. Monachor. rit. lib. 1. cap. 2. & seq. tom. 4. pag. 4. & seq. edit. Venet. 1764., & Binghamus origin. ecclesiast. lib. 13. cap. 9. §. 7. & seq. pag. 299. & seq. tom. 5. edit. Halæ Magdeburg. 1754.*

- 2) Matutinas, & vespertinas preces omnium apertissime distinguit Auctor *Constit. Apostol. lib. 8. cap. 35. pag. 421. laudat. edit., & Concilium Laodicenum can. 18. tom. 1. col. 784. collect. Harduini* memorat tum preces vespertinas, tum eas, quæ ad nonam fiunt, & eandem in utriusque liturgiam servati jubet. Vespertinum officium initium sumebat a psalmo CXL., quem Auctor *Constit. lib. 8. cap. 35. pag. 421. vocat τὸν ἐπιλύχιον ψαλμὸν, lucernalem psalmum, quod canebatur eo tempore, quo lumen accendi solebat; & Chrysostomus homil. in psalm. 140. t. 5. num. 1. pag. 427. edit. Paris 1724. pluribus explicat, quam apte hic psalmus in vespertino officio adhiberetur. Est apud eundem Auctorem *Constit. loc. cit. cap. 36. & 37. pag. 421. προσφώνησις ἐπιλύχιος, εὐχαριστία ἐπιλύχιος, precatio & gratiarum actio lucernalis. In hoc quoque vespertino officio psalmi, hymni, precesque alie adhibebantur, atque ita matutinis, & vespertinis officiis a Christianis dies in orationibus Dei inchoabatur, dies hymnis Dei claudebatur, uti loquitur Hilarius in *Psalm. 64. num. 12. col. 169. edit. Paris. 1693, quod etiam tradit Hieronymus ep. 22. ad Eustoch. num. 37. pag. 119. t. 1. edit. Verona. 1734.***

§ IV. Accessere deinceps horæ, quæ dicuntur *canonicae*, eæque ex monachorum instituto

tuto repetendæ videntur. *Ægypti* monachi, qui omnium antiquissimi sunt, & a quibus monasticæ vitæ initia ducuntur, præter vespertinos, & antelucanos conventus, nullas canonicas publicarum precum horas videntur habuisse; cum reliquum diei spatium tribuerent labori manuum, cum quo tamen continenter miscebant preces, psalmos, ac meditationem rerum divinarum 1). Non multo post monasteria *Mesopotamiæ*, ac *Palæstinæ* consuetudinem induxerunt, ut monachi ora tertia, sexta, & nona publice convenirent, ut preces funderent, psalmosque canerent 2). Sed nondum erat novum aliquod matutinum ministerium, distinctum ab antiquo, quod ante lucem peragebatur. Hoc primum in monasterio *Bethleemitico* institutum est, ne monachi post laudes usque ad horam tertiam inertes, & somnulosi in cellis jacerent, cum eos nulla conventus necessitas ad preces vocabat 3). Denique completorium, quod vocatur, ut distinctum a vespertino, seu lucernali ministerio, instituit S. *Benedictus*, ut monachi, finitis diei operibus, in unum collecti preces, laudesque complerent, ac solemnî ritû absolverent 4).

1) Vide *Cassianum Instit. Cænob. lib. 3. cap. 2. pag. 30. edit. Francofurti 1722.*

2) *Cassianus loc. cit. lib. 3. cap. 3. pag. 32. edit. cit. Tettullianus de jejuniis cap. 10. pag. 549. edit. Paris 1675., & Cyprianus de orat. dominic. pag. 108. edit. Amstelædomi 1700. memorant horas tertias, sextam, nonam; verum non has horas pro publicis ecclesiasticis conventibus constitutas fuisse scribunt. His quidem horis Christiani privatim preces audisse videntur, deinceps vero illæ a*

Monachis , ut plerique sentiunt viri docti , publicis conventibus addictæ sunt . Vide Josephum Medum *ep.* 66. , & Joannem Pearsonium *pralect.* 2. *in act. Apostol.* num. 3. & 4. Certe antiqui Parres Hieronymus , Basilius , Gregorius Nysse- nus , alique sæculi IV. Scriptores cum memo- rant horas canonicas , tantum monachos respi- ciunt . Chrysostomus *serm. IV. de Anna* *opp.* t. 4. *pag.* 737. *edit. Paris.* 1721. de tribus diei horis pro publicis conventibus constitutis loquitur , ve- rum , præter matutinam , & vespertinam , quæ alia fuerit hora , non indicat . Fortasse jam tunc hora nona in Ecclesia Constantinopolitana in- ducta erat , & eam quidem diserte commendat ipse Chrysostomus *hom.* 2. *de inscript. act. apo- stol.* *opp.* tom. 3. num. 4. *pag.* 67. *edit. Pa- ris.* 1721. , atque etiam Concilium Laodicenum , *Can.* 18. *delect. actor. Eccles.* col. 44. *tom.* 1. *edit. Lugdun.* 1706. Sed cum de monachis loqui- tur Chrysostomus *hom.* 14. *in 1. ad Timoth.* *opp.* tom. 11. *pag.* 629. num. 3. expresse memorat matutinas , ac vespertinas preces , horamque tertiam , sextam , nonam . Negari tamen ne- quit , quod in Oriente in quibusdam Ecclesiis jam inde a IV. sæculo recepta erat illa pro publicis conventibus horarum distributio , uti constat ex Auctore *Constit. Apostolic.* lib. 8. *cap.* 34. *pag.* 420. *laud. edit.* , qui *preces* fieri jubet mane , & *tertia hora* , ac *sexta* , & *nona* , & *vespera* , atque in gallicinio . Mabil- lonius *de curs. Gallican.* §. 5. num. 57. *pag.* 423. *edit. Paris.* 1685. ex Gregorio Turonensi demon- strat , sextam , & nonam horas circa initium se- xti sæculi in Galliis fuisse recepras , eademque ferme ætate similem consuetudinem in Hispanias delatam constar ex Isidoro Hispalensi *de regul. Monach.* *cap.* 6. *pag.* 537. *tom.* 2. *edit. Matri- ti* 1778.

- 3) *Cassianus loc. cit. lib.* 3. *cap.* 4. *pag.* 36. *edit. cit.* Hinc hora prima dicebatur officium matuti- num novum , ut distingueretur a matutino of- ficio

ficio veteri, quod semper ante lucem celebrabatur.

- 4) Completorium, ut distinctum a vespertino ministerio, antiquiori ætate plane ignotum fuisse, contra Bellutinium ostendit Cardinalis Bona de *psalmod. cap. 11. §. 1. num. 2.* Ejus origo a Sancto Benedicto repetenda est, uti patet ex ejus *reg. cap. 17. tom. 1. pag. 122. edit. Augustæ Vindelico- rum ann. 1759.*, ac brevis illa lectio, quæ hodie completorium antevertit, sine dubio illam representat, quam psalmis præmitti voluit Benedicrus *reg. cap. 42. pag. 127. ibid.* Vide Martenium de *antiq. Monach. rit. lib. 1. cap. 12. 7. 4. pag. 12. edit. indic.*

§. V. Singulæ hæc horæ e monasteriis serius ocus ad omnes ecclesias translatae sunt. Quod factum est opera vel monachorum, qui ad Episcopatum evecti divina officia in suis ecclesiis ad exemplum vitæ monasticæ composuerunt, vel clericorum, qui monachorum instituta, & consuetudines in clericatu amplexi sunt 1). Potissimum vero inducta vita communi, datisque canonicis regulis, quæ ex regulis Monachorum magna ex parte decerptæ sunt, ubique invaluit ea partitio divinorum officiorum, quam primum monachi instituerant. Hodie igitur divinum officium constat his septem partibus, matutino cum laudibus, horis prima, tertia, sexta, & nona, vespers, & completorio. Matutinum cum laudibus faciunt officium, quod nocturnum dicitur, quod olim noctu celebrabatur 2), uti nunc etiam a quibusdam celebratur; reliquæ horæ diurnum officium constituunt.

1) Consule Selvagium *antiquit. christian. lib. 2. cap. 9. §. 7. & seq.*, Martenium *loc. cit. cap. 1.*

*Et seq.*, & *Thomasinum vet.* *Et nov. eccles. diplom. par.* 1. lib. 2. cap. 71. *Et seq.*, a quibus omnia, quæ ad divinum officium pertinent, fusi-  
us, & uberius explicantur.

- 1) De antiqua consuetudine divinum officium noctu recitandi multa, & præclara habes apud Cl. Cardinalem Garampium *Memorie della Beata Chiara di Rimini dissert.* 10. pag. 315. *Et seq.*

§. VI. Omnia hæc officia non solum intra spatium vigintiquatuor horarum, sed etiam suo quæque tempore, atque ordine celebranda sunt. Matutinum officium cum laudibus a clericis sæcularibus 1) mane illucescente crepusculo celebrandum est, prima jam lucis orto sidere, tertia, sexta, nona horis respondentibus 2), vespere decima, vel undecima hora diei, completorium post solis occasum. Sed nunc pro more ecclesiarum matutinum cum laudibus, horæque prima, tertia, sexta, & nona eo temporis spatium, quod est inter auroram, & meridiem recte persolvuntur, vespere circa horam nonam, aut decimam, quin in quadragesima circa meridiem; completorium autem statim post vespere celebratur 3).

- 1) Regulares choro addicti nocturnum officium quod tamen vulgo matutinum vocatur, vel media nocte, vel ora secunda post mediam noctem; id veto, quod reipsa matutinum est, illucescente aurota persolvunt. Sed ea in re peculiariter singulorum regulas spectare oportet.
- 2) Tertia hora apud Romanos respondet nostræ horæ nonæ antemeridianæ; sexta horæ duodecimæ, unde circa meridiem exsolvenda est, quod & hymnus indicat his verbis, *splendore mane illuminas*, & *ignibus meridiem*; nona tertiæ horæ

no-



nostræ pomeridianæ, & ideo non ante, sed post meridiem persolvenda est.

- 3) Sunt qui a matutino & laudibus primam, sunt qui omnes oras sejungunt, sunt qui simul conjungunt omnia officia, quæ ante meridiem persolvuntur. Ea res tota pender ex moribus, atque ex legibus ecclesiarum.

§. VII. Atque hæc quidem pertinent ad publicam, & solemnem divini officii celebrationem. Privata etiam ut statis horis fiat, curandum est, quoniam ea mens est Ecclesiæ, quæ divinum officium in certas horas distribuit, ut in omnibus diei partibus ad Deum animum revocemus, eumque crebro debitis laudibus, & honore prosequamur 1). Ex justa tamen causa, non servato horarum intervallo, divinum officium rite persolvitur 2); verum curandum est, ut vespere, & completorium pomeridianis horis recitentur, excepta quadragesima, in qua fictione canonica vespere ante meridiem celebrantur. Sed & matutinum sequentis diei post elapsam dimidium tempus, quod est a meridie ad occasum solis, privatim recitari potest 3).

1) Consule Card. Bellarminum *de bon. oper. lib. 1. cap. 18. opp. tom. 4. pag. 550.* §. Sed quidquid sit, & seq. edit. Venet. 1721. Statis autem horis divini officii varia tribuuntur mysteria, quæ tradit Card. Bona *de divin. psalmod. cap. 2. §. 2. & seq.* Sed illud in primis constat, quod horæ canonicæ divinis addictæ laudibus mysteria exhibent nostræ redemptionis, & has quidem mysticas rationes enarrat Auctor *Apostolic. Constit. lib. 8. cap. 34. pag. 420. loc. cit.*

2) Mitimus ea in re duriores, asperioresque quorundam opiniones, ac sequimur sententiam, quam

- 2) Vide S. Joannem Chrysostomum *cit. homil. 6. de Anna.*  
 3) Confer Van-Espenium *de hor. canon. dissert. par. 1. cap. 3. §. 2. & 3.*

§. IX. Præcepti necessitas cogebat clericos ad ecclesiam quotidie convenire, ut divinum officium persolverent; & vero nullum ea in re inter majores, minoresque clericos discrimen erat. Omnes enim in ordinatione certæ ecclesiæ adscribebantur, ut ei perpetuo servirent; ideoque in ea divinum officium celebrabant, quæ pars erat præcipua, ac nobilissima servitii, quod præstare debebant. Sed cum desiit hæc disciplina, & clerici in ordinatione non amplius adscribi cæperunt certæ ecclesiæ, cui semper addicti essent, sensim minores clerici illud ecclesiæ officium obire desierunt. Nunc igitur divinum officium recitare quotidie debent Regulares choro adstricti, beneficiati, & clerici in sacris ordinibus constituti 1). Canonici, & ceteri clerici, qui in chorum conveniunt, debent officium solemniter in choro persolvere, aut quotidie, aut alternis diebus, hebdomadibus, mensibus, ut ferunt instituta, moresque ecclesiarum.

- 1) Vide *Const. eo quamvis tempore 129. Benedicti XIV. §. 43. & 44. tom. 1. ejus Bullarii cit. edit. pag. 317.*

§. X. Preces, cæremonias, ritus in divino officio adhibendos constituit Sedes Apostolica 1); quod rectissime sancitum est, ut amoveantur mala, & incommoda, quæ olim ex diversis divini

vini officii formulis oriebantur. Quisquis autem ejus persolvendi lege obstringitur, sive privatim domi, sive publice in ecclesia, id *reverenter, distincte, ac devote* facere debet 2) ; & quisquis illud sine justa causa 3) omittit, non solum lethalis criminis reus evadit, sed etiam si beneficium habeat, pro ea parte, quam omisit, beneficii fructus restituere debet.

- 1) Cum ex diversitate formularum, quibus divinum officium conceprum erat, magna rerum confusio, & gravia damna orirentur, actum est in Concilio Tridentino de breviario emendando, deque cetera proponenda formula, quam omnes in posterum sequerentur. Sed Concilii Patribus sess. 25. in decret. de indice librorum, & catechismo, breviario, & missali satis visum est rem totam Summi Pontificis judicio committere, atque hinc S. Pius V. P. id negotii dedit selectis quibusdam viris, atque opere absoluto edidit Bullam *Quod a nobis* 87. tom. 4. par. 3. Bullarii pag. 22., ubi ceteram proposuit breviarii formulam ab omnibus observandam, illis tantum exceptis, qui ab ipsa prima institutione a Sede Apostolica approbata, vel consuetudine, quæ ducentos annos superaret, aliis breviariis uterentur. Pianam hanc Bullam confirmavit Clemens VIII. Const. cum in ecclesia 276. tom. 5. par. 2. Bullarii pag. 422., deinceps veto Urbanus VIII. Const. cum alias 749. tom. 6. par. 2. pag. 380. hymnis quibusdam auxit, atque emendavit. Ac recte, & jure Romanos Pontifices omnem semper dedisse operam, ut Occidentales Ecclesie traditiones, & ritus Ecclesie Romanæ in celebranda Missa, in Sacramentis administrandis, in Psalmodia, in ceteris ad publicum cultum pertinentibus amplecterentur, ostendit Cl. Zacaria Biblioth. Ritual. tom. 1. dissert. 1. cap. 4. & 5. pag. XXIX. & seq.

2) Con-

- 2) Concilium Tridentinum sess. 24. de reform. cap. 12.
- 3) Cæcitas, aut gravis infirmitas, quæ officium recitari non sinat, iusta causa est, propter quam illud impune omitratur. Qua in re sequi oportet medici, aut superioris, aut prudentis viri iudicium. Similiter si quis sine sua culpa, breviario careat, atque in loco versetur, in quo illud invenire non possit, item si quis administrare debeat sacramenta, neque moram ferre possit, legitimam excusationis causam habere censetur. Possunt & aliæ huiusmodi esse causæ, de quibus late agunt scriptores, qui in hoc argumenti genere versantur. Confer inter ceteros Lucium Ferraris in *Biblioth. verb. officium divinum artic. 5.* Illud tamen est animadvertendum, quod qui matutinum, & laudes ob aliquod necessarium impedimentum recitare non potest, reliquas tamen partes persolvere debet, uti constat auctoritate Innocentii XII., qui contrariam sententiam proscripsit *propos. 64. in Bullar. const. 54. tom. 8. pag. 82.*



## T I T U L U S V.

### DE FESTORUM CELEBRATIONE.

- |   |   |
|---|---|
| I. Festorum celebratio apud Christianos antiquissima. | quidam particulares in certis locis.  |
| II. Festi dies vel mobiles, vel immobiles.            | V. Summus Pontifex constituit, & deminuit festos dies in tota Ecclesia observandos. |
| III. Paschatis Celebratio.                            | VI. & VII. Festorum sanctificatio.  |
| IV. Festi dies quidam generales in tota Ecclesia,     |   |

§. I.

**O**Mnes ferme gentes habuere dies festos, quibus suos Deos honore prosequerantur, & in quibus magnam religiosi cultus partem constituebant. Apud Christianos jam inde ab Apostolorum ætate festi sunt acti, & instituti dies. Antiquitate ceteros vincunt omnes dies Domini, Pascha, Ascensio, Pentecostes 1). Postmodum alii quoque accesserunt, videlicet natalis Christi Servatoris 2), solemnitates B. Mariæ Virginis, Apostolorum, Martyrum, Confessorum, aliæque complures 3).

1) Festivitates dierum Dominicorum, Paschadis, Ascensionis, Pentecostis ab Apostolis celebratas tradit S. Augustinus *ep. 54. cap. 1. opp. tom. 2. col. 124. edit. Venet. 1729.* Vetum Ascensionem Domini non uno, & eodem ubique ritu, sicuti observabatur Dies natalis Domini, Pascha, Pentecostes, observatam fuisse monet Martenius de *antiq. eccles. rit. lib. 4. cap. 28. §. 1. tom. 3. pag. 191. indic. edit. Venet.*

2) Certo statui non posse videtur, quod etiam diem festum Natalis Christi Apostoli instituerint; & veto Augustinus, uti nunc demonstratum est, cum memorat dies festos ab Apostolis institutos, nullam hujus diei mentionem facit. Prima hujus diei diserta mentio pertinet ad exitum sæculi III., hoc est ad ætatem Diocletiani Imperatoris, quem Nicephorus *Histor. lib. 8. cap. 7. pag. 545. edit. Paris. 1630.* narrat ingentem Christianorum numerum natalem Christi noctu celebrantem igne injecto combussisse. Vetum Basilius, & Nazianzenus in iis homiliis, quas de Natali Domini habuerunt, de ea solemnitate tamquam apud omnes jam recepta loquuti sunt; quinimo Chrysostomus *hom. in diem Natalem Christi tom. 2. num. 1.*

pag. 355.

pag. 355. edit. Paris. 1718., manifeste repetit hanc solemnitatem ab ipsis ecclesie primordiis, & eam jampridem ubique celebratam tradit. Unde confici videtur posse, eam solemnitatem vel ab Apostolis, vel certe a viris Apostolicis fuisse institutam. De Natalis Christi celebritate, & antiquitate multa habet Card. Baronius *appar. ad annales circa fin. num. 23. pag. 475. edit. Lucæ*, & multa etiam Franciscus M. Flotentius in vcrustissimo suo *Martyrologio exerc. 2. pag. 195. & seq.*, qui *Et pag. 201. & 228.* de Epiphaniæ, seu Apparitionis Domini celebritate loquitur, atque hunc diem tum in Orientali, tum in Occidentali ecclesia semper celeberrimum fuisse demonstrat.

- 3) Martyrum solemnitates antiquissimas esse, & jam sæculo II. receptas constat. Jam enim ea ætate S. Polycarpi memoriâ festive colebatur, ejusque festus dies agebatur, uti patet ex Smyrnenis epistola ad Philomelienses apud Eusebium *Histor. eccles. lib. 4. cap. 15. pag. 171. edit. Valesii Cantabrig. 1720.* Memorant etiam has martyrum solemnitates Tertullianus *de coron. milit. cap. 3. pag. 102. edit. Paris. 1675.*, & Cyprianus *ep. 34. pag. 48.*, atque *epist. 37. pag. 51. edit. Paris. 1666.* mandat clero suo, ut diligenter notetur dies, quo martyres ex hac vita migrant, sibi que significetur, ut, inquit, *celebrentur hic a nobis oblationes, & sacrificia ob commemorationes eorum.* De hac martyrum veneratione loquitur etiam Augustinus *de Civit. Dei lib. 8. cap. 27. opp. tom. 7. nu. 1. col. 217.* & *contr. Faustum Manichæum lib. 20. cap. 21. col. 346. tom. 3. edit. Venet. 1733.*, ubi refutat Manichæorum calumnias, qui non verebantur falso accusare catholicos, quod mortuos adorarent. Quod autem de martyribus dico, idem etiam de Apostolis dictum volo, cum eorum solemnitates ab Ecclesia celebrarentur, potissimum quod pro Christo martyrium pertulissent. In his solemnitatibus legebantur passiones martyrum, quorum dies festus agebatur Concilium Carthaginense III. *can. 47. col. 963. tom. 1. collect. Harduini*

duini, atque hæc forte ex de cāsa dictæ sunt *la-  
genda*, quod publice in ecclesia legerentur. Ha-  
bebantur etiam in eorum laudem orationes, qua-  
rum sexcenta sunt exempla apud Chrysostomum,  
Basilium, Nazianzenum, Nyssenum, Augustinum,  
Ambrosium, Leonem, Chrysologum, atque alios.  
Paulo serius institutæ sunt confessorum solemnita-  
tes, atque hinc initio solis martyribus publice  
dicatæ Ecclesiæ sunt, & in diurno Pontificum in  
formula petitionis dedicationis Ecclesiæ *cap. 34.  
35. 39. 42.* martyris tantum, non confessoris men-  
tio est. In Oriente IV. sæculo Hilarionem cele-  
brasse diem mortis Antonii, scribit Hieronymus  
*in vit. Hilar. cap. 30. opp. tom. 2. col. 31. edit.  
Veronæ cit.*, & Sozomenus *histor. Ecclesiast. lib. 3.  
cap. 14. pag. 114. edit. Valesii Cantabrig. 1720.*  
narrat a Palæstina ecclesia celebratam fuisse sole-  
mnitatem plurium confessorum, nimirum Hilario-  
nis Gazæi, Antelii Anthedonii, Alexionis, &  
aliorum. Primus in Occidente ex confessoribus  
publico cultu honorari cepit S. Martinus Tuto-  
nensis, qui obiit an. 402., atque hunc cultum pro-  
bavit Concilium Turonense II. *can. 18. col. 360.  
tom. 3.*, & Matisconense I. *can. 9. col. 402. to. 3.  
collect. Harduini*, eique S. Benedictus in Monte  
Cassino monasterium ædificavit. Contra Jacobus  
Laderchius edito ab se libro demonstrare conatus  
est, SS. Confessorum, ac mulierum cultum a pri-  
ma usque ætate perpetuum in ecclesia catholica  
fuisse. Equidem non inficior, ab ipsis ecclesiæ  
primordiis privatum cultum fuisse triburum SS. Pa-  
triarchis, Prophetis, Confessoribus, Virginibus,  
ac Viduis; cum catholica Ecclesia id semper ratum  
fixum habuerit, non solum martyres, sed etiam  
ceteros, qui servatis Christi præceptis in ejus di-  
lectione mortui sunt, æternam gloriam consequi,  
eosque etiam colendos, & invocandos esse; atque  
hæc a primis usque sæculis Patrum omnium sen-  
tentia semper fuit. Sed publicus, de quo hic tan-  
tum loquimur, cultus citius martyribus, serius  
autem confessoribus datus ab ecclesia est. Consu-  
le

le Card. Bellarminum *de missa lib. 6. c. 8. pag. 429.*  
 §. *Tertia objectio tom. 3. edit. Venet. 1721. , &*  
 Card. Thomasium *Præfat. ad codices sacramental-*  
*Eccles. Roman. num. 5. , & ipsius Thomassii vin-*  
*dicias Panormi editas an. 1723. , præsertim cap. 4.*  
*pag. 52. & seq.*

§. II. Festi dies vel mobiles , vel immo-  
 biles sunt. Mobiles dicuntur , qui non eodem  
 die quovis anno celebrantur , immobiles , qui cer-  
 tis semper diebus hærent ; atque hi sunt Natalis  
 Domini , Circumcisio , Epiphania , dies festi  
 B. Mariæ Virginis , & Apostolorum . Dierum fe-  
 storum mobilium celeberrimus est Paschalis , a  
 quò omnes reliqui mobiles pendent . Pascha an-  
 tècedit jejunium quadragesimale , ad quod præ-  
 parantur animi tribus hebdomadibus , quæ pro-  
 xime anteverunt ; & quarum prima *septuagesi-*  
*ma* , altera *sexagesima* , postrema *quinguagesi-*  
*ma* est 1). Pascha sequitur Ascensio Domini  
 post dies quadraginta , post quinquaginta Pen-  
 tecoste . Reliqui dies Dominici usque ad Ad-  
 ventum , & ab Epiphania usque ad Septuagesi-  
 mam numeris distinguuntur . Ergo in figendo  
 Paschate præcipuus labor .

- 1) Plures olim , ac præsertim Monachi sese a carnibus  
 abstinentes ad Quadragesimam præparabant ; & vero  
 Græci hanc abstinenciam inchoabant a die , qui Do-  
 minicam Sexagesimæ proxime sequebatur ; post Do-  
 minicam vero Quinguagesimæ non solum carnibus ,  
 sed ne lacte quidem , atque ovis vescebantur .  
 Itaque a Græcis hebdomada Sexagesimæ dicitur  
 Ἀποκρεῖω , hoc est *carnis privium* ; quo vocabulo  
 non raro utuntur mediæ ætatis Scriptores , ut de-  
 signent tempus bacchanalium , quoniam tunc Chri-  
 stiani carnibus privabantur . Inde ortum forte est

Tom. II.

S

voca-



vocabulum *Carnevale*, quia tunc Christiani carni valedicebant; & hinc a tollendis, deserendisque carnibus hoc idem tempus *carne-levamen*, & *car-nem-laxare* appellatum ostendit Muratorius *Antiquit. Italic. dissert.* 71., unde etiam vocabulum *carne-vale* effici potuit.

§. III. Est autem celebrandum Pascha die Dominica, quæ post æquinoctium vernalum proxime sequitur Lunam XIV. Martii, hoc est plenilunium, sed non illa ipsa die XIV., quia Christus postridie Paschatis Hebræorum ex inferis resurrexit. Itaque nostrum Pascha cum Paschate Hebræorum convenire numquam potest. Vetus est hæc de celebrando Paschate Ecclesiæ Romanæ regula, quam Nicænum Concilium probavit contra Asianos, qui festum illum agebant diem ipsa luna XIV., Hebræorum more 1).

- 1) Magnæ olim de celebrando Paschate fuit controversiæ excitatæ præsertim ab Asianis, qui antiquam traditionem proponentes ipsa luna XIV., more Judaico, pascha celebrandum esse contendebant. Contra Summi Pontifices nixi traditione, quam a D. Petto acceperant, hanc solemnitatem differrebant ad diem Dominicum, qui post æquinoctium vernalum ipsam lunam XIV. proxime sequitur. Romam ea de re venit Polycarpus, ut cum Aniceto Pontifice consilia conferret; sed nihil tunc perfectum est, & Asianæ Ecclesiæ in sua sententia permanserunt, sicuti narrat Irenæus in *epist. ad Victor.* apud Eusebium *histor. eccles. lib. 5. c. 24. pag. 245. Et seq. edit. Valesii Cantabrig. 1720.* Recruduit controversia Victore Pontifice, qui Asianis Episcopis ecclesiasticam communionem interdixit, quod Pascha eodem, quo Judæi, tempore celebrare petgebant; denique Nicæno Concilio probatum, confirmatumque est, quod a Romanis Pontifi-

eficibus statutum fuerat. Atque hi, qui Pontificiæ, ac Nicænæ sententiæ de celebrando Paschate perveracius obsistere ausi sunt, hæretici, & schismatici habiti sunt, & Quartadecimani, Tessartadecatitæ, Audiani appellati. Sed quamquam catholicorum Ecclesiæ de celebrando Paschate in die Dominico consentirent, non una tamen, eademque erat omnium sententia in hoc Dominico die constituendo. Nam interdum eveniebat, ut ecclesiæ quædam una hebdomada, vel mense citius, quam reliquæ festum illum diem agerent; & Ambrosius quidem *epist. 23. num. 15. & seq. col. 94. tom. 3. edit. Venet. cit.* testatur, anno 387. pascha ter separatis temporibus celebratum fuisse, ab aliis scilicet XII. Kal. Apriles, ab aliis XIV. Kal. Majas, ab aliis VII. Kal. Majas. Similiter Leo M. *ep. 110. t. 2. c. 1 p. 401. ed. Romæ* tradit, an. 455. octo dierum intervallum inter Romanorum pascha, & pascha Alexandrinorum intercessisse. Tanti hujus discriminis ratio erat, quod non omnes uno, eodemque cyclo uterentur. Priscos Christianos Hierosolymitanos adhibuisse constat cyclum Judaicum 84. annorum, quo Judæi aliquando ante ad constituendam anniversariam paschatis sui celebritatem usi fuerant. Cyclum hunc per ducentos fere annos Christiani adhibuerunt, quamquam Pascha suum die dominico, non quartadecima luna cum Hebræis observarent, uti adversus Josephum Scaligerum *de emendat. tempor. lib. 2.* ostendunt Guillelmus Beveregius in *can. 7. Apostolor.*, & Jacobus Usserius *prolegom. ad Ignat. cap. 9.*, uterque apud Corelerium *PP. Apostolic. tom. 1. pag. 464.*, & *to. 2. pag. 218. edit. Amstelædami 1724.* Post Judaicum statum omnino ab Hadriano sublatum, Christiani alios cyclos adhibere cæperunt, cum novissent Judaici errores, qui interdum Pascha æquinôctio verno anteferebat, adeo ut illud aliquando bis in uno anno fieret. Hippolytus Portuensis in Atabia Episcopus circa annum 220. cyclum composuit annorum sexdecim, alium annorum octo non multo post dedit Dionysius Alexandrinus Episcopus, &

aliū undeviginti annorum Anatolius similiter Alexandrinus an. 270. , quæ omnia narrat Eusebius *histor. eccles. lib. 6. cap. 22. Et lib. 7. c. 20. Et 32. pag. 286. 344. Et 369. edit. Cantabrig. 1720.* Sed cum res adhuc incerta maneret, Synodus Nicæna, quæ die tantum dominico pascha celebrandum esse decreverat, omnem hanc curam Alexandrinis Episcopis commisit, ut reliquos Episcopos quoque anno certiores faceret de die dominico, quo pascha celebrare oporteret, sicuti testatur S. Leo M. ep. 96. ad Marcian. opp. t. 2. pag. 453. edit. Romæ an. 1755. Verum hoc Nicænum decretum vel non ubique obtinuit, vel progressu temporis antiquati cæpit. Nam Cyrillus Alexandrinus ep. Paschal. apud Buchetum de doctrin. tempor. pag. 481. seq. edit. Antuerpiæ 1634. de gravi queritur confusione, quæ de tempore celebrandi paschatis ubique dominabatur, cum Romanorum, & Alexandrinorum rationes una quandoque hebdomade, vel mense inter se discrepant. Romana enim Ecclesia adhuc vetusto cyclo judaico annorum 84. ; non autem novo Alexandrino annorum 19. utebatur. Denique rem perfecit Dionysius Exiguus an. 525. , qui in Romanam Ecclesiam induxit canonem Alexandrinum, atque ita omnes inter Romanos, & Alexandrinos ea de re controversiæ sublatæ sunt. Sed adhuc magna erat confusio ob discrimen, quod est inter annum astronomicum, & civilem, quo utimur, neque recte novilunia constabant; ideo Gregorius XIII. fastos emendandos curavit, & nunc post Gregorianam emendationem ex fastis perpetuis, & Kalendaris, quæ singulis annis evulgantur, facile deprehendimus ordinem anni cum civilis, tum ecclesiastici. Nostro hoc sæculo hujusmodi argumentum, quod pertinet ad Gregoriani Kalendaris emendationem, atque ad tempus celebrandi Paschatis, late pettravit Jacobus Bettazzius Præstensis, qui an. 1732. Florentiæ librum edidit, cui titulus: *Epitome operis Paschalis præferens necessitatem emendandi correctionem Gregor., deinde opportunam ejusdem Gregor.*

*gor. emendationem sine Kalendarii, & martyrologii variatione: atque exhibens dissertationes IV., & appendices II. ad materiam de cycli Paschalis constitutione emendandam. Cujus operis deinde ipse Bettazzius defensionem edidit.*

§. IV. Ex festis diebus quidam sunt omnibus per totum orbem christianum, & omni tempore sacri, ut cuncti dies Dominici, Pascha, Pentecoste, ceteræ majores solemnitates; & quidam sunt non ubique, sed a certis tantum civitatibus, aut provinciis, aut nationibus observati. Ita unaquæque fere civitas suum habet patronum, cujus festum diem agit cum venia Sedis Apostolicæ 1); atque in provinciis quibusdam certi sunt festi dies antiquissima majorum traditione constituti. Rursus quidam sunt festi dies, in quibus ubique Christiani & Missæ sacrificio interesse debent, & ab omnibus se abstinere operibus, quæ servilia vocantur; & quidam sunt minus solemnes, in quibus alicubi Christianis, posteaquam divino sacrificio fuere præsentibus, integrum est suis rebus vacare, ac pauperibus licet victum sibi ex suis laboribus comparare.

- 1) De eligendo Sancto Patrono alicujus civitatis, aut provinciae, cujus ab universo populo festus agatur dies, habes apud Lucium Ferraris in *Biblioth. verb. festa num. 4.* decretum Sac. Congregationis Rituum, quod jussu Urbani VIII. editum est die 23. Martii an. 1630. Ejus autem decreti summa est, ut ii tantum eligantur Patroni, qui Sanctorum albo adscripti sunt, non item qui tantum Beati vocantur; ut hæc electio fiat per secreta suffragia ab universo populo, cum Episcopi, &

Cleri consensu ; ut hujus electionis causæ Sac. Rituum Congregationi aperiantur , ab eaque noscantur , & approbentur .

§. V. Dies festos , quos de præcepto omnes in toto orbe Christiani observare debeant , constituit Summus Pontifex , cujus est auctoritas , & potestas in Ecclesiam universam 1) . Idemque deminuit numerum minorum festorum 2) ; quod non multis ab hinc annis factum est a Benedicto XIV. , qui rogantibus Episcopis , & conquerentibus , quod propter festorum multitudinem , vetitosque labores pauperibus eriperetur occasio sibi parandi victum , & universa pene festa minus religiose observarentur , diebus festis minus solemnibus , integro præcepto audiendi missam , laborandi facultatem attribuit 3) .

1) Consule Urbanum VIII. *Const. universa* 720. *Bullar. tom. 6. par. 2. pag. 341.* Episcopos in sua diœcesi dies festos præcipere posse quidam negant . Sed mihi a Synodo Tridentina *sess. 25. cap. 12. de regular.* hæc facultas Episcopo perspicue concedi videtur ; & Urbanus VIII. in laudata Constitutione *universa* §. 3. monet quidem Episcopos , ut se a novis festis præcipiendis absterneant , ne nimia eorum copia mali aliquid patiat , non tamen ipsis adimit hanc facultatem . Consule Gonzalezium in *cap. ult. num. 17. de feriis* , & Ferrarium *Biblioth. verb. festa in nov. addit. num. 2.*

2) Extant inter epistolas selectas Cardinalis Bonæ duæ ipsius literæ , nimirum 258. & 259. datæ ad Jo. Baptistam Thiersium auctorem operis *de dierum festorum imminutione* , atque in postrema ipse reprehendit Thiersium , qui putaverat , Episcopum posse in sua diœcesi tollere dies festos in uni-

universa ecclesia receptos , atque id tantum a Summo Pontifice fieri posse animadvertit . Confer ea de re peculiarem dissertationem editam a Benedicto XIV. , quæ descripta est in ejus opere *de canonizatione Sanctorum lib. 4. par. 2. cap. 16.*

- 3) Adeundus est Benedictus XIV. *Constit. nonnulli* 63. ejus *Bullarii tom. 2. pag. 303. edit. indic.*

§. VI. Sed reliquos dies festos integros Deo , & Religioni tribuere oportet , eaque est , quæ dicitur , festorum sanctificatio , quæ in eo est posita , ut non tantum sacrosancto Missæ sacrificio præsentemur , sed etiam diem in divinis laudibus , in precibus , in ceteris religionis officiis transigamus 1) . Justum enim est , ac rationi consentaneum , quod vacui reliqui curis , atque negotiis certos quosdam dies habeamus , quos totos divino cultui tribuamus , Deumque immortalem , a quo summa , & innumerabilia beneficia accepimus , cognoscamus , colamus , ac veneremur . Si enim jussisset , nos quotidie religionis cultum sibi tribuere , nonne pro innumeris , quibus ab eo cumulati sumus , beneficiis , omni ope , & opera eniti nos deberet , ut ei prompto , alacrique animo pareremus ? Nunc vero paucis ad ejus cultum institutis diebus ; non socordes , & negligentes nos esse oportet in hoc officio persolvendo , quod sine gravissima culpa prætermittere non possumus 2)

1) Catechismus Romanus *par. 3. præc. 3. c. 4. §. 25.*

2) Catechismus Romanus *loc. cit. §. 26.*

§. VII. Itaque his diebus , qui toti Deo ,

S 4

ac

ac Religioni addicti sunt, Christianis abstinendum est ab omnibus, quæ animum a Deo abstrahunt, quæque impedimento sunt, quominus ipsi ad Ecclesias conveniant, rebusque religionis animum adjungant. Hinc vetita sunt opera servilia, quæ olim apud Romanos præsertim a servis gerebantur; & ideo servilia dicuntur 1). Similiter nefas est agere mercatus rerum venalium, quamquam nundinæ longo usu receptæ cum certis legibus tolerentur 2); & nefas judicialia acta exercere, quæ si gesta fuerint die festo, irrita sunt 3). Urgente vero necessitate, veluti si fruges ingenti periculo subsint, aut præclara sit occasio piscandi, quæ alio die haberi non possit, Episcopus mendi, & piscandi tribuit facultatem 4).

1) Opera servilia, quæ diebus festis expedite nefas est, numerat Lucius Ferraris *Biblioth. canon. verb. festa* num. 12. & seq. Vide etiam Benedictum XIV. *Instit. Eccles. Instit.* 43. & 65.

2) Consule Benedictum XIV. *Const. ab eo tempore* 144. ejus *Bullar. tom. 1. pag. 355. edit. Venet. seu Rom. indic.*

3) *Leg. 2. & 3. Cod. de feriis, Cap. 1. & Cap. 5. de feriis.*

4) *Cap. 3. de feriis.* Catechismus Romanus par. 3. præc. 3. cap. 4. §. 23. Vide etiam Benedictum XIV. cit. *Const.* 144. §. 26. & 27., & cit. *Instit.* 65. Edicto S. Caroli Borromei spectacula etiam, ac publici ludi interdiciuntur; de quo edicto vide ipsum Benedictum XIV. *de Synod. dioces. lib. 11. cap. 1. num. 7.*

# T I T U L U S V I.

## DE JEIUNIIS.

- |                          |                           |
|--------------------------|---------------------------|
| I. Quid jejunium, & ab-  | V. Vigilæ.                |
| stinentia?               | VI. Abstinencia a carni-  |
| II. Jejunium Quadragesi- | bus, lacte, ovis.         |
| mæ, Quatuor Tempo-       | VII. Et unica comestio in |
| rum, Vigiliarum.         | diebus jejunii.           |
| III. Jejunium quartæ, ac | VIII. Jejunium a quibus,  |
| sexræ feriæ, & Sabbati.  | & quomodo observan-       |
| IV. Jejuniorum finis.    | dum sit?                  |

### §. I.

**U**T celebratio dierum festorum, ita jejuno-  
rum observatio pertinet ad religiosa of-  
ficia Christianorum, qui per ea corpus  
castigant, atque in officio continent. Jejunium  
proprie sic dictum distinguitur ab abstinentia,  
quæ jejunii pars est. Nam abstinentia propria  
est eorum, qui carnes non comedunt, sed  
quavis diei parte cibum sumere possunt; jeju-  
nare autem dicuntur ii, qui non modo absti-  
nent se a carnibus, atque a delicato convivio.  
sed etiam cibum ad certam, statamque horam  
differunt, atque nonnisi semel in die sumunt.  
Hoc porro est jejunium, quod ecclesiasticum  
dicitur, & quod cum naturali confundi non  
debet. Nam hoc nihil cibi, potusque per-  
mittit, adeout tantum observetur ab iis, qui  
plane jejuni sunt, hoc est nihil cibi, aut  
po-



potus in stomachum immiserunt , quale est jejunium eorum , qui Eucharistiam accipiunt . Verum jejunium ecclesiasticum potum , cibumque permittit , modo stato tempore , & vero talis capiatur , qualis tunc capi potest .

§. II. Religiosa jejunia apud Christianos 1) alia generali Ecclesiæ lege sunt constituta , atque omnes obstringunt , statoque tempore quotannis redeunt , ut jejunium quadragesimæ , quatuor temporum , vigiliarum ; & alia certos tantum homines attingunt , qualia sunt jejunia , quæ pœnitentibus imponuntur , quæ suscipiuntur ex voto , quæ ab Episcopo in diœcesi , propter solitudinem , curamque ecclesiasticam , indicuntur 2) . Inter stata , & solemnia jejunia maxime sacrum est jejunium ante Pascha , quod Quadragesima appellatur , & quod licet a Christo præceptum affirmari non possit 3) , tamen ab Apostolica traditione repetendum est 4) . Hoc jejunium nunc completitur dies quadraginta , atque ejus initium fit a die cinerum 5) ; olim constabat sex hebdomadibus , hoc est diebus triginta sex 6) ; nam die dominico Christiani de veteri more in memoriam dominicæ resurrectionis non jejunabant .

1) Calviniani , atque in primis Joannes Dallæus *lib. de jejun. & quadrages.* , contendunt de veteri ecclesiæ more Christianos pro arbitrio suo , non autem ex necessitate jejunia obsetvasse . Hinc ajunt , jejuniorum disciplinam , quæ a Catholica ecclesia constituta est , non abesse a sententiâ Montanistarum ; quoniam ut his erant , ita catholicæ ecclesiæ sunt stata jejunia , quæ ex necessitate observari debeant . Sed putidæ hæc calumniæ sunt ,

nunt, quas satis refutarunt catholici, quos inter videndus est Natalis Alexander *Histor. Eccles. sac. 2. dissert. 4. tom. 3. pag. 304. seq. edit. Venet. 1776.* Sane veteris ecclesiæ jejunia non ex hominum voluntate, & arbitrio, sed ex legis necessitate Christiani observarunt; & Montanistarum jejunia Ecclesia rejecit, atque damnavit, quod ea illi ducerent ex figmento novarum revelationum, quas se a Paracleto Montanus accepisse jactabat. Egrege etiam de catholicorum jejunii contra hæreticos doctissimi Cardinales Baroni, Bellarminus, Cozza, Gottus disputarunt.

- 2) Vide Benedictum XIV. *de Synod. dioces. lib. 13. cap. 4. num. 6.*, ubi etiam quæritur, num exempli observare debeant jejunium, quod ab Episcopo pro tota diocesi indictum est.
- 3) Consule Ludovicum Thomasinum *in tract. de jejun. par. 1. cap. 4. S. Hieronymus in Isaiam lib. 16. tom. 4. cap. 58. col. 688.*, & in *Jonam cap. 3. opp. tom. 6. col. 416. edit. Vallarsii Veronæ 1736.* quadragesimæ jejunium repetere videtur ex jejunio, quod per dies quadraginta Moyses, Elias, & Christus Dominus observarunt. Verum id ita intelligendum est, non quod Christus de quadragesimali jejunio disertum, atque expressum mandatum dederit, sed tantum quod proposuerit exemplum, cui insistens Ecclesia quadragesimæ jejunium instituit, uti monet Augustinus *epist. 55. ad Januar. cap. 15. opp. tom. 2. col. 139. edit. Venet. 1729.* Atque ita etiam intelligendi sunt Basilius, Theophilus, Cytillus Alexandrini, Petrus Chrisologus, ceteri Patres, qui hoc jejunium ad divinam institutionem referunt.
- 4) S. Augustinus *de Baptismo contr. Donatist. lib. 4. cap. 24. opp. tom. 9. col. 140. edit. indic.*, S. Hieronymus *ep. 41. ad Marcellam opp. tom. 1. n. 3. col. 187. edit. laudat.*, S. Leo M. *serm. 43. de quadrages. cap. 2. opp. tom. 1. pag. 117. edit. Romæ 1753.* Apostolos observasse constat jejunium *ante-paschale*, quod numero dierum a quadragesimali differt, quoniam complectebatur tres il-

- illos dies , qui inter Christi mortem , atque ejus resurrectionem intercesserunt . Ante paschale hoc jejunium ipsa fortasse ætate Apostolorum amplificatum deinceps est , atque ita quadragesima instituta ; & certe cum hæc institutio retenta semper in universa ecclesia fuerit , atque ejus origo ignoretur , nonnisi Apostolica auctoritate tradita haberi debet , quæ celebris est Augustini regula . Consule Natalem Alexandrum *cit. dissert. 4. art. 3. pag. 313.* , & Selvagium *antig. Christian. lib. 2. par. 2. cap. 7. §. 4. & 5.* Porro quadragesimam tamquam ubique observatam , ac jamptidem receptam memorant Concilium Nicænum *can. 5. eol. 326. tom. 1. collect. Harduini* , Athanasius in *apologia ad Constant. opp. tom. 1. pag. 241. num. 15. edit. Patavii 1777.* , Cyrillus Hierosolymitanus *catech. 3. de Bapt. pag. 4. & in notis edit. Paris. 1720.* , Basilus *hom. 2. de jejun. opp. tom. 2. pag. 11. num. 2. edit. Paris. 1722.* , Gregorius Nazianzenus *orat. 40. in baptism. tom. 1. pag. 659. edit. Colon. 1690.* , Epiphanius in *exposit. fid. tom. 1. cap. 22. pag. 1105. edit. Paris. 1622.* , aliique Patres . Illud non omit- tam , & alias olim fuisse Quadragesimas , ideoque illam , quam statim Pascha sequitur , majorem appellatam fuisse , ut a reliquis distingueretur . Confer Cl. Card. Gatampium *Memorie della B. Chiara di Rimini dissert. 6. §. 6. & seq. pag. 202. seq.*
- 5) Quis diem cinerum , & tres dies alios initio quadragesimalis jejunii primus addiderit , ut numerus conficeretur quadraginta dierum , incertum est . Alii id a Gregotio M. , alii a Gregorio II. factum putant .
- 6) Quædam Ecclesiæ sex hebdomadibus , & quædam septem jejunium observabant ; uti constat ex Cassiano *collat. 21. cap. 24. & seq. pag. 568. & seq. edit. cit.* Sed nulla tamen eatum quadraginta dierum numerum explebat , cum illæ dies Dominicos , hæ vero etiam Sabbata exciperent , & ideo tantum ex diebus triginta sex jejunium constaret Chrysostomus *hom. 11. in Genes. cap. 2. opp. tom. 4. pag. 84. laud. edit. Paris.* Atque ita quida-

dragesimam usque ad ætatem Gregorii M. observatam fuisse constat ex ejus *homil.* 16. in *Evangel. opp. tom. 1. lib. 1. num. 5. col. 149. edit. laudat.*

§. III. Stati jejuniorum dies erant etiam quarta, & sexta feria in qualibet hebdomade, quæ jejunia jam inde a primis sæculis recepta sunt, quod quarta feria Judæi ad occidendum Christum consilium inierint, feria sexta interfecerint 1). Jejunia hæc, quæ singulis hebdomadibus, exceptis quinquaginta diebus a Paschate ad Pentecosten, observabantur, non ad vespervas, uti quadragesimalia, producebantur, sed hora nona finiebantur 2). Latini ab antiquissima ætate etiam jejunium Sabbati habuerunt, quod semper una cum jejunio sextæ feriæ retinuerunt; jejunium quartæ feriæ labentibus annis paulatim desiit 3). Nunc feriæ sextæ, & Sabbati jejunium tantum a carnibus abstinencia est.

1) Augustinus *epist.* 86. seu 36. ad *Casulanum opp. tom. 2. cap. 13. num. 30. col. 80. edit. Venet. 1729.*, Petrus Alex. *can. 15. col. 23. apud Bevereg. edit. Oxonii 1672.*, Auctor *Constit. Apostolic. lib. 5. cap. 15. apud Coteletium PP. Apostolic. tom. 1. pag. 322. edit. Amstelædami 1724.*

2) Ætate Ratherii Veronensis, qui ante medium sæculum X. vitæ usuta stuebatur, mitigati ceperat antiqua disciplina, & jejunium quadragesimale non amplius ad vespervas, sed tantum ad nonam producebatur, uti ostendit ipse Ratherius *orat. synodic. ad Presbyt. num. 15. col. 420. edit. Veronæ 1765.* Sed etiam post eam ætatem vetustam disciplinam alicubi stetisse, monent Fratres Ballerini *ibid. not. 48.*

3) Orien-

- 3) Orientales unum Sabbatum post Parasceven jejunio consecrabant, ceteteris vero totius anni Sabbatis non solum non jejunabant, sed eodem fere solemnī ritu, quo diebus dominicis, sacros conventus, & synaxes celebrabant, uri restantur Athanasius *Hom. de semente tom. 3. num. 1. pag. 45. edit. Patavii 1777.*, Socrates *Histor. Eccles. lib. 5. cap. 22. & lib. 6. cap. 4. pag. 295. & 313. edit. Valesii Cantabrig. 1720.*, Cassianus *Instit. lib. 3. cap. 2. pag. 30. edit. cit.* Quinimo die Sabbati vetitum ipsis erat jejunium, uti patet ex *can. 56. Apostol. apud Coteletium loc. cit. pag. 450.*, & *Aur. ore Constit. loc. cit.*, quod a Catholicis Orientalibus factum est, ne assentiri viderentur errori Marcionis, qui Sabbati jejunium suæ fecerat hæreseos partem, uti demonstrat Epiphanius *hæres. 22. vel 42. lib. 1. tom. 1. cap. 3. pag. 304. edit. cit.* Quæ disciplina magis magisque apud Orientales firmata est, cum hæseses eruperunt Marcianistarum, Lampetianorum, Choreutatum, Adelpianorum, qui supersticiosa, & vana observantia, Sabbato jejunabant. Orientalium consuetudinem nunquam damnavit Ecclesia Romana, imo a Benedicto XIV. *Const. etsi pastoralis 57. §. 9. num. 8. & seq. Bullarii tom. 1. pag. 110. cit. edit. tolerandus edicatur apud Græcos esus carniū die Sabbati, si sine scandalo fieri potest; In locis autem ipsorum, & inter eos tantum. Gabriel Albaspinæus observ. lib. 1. cap. 13. pag. 30. edit. Neapol. 1770.* putat, olim etiam in Ecclesia Romana die Sabbati carnes edi consuevisse. Verum sæculo IV. jam Sabbatum inter esuriales dies recensebatur, uti ostendunt Hieronymus *ep. 71. ad Lucinium Bat. num. 6. col. 432. tom. 1. edit. Veronæ 1734.*, Augustinus *ep. 82. ad Hieronym. cap. 2. num. 14. col. 194.*, & *ep. 36. ad Casulanum cap. 13. num. 30. col. 80. tom. 2. edit. indic.* Neque vero hoc Sabbati jejunium, ut quidam putant, primum institutum est ab Innocentio I. *epist. ad De. cent. Eugubin. cap. 5. num. 7. apud Coustantium col. 859.*; nam Innocentius non-
- no-

novi aliquid constituit, sed confirmat, quod jam constitutum, receptumque erat. In Africa ætate Augustini, uti ipse testatur *cit. ep. ad Casulanum num. 32. col. 81.*, quædam Ecclesiæ erant, quæ Sabbato jejunabant, quædam, quæ non jejunabant; item in Ecclesia Mediolanensi Sabbati jejunium non observabatur, uti narrat ipse Augustinus *loc. cit.*, & Ambrosius *de Elia & jejun. c. 10. num. 34. opp. tom. 1. col. 655. edit. Venet. 1748.*; similiter in Hispaniis Romanæ Ecclesiæ consuetudinem non obtinuisse, constat ex Concilio Coya-censi *cap. 11. tom. 6. par. 1. collect. Harduini col. 1028.* Labentibus annis jejunium Sabbati fere ubique antiquari cæpit, & ideo S. Gregorius VII. in Concilio Romano *can. 31. dist. 1. de consecrat.* non ausus antiquam disciplinam integram restituere, satius putavit Fideles commonere, ut ea die sese ab esu carnum abstineant. Innocentius III. in *cap. 2. de observant. jejun.* cum a Bracharensi Episcopo de Sabbati jejunio interrogatus fuisset, respondit, *quod super hoc consuetudinem tuæ regionis facias observari.* Hinc communis Doctorum opinio est, licere die Sabbati carnes comedere, ubi earum esus a recepta consuetudine non est interdictus. Consule Glossam in *cit. can. 31.*, S. Antoninum in *Summ. Theolog. par. 1. tit. 16. cap. unic.*, Fagnanum in *cit. cap. 2. num. 19. & seq. de observant. jejun.*, Pithingium *Jus eccles. tit. 46. lib. 3. num. 2.*

§. IV. Quatuor temporum jejunia initio Quadragesimæ, post Pentecosten, ac mensibus Septembri, & Decembri, quarta, ac sexta feria, & Sabbato quotannis celebrantur 1). Exemplo Judæorum, qui quater in anno jejunabant, quatuor temporum jejunia recepit Ecclesia, quæ jam sæculo V. obtinebant 2); quamquam non Judaico ritu, sed Christiano animo ob-

observarentur 3) . Quibus jejuniis id sibi vult Ecclesia , ut pro acceptis beneficiis Deo gratias agamus , ut divinam opem exoremus , atque his pœnitentiæ operibus nostra crimina expientur , ut denique bonos altaris ministros divinitus impetremus . Nam his temporibus , uti superiori libro demonstratum est , solemnes clericorum ordinationes peraguntur .

1) Triam temporum jejunia ab Apostolis instituta fuisse , Callistum autem Summum Pontificem addidisse jejunium Decembris , scriptum est in *ep. 1.* ipsius Callisti; verum hæc epistola Isidori Mercatoris figmentum est . Ab Apostolica traditione initium sumere hoc jejunium tradunt Baronius *ad an. 57. num. 209. tom. 1. pag. 488. edit. Lucæ* , & Thomasinus *de jejun. par. 1. cap. 21. num. 7.* Cum deinde aliqua ex parte vetus disciplina immutata esset , & nonnullæ Ecclesiæ veterum jejunium mense Martio , æstivum veto in hebdomade , quæ post festum Pentecostes sequitur , quodam more celebrarent , S. Gregorius VII. Quadragesimæ initio primum jejunium fieri , alterum in hebdomade Pentecostes perpetua lege constituit . Quod memorat Micrologus scriptor Gregorio super *de eccles. observ. cap. 24. & 25. col. 746. & seq. in Biblioth. PP. tom. 10. edit. Paris.* ; & huc spectat Concilium Claromontanum habitum Urbano II. Pontifice *can. 27. in delect. actor. eccles. univers. tom. 1. col. 1160. edit. Lugdun. 1706.* Confer Odericum Vitalem *de histor. eccles. lib. 9.* , & Muratorium in *anecd. lib. 2. dissert. de jejun. quatuor temporum.*

2) Consule S. Leonem M. *de decim. mens. jejun. serm. 6. cap. 1. pag. 32. & serm. 8. cap. 2. pag. 38. de jejun. Pentecost. serm. 2. cap. 2. pag. 231. & serm. 4. cap. 4. pag. 233. de jejun. mens. septim. serm. 4. & 9. opp. tom. 1. pag. 256. & 270. edit. Romæ 1753.*

3) S. Leo

- 3) S. Leo M. *cit. serm. 4. de jejun. sept. mens. cap. 1. pag. 256. tom. 1. edit. cit.*

§. V. Sed & in vigiliis Natalis Domini , Pentecostis , Assumptionis B. Virginis , multorumque Sanctorum per annum jejunia observantur . Vigiliæ erant nocturni cœtus , quos Christiani in Ecclesia habebant ante præcipuum aliquem festum diem , ut divina officia persolverent . Hæ differebant a communi nocturno , seu matutino officio , quod hoc nonnisi post mediam noctem circa gallicinium incipiebat , vigiliæ autem longiores erant , quod cœtum in Ecclesia per maximam noctis partem detinebant , unde & *Pernoctationes* , & *Pervigiliæ* dicebantur 1) . Nunc cum non amplius fideles noctu ad Ecclesiam conveniant , vigiliæ illæ cum jejunio agendæ sunt .

- 1) Videndi sunt in primis S. Joannes Chrysostomus *homil. 1. tom. 6. pag. 95. , Et Homil. 4. pag. 121. , Homil. 30. in Genesim tom. 4. num. 6. pag. 303. , Homil. de terramotu tom. 2. pag. 718. edit. Paris. laudat. , S. Augustinus confess. lib. 9. cap. 7. tom. 1. opp. col. 162. edit. Venet. 1729. , Socrates lib. 1. cap. 37. pag. 73. , & Sozomenus lib. 2. cap. 6. Et 29. pag. 53. , Et 86. , uterque edit. Valesii Cantabrig. 1720. , Sidonius Apollinaris lib. 5. ep. 17. pag. 148. edit. Paris. 1652.*

§. VI. Jamvero duabus veluti partibus jejunium constat , abstinentia a carnibus , ovis , lacte , aliisque cibis delicatioribus , & unica in die comestione . Nam institutum est , ut agamus pœnitentiam , & corpus affligamus . Et abstinentia quidem a carnibus , cibisque de-

Tom. II.

T

li.



licationibus semper ecclesiastici jejunii pars fuit, atque etiam antiquis canonibus constituta 1). Cibi quoque delicatiores, vinique potus erant interdicti 2), ac multi addictos jejunio dies fructibus, herbis, leguminibus transigebant; multi quoque ad duos, tresve, aut quatuor dies jejunium producebant, neque deerant, qui tota hebdomade prorsus jejunii vitam agerent 3). Quin ab ipso aquæ potu, nisi legitimum advenisset solvendi jejunii tempus, sese Majores nostri abstinebant 4).

- 1) Præclarum quadragesimalis abstinentiæ monumentum est apud S. Gregorium Turonensem *lib. 5. cap. 4. pag. 205. edit. Paris. 1699.*, qui miratur, quod Ruccolenus, licet ægrotus, & miles, quadragesimæ tempore carnes comederet. Eandem hanc abstinenciam laudat S. Epiphanius *Exposit. fid. cap. 23. tom. 1. pag. 1106. edit. Paris. 1622.* In Capitulatione de partibus Saxonix *cap. 4.* apud Baluzium *Capitular. Reg. Francor. tom. 1. col. 181. edit. Venet. 1772.* statutum est, ut si quis sanctum quadragesimale jejunium pro despectu Christianitatis contempserit, & carnes comederit, morte moriatur. Et Carolus M. *epist. ad Offam. Regem Merciorum* apud eundem Baluzium *loc. cit. col. 198.* graviter reprehendit Scotum quemdam Presbyterum, quod carnem diebus quadragesimalibus comedisset. Confer Natalem Alexandrum *cit. dissert. 4. artic. 2. pag. 305. & seq.*, qui late contra Dalæum, ceterosque hæreticos ostendit, abstinenciam a carnibus semper ecclesiastici jejunii partem fuisse, atque etiam apud veteres Christianos Ecclesiæ lege præceptam. Quæritur autem, num hæc abstinencia ad antiquam consuetudinem, an potius ad jus positivum referenda videatur; qua de re vide Benedictum XIV. *Inst. eccles. Inst. 16. num. 3.*

- 2) Basilii *hom. 1. de jejun. to. 2. pag. 9. num. 10. edit.*

*edit. cit.*, Cyrillus Hierosolymitanus *catech.* 4. *ad Illuminat.* pag. 65. cap. 27. *edit. Paris.* Vide etiam quæ de Valentiniano Jun. narrat S. Ambrosius in *ejus orat.* col. 254. num. 16. tom. 4. *edit. Venet.* 1751., de Justiniano Procopius *de ædific. Justinian.* lib. 1. cap. 7. pag. 19. tom. 2. *edit. Paris.* 1663.

- 3) Confer Augustinum *de morib. eccles. catholic.* cap. 33. num. 70. col. 712. tom. 1. *edit. cit.*, & Auctorem *Constit. Apostolic.* lib. 5. cap. 18. ibique Corelerium not. 18. pag. 325., qui multis aliaris monumentis ostendit, quousque jejuniis austeritas apud majores nostros progrediretur. Intendebatur autem jejunium potissimum in majori hebdomade, quo temporis intervallo veteres Christiani sub vespertam ucebantur *ἑσπερὰ πρυτὴ*, hoc est arido victu, qui constabat aut pane, & sale cum aqua, uti tradit Epiphanius *exposit. fidei* num. 22. tom. 1. pag. 1103. *edit. Petavii Paris.* 1622., aut pane, aqua, sale, & oleribus, uti eum describit Auctor *Constit. Apostolic.* loc. cit. Aridum hunc victum per totam Quadragesimam adhiberi jubet Concilium Laodicenum *can.* 50. in *delect. actor. eccles. univers.* col. 47. tom. 1. *edit. indic.* Qui plures continuos dies jejunium agebant, dicebantur jejunium *superponere*, & *conjungere*, uti habent Epiphanius loc. cit., Tertullianus *de patient.* c. 13. pag. 147. *edit. Paris.* 1675., Hieronymus *ep.* 24. *ad Marcellam* num. 4. col. 128. *opp. tom.* 1. *edit. Veronæ* 1734. Vide Tertullianum *de jejun.* cap. 14. pag. 552., & Sozomenum *histor. lib.* 1. cap. 11. pag. 24. *edit. Valesii Cantabrig.* 1720.

- 4) Celebre est, quod de S. Fructuoso Episcopo Tarraconensi narrat Prudentius *hymn.* 6. pag. 188. *edit. Paris.* 1687., qui cum ad mortem raperetur, haustum frigidæ recusavit, quod illo die jejunium ageretur, neque adhuc ejus solvendi tempus advenerat. Alia multa ea de re habet Bailletus *to.* 3. *de vit. Sanctor. in histor. quadrag.* §. 4. & 7., ac Mamachius *Costumi de' primitivi Cristiani* tom. 2. lib. 2. cap. 5. §. 2. *seq. pag.* 109. *seq.*

§. VII. Unica etiam in die comestio, quæ ex cibis esurialibus frugaliter 1), atque hora legitima, hoc est circa meridiem capiatur, jejunii partem constituit 2). Nunc jejunantibus exigua cœnula permittitur, quæ *collatio* dicitur 3), quæque constare debet ex eo cibo, eaque potione, quibus homines jejunantes rectæ meticolosæ conscientiæ uti solent 4).

1) Qui in illa unica comestione, ciborum copia, modo, vel condimentis communes excedit limites, si minus præceptum ecclesiasticum reipsa violat, tamen immunis non est ab intemperantiæ nota, sicut docet S. Thomas in 4. dist. 15. quæst. 3. art. 4. quæst. 3. ad 2. Igitur norma quædam, sicuti inquit Benedictus XIV. *Inst. eccles. Inst. 15. num. 12. pro ciborum genere, copia, modoque statuendo ex piis, moderatisque viris sumenda est*. Ipse Benedictus XIV. post editas Institutiones, quas emisit, cum Cardinalis esset, postquam Pontifex creatus est, Constitutionibus suis, quas paulo post indicabo, edixit, quid de jejunio, ciborumque genere observandum sit.

2) Quæsitum est a Theologis, num dux illæ partes, quibus jejunium constat, abstinentia a certis cibis, & unica comestio, ita inter se conjunctæ, & conglutinatæ sint, ut una sublata, altera quoque necessario tolli debeat. Sed inutilis est hæc disputatio, posteaquam Benedictus XIV. *Const. 19. 27. 55. 99. ejus Bullarii tom. 1. pag. 29. 39. 100. 216. edit. indic.* jussit Episcopis, ne cui valetudinis causa diebus quadragesimæ carnibus vesci permittant, nisi adjecta lege servandi alteram jejunii partem, quæ in unica comestione consistit. Confer ipsum Benedictum *cit. Inst. 15. num. 19. & seq.*, & de synod. diæces. lib. 7. cap. 3. num. 1.

3) Collatio, sive cœnula vespertina originem ducit a monachis, quibus ob laborem manuum, in quo  
tota

tota die vêtsati fuerant, ipsis jejunii diebus post sumptum sua hora cibum haustus aquæ permittēbatur, cui deinceps frustulum panis adjunctum est, ne simplex aqua noceret. Erat autem proprie collatio lectio spiritualis, quæ ante completorium, quotidie absolvebatur, quæque in claustris, vel in capitulo fieri solebat, diebus autem jejunii fiebat in refectorio, ne scilicet tempus regularis vitæ officiis destinatum in illa cœnula teteretur. Semper autem vespertinus ille ad refectionem aditus esurialibus diebus significabatur his verbis: *ire ad collationem*, aut *accedere ad lectionem collationum*. Ita nomen collationis translatum est ad cœnulam illam, sive refectionem vespertinam, quemadmodum illud adhibetur in Regula Templariorum, cap. 16. apud Holstenium *Cod. Regular. tom. 2. pag. 434. edit. August. Vindelic. 1759.*, eodemque sensu hoc vocabulum usurparunt sæculares, cum illam cœnulam sumere cœperunt. Vide Natalem Alexandrum *cit. dissert. 4. art. 7. prop. 2. pag. 331.*

4) Benedictus XIV. *Const. Si Fraternitas* 99. *pag. 216. tom. 1. Bullarii edit. indic.*


§. VIII. Observatio jejunii omnibus indicta est, qui ad constitutam ætatem pervenerunt; & Episcopus curare præsertim debet, ut hæc integra observatio sit 1). Verum carnes, aut ova comedendi facultas a Præsilibus iis tribuitur, præsertim in Quadragesima, qui iudicio medicorum propter adversam valetudinem cibos esuriales ferre non possunt 2); & sæpe etiam a Summis Pontificibus integræ nationi iustis de causis eadem hæc venia conceditur 3). In quo illud animadvertere oportet, quod quibus est permissus esus carniū, ovorum, casei, lactis, ii jejunii diebus unicam comestionem servare debent 4), neque cum epulis, qui-

T 3

bus

bus ex venia utuntur , esuriales cibos miscere possunt 5) , aut in vespertina cœnula carne , ovis , lacte , caseo vesci 6) .

- 1) Concilium Tridentinum sess. 25. de reform. decret. de elect. cibor. jejun. & dieb. fest.
- 2) Late, ac diligenter hoc argumenti genus persequitur Benedictus XIV. *Instit. Eccles. Inst. 15. numer. 13. & seq.*
- 3) Inter cetetas, quæ a Romanis Pontificibus integræ nationi ea de re datæ sunt facultates, celebris est *Bulla Cruciatæ*, quæ ita dicitur, quod olim hæc Bulla concederetur militibus, qui rubro signo S. Crucis insigniti ad bellum contra Turcas proficiscebantur sub Urbano II., & in Concilio Lateranensi sub Julio II. Nunc conceditur Christianis omnibus in Regno Neapolitano, atque in regnis, & provinciis Hispaniarum Regi subjectis certam opem, sive operam in subsidium belli contra Infideles, & hæreticos conferentibus. Hoc idem privilegium an. 1743. Benedictus XIV. in *Const. Quoniam* 86. tom. 1. ejus *Bullar. edit. cit. pag. 172.* attribuit etiam Militiæ Hierosolymitanæ, & incolis Insularum ipsius ditioni subjectarum. Qui ejus Bullæ beneficio utuntur, præter alia privilegia, illud etiam habent, ut perseverante anno Bullæ ovis, lacte, carnibus jejunii diebus vesci possint. Multa, quæ ad hanc Bullam pertinent, præter ceteros, collegit Lucius Ferraris *Biblioth. verb. Bulla Cruciatæ*.
- 4) Benedictus XIV. *Const. Non ambigimus* 19. §. 4. pag. 30. & *Const. Si Fraternitas* 99. pag. 217. ejus *Bullarii tom. 1. edit. indic.*
- 5) Benedictus XIV. *Const.* 19. §. 4. & *Const.* 99. *mox. laudat.*
- 6) Benedictus XIV. *ead. Const.* 99. Vide etiam ejusdem Benedicti *Constitutionem libentissime* 130. pag. 319. tom. 1. ejus *Bullarii*, ubi multa habes, quæ ad jejunii leges pertinent.



## T I T U L U S V I I.

DE REBUS SACRIS ET PRIMUM  
DE ECCLESIIS.

- |   |   |
|---|---|
| I. Res sacræ quid? Cultus<br>externus.                            | VIII. Ecclesiæ reparatio.   |
| II. Christianorum Eccle-<br>siæ, & varia earum no-<br>mina.       | IX. Variæ ejus partes.<br>Narthex.  |
| III. Quales primo, quales<br>postea Ecclesiæ fuerint?             | X. Navis.   |
| IV. Vetus earum forma,<br>& situs.                                | XI. Sanctuarium.  |
| V. Ecclesiæ significatio du-<br>plex.                             | XII. Altare.  |
| VI. Quibus de causis,   | XIII. Sacræ imagines in<br>Ecclesia.                                      |
| VII. Et quibus solemnita-<br>ribus nova Ecclesia ædi-<br>ficetur? | XIV. Exteriores Ecclesiæ<br>partes. Vestibulum, &<br>atrium.              |
|   | XV. Baptisterium, Secre-<br>tarium, Pastophorium,<br>Schola, Bibliotheca. |

## §. I.

**R**ES sacræ sunt res Deo, & religioni con-  
secratæ, ut quæ pertinent ad divinum  
cultum, peragantur. Hujusmodi sunt  
in primis Ecclesiæ, sacræ nimirum ædes, ad  
quas Christiani conveniunt, ut opera religio-  
nis impendant. Ecclesiæ vocabulum proprie  
significat societatem, & conventum fidelium;  
sed omnium consensu traductum est ad desi-  
gnandum locum, in quo Christiani suos agunt  
conventus; & nos hoc sensu ecclesiæ vocabu-  
lum

lum usurpamus . Nimirum cum Christi Ecclesia visibilis sit , præter cultum internum , habere etiam debet externum , qui omnis consistit in communibus precibus , in sacris ritibus , in sacrificiis , in sacramentorum administratione ; ideoque instituta sunt loca , ad quæ Christiani concurrerent , ut divinis , sacrisque rebus operam darent

§. II. Jam inde ab Apostolorum ætate Christiani certa habuerunt loca , ad quæ frequentes conveniebant , ut res divinas , ac sacras agerent , quæ loca postmodum Ecclesiæ appellata sunt 1) ; Ecclesiæ inquam , potius , quam templa , ne illi convenire viderentur cum ethnicis , penes quos celeberrima fuerunt templorum , & fanorum nomina 2) . Vocatur autem Ecclesia ab ecclesiasticis scriptoribus etiam *oratorium* , hoc est locus , in quo preces funduntur 3) , & *dominicum* , hoc est domus Dei 4) ; & *basilica* , quo nomine appellabantur regię ædes ad audiendas causas , aut alium publicum usum constitutæ , quæ ædes a piis Imperatoribus Christianis datæ sunt , ut ibi conventus agerent suos 5) ; & *templa* , quo nomine Christiani serius uti caperunt , antea non utebantur , cum proprium esset ethnicorum 6) ; & *tituli* , forte quod crucis imaginem , aut Christi nomen inscriptum haberent 7) , aut potius , quod titulum , nomenque darent presbyteris , quibus erant commissæ . Si quam in memoriam Prophetæ , aut Apostoli , aut Martyris ecclesiam ædificabant , eam *Propheteum* , *Apostoleum* , *Martyrium* Christiani appellabant 8) .

1) Quam-

- 1) Quamquam certo affirmati non possit, Apostolos initio habuisse Ecclesias, quales certe eorum discipuli habuerunt, tamen exploratum est, eis certa fuisse loca, in quibus opera religionis impenderent. Quod enucleate in primis, & copiose demonstrat Cl. Mamachius *de costumi de' primitivi cristiani lib. 1. cap. 4. §. 2. num. 2. tom. 1. pag. 296. seq.* Videndus est etiam Medus, peculiari dissertatione, cujus veluti compendium dedit Binghamus *origin. eccles. lib. 8. cap. 1. §. 13. tom. 3. pag. 141. Et seq. edit. Halæ Mogdeburgic. 1758.*, qui & sua quædam adjecit, eaque gravia argumenta adversus eos, qui plane singularem, & novam sententiam, ut inquit, evulgarunt, Christianos tribus prioribus sæculis istiusmodi distincta cultus divini loca non habuisse. Præcipua sunt, quod Paulus I. *ad Corinth. XI. 22.* iis verbis *num domus non habetis ad manducandum, et bibendum? aut Ecclesiam Dei contemnitis?* sine dubio Ecclesie nomine designat locum sacrum, atque ita Paulum explicant Augustinus, Basilus, Chrysostomus, Sedulius, Theophylactus; quod Apostoli semper in certum locum ad fundendas preces in monte Sione conveniunt, qui fuit hypætoon, sive cœnaculum, cujus in actis Apostolorum toties mentio est; quod Ignatius *ep. ad Magnes. num. 7.* apud Coteletium *PP. Apostolic. tom. 2. pag. 19. edit. Amstelædami 1724.* disette memorat *Oratio templum Dei, & ep. ad Philadelph. num. 4. pag. 31. loc. indic. unum altare*, quæ altaris mentio satis ostendit, Christianos certum pto sacris conventibus habuisse locum; quod Therapeutas jam inde a Marci temporibus loca quædam ad Divinum cultum secteta habuisse, scribit Eusebius *histor. lib. 2. cap. 17. pag. 67. edit. Cantabrig. 1720.*; quod denique Alexander Severus, cum Christiani quemdam locum, qui publicus fuerat, occupassent, contra popinarii dicerent, sibi eum deberi, rescripsit apud Lamptidium *pag. 219. num. 30. edit. Francofurti 1688.* melius esse, ut quomodocumque illic Deus colatur, quam popinariis dedatur.

2) Hinc



- 2) Hinc Origenes, Minucius Felix, Arnobius, Lactantius inquirunt, Christianos templa non habuisse; quod ita accipiendum esse multis ostendit Medus, eos talia non habuisse templa, qualia gentes habebant.
- 3) Oratorium appellata est Ecclesia, hoc est *domus precationis*, idque nomen primum publicæ Ecclesiæ, uti testantur Eusebius *histor. lib. 10. cap. 3. pag. 464. Et de laud. Constantin. cap. 17. pag. 770.*, & Socrates *histor. lib. 1. cap. 18. pag. 49. edit. Cantabrig. 1720.*, postea privati oratorii proprium fuit.
- 4) Hieronymus *chron. olimp. 277. opp. to. 8. col. 785. edit. Vallarsii Veron. indic.* auctor est nobis, celebrem Ecclesiam Antiochiæ a Constantino ædificari cæptam, & a Constantio absolutam *Dominicum aureum* appellatam fuisse.
- 5) Nomen hoc frequens est apud Ambrosium *ep. 20. ad Marcellin. num. 1. Et ep. 40. num. 15. opp. tom. 3. col. 960. Et 1621. edit. Venet. 1751.*, Augustinum *serm. 356. num. 9. opp. tom. 5. par. 2. col. 1388. edit. Venet. cit.*, Hieronymum *ep. 107. ad Lætiam cap. 9. tom. 1. col. 680. laude. edit.*, Sidonium *lib. 7. ep. 17. pag. 1416. operum Poetarum Latinorum tom. 2. edit. Londini 1713.*, aliosque sæculi quarti, & quinti scriptores.
- 6) Vix ullus est Christianus scriptor, qui tribus prioribus sæculis ad designandas Ecclesias templi nomine usus fuerit. Sublata, eversaque ethnicorum superstitione, tum demum Christiani scriptores nomen hoc adhibere cæperunt. Magis autem abhorruerunt a fani vocabulo, eoque utebantur, ut indignationem, atque animi dolorem ostenderent adversus quædam conventicula hæreticorum, quos eodem, quo ethnicos, habebant loco, uti patet ex Ambrosio *ep. 40. ad Theodos. num. 16. opp. tom. 3. col. 1021. ed. indic.*
- 7) Consule Baronium *ad an. 112. num. 5. tom. 2. pag. 68. edit. Lucæ.*
- 8) Martyrium memorat Eusebius *de vit. Constantin. lib. 3. cap. 48. pag. 604. edit. indic.* Eaque de cau.

causa Eusebius *de vit. Constantini* lib. 4. cap. 33. & 40. pag. 597. & 648., aliique *martyrium Salvatoris* appellant ecclesiam, quam Constantinus ædificavit in honorem Christi Salvatoris, qui præcipuus fuit martyr eorum, qui divinæ religionis causa mortem pertulerunt, cujus rei ampla narratio est in epistola Henrici Valesii, quæ est ad calcem historię ecclesiasticę Eusebii. Latini loco martyrii hujusmodi ecclesiam vocant *memoriam martyris*, uti constat ex Augustino *de civit. Dei* lib. 22. c. 8. num. 17. & cap. 10. col. 669. & 673. to. 7. edit. cit., atque apud eos *martyrium* designat etiam Ecclesiam in honorem alicujus sancti, qui martyr non esset, uti patet ex S. Hieronymo *in vit. Hilarion* cap. 31. opp. tom. 2. col. 32. edit. Veronæ cit. Apostolei mentio est apud Sozomenum lib. 8. cap. 17. pag. 347. edit. Cantabrig. 1720., *Prophetei* in Concilio Constantinopolitano sub Mennæ act. 3. col. 1243. tom. 2. collect. Harduini.

§. III. Primæ Christianorum Ecclesiæ simplices, & modicæ fuisse videntur, quales videlicet fidelium paupertas, & paucitas, ac formidolosorum temporum ratio patiebatur. Sed aucta fidelibus, atque oblationibus Ecclesia, & extincta christiani nominis invidia, multæ, æque splendidissimæ ædes ædificatæ sunt 1). Accesserunt edicta Imperatorum de templis ethnolorum in Ecclesias convertendis 2), & eorum, ac præsertim Constantini munificentia, qua sumptu vere regio magnificentissima templa excitata sunt 3).

- 1) Baronius *ad an. 57. num. 82. pag. 445. tom. 1. edit.* Lucæ copiose demonstravit, Ecclesias pluribus, iisque dirissimis ornamentis antiquitus fuisse refertas. Joannes Henricus Ottius Calvinianus in libro, cui titulus: *Examen perpetuum historico-theo-*

*theologicum in Card. Baronii annales*, eum refellere conatus est. Sed ea in re opus hoc errorum, & Ineptiarum plenum refutavit Muratorius *diss.* 16. *ad calc. opp. S. Paulini pag.* 832. *seq. edit. indic.*, ubi late ostendit, quam magna, & quam magnifica fuerint antiquarum Ecclesiarum ornamenta. Confer etiam Cl. Mamachium *del diritto libero della Chiesa di acquistare, e di possedere beni temporali lib.* 3. *par.* 2. *cap.* 3. *nu.* 24. *& seq. pag.* 408. *seq.*

- 2) Plures ea de re leges extant in Codice Theodosiano *lib.* 9. *tit.* 17. *& Leg.* 2. *Cod. de sepul. violat.*, idque etiam restantur non Christiani solum Scriptores Eusebius *de vit. Constantin. lib.* 3. *cap.* 51. *& 58. pag.* 606. *& 613. edit. indic.*, aliique, sed etiam ethnici Eunapius *vit. Aedes. pag.* 33. *edit. Coloniae Allobrogum* 1616., Libanius *orat. apolog.* 26. *pag.* 591. *tom.* 2. *edit. Paris.* 1627., Julianus *orat.* 7. *pag.* 224. *tom.* 1. *edit. Lipsiæ* 1696.
- 3) Constantinus nullis pepercit sumptibus, ut in omnibus Orientis partibus, ex gr. Hierosolymis, Antiochiæ, Nicomedix juxta quercum Mambre, Heliopoli in Phœnicia, aliisque locis compluribus splendidissimæ Ecclesiæ ædificarentur, sicutiarrant Eusebius *de vit. Constantin. lib.* 3. *cap.* 50. *& 51. pag.* 605. *& 606.*, & Socrates *histor. lib.* 1. *cap.* 16. 17. 18. *pag.* 45. *& seq. indic. edit.* Ipse etiam fundamenta jecit celebratissimæ Ecclesiæ, quæ *S. Sophia*, *& Magna* dicta, quæque annis triginta tribus post a Constantio absoluta est, uti Socrates *lib.* 2. *cap.* 16. *pag.* 95. *edit. Cantabrigiæ* 1720., & Auctor *chronici Alexandrini ad an.* 360. memoriæ prodiderunt; quam quidem Ecclesiam incendio consumptam iterum Justinianus splendidius ædificavit. Ejus autem descriptionem habes apud Evagrium, Procopium, Agathiam, Paulum Silentiarium.

§. IV. Vetus Ecclesiæ forma, & situs non semper idem. Interdum oblonga erat, ac  
na-

navi similis , interdum rotunda , aut plurium laterum , aut ad formam crucis 1) ; qua de re non unus semper , nec ubique mos fuit . Ecclesiæ frons , ut plurimum , ad Occidentem spectabat , sanctuarium ad Orientem , quoniam versus Orientem Christiani preces fundebant 2) . Sed sæpe neque Orientem , neque Occidentem , Sanctuarium respiciebant ; & vero ab antiquis monumentis quavis forma , & situ Ecclesiæ exhibentur 3) .

- 1) Auctor *Constit. Apostolic. lib. 2. cap. 57.* apud Cotelierum *PP. Apostolic. tom. 1. pag. 263. & 264. indic. edit.* Ecclesiam vult esse oblongam navi similem . Verum Ecclesiam a Constantino in monte Golgorha ædificatam rotundam fuisse , octo autem laterum Ecclesiam Antiochiæ tradunt Eusebius in *vit. Constantin. lib. 3. cap. 38. & 50. pag. 599. 606. edit. indic.* , & Strabo de *reb. eccles. cap. 4. in Biblioth. PP. tom. 10. col. 664. edit. Paris.* Alias fuisse Ecclesias ad formam crucis , scribunt Evagrius *histor. lib. 1. cap. 14. pag. 268. edit. Valesii Cantabrig. 1720.* , & Cedrenus *vit. Justin. in compend. histor. tom. 1. pag. 390. num. 160. edit. Paris. 1647.*

- 2) Auctor *Constit. Apostolic. loc. cit.*

- 3) Late id ostendit Binghamus *origin. eccles. lib. 8. cap. 3. §. 1. & 2. tom. 3. pag. 172. laud. edit.*

§. V. Ecclesiæ vocabulum latius , & angustius accipitur . Latius acceptum significat sacras ædes , ad quas populus confluit divinis , sacrisque rebus operam daturus ; & hujusmodi sunt templa cathedralia , parochialia , collegiata , conventualia . Cathedralis Ecclesia est , quæ fixam habet Episcopi cathedram , & ma-

mater , ac princeps est Ecclesiarum omnium , quæ in diœcesi sunt . Parochialis Ecclesia proprium habet Presbyterum , qui sub Episcopo curam animarum gerit ; collegiata collegium , canonicorum . Denique conventuales Ecclesiæ sunt , quæ a Monachis , & Regularibus administrantur . Latius acceptum Ecclesiæ nomen comprehendit etiam oratoria , sacella , capellas , quæ privatis conventibus , præsertim vero mittendis ad Deum precibus addictæ sunt .

§. VI. Novum templum non temere , & cuiusque arbitrio ædificandum est , sed causa cognita , & eum Episcopi auctoritate 1) . Causæ sunt populi commoda , & necessitates 2) . Quare si tanta sit populi distantia , viarumque discrimen , ut ille sine magno incommodo , aut periculo ad Ecclesiam accedere nequeat , novum templum excitandum est 3) , & nova etiam Ecclesia conceditur leprosis , aliisque contagioso morbo laborantibus , ubi suos agant conventus , ne ceteri fideles inficiantur 4) . Sed & Episcopo pro paranda sibi sepultura novam Ecclesiam ædificare permittitur , eique ex propriæ Ecclesiæ redditibus dotem attribuere 5) .

1) *Can. 9. de consecrat. dist. 1. Concilium Chalcedonense can. 1. col. 601. Et seq. tom. 2. collect. Harduini.*

2) *Can. 10. dist. 1. de consecr. , Cap. 3. Et ult. de eccles. ædific.*

3) *Concilium Tridentinum sess. 21. cap. 4. de reform.*

4) *Cap. 2. de eccles. ædific.*

5) *Can. 74. c. 12. q. 2. , Cap. 9. de donat.*

§. VII. Cum nova fabrica inchoanda est, Episcopus designato loco preces fundit, & crucem humi defigit, ubi majus altare locari debet 1). Ante ædificationem curandum est, ut nova Ecclesia dotem habeat, unde necessaria pro ministris, pro luminaribus, pro sacra suppellectile, & ceteris, quibus est opus, perpetuo comparentur 2); audiendique sunt Parochus antiquæ Ecclesiæ, & ceteri, quorum interest, iisque etiam injuste adversantibus, novum opus inchoatur, & absolvitur. Parochus antiquæ Ecclesiæ, quæ *matrix* dicitur, respectu habitu ad novam, seu *filialem* Ecclesiam, debet partem fructuum Parochiæ suæ novo Parocho attribuere, habetque ab Ecclesia *filiali* annuam præstationem, quæ ejus subjectionis argumentum est. Cum opus fuerit, Episcopus etiam novæ Parochiæ cives compellit ad præstandum Parocho id, quod ei necessarium est ad vitam honeste traducendam 3).

1) Consule Pontificale Romanum par. 2. tit. 1. & 2. tom. 2. pag. 1. seq. edit. Romæ 1739.

2) Can. 26. & 36. caus. 16. qu. 7., Cap. 8. de consecrat. Eccles.

3) Concilium Tridentinum cit. sess. 21. cap. 4. de reform.

§. VIII. Ecclesiæ jam constructæ identidem reparandæ, instaurandæque sunt. Id vero faciendum est ex bonis earundem Ecclesiarum, & ideo jam inde a sæculo VI. viguit consuetudo, ut certa pars reddituum ecclesiasticorum ad Ecclesiæ fabricam pertineret 1).

Cum

Cum Ecclesia non habet hos redditus fabricæ addictos, beneficiarii debent suorum beneficiorum Ecclesias instaurare 2), eidemque oneri subsunt etiam, qui decimas, aut alia bona ecclesiastica possident 3). Cathedralē Ecclesiam reparare præsertim debet Episcopus, atque aliquid etiam ejus canonici in id conferre coguntur 4). Cum bona ecclesiastica non suppetunt, patronos, & ceteros ecclesiasticorum bonorum possessores, ac denique parochianos Episcopus ad parœciam instaurandam cogit. Quod si nullus sit Ecclesiæ reparandæ modus, ea convertitur in profanos non sordidos usus, ibique crux erigitur, & ejus jura ad matricem, aut ad viciniorem ecclesiam transferuntur 5).

1). Hoc juris Augustino Angliæ Episcopo Gregorius M. præscripsit *can. 30. caus. 12. quæst. 2.*, & idem etiam sancitum extat aliis canonibus, qui eodem loco a Gratiano referuntur. Eandem quoque aliarum, præsertim in Hispaniis, Ecclesiarum fuisse disciplinam, & quidem *ex antiqua traditione*, constat ex Concilio Tarraconensi *can. 8. col. 1042. tom. 2. collect. Harduini.*

2) *Cap. 1. & 4. de eccles. ædific.*

3) *Can. 2. & 3. caus. 10. qu. 3.*

4) *Cap. ult. de his quæ fiunt a major. par. capit.*

5) Concilium Trident. *sess. 21. cap. 7. de reform.*

§. IX. Jamvero Ecclesiæ, præsertim ampliores, pluribus constant partibus, quarum aliæ interiores, hoc est intra parietes sunt, aliæ exteriores, quæ parietibus non includuntur. Partes interiores ex antiqua disciplina erant *narthex*, sive *ferula*, *templum*, sive *navis*, & *hema*, sive *sanctuarium* 1).

Nar-

Narthex erat pars oblonga ; & angusta ad instar *ferulae*, e transverso frontis Ecclesiae, ibique, dum sacrae conciones habebantur, infideles, hæretici, catechumeni, & pœnitentes *audientes* dicti consistebant.

- 1) De antiqua Ecclesiarum forma copiosissime, accuratissimeque disputat Cl. Mamachius *de' costumi de' primitivi cristiani lib. 1. cap. 4. §. 2. num. 3. Et seq. tom. 1. pag. 308. seq.*

§. X. Narthecem excipiebat pars illa Ecclesiae, quæ proprie *templum*, ac *navis* dicebatur. Hæc, ut plurimum, quadrata erat 1), eamque a narthece separabant lignea quædam repagula pervia portis, quas portas *regias*, & *speciosas* appellabant 2). In inferiori hujus partis loco, qui statim ingredienti occurrebat, stabant pœnitentes *substrati* 3), in superiori, qui erat Sanctuario propinquior, *Consistentes*, & fideles communicantes; & hi suum quique habebant locum, mares discretum a feminis, virgines a nuptis, monachi a sæcularibus 4). In media *navi* erat *Ambo*, hoc est locus editus, ad quem per gradus patebat ascensus, in eoque stabant cantores 5), & lectores, qui epistolas, atque evangelia legebant 6), & in eo etiam diptycha recitabantur 7).

- 1) Hinc in Constitutione Theodosii, & Valentianiani, quæ extat in *Codice Theodosiano post Leg. 4. lib. 9. tit. 45. tom. 3. pag. 397. edit. Lipsiæ 1738.*, Ecclesiae *navis quadratum populi oratorium* appellatur.

- 2) Regiæ, seu speciosæ dicebantur navis portæ, vel quod per eas ad regium Dei palatium, hoc  
*Tom. II. V est*



est Ecclesiam patebat accessus, vel quod ibi Reges templum ingressuri coronas deponebant. Hinc Leo Grammaticus in vit. Michael. Imper. pag. 466. edit. Paris. 1665. tamquam rem insolentem, & indignam animadvertit, quod ipse Imperator cum venisset ad portas regias, coronam non deposuisset, uti reges facere consueverant.

- 3) Omnes ecclesiasticarum antiquitatum scriptores suum substratis adscribunt locum a ceteris discretum, auctoritate præsertim Tertulliani de pudicit. cap. 13. pag. 564. edit. Paris. 1675., & Sozomeni histor. lib. 7. cap. 16. pag. 306. edit. Cantabrig.
- 4) Mares a feminis per ligneos parietes secernebantur; cujus consuetudinis testimonia sunt apud Cyrillum Hierosolymitanum præfat. in catech. n. 14. pag. 10. edit. Paris. 1720., Augustinum de civit. Dei lib. 2. cap. 28. & lib. 22. cap. 8. num. 3. col. 57. & 665. tom. 7. edit. Venet., Paulinum in vit. Ambros. num. 11. opp. Ambros. tom. 4. col. 4. edit. Venet. 1751., Socratem histor. lib. 1. cap. 17. pag. 47. edit. Cantabrig. 1720.; & ligneos quidem parietes, per quos feminæ a maribus discernebantur, nominat Chrysostomus hom. 74. in Matth. opp. tom. 7. pag. 712. edit. Paris. 1727. Aliæ erant portæ, per quas viri, & aliæ, per quas mulieres Ecclesiam ingrediebantur. Hinc Auctor Constit. Apostolic. lib. 2. cap. 57. pag. 166. tom. 1. indic. edit. Ostiarios statè jubet ad virorum introitus, quos custodiant, Diaconissas ad mulierum. Atque ex eodem Auctore loc. cit. intelligimus, virgines, & nuptas fuisse discretas, quod etiam patet ex Ambrosio de lapsu virginis cap. 6. num. 22. & 24. col. 387. & seq. tom. 3. edit. Venet. 1751.
- 5) Concilium Laodicenum can. 15. col. 784. to. 1. collect. Harduini.
- 6) Cyprianus ep. 34. pag. 49. edit. Paris. 1666.
- 7) Concilium Constantinopolitanum V. sub Menna act. 5. tom. 2. col. 1523. collect. Harduini.

### §. XI. Tertia, & intima antiquarum Eccle-

clesiarum pars erat *sanctuarium*, quod Græci *Bema* appellabant. Locus hic septis, sive cancellis munebatur, uti nunc munitur, ne laicis ad eum pateret aditus 1), cum sacra officia peragebantur 2). Cancelli erant portulis pervii; portulas autem, & spatia cancellorum vela quædam obtegebant 3). Suprema pars *Sanctuarii Apsis* dicebatur, ædificium scilicet semicirculi formam exhibens, ubi thronus Episcopi, sedesque erant, seu throni Presbyterorum 4).

- 1) Concilium Laodicenum *can. 19. col. 785. to. 1. collect. Harduini* solis *ἱερῶν* in sanctuario communicare permittit, quo nomine alii superiores tantum clericos, Presbyteros, & Diaconos, alii etiam inferiores intelligunt.
- 2) Pars hæc Ecclesiæ *adyta*, seu *inaccessa* dicebatur, quoniam ad eam populo accedere non licebat. Quamquam non una semper, neque eadem omnium Ecclesiarum consuetudo fuisse videtur. Nam Dionysius Alexandrinus *epist. ad Basilidem can. 2.* apud Labbeam *tom. 1. concil. col. 858. edit. Venet.* mares, & feminas ad altare accessisse memorat, cum Eucharistiam accipiebant, atque ita Dionysium explicat Valesius in *Euseb. histor. l. 7. c. 9. p. 330.* Idem habet Concilium Turonense II. *can. 4. col. 358. tom. 3. collect. Harduini.*
- 3) Vela hæc memorant Athanasius *ep. ad solitar. tom. 1. pag. 298. num. 56. edit. Patavii 1777.*, Hieronymus in *epitaph. Nepotian. opp. tom. 1. col. 338. edit. Vallarsii Veron.*, aliique complures. Ea Synesius *ep. 67. ad Theophil. pag. 212. edit. Paris. 1633.* vocat *vela mystica*; sæpe autem erant auro exornata, uti testatur Evagrius *lib. 6. cap. 21. pag. 469. edit. Valesii Cantabrig. 1720.* Confer Ducangium in *Glossar. græc. barb. verb. Βηλῶδον*.
- 4) Presbyterorum sedes proprie *secundi throni* dicebatur.

bantur, quos memorat Nazianzenus *carm. jambic. 23. tom. 2. pag. 244. edit. Coloniae 1690.*, atque hinc Constantinus apud Eusebium *lib. 10. cap. 5. pag. 485. edit. indic. Chrestum Syracusanum Episcopum ad Arelatense Concilium vocans duos secundi throni*, hoc est duos presbyteros secum deferre jubet.

§. XII. In medio sanctuario a pariete junctum erat altare, quod etiam *ara*, *mensa sacra*, *sanctum sanctorum* dicitur 1). Initio lignea, ut plurimum, erant altaria, deinde lapidea facta sunt 2); erantque etiam in locis compluribus auro, argentoque cooperta 3). Unum in Græcis ecclesiis erat altare, uti nunc etiam est 4); sed Latini jam inde ab antiquissimis temporibus plura in una Ecclesia altaria habere consueverunt 5). Altare obtegebat lintheum 6), atque ornabat ciborium 7), & crux in eo stabat 8), & prope crucem ex utroque latere candelabra, quæ ardebant, dum sacra peragebantur 9).

- 1) Altare semper Christianos habuisse, in quo rem divinam conficerent, certum est; ut proinde inscitia sit, aut impudentia incredibilis Calvinianorum, qui verum Christi corpus in Eucharistia esse negantes vocem *Thysiassterion*, seu *Altare* per tria secula veto, ac proprio significato usurpatam non fuisse contendunt. Videndus ea de re Cardinalis Petronius de *Sacrosanct Eccles. sacram. adversus Philippum Mornæum du Plessis lib. 2. pag. 174. & seq.*, ubi id late demonstrat; & ipsi etiam videndi sunt a catholica communione alieni Scriptores Guillelmus Beveregius in *Cod. Canon. Eccles. primitiv. cap. 10. num. 3.*, & Joannes Clericus apud Cotelæum *PP. Apostolic. tom. 2. pag. 118. edit. indic.*

2) Au-

- 2) Augustinus *ep.* 185. *ad Bonifac. opp. tom.* 2. *col.* 654. *num.* 27. *edit. Venet.* 1729. , Optatus Milevitanus *lib.* 6. *pag.* 112. *edit. Paris.* 1676. , Athanasius *ep. ad solitar. vit. agen. t.* 1. *pag.* 293. *num.* 56. *edit. cit.* De lapideis altaribus decretum extat Silvestri Pontificis ; sed hujus decreti suspecta fides est . Certe etiam post hanc ætatem in multis Ecclesiis lignea fuisse altaria , ostendit Martenius *de antiq. eccles. rit. lib.* 1. *cap.* 3. *art.* 6. §. 4. *tom.* 1. *pag.* 111. *edit. Antwerp. seu Venet.* 1763. Lapidinum altare memorat Gregorius Nysenus *de baptism. Christ. pag.* 801. *opp. tom.* 1. *ed. Paris.* 1615. ; & Concilio Epæonensi *can.* 26. *col.* 1050. *tom.* 2. *collect. Harduini* sancitum est , ut altaria , nisi lapidea , unctione non sacrentur .
- 3) Sozomenus *lib.* 9. *histor. eccles. cap.* 1. *pag.* 364. *cit. edit. Cantabrig.* , & Nicephorus *lib.* 14. *cap.* 2. *pag.* 439. *tom.* 2. *edit. Paris.* 1630. narrant , Pulcheriam Augustam Arcadii filiam , & Theodosii Junioris Imperatoris sororem Constantinopolitanæ Ecclesiæ donasse sacram mensam auro , gemmisque confectam , quam describit Paulus Silentarius in *descript. ædis Sophianæ pag.* 518. *num.* 335. *edit. Paris.* 1670. Ejusdem materiæ fuisse mensam altaris Ecclesiæ , quam Basilius Macedo in palatio suo ædificavit , testatur Constantinus Porphyrogenitus in *ejus vit. cap.* 83. *pag.* 200. *edit. Paris.* 1685. , & aureum item altare memorat Ughellius *Ital. sac. tom.* 4. *col.* 82. *edit. Venet.* 1719.
- 4) Unum Græcis altare fuisse demonstrat S. Ignatius M. *ep. ad Philadelph. num.* 4. *pag.* 77. *edit. indic.* ; idque etiam patet ex Theodoro *l.* 1. *c.* 31. *pag.* 64. *cit. edit. Cantabrig.* Sed quamquam Græci unum habeant in Ecclesia altare , plura tamen , ipsique Ecclesiæ proxima , ac muro disjuncta sacella , sive oratoria habent , quæ *Parecclesiæ* vocantur , quasi Ecclesiarum appendices , in quibus , uti narrat Goatius in *not. ad Eucholog. pag.* 16. , profestis diebus liturgiam privatim agunt . Consule Leonem Allatum *de Græcor. recent. templis pag.* 177. *edit. Paris.* 1646

- 5) Latinos jam inde ab ætate Gregorii M. pluram in una Ecclesia altaria habuisse, inter omnes constat. Nam disertus est Gregorii locus *lib. 6. ep. 49. ad Pollad. Santonens. Episc. tom. 2. pag. 828. edit. Paris. 1705.*, ubi habentur hæc: *Veniens labor præsentium insinuavit nobis, Fratritatem vestram Ecclesiam construxisse, atque illic tredecim altaria collocasse, ex quibus quatuor necdum dedicata comperimus remansisse.* Verum & ante hoc tempus eandem fuisse Latinæ Ecclesiæ disciplinam facile intelligitur, quisquis in ecclesiasticas antiquitates paulo diligentius inquirat. Revera in vetustissimo S. Sepulchri templo Hierosolymitano a Constantino M. erecto tria, & in Ecclesia Beate Mariæ de Valle Josaphat quatuor altaria fuisse, tradit Areulfus Episcopus Gallus, qui VII. sæculo loca sacra lustravit, uti testatur Adamnanus de loc. sanct. *lib. 1. cap. 2. & 13.* apud Mabillonium *Act. SS. Ord. S. Benedict. sæc. 3. par. 2. pag. 457. & 460. edit. Venet. 1734.* Plura quoque in una Ecclesia altaria memotant S. Ambrosius *ep. 20. ad Marcellin. soror. n. 8. & 26. c. 908. t. 3. edit. Venet. 1751.*, S. Augustinus *serm. 5. de S. Stephano. opp. tom. 5. part. 2. col. 1271. & de Civit. Dei lib. 8. cap. 27. tom. 7. col. 217. edit. Venet. 1732.*, Prudentius *lib. Peristeph. seu de coron. hymn. 3. 4. & 5.*, S. Paulinus *poem. 19. col. 471. & ep. 31. & 32. col. 193. 199. 202. & 471. edit. Veronæ 1736.*, S. Gregorius Turonensis *de glor. martyr. lib. 1. cap. 34. col. 760. edit. Paris. 1699.* Similiter Joannes Diaconus Scriptor vitæ S. Gregorii M. *ep. ad Senarium apud Mabillonium Mus. Italic. tom. 1. pag. 74. a Majoribus*, qui certe Gregorio antiquiores erant, decretum testatur, quod Romæ Sabbato Paschæ septem in Ecclesia altaria consecrarentur. In cæmeteriis etiam plura erant altaria, atque unum ex iis describit Aringhius *Rom. subterr. lib. 3. cap. 22.*, in quo non paucæ martyrum tumulis superposita altaria observantur. Cæmeteria autem Christianis erant Ecclesiæ, cum ethnici imperio potirentur. Recte hinc Cabassus

tius

tius *Notit. Eccles. Dissert.* 10. num. 5. pag. 40. edit. Lugduni 1680., Jueninius *de sacram. dissert.* 5. quæst. 7. cap. 3., Muratorius in *Paulin. cit. poemat.* 19. col. 471., PP. Maurini in *S. Gregorium cit. p.* 49. lib. 6., alique colligunt, plurium in una Ecclesia altarium usum apud Latinos antiquissimum esse. Ex quo intelligitur, quam falso, & quam imperite hæreticus homo Claudius Salmasius in *Solin. Polyhist.* pag. 1213.: & ceteri, qui Salmasii errorem sequuntur, tamquam rem novam reprehendant hodiernam Latinæ Ecclesiæ disciplinam, per quam plura in uno, eodemque templo altaria retinentur. Non inficior, in quibusdam etiam Occidentis Ecclesiis unum fuisse altare in unoquoque templo, atque hanc fuisse quarundam Africæ Ecclesiarum consuetudinem, intelligimus ex Optato Milevitano l. 1. p. 21. edit. Paris. 1676., sed certe in reliquo Occidente obtinebat ea, quæ nunc obtinet, consuetudo plura in una Ecclesia altaria retinendi.

- 6) Vide Optatum Milevitanum lib. 6. p. 113. edit. indic., & Victorem Vitensem *de persecut. Vandal.* lib. 1. in *biblioth. PP. tom.* 7. pag. 1896. edit. Lugdun.
- 7) Sacræ mensæ ciborium imminuebat, hoc est umbraculum, ut inquit Du-Fresnius *comment. in Paul. Silent.* pag. 569. num. 57. edit. cit., altius educum, quo universa sacra mensa tegebatur. Confer ipsum Pauli Silentiaril, & Du-Fresnii locum. Consule etiam Anastasium Bibliothecarium in *S. Gregorio I.*, in *Honorio*, in *Leone III.* pag. 115. 120. 285. edit. Romæ 1718., quibus locis ciborii mentio est, & vide etiam vetustum ordinem, ubi ciborii benedictio extat, apud Martenium *de antiq. eccles. rit.* lib. 2. cap. 19. tom. 2. pag. 294. edit. indic.
- 8) Usus crucis, quæ in altari locatur, ab Apostolica traditione descendere putat Card. Bona *rer. liturgic. lib.* 1. cap. 25. §. 8. pag. 317. tom. 2. edit. Taurin. Variæ autem erant crucis figuræ, quas describit Muratorius *anecd. tom.* 1. *diss.* 21.

de Cruce Nolana pag. 210. edit. Mediolani 1697.,  
 Consule Robertum Salam in notis ad illum Bonæ  
 locum.

- 9) Candelabra, aliaque vasa affabre facta ex auro,  
 argento, aliove metallo, quibus fixæ candelæ, vel  
 ellychnia oleo imbuta accendebantur ad præben-  
 dum lumen, ab ipsa Apostolorum ætate in Eccle-  
 sia adhiberi consuevisse, ostendit Batonius *ad an.* 58.  
*num.* 70. & *seq.* pag. 515. tom. 1. edit. Luc. Con-  
 fer etiam Casalium *de veter. sacr. Christianor. rit.*  
*cap.* 42. pag. 184., Durantum *de rit. eccles. ca-*  
*thol. lib.* 1. *cap.* 8., Ciampinium *de sacr. edific.*  
*Constant. M.* *cap.* 10. pag. 134., Dominicum  
 Georgium *de liturg. Rom. Pontif. disquisit. de sacr.*  
*ministr. cap.* 8. & *seq.* In antiqua inscriptione  
 Eugenii Notatii apud Aringhium *Rom. subterr.*  
*tom.* 1. *lib.* 2. *cap.* 10. pag. 340. mentio fit redi-  
 tium quorundam ex hortis transtyberinis *ad lu-*  
*minaria.* Accendebantur autem lumina non solum  
 noctu, sed etiam die, quem morem cum repre-  
 henderet Vigilantius, ei graviter, nerveoseque res-  
 pondit Hieronymus *contr. Vigilant. t.* 1. c. 394., in-  
 quiens, eam esse Ecclesiæ consuetudinem, accendique  
 luminaria non ad fugandas tenebras, sed ad signum læti-  
 tiæ demonstrandum. Et certe falsus est Basnagius  
*annal. tom.* 2. pag. 307., qui diurnorum ceteo-  
 rum, & lucernarum usum initium habuisse putat  
 anno 327., ut scilicet Constantini M. funus ho-  
 nore afficeretur; quod ostendit Sala *ad Bonam l.* 1.  
*c.* 25. §. 7. p. 316. t. 2. Concilio Carthaginiensi IV.,  
*can.* 6. col. 979. t. 1. collect. Harduini luminum in Eccle-  
 sia usus memoratur, itemque in funere S. Cypriani  
 lumina adhibita fuisse, constat ex actis ejus *Pas-*  
*сионis*, quemadmodum & in funere S. Pauli, tes-  
 tatur S. Hieronymus *ep.* 27. seu 108. *ad Eustoch.*  
*to.* 1. col. 716. num. 29. ed. Veron. De canone 34.  
 Concillii Eliberitani, qui cereos per diem in cæme-  
 teriis incendi vetat, multæ sunt doctorum homi-  
 num interpretationes, quas vide apud Cardinalem  
 de Aguirre *Concil. Hispan. tom.* 1. pag. 537. & *seq.*  
 §. XIII.

§. XIII. Vix ullus in antiquissimis Ecclesiis sacrarum imaginum usus fuisse videtur 1). Non enim eas adhiberi patiebatur & prisca Christianorum paupertas, & veterum formidolosorum temporum ratio, & petulantia ethnicorum, qui illas facile deridere, & contemnere poterant. Accedit & alia ratio, quod illæ imagines aliquam forte offensionem afferre poterant ethnicis, qui Christi religionem amplectebantur. Sed eversa Idololatria, lateque diffusa, & constituta Christiana Religione, sacræ imagines aut pictura, aut statuis expressæ adhiberi cæperunt 2).

- 1) Nullum quidem est, quod ego sciam, antiquum monumentum, unde colligi possit, tribus prioribus sæculis in Ecclesiis adhibitas fuisse sacras imagines, uti nunc adhibentur. Hoc tantum certum est, his etiam temporibus non plane ignotum fuisse earundem imaginum usum. Nam Pastoris suis humeris ovem gestantis, hoc est Christi imaginem in calice extantem memorat Tertullianus *de pudicit. cap. 7. pag. 559. edit. Paris. 1675.*, & Lucianus *dial. Philopater to. 3. pag. 597. edit. Amstelædami 1743.* satis clare indicat imaginem S. Pauli, quam ipse viderat, & quam petulanter irridet. Adde quod de muliere Syrophœnissa scribit Eusebius *histor. lib. 7. cap. 18. pag. 342. laud. edit.*, eam ex sanguinis fluxu a Christo Domino sanata in ejus honorem æream statuam ætexisse, quæ Eusebii ætate adhuc Cæsariæ Philippi visebatur. Quam statuam cum ethnici Juliano Apostata Imperatore confregissent, Christiani ejus frustra collegerunt, & in Ecclesia collocarunt, sicuti narrat Sozomenus *histor. lib. 5. cap. 21. pag. 212. cit. edit. Cantabrig.* Adde etiam aliqua vitæ, ex quibus prioribus quoque sæculis sacrarum imaginum usus ostenditur; sed quod



quod illæ in ecclesiis adhibitæ non fuerint, uti post extinctam idololatriam adhiberi cæperunt, mirari non poterit quisquis eorum temporum rationem animo comprehensam, & exploratam habeat.

2) Innumera fere sunt monumenta IV. V. & VI. sæculi, ex quibus constat, ea tempestate sacras imagines in omnibus fere ecclesiis adhiberi consuevisse. Seligant quædam, sed disertissima Patrum loca. Augustinus *de consens. Evangelist. lib. 1. cap. 10. opp. tom. 3. par. 2. col. 8. edit. indic.* memorat imaginem Christi pictam cum Petro, & Paulo; tum Apostolorum Petri, & Pauli effigies ibidem coloribus expressas refert Ambrosius, & Hieronymus, quos laudat Selvagus *antiq. Christian. l. 2. c. 4. §. 4.* Similiter Gregorius Nyssenus sacrarum imaginum usum vehementer laudat in *Orat. de S. Theodor. opp. tom. 1. pag. 1011. edit. Paris. 1615.*; & huc etiam referenda sunt testimonia Asterii Amaseæ in Ponto Episcopi *panegyric. de S. Euphem. apud Ruinart. pag. 490. num. 1. edit. Amstelædami 1713.*, Paulini natal. 9. & 10. *Felic. pag. 641. vers. 511. & seq., & pag. 645. vers. 14. & seq. edit. Veron. 1736.*, & Theodori *histor. relig. vit. 26. pag. 882. tom. 3. edit. Paris. 1642.*, qui refert S. Simeonis Stylitæ imagines frequentissimas Romæ fuisse, ut tantum, tamque Deo carum hominem multî Patronum haberent. Illud tamen animadvertit Petavius *de incarnation. lib. 15. cap. 14. num. 3. theol. dogmat. tom. 4. par. 2. pag. 589. edit. Paris. 1650.*, magis usitatas picturas, quam statuas fuisse. Locum autem Epiphaniî in *ep. ad Joan. Hierosolymit. tom. 2. pag. 317. edit. Paris. 1622.* & canonem 36. Concilii Eliberitani, quæ duo antiquo usui sacrarum imaginum obstare videntur, late explicant Alaspinzus in *not. ad d. can. Eliberit. pag. 174. edit. Neap. cit.*, Bona rerum *liturgic. lib. 1. cap. 16. §. 2. tom. 1. pag. 328.*, ibique Sala *not. 6. & seq. pag. 331. edit. Taurin.*, Schelestratius *de disciplin. arcan. cap. 7. art. 3. pag. 122. & seq. edit. Romæ 1685.*, Pagius in *Baron. ad an. 57. num. 113. tom. 1.*

tom. 1. pag. 455. edit. *Lucæ*, Assemanus de eccles. reveren. & asyl. art. 5. pag. 59. ; Natalis Alexander histor. eccles. sæc. 3. dissert. 21. art. 1. & cap. 6. art. 28. tom. 4. pag. 139. & seq. & 314. edit. Venet. 1776. Consule eundem Natalem Alexandrum, qui adversus antiquiores, recentioresque Iconomachos, præsertim adversus Joannem Dallzum Calvinianum hominem late, disputat de cultu sacrarum imaginum dissert. 6. sæc. 8. tom. 6. pag. 94. & seq., atque illud recte animadvertit, imaginum usum in temporibus rem esse disciplinæ, sed eatum usu semel constituto, rem esse fidei honorariam earum venerationem.

§. XIV. Exteriores Ecclesiæ partes erant ædificia, quæ ad eam pertinebant, sed Ecclesiæ angustiori sensu acceptæ parietibus non includebantur. Talis erat exterior *Narthex*, qui *vestibulum*, & *atrium*, sive *aream* comprehendebat. *Vestibulum* erat primus aditus, inter quem, & Ecclesiam angustius acceptam media erat *area*, sive *atrium*, locus scilicet, cujus medium sub dio erat, latera vero quatuor porticibus cingebantur. Erant in medio aquæ salientes, seu putei, & canthari, aut conchæ, ubi Christiani templum ingressuri manus, & os lavabant 1) ; unde usus aquæ benedictæ repetendus est 2).

1) Eusebius histor. lib. 10. cap. 4. pag. 473. citat. edit., S. Paulinus ep. 32. ad Sever. pag. 205. laud. edit. Veron., S. Jo. Chrysostomus in Joann. hom. 73. num. 3. pag. 433. tom. 8. edit. Paris. indic. Vide etiam Variorum notas in S. Paulin. ep. 13. num. 41. pag. 882. & seq. edit. indic.

2) Usum aquæ benedictæ ab Apostolica traditione profectum, & Alexandri I. decreto stabilitum docent Baronius ad an. 132. num. 3. to. 2. pag. 122. edit.

*edit. Lucae, & Bonæ rer. liturgic. lib. 1. cap. 20. §. 5. tom. 2. pag. 77. edit. Taurin. Quæ hæretici obijciunt adversus usum aquæ benedictæ, solide inter ceteros expendit, atque refellit Robertus Sala in notis ad indicatum Bonæ locum pag. 78. & seq.*

§. XV. Cetera ædificia circum Ecclesiam generali *exedrarum* nomine vocabantur, ea-que erant *Baptisterium*, *Secretarium*, sive *Diaconicon*, *Pastophorium*, *Schola*, *Bibliotheca*. *Baptisterium* erat satis amplum ædificium, ac duabus constabat partibus, vestibulo, in quo catechumeni abrenunciationes emittebant, ac domo interiori, in qua fiebat ablutio, ritus-que ceteri in baptismo adhibiti peragebantur 1). *Secretarium*, sive *Diaconicon* locus erat, in quo sacra indumenta, vasa, ac reliqua Ecclesiæ supellex servabantur 2). *Pastophorium* generale nomen est, quo multa significantur 3). Sed, ut plurimum, designat ædificia, quæ stabant ab utroque Ecclesiæ latere ad extremitatem orientalem 4); & custodum, ac ministrorum templi domicilium 5). *Schola*, & *Bibliotheca* locus erat, in quo animi literis, atque doctrinis excolebantur 6).

1) Baptisterium separatum ab Ecclesia locum fuisse, ostendit Martenius *de antiq. eccles. rit. lib. 1. c. 1. art. 2. num. 7. tom. 1. pag. 4. edit. indic.*, idque etiam observant Fratres Ballerini in *S. Zenon. lib. 2. tract. 31. pag. 241. tom. 1. edit. August. Vindelic.* Sæculo tamen VI. intra Ecclesiam baptisteria constitui cepisse, ex Gregorio Tutonensi docet Durantus *de rit. eccles. lib. 1. cap. 19.*

2) Atque hoc quidem *Diaconicon* magnum erat, de quo vide Du-Cangium in *Glossar.*; nam quod dicebatur *Diaconicon Bematis*, id erat intra Ecclesiam

siam, eoque Diaconi ea, quæ erant ad sacram-  
liturgiam necessaria, ex Diaconico magno defere-  
bant, ut ad manus essent Auctor *Chronic. Alexand.*  
*pag. 390. edit. Paris.*

- 3) *Pastophorium* generali nomine usutpatum com-  
prehendebat etiam *Diaconicon*, & *Gazophylacium*,  
videlicet locum illum, in quo ponebantur populi  
oblaciones, quæ super altare ponendæ non erant,  
sed potius Episcopi domum mittendæ judicabantur.
- 4) Memorat *Pastophoria* Auctor *Constit. Aposto-*  
*lic. lib. 2. cap. 57. pag. 264. edit. indic.*, quo ex  
loco intelligimus, ea fuisse loca *ex utraque Eccle-*  
*sia parte versus orientem*. Ipse Auctor deinceps  
*lib. 8. cap. 13. pag. 409.* eorum locorum usum  
explicat, cum illuc Eucharistiæ reliquias, post  
omnium communionem, deferri jubet.
- 5) Consule *Schelestratum in Concil. Antiochen-*  
*pag. 186.*
- 6) De cunctis exterioribus antiquatum Ecclesiarum  
partibus late disputant *Binghamus origin. ecclesiast.*  
*lib. 8. cap. 7. tom. 3. pag. 252. Et seq. indic. edit.*,  
& *Selvagius antiquit. christian. lib. 2. cap. 3.*



## SECTIO I.

### *De consecrandis, & reconciliandis Ecclesiis.*

XVI. Consecratio Ecclesia-  
rum, & ejus antiqui ri-  
tus.

XVII. Ritus, qui nunc  
obtinent.

XVIII. Ecclesiæ consecra-

tio ad Episcopum perti-  
net. Ea non iteranda.

XIX. Ecclesia violata, aut  
polluta.

XX. Ea reconcilianda est.

### §. XVI.

**Æ** Dificata Ecclesia, ut primum fieri potest, consecratur, vel saltem benedicitur; nam secus in ea rem divinam conficere nefas est. Antiquissimus est Ecclesiarum consecrandarum usus 1); sed non iidem semper ritus, eademque cæremoniæ adhiberi consueverunt. Ex veteri disciplina vicini Episcopi vocabantur 2). & interdum etiam concilia celebrari solebant 3); Episcopi sermones habebant 4), cuncti fundebant preces, ac denique divinis sacrificiis, mysticis oblationibus, hymnis, aliisque pietatis operibus summo omnium gaudio, & celebritate consecratio peragebatur 5). Martyrum quoque reliquias, ritu saltem Romano, adhibitas fuisse constat 6).

- 1) Ecclesias tantum IV. sæculo, pacato Constantini impetio, consecrati cæpisse multi arbitrantur, laudantque Eusebium *histor. lib. 10. c. 3. pag. 464. edit. indic.*, & Athanasium *apol. ad Constantinum. 17. & 18. opp. tom. 1. pag. 242. & 243. edit. Patavii 1777.* Equidem iis facile assentior, si publicam illam, & solemnem consecrationem intelligunt, quæ tantum pace Ecclesiæ data absolvi potuit; sed ab iis valde dissentio, si etiam privatam consecrationem excludunt, ac plane omnem adhibitum negant actum religionis, per quem Ecclesia divino cultui addiceretur. Nam templorum consecrationem e veteri testamento ad novum, atque ab Apostolis ad eorum successores transisse, semperque in Ecclesia retentam, ac servatam arbitror. Quomodo expedita fuerit vetus consecratio toto illo temporis spatio, quo ethnici homines impetio potiebantur, incertum est; & forte initio consistebat in solempni gratiarum actione,

ne, certisque precibus, quas tunc eorum temporum usus postulabat, quæ est simillima veri conjectura Josephi Aloysii Assemani præstantissimi olim in Romana Academia Collegæ mei, mihi-que, dum vixit, amicissimi in *tract. de eccles. rever. & asyl. artic. 6. pag. 64.*, & Laurentii Selvagii antiquit. Christian. lib. 2. cap. 5. §. 1. Consule Bonam rer. liturgic. lib. 1. cap. 19. §. 3. tom. 2. pag. 71. *Et seq. ibique Salam in not.*

- 2) Vide Eusebium histori. lib. 10. cap. 3. pag. 464. *Et de vit. Constant. lib. 4. cap. 43. pag. 650.*, Socratem lib. 1. cap. 28. pag. 65., Sozomenum lib. 2. cap. 26. pag. 81., Theodoretum lib. 1. cap. 31. pag. 64. omnes edit. Valesii Cantabrig. 1720., Augustinum ep. 269. ad Nobilium col. 902. opp. tom. 2. edit. Venet. indic.
- 3) Hinc propter dedicationem Ecclesiarum frequenter habitæ sunt Synodi, qualis fuit Antiochena an. 341., quæ inde in *encaniis* dicta est.
- 4) Plures hujusmodi sermones apud Ambrosium, Augustinum, atque alios extant.
- 5) Eusebius in *vit. Constantin. lib. 4. c. 45. pag. 651. indic. edit.*
- 6) Ambrosius ep. 22. col. 931. num. 13. opp. to. 3. edit. Venet. indic., Paulinus ep. 32. ad Severum col. 199. num. 7. edit. Veronæ 1736.

§. XVII. Ritus, qui nunc servantur, describit Pontificale Romanum 1), cujus decreto diei consecrationis antequam debeat jejunium, & vespere canendæ coram reliquiis, quæ subtus altare collocantur. Deinde Episcopus manet ter ipsam Ecclesiam exterius circumit, & aqua benedicta adspersit; tum Ecclesiam ingreditur, delineato duplici græco, ac latino in ipso templi pavimento alphabeto, ac una quidem in porta, duodecim vero in interioribus parietibus signatis crucibus, iisque sacro chris-

chrismate linitis, psalmis, hymnis, precibus, aliisque ritibus consecrationem perficit; denique Missam celebrat, quæ tamen ad vim intimam consecrationis non pertinet. Altaria etiam consecrantur, & suos etiam ob eam rem habent ritus, & cæremonias 2).

1) *Par. 2. tit. 2. pag. 32. edit. Catalani Romæ 1739.*

2) *Vide Pontificale Romanum loc. cit. tit. 3. 4. 5. pag. 137. & seq.*

§. XVIII. Consecratio Ecclesiæ actus est sacer, & sollemnis, per quem ea divino cultui addicitur 1). Tantum Episcopus Ecclesiam consecrat diœcesis suæ, neque hæc Presbyteris potestas est 2). Quovis die fieri potest consecratio, quamquam fieri soleat die festo 3), & sollemnia sacra dedicationis quovis anno celebranda sunt 4); semelque facta nunquam iteratur, nisi tota pene collapsa, aut exusta instauretur Ecclesia, vel nisi de illius consecratione dubitetur 5). Altaris etiam consecratio non repetitur, nisi frangatur, aut nisi evellatur e basi, ubi affixum fuerat 6).

1) *Ecclesiæ consecratio, & dedicatio passim confunditur, quasi Ecclesiam consecrare, ac dedicare unum idemque sit; sed revera alia consecratio, & alia dedicatio est, quod observat Mazochius de Camp. Amphith. cap. 3. diatr. de consecr. & ep. de dedicat. sub ascia cap. 1. Dedicatio proprie est *ἱγνασία*, hoc est initiatio, & primus rerum usus; consecratio autem potius ad cæremonias pertinet, quibus ecclesiæ consecrantur. Sed quoniam utrumque conjunctim perficitur, factum est, ut duo hæc vocabula indiscriminatim accipiantur.*

2) *Can. 9.*

- 2) *Can. 9. & 25. de consecr. dist. 1., Cap. 1. de relig. domib.*  
 3) *Cap. 2. de consecr. eccles.*  
 4) *Can. 16. & 17. de consecr. dist. 1.*  
 5) *Can. 16. 18. & 20. de consecr. dist. 1.*  
 6) *Can. 19. de consecrat. dist. 1., Cap. 1. de consecrat. eccles.*

§. XIX. Consecrata Ecclesia si violetur, aut polluat, reconciliari debet, quoniam in ea res divina fieri non potest 1). Polluitur autem injuriosa humani sanguinis effusione, & homicidio, quod, etiam non effuso sanguine, in Ecclesia patraturum est 2); item humani seminis voluntaria effusione 3); denique infidelis, aut excommunicati vitandi sepultura 4).

- 1) *Cap. ult. de consecr. eccles.*  
 2) *Cap. 4. eod.*  
 3) *Cap. 4. & ult. eod.*  
 4) *Cap. 7. eod., Can. 27. de consecr. dist. 1.*

§. XX. Reconciliatio fit ab Episcopo; missis precibus, & adspersione aquæ, cum qua vinum, & cinis commiscetur 1). Quæ cæremonia designat peccatorum reconciliationem, eoque videtur spectare cinis, qui in publica pœnitentia adhibebatur. Si Ecclesia benedicta tantum erat, non consecrata, etiam Presbyter lustrali aqua reconciliationem facit 2). Cum pollutio facta est ob sepulturam excommunicati, aut infidelis, ante omnia cadaver, si discerni possit, effodiendum est 3). Reconciliata autem Ecclesia, reconciliantur etiam altaria, eique conjuncta cœmeteria, quæ duo simul cum violatâ Ecclesia violantur 4).



- 1) *Cap. 4. 7. Et 9. de consecr. eccles.*  
 2) *Cap. ult. eod. ibique Glos.*  
 3) *Can. 27. Et 28. de consecr. dist. 1.*  
 4) *Cap. unic. de consecr. eccles. in 6.*



## SECTIO II.

### *De Immunitate Ecclesiarum.*

- |   |  |
|---|--|
| XXI. Sacrorum locorum reverentia apud omnes gentes.                     | actus non exercendi.   |
| XXII. Christiani suarum reverentia Ecclesiarum cunctis præstare debent. | XXVI. Jus asyli.   |
| XXIII. Quanta fuerit veterum Christianorum reverentia.                  | XXVII. Unde repetendum?                                      |
| XXIV. Unde orta Ecclesiarum immunitas?                                  | XXVIII. Regendum legibus ecclesiasticis.                     |
| XXV. In Ecclesia profani  | XXIX. Quæ loca asyli jure potiantur?                         |
|   | XXX. Quorum criminum rei ab ecclesiastico asylo excludantur? |
|   | XXXI. Quomodo hi ab Ecclesia educendi?                       |

### §. XXI.

**O**Mnes gentes, quæ templa habuerunt (habuerunt autem cunctæ, quibus erat Religio 1) ædes suis Diis addictas, & consecratas præcipuo quodam honore, ac reverentia prosequi consueverunt. Hinc nefas erat violare templum, aut quidquam in eo facere aliter ac deceret, & in ipso armorum strepitu, ac tumultu militaris licentia templorum jura sancta, & inviolata servabat. Hebræorum templum, quantam venerationem haberet, omnibus comper.

pertum est; & certe nemo non intelligit, quam venerandus, & colendus esset locus, quem ipse Deus sanctum se fecisse affirmaverat, quem suam domum elegerat, & spononderat, se auditurum preces, quæ in eo funderentur 2).

- 1) *Si terras obeas, inquit Plutarchus, invenire possis urbes muris, literis, Regibus, domibus, opibus, numismate carentes: urbem templis, diisque carentem nemo uspiam vidit.* Ita videlicet ethnicus homo loquitur.
- 2) Isai. LVI. 7. Genes. XXVIII. 17. Exod. III. 5. Machabæor. II. III. 12. Reg. III. VIII. 13. & seq. & IX. 3.

§. XXII. Christiani suorum reverentia templorum non Hebræis, non reliquis gentibus concedere, imo vero cunctis præstare debuerunt. Nam in eorum Ecclesiis non hircorum, aut vitulorum sanguis offertur, sed ipse Christus sine cruore immolatur, atque ipse adest Deus reali præsentia sua, qua in re Hæbræos vincunt; uti cultu etiam vincunt ceteras gentes, quæ non verum, ut ipsi, colebant effectorem, & dominatorem rerum omnium Deum, sed Deos hominum voluntate confictos, & omnium scelerum contagione contaminatos.

§. XXIII. Hinc Ecclesiæ a Christianis semper pro sacris usibus, cultuque Religionis adhibitæ, exclusaque omnia, quæ non aliquo modo ad pietatem tenderent, vel proxime ad eam essent referenda 1); Episcopi mori maluerunt, quam Ecclesias ab hæreticis violari sinerent 2); Reges Ecclesiam ingressuri diadema deponebant, atque extra illam custodias

relinquebant 3); cuncti autem fideles manus, atque os lavabant, ut significarent innocentiam, ac puritatem, quam omnes in illo tam pleno reverentiæ, ac majestatis loco præferre oportebat 4), calceosque detrahebant 5); in ipso vestibulo caput, ac genua flectebant 6), osculabantur, & circumplebant amplexu januas, atque columnas 7); denique Ecclesia tutissimus erat rerum servandarum locus, & perfugium miseris, quos eo vocaverat spes tutelæ, & metus publicæ calamitatis 8).

1) Itaque ne quod in Ecclesiis scelus latentet admitteretur, prohibita sunt feminæ in iis vigiliis agere Concilium Eliberitanum *can. 35. col. 254. tom. 1. collect. Harduini*. Eademque de causa verita sunt in Ecclesia convivia Concilium Carthaginiense III. *can. 30. col. 964. tom. 1. collect. Harduini*, itemque veritæ, aut certæ imminutæ agapæ, scilicet convivia illa caritatis, quæ in Ecclesia fiebant, quæque Apostoli instituerant Concilium Laodicenum *can. 28. col. 735. tom. 1. collect. Harduini*. Hinc Synodus Gangrensis duos edidit canones, videlicet *can. 5. & 6. col. 534. & 536. tom. 1. collect. Harduini* adversus hæreticos Eustathianos, Massalianos, atque alios, qui inter Ecclesias, privatasque domos discrimen non faciebant, quæque in Ecclesia peragebantur ecclesiastica officia, etiam domi peragi posse existimabant. Quis vero ignorat factum Christi Servatoris, qui e templo emptores, ac venditores, & ceteros negotiationem exercentes ejecit? Matth. XXI. 12. & 13. Joan. II. 14. & seq.

2) S. Ambrosius *ep. 17. num. 13. col. 869. & seq. tom. 3. edit. Venet. 1751.*

3) S. Jo. Chrysostomus *orat. post redit. ab exil. tom. 3. pag. 428. Idemque habetur in serm. 1. in Pentecost. int. spur. t. 3. pag. 791. edit. Paris.*

1721. , Vide etiã Edictum Theodosii post *Leg. 4. Cod. Theodos. de iis qui ad Eccles. confug. tom. 3. pag. 398. edit. Lipsiæ 1738.*

- 4) Hujus consuetudinis crebra mentio est apud Chrysostomum, Eusebium, Tertullianum, Synesium, Paulinum, & ceteros, quorum supra testimonia descripsi.
- 5) Memorat hanc consuetudinem Joannes Cassianus *Instit. lib. 1. cap. 10. pag. 12. edit. Francofurti 1722.*, non tamen ea generatim ubique videtur obtinuisse.
- 6) Quamquam nulla certa hujus consuetudinis demonstratio dari possit, tamen eam valde probabilem esse, ostendit Binghamus *origin. ecclesiast. lib. 8. cap. 10. §. 7. tom. 3. pag. 344. cit. edit.*, laudatque Chrysostomi testimonium, unde intelligimus, candidatos baptismi procidere, seque in genua projicere consuevisse, cum ad baptisterium accedebant.
- 7) Ambrosius *ep. 20. num. 16. col. 908. tom. 3. edit. indic.*, Paulin. *nat. 6. Felic. pag. 433. vers. 250. edit. Veronæ 1735.*, Prudent. *hymn. 2. in S. Laurent. vers. 520. pag. 131. edit. Paris. 1687.*, Cassiod. *histor. tripart. lib. 9. cap. 30. pag. 344. tom. 1. edit. Rotomagi 1679.*, Auctor *eccles. hierarch. cap. 1. §. 4. tom. 1. pag. 252. edit. Antuerpiæ 1633.*
- 8) S. Augustinus *de civit. Dei lib. 1. cap. 1. col. 3. opp. tom. 7. edit. Venet. laud.*, S. Hieronymus *ep. 127. ad Princip. num. 13. col. 954. opp. to. 1. edit. indic.*, S. Gregorius Turonensis *Histor. lib. 5. cap. 4. col. 205. edit. Paris. cit.*, Qrosius *lib. 7. cap. 39. pag. 573. edit. Lugduni Batavorum 1738.*, Cassiodorus *var. lib. 12. cap. 20. pag. 197. to. 1. edit. indic.*, Sozomenus *histor. lib. 9. cap. 10. pag. 376. edit. Valesii Cantabrig. 1720.* Ac sæpe ipsi hostes eos, quibus parcere volebant, ad Ecclesias ducebant, ut ibi cuncti essent ab aliis, qui ipsis vim, & injuriam inferre potuissent.

§. XXIV. Ipse sensus Religionis impres-  
X 3
sus,

sus , atque insitus in hominum animis fecit , ut Christiani ita colerent , & venerarentur Ecclesiās suas ; atque hic ipse sensus intimus ecclesiasticæ immunitatis origo , & fundamentum est . Non enim Ecclesiarum immunitas inducta est a legibus , ut quidam putant , sed inducta est a Religione , sive a reverentia , qua in Religionem ferri debemus ; & proinde Ecclesiasticæ Potestatis , cujus est moderari res Religionis , ejus est etiam de ecclesiastica immunitate leges constituere .

§. XXV. Duæ sunt immunitatis partes , quarum prima est , ut nullus profanus actus , qui minus decet loci sanctitatem , in Ecclesia exerceatur . Quare procul ab ea judicia criminalia ; item judicia civilia , quæ ad Forum sæculare pertinent 1) ; procul ludi theatrales , convivia , comædiæ , choreæ , & cantus non pietatis , sed oblectationis causa instituti 2) ; procul civiles conciones , & profana concilia , procul nundinæ , contractus , negotiationes 3) . Acta in Ecclesiis sæcularia judicia irrita etiam sunt , criminalia non tantum irrita , sed etiam pœnam afferunt excommunicationis 4) ; contractus tamen valent .

1) *Cap. 1. & 5. de immunit. Eccles.*

2) *Can. 1. dist. 92. , Cap. 12. de vit. & honest. cleric. , Concilium Tridentinum sess. 22. decret. de observan. & vitan. in miss.*

3) *Cap. 2. de immunit. in 6.*

4) *Cap. 5. & 7. de immunit.*

§. XXVI. Pars altera immunitatis eo spectat , ut debitores , & rei criminum ad Eccle-

clesiam confugientes tuti sint , neque illinc divelli possint . Quod jus asyli appellamus . Quemadmodum homines cum in periculis versantur , a Deo opem , & auxilium postulant ; ita ad Ecclesias confugiunt , quoniam in illo precis , & obsecrationis loco se facilius a Deo , id , quod optant , consequi , atque ibi tutum habere perfugium sperant , quod loci sanctitas , & reverentia pollicetur . Natura ipsa , atque in animis impressa vis Religionis omnes vocat ad hoc commune præsidium , per quod quasi se in Dei tutelam recipiunt , & unde , eos non videntur dejecturi ceteri homines , qui Ecclesias reverentur . Quare Ecclesiasticum , asylum pars est reverentiæ , quæ Ecclesiis debetur , atque hanc reverentiam ipsa vis Religionis induxit .

§. XXVII. Ita natum est Ecclesiarum asylum ; & vero antiquissimæ , quæ de eo sunt , leges non asylum constituunt , sed jam antea constitutum , & ubique receptum ostendunt 1) . Scilicet ut publice Christiana Religio dominari in civitatibus , atque in provinciis cæpit , is statim habitus a cunctis est honos Christianorum Ecclesiis , ut qui ad eas confugissent , loci sanctitate , ac reverentia defenderentur . Adeo verum est , nullis opus fuisse humanis legibus , quæ stabilirent jus asyli ; quod jam affixum Ecclesiis , & earum veneratiori communis omnium consensus agnoverat .

1) Vetustissima , quæ extat de Ecclesiarum asylo , est L. 1. Cod. Theod. de his qui ad Eccles. confug. Verum hæc lex non asylum constituit , sed

potius illud omnium moribus , & consensu jampridem fuisse constitutum , lateque patuisse demonstrat ; quod ipsi etiam animadvertunt Scriptores , quorum hac in re testimonium repudiare non possunt , qui ægre ferunt asylum Ecclesiarum , Jacobus Gothofredus in *not. ad d. Leg. 1. Cod. Theodos. tom. 3. pag. 388. edit. Lips.* , Binghamus *origin. eccles. lib. 8. cap. 11. §. 1. pag. 353. laud. edit.* , Van-Espenius *dissert. canonic. de asyl. templor. cap. 1. §. 1.* Revera Gothofredus , & Binghamus loc. cit. complura collegerunt antiqua monumenta , ex quibus patet , jam Ecclesiarum asylum obtinuisse multo ante , quam Theodosiana illa lex in manus hominum perveniret , & nulli umquam auctorum , uti inquit Binghamus , dubium fuit , quin id privilegium Ecclesiarum a tempore Constantini esse cæperit , licet nullæ leges Theodosio vetustiores , sive in Justiniano , sive Theodosiano Codice de hoc ipso reperiantur . Atque neque ulla lex extat Constantini , quæ Ecclesiarum asylum constituat , neque in antiquis monumentis ulla hujusce legis mentio , aut indicium est . An non id argumento est plane maximo , nullam ea de re legem a Constantino editam fuisse , quæ aut nunc extaret , aut saltem aliqua ejus mentio esse deberet apud Eusebium , qui Constantini vitam accurate conscripsit , atque apud ceteros scriptores , qui eorum temporum historiam literis mandarunt ? Quod si Constantini ætate jam asylum vigeat , neque illud erat ulla lege constitutum , planum est , illud induci debuisse a moribus , atque a consensu Christianorum In ipso imperio Constantini , hoc est eo ipso tempore , quo publicus Christianæ Religionis cultus obtinere cæpit . Hic autem mos ; & communis omnium consensus , qui statim erupit , cum primum erumpere libere potuit , unde ortus , nisi orrus est ex intimo sensu Religionis , atque ex impressa firmiter in omnium animis reverentia Ecclesiarum ? Atque huc sane spectat S. Gregorius Nazianzenus *orat. 20. de laud. Basil. pag. 353. tom. I.*

rom. 1. edit. Coloniae 1690. qui narrat, S. Basilium protexisse viduam, quæ ad altare confugerat, atque ait, eum fecisse id, quod non tantum M-Basilii, sed etiam quivis alius Sacerdos facere debuisset, scilicet ut eam adsereret, retineret, omni cura tueretur, Dei clementiæ, & legi, quæ altaribus honorem haberi jubet, manum porrigeret &c. Ita scilicet Nazianzenus, antequam illa Theodosii lex prodiret, ecclesiasticum asylum referebat ad Dei legem, quæ altaribus honorem haberi jubet. Quam ecclesiastici asyli originem minime compertam, atque exploratam habent, qui eam a civilibus legibus repetendam putant; cum revera civiles hac de re leges omnium, quæ extant, & quarum mentio habeatur, antiquissimæ multo antea ecclesiarum asylum constitutum ostendant. Anonymus quidem Scriptor, qui anno 1763. Florentiæ libellum edidit cum titulo *Discorso sopra l'Asilo Ecclesiastico*, falsis, & absurdis ratiunculis, quas a Paulo Sarpio pene omnes accepit, demonstrare conatus est, Christianorum asylum ex ethnica superstitione procedere; illud initio nonnisi meram Clericorum, & Episcoporum Intercessionem fuisse, quæ non dabat spem certam perfugii, sed tota erat posita in prece, & obsecratione, quam Princeps audiebat, & despiciebat suo arbitratu; denique totum hoc de asilo negotium ad laicum Principem pertinere, quoniam illud ab ejus beneficio, & auctoritate profectum est. Mitto ceteros errores, quibus hic libellus abundat, & quos refutarunt Josephus Aloysius Assemanus de *Eccles. reveren. & asyl. animadvers. in discours. pag. 79. & seq.*, ac Jacobus Pistotozzius opere peculiari. Tantum dico, quod si Christianorum asylum ethniciæ superstitionis arguitur, propterea quod illud etiam ethnicis fuit, jam erit etiam superstitio Christianis habere templa, & cultum externum Religionis, quoniam etiam ethnici utramque habuerunt. Imo vero quod hæc reverentia templis ethnicorum, & statuis Principum exhiberetur, multo magis eam immortalis, ac præ-

po-



potenti Deo , ejusque domui a Christianis exhibendam esse , ostendunt Nicolaus I. *in respons. ad consult. Bulgar. cap. 95. col. 382. tom. 1. collect. Harduini* , Concilium Matisconense II. *can. 8. col. 462. tom. 3. collect. Harduini* , & Theodosius Junior in celebri edicto , quod extat post *Leg. 4. Cod. Theod. de his qui ad Eccles. confug. tom. 3. pag. 396. edit. indic.* Et sane si ita Ethnici colebant , ac venerabantur Deos , quos veros putabant , superstitio erit Christianis colere , ac venerari Deum , quem unum verum esse certo sciunt? Nihil hoc magis absurdum , & magis impium dici potest . Quod de intercessionem Ceticorum , & Episcoporum Anonymus scripserat addit , id ab ipsa refutatur Theodosii lege , cujus supra est facta mentio , & quam omnium antiquissimam esse dixi , quæ de Ecclesiatum asylo disserat . Legis verba sunt hæc : *Publicos debitores si confugiendum ad Ecclesias crediderint , aut illico extrahi de latebris oportebit ; aut pro his ipsos , qui occultare probantur , Episcopos exigi.* Lex hæc memotat disserrissime debitores ad *Ecclesias confugientes* , & memotat etiam eorum *extractionem* , quæ verba referri certe non possunt ad Episcoporum , & Clericorum intercessionem . Neque vero , antequam illa Theodosii constitutio emitteretur , Episcoporum intercessionem , sed verum , ac germanum , quale nobis est , ecclesiasticum asyllum memorant Nazianzenus *loc. cit.* , cum narrat , Basilium defendisse viduam , quæ contra vim sibi a Præfecto Ponti illatam ad altare confugerat . Similiter Alarici , atque Ecclesiæ asyllum , non Episcoporum intercessionem habet Ambrosius *ep. 20. num. 8. col. 903. tom. 3. edit. indic.* , & Ammianus Marcellinus *lib. 15. num. 5. pag. 51. & lib. 26. n. 3. pag. 365. edit. Lipsiæ 1773.* Non igitur Episcoporum intercessio cum ecclesiastico asylo confundi debet ; intercessio obsecratio erat , & spem ponebat in venia , atque in misericordia Principis , sed asyllum ruebatur reum jure sanctitatis loci , & reverentiæ , qua Christianos Dei domum prosequi oportet

oportebat. Denique quod dicitur, ecclesiasticum  
 asylum niti beneficio Principis, atque a civilibus  
 legibus esse profectum, id falsum esse demonstra-  
 vimus, cum illud induxerit ipsa vis Religionis,  
 & reverentia Ecclesiis debita, legesque civiles jam  
 communi omnium consensu stabilitum demonstrent  
 asylum, multo ante quam ulla de eo civilis lex  
 ederet. Quod si non a civilibus legibus asylum  
 procedit, sed a sensu intimo Religionis, atque  
 a reverentia, quæ Ecclesiis debetur, manifestum  
 est, ejus curam, & regimen non ad Civilem  
 Potestatem, sed ad eum pertinere, cui Religio-  
 nis cura, & Ecclesiarum regimen commissa, &  
 commissum est. Quod si interdum laici Princi-  
 pes pietate præstantes de Ecclesiarum asylo leges  
 rulerunt, non id ab ipsis factum est, ut primum  
 asylum stabilirent, aut quod eorum legibus indi-  
 geret Ecclesia, ut haberet perfugium, quod dabat  
 ejus sanctitas, ac reverentia, atque ipsa vis Re-  
 ligionis, neque ideo dici potest, quod illorum  
 esse debeat de asylo leges constituere. Civiles il-  
 larum leges eo spectant, ut asyli jura sancte custo-  
 dianur, & earum etiam imperio, & auctoritate  
 templorum veneratio firmetur, atque omnes metu  
 quoque civilis coercitionis a sacrilega violatione  
 deterreantur. Non dissimiles Imperatorum leges  
 extant in utroque Codice, atque Novellis, de  
 Fide, & Sacramentis, de Religione ipsa Christia-  
 na, de hæreticis, apostatis, excommunicatis; ne-  
 que tamen eam ob causam Catholicus homo di-  
 xerit, jus Religionis, ac Religionem ipsam Chri-  
 stianam, ac Fidem a Principum auctoritate, &  
 clementia pendere. Certe inter civiles leges, qui-  
 bus ecclesiasticum asylum confirmatur, celebre est  
 Edictum Theodosii Junioris, cujus paulo ante  
 facta mentio est, & ibi quidem Imperator asy-  
 lum, quod jampridem erat constitutum, repetit  
 ex vi ipsa Religionis, atque ex naturali, & om-  
 nium animis insita reverentia Ecclesiarum. Ne-  
 que aliud ferri debet judicium de antiquis Patri-  
 bus, quos interdum ad Principes ivisse constat,  
 ut

ut de Ecclesiarum asylo leges impetrarent; unde in *Codice cap. 56.* apud Justellum *Biblioth. Jur. Canon. tom. 1. pag. 154. edit. Paris. 1661.* scriptum est: *ut pro confugientibus ad Ecclesiam quocumque reatu involutis legem de gloriosissimis Principibus mereantur, ne quis audeat eos extrahere.* Imo & Patres illos legasse scimus Epigonium, & Vincentium ad Honorium Imperatorem, ut concederet asyllum Ecclesiis Africanis, quæ lex confirmata est a Justiniano *Novell. de Eccles. constit. in Afric. coll. 10.* Nam eorum Pattum consilium fuit, ut Imperatoris gladio Ecclesiæ, ac Religionis honos, & cultus defenderetur, atque ut Imperatores ipsi sacrorum Canonum decreta, auctoritate, imperioque suo ad exitum petducenda curarent. Similiter Episcopi pluries ad Imperatorem confugerunt, ut de Christiana Religione decreta firmaret, ut ecclesiasticam libertatem adsereret, ut catholicam fidem vindicaret; & multa harum rerum monumenta sunt tum in Codice Canonum Africanorum, tum in Codice Justiniani, & Theodosii, atque in Novellis Constitutionibus. Sed non ideo quisquam dixerit, Sanctissimos illos Episcopos potestatem in res sacras, ac Religionis, Ecclesiæque regimen, & curam laico Principi committere voluisse. Sæculo IV. Eutropius Eunuchus Atcadium Imperatorem impulit ad tollendum jus asyli lata lege, quæ est *L. 3. Cod. Theod. de his qui ad Eccles. confug.*; sed postea confugete ipse ad Ecclesiam debuit, ut vitam tueretur suam, atque ita suomet facto, ut inquit Chrysostomus *hom. 1. in Eutrop. opp. tom. 3. col. 383. edit. Paris. 1721.*, legem suam primus abrogavit.

§. XXVIII. Quod si Ecclesiarum asyllum ex ipsa earum sanctitate, & reverentia procedit, consequens est, ut regatur auctoritate ejus, cui regimen ecclesiasticarum rerum commissum est. Certe ecclesiasticis legibus & am-

& ampliati, & arctati sunt asyli fines, uti rerum ratio postulare videbatur. Naturalis reverentia in Ecclesias fecit, ut eæ jure asyli fruereutur; deinceps illud traductum est etiam ad ea loca, quæ visa sunt reverentia, & obsequio digna vel propter usum, cui sunt addicta, vel propter dignitatem eorum, qui in illis habitant.

§. XXIX. Hodie igitur asyli jure fruuntur omnes Ecclesiæ, etiam quæ consecratæ non sunt, earumque porticus, & atria 1); quin & locus, in quo, primo lapide solemniter jacto, Ecclesia ædificanda est 2); itemque oratoria Episcopi auctoritate constituta, ac perpetuo divinis addicta, non autem oratoria, quæ sunt in domibus privatorum, quamquam in iis cum venia Sedis Apostolicæ res divina peragatur; similiter palatium Episcopi; domus, quæ ad parochiam pertinet, & in qua parochus habitat; domus canonicales, & sodalitorum, quæ eorum ecclesiis conjunctæ sunt; turris campanaria, quæ intra passus triginta ab Ecclesia distat; xenodochia, & cæmeteria 3); domus Regularium; denique etiam sacerdos Eucharistiam deferens ad se confugientibus asylum præstat 4).

1) *Can. 8. 9. 20. 36. c. 17. q. 4., Cap. 5. & 9. de immunit. Eccles.* Quin etiam *can. 6. & 35. cau. 17. quæst. 4.* jus asyli traducitur ad passus 40. extra Ecclesiam cathedralem, ad passus 30. extra Ecclesiam inferiorem; verum hujus loci asylum nunc antiquatum esse, tradit *Card. de Luca disc. 12. num. 27. Miscell.*, ac solum obtinere ostendit *Pignatellus consult. 426. tom. 1.*, ubi consuetudine receptum est.

2) *Sac.*

- 2) Sac. Congregatio Immunitatis in *Januen. 5. Octobris 1688.*
- 3) *Cap. 10. de immunit. Eccles.*
- 4) Consule Fagnanum in *Cap. Ecclesiæ 9. de immunit. eccles. per tot. tom. 3.*, Ferrarium *Biblioth. verb. immunitas art. 2.*, Gitaldum *Exposit. Juris Pontific. par. 1. sect. 637. pag. 471.*, a quibus hæc omnia, quæ ad asylum pertinent ecclesiarum, latissime explicantur.

§. XXX. Publicas tamen ob causas factum est, ut rei graviorum quorundam criminum ab asyli beneficio excludantur. Atque hi quidem sunt, qui publice, & impudenter aliena bona diripiunt; qui agros depopulantur; qui hominem in Ecclesia, vel ejus cœmeterio interficiunt, aut ei membrum amputant; sicarii, qui scilicet alieno jussu alicui mortem inferunt, & qui tanti facinoris causa eorum operam conducunt, aut eos domi excipiunt; homicidæ, nisi vel casus, vel justa sui defensio homicidio causam dederit; Iudæus, qui susceptam antea christianam religionem deseruit; hæreticus, nisi ad Ecclesiam confugerit ob aliud crimen, quam hæreseos; læsæ majestatis reus; qui vim inferunt confugientibus ad Ecclesiam, atque eos inde violenter abducunt; qui in literis Apostolicis falsi crimen admiserunt; qui Montem Pietatis, aut alia similia loca administrantes falsi, aut furti patrato crimine, ita publicam arcam minuunt, ut pœnæ mortis subjiciantur; qui aureas, & argenteas monetas privatim cudunt, aut vitiant, & corrumpunt; qui mentito Curia nomine sese in alienas domos inferunt, & in-


intrudunt , atque ibi rapinas faciunt , & homines trucidant , aut membra cædunt 1) .

- 1) Late de his omnibus agitur in *Cap. 6. & 10. de immunit. Eccles.* , in *Bulla cum alias 17. Gregorii XIV. Bullar. tom. 5. par. 1. pag. 271.* , in *Bulla ex quo 1. Benedicti XIII. tom. 12. pag. 1.* , in *Bulla in supremo 171. Clementis XII. tom. 14. pag. 17.* , & in *Bulla Officii 29. Benedicti XIV. tom. 3. pag. 160. ejus Bullarii edit. Romæ seu Vened. 1754.* Consule *Benedictum XIV. Instit. Eccles. Inst. 41. §. 3. & seq.* , & *Gitaldum exposit. jur. Pontific. par. 1. lib. 3. sect. 635. pag. 464. & seq.* Recte autem animadvertit *Benedictus XIV. loc. cit. §. 9. num. 33.* , quod præter ea scelera , quibus omnis immunitas jure negatur , si cetera quoque gravia sint , vel sæpius admittantur , auctoritate Summi Pontificis , vel Sac. Congregationis Immunitatis , in carceres Ecclesiastici Judicis ex loco immuni rei detrudi possunt nomine *Ecclesiæ* , causaque ipsorum cognita pœna constitui paulo quidem mitior , ut simul & rei pœnam perferant , & ecclesiastici asyli ratio habeatur .

§. XXXI. Qui se criminibus inquinaverunt tantorum facinorum , ac tam atrocium , dimovendi ab Ecclesia sunt , ut meritis plectantur pœnis . Qua in re certa est adhibenda ratio , ne quis imprudenter , & temere privetur beneficio , quod ad se confugientibus Ecclesia præstat . Nimirum ab ecclesiastico Judice videndum est , num reus patrarit crimina , propter quæ immunitate prorsus indignus habeatur , ejusque auctoritate , ac præsentem viro ecclesiastico , quem ipse designavit , reus de asylo dimovetur 1) .

- 1) *Benedictus XIII. cit. Constit. ex quo .*

S E-



## SECTIO III.

### *De Capellis, & Oratoriis.*

XXXII. Quid Capella, & XXXIII. Publici, & privati  
Oratorium. Oratorii distinctio.

#### §. XXXII.

**C**apellæ 1), & Oratoria sunt sacella, quæ in agris sedent, aut in civitatibus, aut in magnatum domibus, quæque sacris extraordinariis addicta sunt. Duplex oratorii genus, publicum, & privatum. Publicum est, quod publicam habet januam, & quod cuivis e populo patet, privatum, quod in privatis domibus, & quod domini arbitrio constituitur.

1) Du-Cangius in *Glossar. med. & infim. latinit. verb. capella* hoc nomen repetit a *capa*, hoc est patva veste S. Martini, quæ in Oratorio Regis Galliarum servabatur. Contra alii *Capellæ* nomen factum ostendunt a *capa*, hoc est theca reliquiarum S. Martini, & aliorum, quam Galliarum Reges in oratorio habebant, & quam secum deferre solebant, cum ad bellum proficiscerentur. Nimirum *capella* orta est a *Cap*, sive *Capa*, & *Cap* vox Celtica est, uti tradit Leibnitius *collect. ethymolog. par. 2.*, suæque origine significat capitis tegmen, ac generatim quodvis corporis tegumentum, ampliorque sensu rerum pretiosarum thecas, & conditoria. Evodius *lib. 1. de miracul.*

*B. Stephani capella argentea*, inquit, in qua erat reliquiarum portio. Consule Pirhœum glossar. ad libr. capitular. verb. capella, & Bignonium in not. ad Marculf. formul. 48. lib. 1., utrumque apud Baluzium capitular. Reg. Francor. tom. 2. col. 491. Et 626. edit. Venet. 1773.

§. XXXIII. In publicis oratoriis non tantum preces ad Deum mittuntur, sed etiam divinum sacrificium super altari rite consecrato peragitur. Hinc ea cum Episcopi auctoritate ædificari, ac benedici debent 1), & campanam habent, per quam populus ad rem divinam, atque ad fundendas preces publice vocatur 2). Privatum oratorium domi habere unusquisque potest, sed in eo Missam celebrare non licet, nisi hæc facultas a Sede Apostolica impetrata sit 3). Publicum oratorium Deo semel dicatum in profanos usus converti nequit 4); quod de privato oratorio non est ita 5).

1) Can. 10. c. 18. q. 2.

2) Cap. 16. de excess. Prælat. In privato tamen oratorio publicam campanam retineri vetat Cælestinus III. in Cap. 10. de privileg.

3) Can. 33. de consecr. dist. 1., Concilium Tridentinum sess. 22. in decret. de observan. Et evitan. in celebr. miss. Confer Fagnanum in Cap. auctoritate 27. de censib. num. 17., qui hoc Concilii decretum diligenter expendit.

4) Cap. 51. de regul. jur. in 6.

5) Vulgatum est illud, quod post Glossam, & ceteros juris Canonici interpretes tradit Fagnanus loc. cit. n. 6.; quod hodie privatum oratorium est, cras poterit fieri camera, cum non sit locus Deo dicatus. Videndi in primis sunt Jo. Baptista Gatticus, Josephus de Bonis, & Fortunatus a Brizia, qui peculiaribus operibus de oratoriis publicis, Et domesticis late, ac diligenter agunt.





## SECTIO IV..

*De sacris vestibus, vasis, ceteris  
ad Ecclesiam pertinentibus.*

- |                         |                       |
|-------------------------|-----------------------|
| XXXIV. Res sacræ in ho- | ac vasa, eorumque be- |
| minum commercio ver-    | nedictio.             |
| sari nequeunt.          | XXXVI. Campanæ.       |
| XXXV. Sacra indumenta,  |                       |

### §. XXXIV.

**S** Acram supellectilem constituunt sacra indu-  
menta sacerdotum, & ministrorum, va-  
sa, quæ adhibentur, cum res divina  
conficitur, omnia demum ecclesiæ, & altaris  
ornamenta. Cuncta hæc, quæ Deo data,  
ejusque honori, ac cultui dicata erant, Majo-  
res nostri *anathemata* appellabant, quod es-  
sent a communi usu remota, atque sejun-  
cta 1). Nam semper omnibus fixum, certum-  
que fuit, res Deo consecratas revocari non pos-  
se in commercium hominum, in quo res pro-  
fanæ versantur.

1) Justinus Mar. resp. 121. ad Orthodox. pag. 493.  
edit. Paris. 1742. , Cyrillus Alex. lib. 5. de ado-  
rat. pag. 144. tom. 1. edit. Lutetiæ 1638. , Euse-  
bius de vit. Constant. lib. 3. cap. 38. pag. 599.  
edit. Cantabrig. 1720. , Zonaras, & Balsamon in  
can. 3. Concil. in templ. Sophiæ apud Beveregium  
Pundect. canon. tom. 1. pag. 563. edit. Oxonii 1672.  
Con-

Confer *Svicerum thes. verb. ἀνάμνησις*, & *Selvagium antiquit. Christian. par. 1. lib. 2. cap. 4. §. 1.*

§. XXXV. Sacerdotem sacris operam daturum non communi, sed peculiari, & magis augusto habitu uti oportere, compertum est; quem ritum ab Apostolica ætate profectum 1) ad nos Ecclesia transmisit, quamquam lapsu temporum aliqua in vestium numero, & forma rerum facta mutatio sit 2). Maxime autem decet, benedictione primum sacris usibus initiari vestes, quæ sunt ad sacrificium necessariae 3). Consecrantur etiam, ac benedicuntur vasa, quibus in sacrificio opus est, & in his quidem sacrum chrisma adhibetur 4); præterea benedicuntur lintea, & cuncta altaris instrumenta. Utraque consecratio, & benedictio ad Episcopum pertinet 5).

- 1) Quandonam Apostoli primum sacrificium confecerint, & num in eo conficiendo communibus, & quotidianis, an potius certis, & peculiaribus usi sint vestibus, non satis convenit inter eruditos. Illud plane compertum est, eos post Christi mortem per triduum sese a sacrificio abstinuisse; sed quaeritur, num statim hoc elapso triduo primum sacrificium obtulerint, an potius illud distulerint ad Pentecosten, qua de re disputant Theophilus Raynaudus *de prima missa sect. 1. cap. 2. & 3. opp. tom. 6. pag. 530. seq. edit. Lugduni 1665.*, & Cardinalis Bona *rer. liturgic. lib. 1. cap. 5. §. 1. tom. 1. pag. 68. & seq. edit. Taurin. 1747.* Confer etiam Salam *in not. ad Bonam loc. cit.*, ubi quoque ostenditur, primam Missam non a Jacobo, sed a Petro celebratam fuisse. Magna etiam, uti dicebam, controversia est, num Apostoli peculiaribus induti vestibus rem divinam confecerint.

Paulus in *II. ad Timoth. IV. 13.* memorat *penulam*, quam Troade reliquerat apud Carpum, a quo hospitio exceptus fuerat. Si vera esset sententia illorum, qui *penulam* interpretantur casulam, qua nunc Sacerdotes utuntur, satis quidem ex hoc loco constaret, Apostolos rem divinam conficientes sacra indumenta adhibuisse. Verum Guillelmus Estius in *comment. ad d. Paul. epist.* *penula* nomine veteris testamenti libros comprehendit arbitratur. Contra Josephus Vicecomes *penulam* casulam esse putat. Baronius ad an. 58. num. 67. & 68. tom. 1. pag. 514. edit. *Lucæ* utramque sententiam in medium affert, atque integrum ea de re iudicium cuique relinquit, *sed magis placet*, inquit, *ut volumen sacræ legis intelligi debeat*. Cardinalis Bona loc. cit. lib. 1. cap. 24. §. 8. tom. 2. pag. 235. magis probare videtur sententiam illorum, qui *penulam* vestimenti genus fuisse censent, idque etiam late ostendit Robertus Sala in not. num. 1. pag. 237. Eadem est sententia Augustini Calmeti in dict. *histor. sac. script. verb. penula* tom. 2., & Philippi Bonaroti in *animadvers. ad quæd. vitæ fragmen. figuris distinctæ cæmeter. Roman. effos. tab. 16. fig. 2.* Sed quævis de Apos. oli *penula* verior opinio habeatur, illud profecto multo probabilius est, non solum viros Apostolicos, sed ipsos etiam Apostolos peculiares, atque a communibus distinctas adhibuisse vestes, cum rem divinam conficiebant. Console Card. Bonam lib. 1. cap. 5. §. 2., & Salam in not. num. 1. tom. 1. pag. 70. & seq. laud. edit., Thomasinum vet. & nov. *Eccle. disciplin. par. 1. lib. 2. cap. 45.*, Suassajum *Panopl. sacerdot. par. 1. lib. 6. de casula cap. 6.*, Benedictum XIV. de *Sacrific. Missæ* sect. 1. c. 38. & *Inst. 21. n. 4.*, Georgium de *liturg. Sum. Pontific. lib. 1. cap. 3. num. 7. & cap. 5.* Hæc autem sacra indumenta, præsertim post Constantinum, serica, atque auro, argentoque contexta, ut plurimum, fuisse observat Cardinalis Bona lib. 1. cap. 24. §. 1. tom. 1. pag. 211., & antiquissimis quoque temporibus varii coloris

erant,

- erant; uti nunc sunt, quod late ostendit Robertus Sala in not. ad illum Bonæ locum num. 3. pag. 213., ubi etiam refutatur Joannes Dallæus Calvinianus homo, qui illam in sacris vestibus colorum diversitatem amœnam quidem, sed antiquis Christianis ignotissimam esse, impudenter affirmat.
- 2) Vestes omnes Episcoporum, Sacerdotum, Ministrotum inter ceteros accurate describit Card. Bona loc. cit. tot. cap. 24.
  - 3) Can. 42. de consecr. dist. 1. S. Thomas par. 3. quæst. 83. artic. 3. Licet autem Hospinianus, homo videlicet hæreticus, de origin. dedicat. cap. 3. & 4. hunc sacrum benedictionis ritum tantum sæculo IX. inductum putet, tamen ejus rei sæculo IV. certissima sunt monumenta. Nam, uti narrat Sozomenus histor. lib. 2. cap. 26. pag. 81. edit. laud., cum Imperator Constantinus regali munificentia Hierosolymitanum templum ædificasset: *Episcopi Hierosolymam delati Ecclesiam consecraverunt, simulque ornamenta, & donaria ab Imperatore transmissa.*
  - 4) Cap. unic. §. ungitur de sacr. unct. De harum veto consecrationum, ac benedictionum antiquitate late agit Dominicus Georgius Liturg. Rom. Pontific. lib. 2. cap. 14.
  - 5) Confer Benedictum XIV. Instit. Eccles. inst. 21., ubi etiam agitur de benedictione cinguli, pluvialis, & pyxidis.

§. XXXVI. Pertinent etiam ad Ecclesias campanæ 1), seu tintinnabula, per quæ populus ad templum vocatur, atque ad fundendas preces excitatur. Antiquissimus est campanarum usus 2), atque earum etiam benedictio sane pervetus est 3). Spectat hæc benedictio ad Episcopum, qui eam expedit certis quibusdam ritibus in Pontificali descriptis; campanæ autem, cum benedicitur, alicujus Sancti nomen imponitur, sive ut ea quasi ejus

tutelæ commendetur ; sive ut populus quodammodo cælitum voce ad templum vocari videatur 4) .

- 1) Campanæ nomen grandioribus tintinnabulis circa finem sæculi VII. impositum fuisse suspicatur Card. Bona *rer. liturgic. lib. 1. cap. 22. §. 6. pag. 135. tom. 2.*, ac deinceps octavo, nonoque sæculo ab omnibus passim usurpatum affirmat. Sed ipsum campanæ vocabulum hac ætate antiquius faciunt Martenius *de antiq. eccles. ritib. lib. 4. cap. 2. §. 11. pag. 6. tom. 3. edit. Antwerp. seu Venet. 1764.*, & Pagius *Brev. gest. Pontific. in vit. Sabiniani P. num. 2.* Antequam vero tintinnabula adhiberi cæpissent, Christiani ad templum vocabantur per rubam, aut tabulas ligneas, id quod pacatis tantum Ecclesiæ rebus fieri potuit. Nam ethnicis dominantibus credibile est, Christianos secreto monitos per Diaconum, aut per alium ab Episcopo designatum virum, ut ad Ecclesias convenirent. Cuncta hæc late explicant Martenius *loc. cit. §. 7. & seq. pag. 5.*, Bona similiter *loc. cit. §. 1. & seq. pag. 126. & seq. ibique Sala in not. num. 2. pag. 127.*, Baronius *ad an. 58. num. 103. tom. 1. pag. 527. edit. Lucæ.*

- 2) Angelus Roccha *de campan. cap. 1.* originem campanarum repetit a S. Hieronymo ; quoniam earum mentio est in *regula Monachorum*, quæ Hieronymi nomine circumfertur. Verum hanc regulam Hieronymi revera non esse, inter eruditos constat, sed eam ex illius scriptis compositam a Lupo Olivetano, & a Martino V. Pontifice post an. 1417. approbatam scribit Guillelmus Caveus *de Script. Ecclesiast. in Hieronymo.* Multi sunt, qui tintinnabuli usum tribuunt S. Paulino Nolano Episcopo, qui medio sæculo V. vita functus est ; verum cum Paulinus *ep. 32. ad Sever. col. 194. seq. edit. Verona*, in qua diligenter Ecclesiam ab se ædificatam, ac singulas ejus partes describit, nihil de tintinnabulis, aut de turri dicat, non obscurum

in-

Inde educitur argumentum, ipsum revera tintinnabula non adhibuisse, sicuti animadvertunt Theophilus Raynaudus *tom. 15. punct. 7. pag. 411. edit. Lugduni 1665.*, & Card. Bona *loc. cit. §. 3. pag. 130.* Polydorus Virgilius *de Invent. rer. lib. 6.*, Onuphrius Panvinius *in ep. de Roman. Pontif. lib. 1. num. 71.*, Ciacconius, alique complures tintinnabuli usum referunt ad Sabinianum Pontificem, qui initio sæculi VII. Pontificatu maximo functus est; sed cum Anastasius in Sabiniani vita nullam ejus rei mentionem faciat, plane non intelligitur, quomodo hæc opinio probari possit. Illud dici potest, sæculo VI. in Ecclesia Occidentali campanarum usum fuisse receptum, quoniam in vita S. Columbæ primi Abbatis Hyensis, qui obiit an. 599., quam vitam edidit Mabillonius *sec. I. Benedictin. p. 349. tom. 1. edit. citatæ scriptum est cap. 22.*, eum *media nocte pulsante campana*, ad Ecclesiam ivisse, & *cap. 25. traditur*, illum *quadam die ministro suo campanam subito pulsare præcepisse, cujus sonitu Fratres excitati Ecclesiam protinus sunt ingressi.* Confer Martenium & Pagium *loc. cit.*

- 3) Baronius *ad an. 968. num. 93. tom. 16. pag. 192. edit. Lucæ* tradit, Joannem XIII. campanæ benedictionem tribuisse, eamque consecrasse, antequam in turri Lateranensis Ecclesiæ collocaretur, *quiritus*, inquit, *in Ecclesia perseveravit.* Verum Capitularia Caroli Magni, quæ ducentis fere annis Joannis XIII. ætate antiquiora sunt, an. 789. *cap. 3. num. 18. apud Baluzium tom. 1. col. 178. edit. Venet. cit.* campanarum benedictionem memotant; atque in libris Ritualibus Joanne antiquioribus expresse describitur campanarum benedictio, uti ostendit Hugo Menardus *in not. ad sacrament. S. Gregor. not. 537. opp. S. Gregor. to. 3. col. 438. edit. Paris.* Ex quibus manifestum est, campanarum benedictionem non ab Joanne XIII. esse repetendam, sed multo vetustiorē esse. Consule Bonam *rer. liturgio. lib. 1. cap. 22. §. 7. ibique Salam in not. num. 1. pag. 137. Et seq.*

som. 2., Pagium in *Brev. Roman. Pontific. in vit. Joan. XIII.* num. 12. tom. 2., Roccham de *Campanis cap. 6. §. de campan. consecr.*, Theophilum Raynaudum *Heteroclit. spiritual. opp. tom. 16. sect. 2. punct. 9. pag. 245. edit. Lugduni 1665.*, Martenium de *antiq. eccles. rit. lib. 2. cap. 21. tom. 2. pag. 296. Et seq. edit. indic.* Campanarum autem benedictio Baptismus dicitur, quod vocabulum non adoptavit Ecclesia, sed tantum tolerat, ut aliorum fidei, ac simplicitati indulgeat. Quod Baptismi nomen ex eo profectum est, quod populus in campanarum benedictione aquam adhiberi, nomenque imponi videat, aliaque fieri, quæ in administrando Baptismo fiunt, sicuti observat Du-Cangius *Glossar. med. & infim. latin. verb. campana.* Sed minus proptie baptismi vocabulum cum benedictione confunditur, eo fere modo, quo Ivo *part. 2. serm. 4. de sacr. dedic. pag. 269. edit. Paris. 1647. baptizori dixit Ecclesiam*, quæ proprie consecratur. Quare se detendentes præbent Hæretici, cum id Catholicis vitio vertunt, quasi ipsi verum Baptismum campanis conferti arbitrentur. Confet Du-Cangium *loc. cit.*, Coccium *tom. 2. lib. 3. art. 6.*, Datantum de *sacr. Eccles. rit. lib. 1. cap. 22. num. 6.*, Suarezium *lib. 2. defens. cap. 16.*, Gretsetum *lib. 2. de bened. cap. 45. Et 46.*, Del-Rio *disquisit. magic. lib. 6. cap. 2. sect. 3. in fin.*, Card. Hosium *lib. 5. contr. Brentium.* Et certe in vetusto ordine, arque in Pontificali Romano, cunctisque libris ritualibus Ecclesiarum, quos Thiersius de *superstition. lib. 2. cap. 7.* diligenter collegit, nunquam Baptismi, sed benedictionis nomine campanarum consecratio appellatur.

- 4) Videndus P. Petta Sancta de *rit. eccles. catholic. lib. 2.*, Martinus Del-Rio *disquisit. magic. lib. 6. cap. 2. sect. 4. q. 4.*, Ponger *Instit. Catholic. tom. 2. cap. 8. §. 6. pag. 905. edit. Paris. 1725.*



## T I T U L U S V I I I.

DE RELIQUIIS ET VENERATIONE  
SANCTORUM.

I. Intercessio Sanctorum. II. Sacrarum Reliquiarum  
veneratio.

## §. I.

**S**acræ res sunt etiam Reliquiæ Sanctorum, quibus honorem, & reverentiam haberi jubet Ecclesia, quoniam illorum ope, ac precibus multa homines a Deo beneficia consequuntur. Quare bonum, atque utile est eos suppliciter invocare, atque ob beneficia impetranda a Deo per ejus filium Christum Dominum ad eorum orationes, opem, auxiliūque confugere, & honoranda sunt monumenta illorum, quos in cælis cum Christo regnare scimus 1).

1) Concilium Tridentinum sess. 25. in decret. de invocat. venerat. Et reliq. Sanctor. Et sac. imagin.

§. II. Sacrarum reliquiarum veneratio ab ipsis Ecclesiæ primordiis est repetenda 1). Sepe enim sacræ reliquiæ causa erant Ecclesiæ dedicandæ 2), sæpe altaria super Sanctorum corpora erigebantur 3), & fidei imponebantur reliquiæ thecis inclusæ 4), easque fideles ad  
os,



os, oculos, ceterosque sensus admovebant, & osculabantur 5). Sed præsertim antiquissima, & ubique recepta consuetudo fert, ut martyrum reliquiæ in Ecclesiarum consecratione adhibeantur 6). Eosdem nunc retinet Ecclesia venerationis justæ ritus; sed nullæ colendæ sunt novæ reliquiæ, nisi a Sede Apostolica approbatæ fuerint 7).

- 1) Mortuo Polycarpo, uti constat ex ejus actis apud Eusebium *Histor. Eccles. lib. 4. cap. 15. pag. 171. edit. Cantabrig. cit.* urgebant Judæi, ut ejus corpus combureretur, ne Christiani ejus reliquias auferrent, ac venerarentur. Addit Auctor eorumdem actorum post narratum Polycarpi martyrium: *Atque ita nos demum ossa illius gemmis pretiosissimis cariora, & quovis auro puriora colligentes, tollentes, ubi decebat, deposuimus. Quo etiam in loco, nobis, si fieri poterit, convenientibus, in exultatione, & gaudio, præbebit Dominus natalem martyrii ejusdem cum hilaritate, & gaudio celebrare, tum in memoriam eorum, qui glorioso certamine perfuncti sunt, tum ad posteros hujusmodi exemplo erudiendos, & confirmandos.* Ex quo intelligitur, qui cultus esset, quem Christiani Martyribus initio ipso Ecclesiæ præbebant. Nimirum, eorum reliquias colebant, tam splendide eas colligebant, ac si aurum purissimum, aut pretiosissimæ gemmæ fuissent; decore loco ponebant; ibique cum gaudio anniversarium martyrii diem celebrabant. Atque illud his solemnitatibus erat eis propositum, non tantum ut Sanctorum memoriam colerent, verum etiam ut fideles exempla ad imitandum haberent. Eadem nunc est, quæ semper fuit, Ecclesiæ mens, cum Sanctorum cultum, venerationemque proponit. Hujus quoque venerationis in sacras reliquias illustra sunt monumenta in actis S. Cypriani, in ejus vita a Pontio Diacono conscripta, & apud Cyprianum ipsum,

sum • Hic enim *ep. 6. pag. 176. edit. Amstelædami 1700.* declarat lætitiā incredibilem, qua perfunderetur, si amplecti posset martyrum corpora, & eorum ora osculati • Præclara etiam sunt acra martyrii ipsius Cypriani, quæ exant ante opera ipsius Cypriani *pag. 15. edit. Amstelædami 1700.*, & ex quibus constat, fideles ante eum linteamina misisse, ne ejus cruor defluens a terra absorberetur • Denique Pontius Diaconus, qui ejus vitam conscripsit, narrat, quemdam Cypriano suas obrulisse vestes, cum ipse multo sudore madidus sederet, ut illas commuraret: *qui videlicet*, inquit Pontius *in ejus vit. opp. Cyprian. pag. 10. edit. indic.*, nihil aliud in rebus oblati ambiebat, quam ut proficiscentis ad Deum Martyris sudores jam sanguineos possideret • Late sacrarum reliquiarum venerationem tuentur, & laudant Ecclesiæ Patres; atque inter ceteros Augustinus *de Civit. Dei lib. 8. cap. 27. tom. 7. col. 217. edit. Venet. cit.*, Hieronymus *contra Vigilantium num. 5. tom. 2. col. 391. edit. Veronæ*, Isidorus Pelusiota *contra Hieracem lib. 1. ep. 55. pag. 17. edit. Paris. 1638.*, Cyrillus Hierosolymitanus *catech. 18. pag. 293. edit. cit.* ostendunt, quam merito, quam recte, quam catholice fideles Sanctorum reliquias venerentur • Quinimo ipsa reliquiarum conditoria Majores nostri summa reverentia prosequabantur, & illorum contactum esse credebant sanctificationem, ac benedictionem, ut inquit Gregorius Nyssenus *orat. in S. Theodor. opp. tom. 2. pag. 1012. edit. Paris. 1615.*, quod etiam testatur Chrysostomus *orat. de S. Ignat. num. 5. pag. 600. & seq. tom. 2. edit. Paris.* Curabant autem potissimum, ut essent ornata eleganter, atque magnifice conditoria, quæ sacra λειψάνη, seu reliquias continebant: Serico enim opere, aut argenteo, aut aureo sæpe conficiebantur, quo spectat Prudentius *hymn. 3. de S. Eulalia pag. 244. vers. 195. seq. edit. Paris. 1687.* Et reliquias, quas thecis inclusas, colloque appensas Christiani gestabant, memorat Gregorius Turonensis *de glor. martyr. cap. 83. & 84. pag. 816.*

pag. 816. 817. edit. indic. ; Chrysostomus veto tantam sua ætate fuisse indicat sepulcrorum martyrum magnificentiam , ut ea ipsis Principum palatii anteferre non dubitaverit *hom. 26. in ep. 2. ad Corinth. num. 5. opp. tom. 10. pag. 625. edit. Paris. cit.* Facile hinc intelligitur , quam absurdus sit , ac semper ab Ecclesia refutatus error Vigilantiæ , Eunomii , Eustathii , & aliorum , quos imitati sunt recentiores hæretici Zuïnglius , Calvinus , Lutherus , ac ceteri similes , qui sacramentum reliquiarum venerationem improbant , ac superstitionem ducunt . Hottingerus præsertim , Dallæus , Medus , Juræus , Basnagius , omnes ex grege hæreticorum homines , multa absurda , falsa , plenaque impudentiæ scripserunt adversus venerationem sacramentum reliquiarum ; sed eos copiose refutant , & catholicam veritatem tueretur Natalis Alexander *histor. eccles. sæc. 5. dissert. 25. tom. 5. pag. 311. edit. cit.* , Card. Gottus *ver. Christ. Eccles. tom. 2. par. 2. art. 15. tom. 16. Theolog. 9. 7. de cult. Sanctor. dub. 4. & verit. Relig. Christ. cap. 50. §. 2. num. 11. tom. 7.* , Ludovicus Rusca *Jud. Eccles. confirm. tom. 3. cap. 3. art. 8. pag. 410.* , Bossuetus *histor. variat. Eccles. Protest. tom. 3. lib. 13. num. 23. & seq.*

- 2) Consule Augustinum *contr. Faust. Manich. lib. 20. cap. 21. opp. tom. 8. col. 347. edit. indic.* , Gregorium M. *lib. 8. ep. 4. lib. 9. ep. 25. opp. tom. 2. col. 897. & 947. & lib. 1. Dialog. cap. 10. eod. tom. 2. col. 193. edit. Paris. 1705.* , Sozomenum *histor. lib. 5. cap. 9. pag. 192. & lib. 8. cap. 19. p. 351. edit. Valesii Cantabrig. 1720.*
- 3) Augustinus seu potius Auctor *serm. 221. de Sanct. seu 4. de Innocent. in App. tom. 5. col. 365. & in Apocalips. Homil. 6. col. 1150. tom. 3. par. 2.* , Ambrosius *ep. 22. ad Marcellin. num. 1. col. 927. & Exhortat. Virgin. cap. 2. n. 10. col. 348. tom. 3. edit. cit.* , Paulinus *poem. 19. & 26. pag. 471. & 637. edit. Veron.* Id autem a Felice I. Summo Pontifice constitutum tradit Anastasius *in ejus vitæ supra sepulcra , aut memorias martyrum missæ*

celebrarentur. Verum Baronius *ad an. 275. num. 2. tom. 3. pag. 192. edit. Luc.* Felicis ætate antiquiorem esse inquit, quam sententiam præ ceteris sequuntur Bollandistæ *act. SS. April. t. 1. p. 23.*, & Tillemontius *histoir. ecclesast. t. 4. pag. 364. edit. Paris. 1696.*

- 4) Leo IV. *homil. ad Presbyter. & Diacon. apud Labbeum Concil. tom. 8. pag. 33. edit. Venet.*, Ratherius *Orat. Synodic. ad Presbyter. num. 6. col. 414. edit. Veronæ 1765.* Reliquiarum aut ex cruce pendentium, aut super altaribus impositarum antiqua monumenta habes etiam apud Martenium *de antiq. monach. rit. lib. 3. cap. 14. §. 36. cap. 15. §. 3. & lib. 4. cap. 1. tom. 4. pag. 138. 141. & 178. edit. cit.*

- 5) Dignus est, qui describatur, S. Gregorii Nyseni locus *orat. de S. Theodor. pag. 1012. opp. tom. 2. edit. indic.* Nam ipsas attingere reliquias, inquit, si quando aliqua ejusmodi prospera fortuna contingat, ut id facere liceat, quam optabile sit, & summis votis expetitur munus, norunt quicumque sunt experti, & hoc suo desiderio potiti sunt. Hi enim tanquam vivum suum corpus, & florens videntes osculantur, & ad oculos, ad os, ad aures, ad omnes sensus admovent.

- 6) S. Ambrosius *ep. 22. ad Marcellin. §. 9. col. 930. tom. 3. opp. edit. cit.*, Evagrius *histor. lib. 1. cap. 16. pag. 271. edit. Cantabrig. 1720.*, S. Paulinus *ep. 31. ad Sever. col. 189. edit. Veron. cit.*, Consule Joannem Ferrandum *disquisit. reliquiar. lib. 1. cap. 3. sect. 2.*, & Dominicum Georgium *de liturg. Roman. Pontific. lib. 3. cap. 9. num. 9. & seq.*

- 7) *Cap. 1. & 2. de reliq. & venerat. SS.*



## T I T U L U S IX.

## DE SEPULTURIS .

- |  |   |
|--|---|
| I. Cœmeterium unde dictum?   | V. Sepultura gentilitia, & parochialis.                   |
| II. Fidelium cadavera primum extra Ecclesiam, postmodum in Ecclesia sepulta. | VI. Jus Patrochi in deferendis cadaveribus ad sepulturam. |
| III. Cœmeteria loca religiosa.   | VII. Jura funeris.  |
| IV. Sepulturæ electio.   | VIII. Quarta funeraria.                                   |
|  | IX. Quibus ecclesiastica sepultura denegetur?             |

## §. I.

**L**oca sepeliendis Christianorum cadaveribus destinata jam inde ab antiquis Ecclesiæ temporibus appellata sunt cœmeteria, quasi fidelium corpora jacerent in loco dormitionis, unde Christo adveniente excitarentur 1). Loca hæc initio erant extra mœnia civitatis, cum Romanæ Leges, quibus etiam Christiani paruerunt 2), ubi nihil in iis inerat, quod eorum Religioni adversaretur, neminem intra Urbem sepeliri permitterent 3).

1) Apostolus I. ad Thessal. IV. 12. nolumus, inquit vos ignorare fratres de dormientibus, quem in locum inquit Hieronymus ep. 75. num. 1. opportum. 1. col. 448. edit. Veron. cit. Unde Et beatus Apostolus vetat de dormientibus contristari, ut quos dormire novimus, suscitari posse credamus.

2) S. Jo-

- 2) S. Joannes Chrysostomus *hom. de fide & lege naturæ opp. tom. 1. num. 2. pag. 829. hom. 37. al. 38. in Matth. num. 5. pag. 424. tom. 7. & exposit psalm. 5. num. 5. pag. 36. tom. 5. edit. Paris, L. 6. Cod. Theod. de sepulcr. violat.* Reverta in Urbis suburbanis erant Romana cœmeteria, quæ circiter quadraginta tria numerat Baronius ad an. 226. num. 9. tom. 2. pag. 474. & 475., eorumque nomina singillatim Panvinius describit *de cœmeter. c. 12. per tot.* Similiter extra civitatem erant Neapolitana cœmeteria, de quibus agunt Gilbertus Butnetus *ep. 4.*, Mabillonius *Mus. Ital. tom. 1. pag. 14.*, & Mazochius in *Kalendar.* Consule Paulum Aringhium *Rom. subterr. lib. 1. cap. 1. num. 9.*
- 3) Jus hoc erat XII. Tabularum, quod sæpe novis legibus confirmatum fuit ac traductum ad omnes civitates, primum constitutione Hadriani *L. 3. §. Divus ff. de sepulcr. violat.*, idest D. Pii, ut Capitolinus scribit, deinde ceterorum. Vide Paulum *recept. sentent. lib. 1. tit. 21. n. 2.* Ibiq. Schultingium in *not. 8. & seq. Jurispr. vet. Ante-Justinian. tom. 1. pag. 261. & seq. edit. Lipsiæ 1737.*

§. II. Lapsu temporum quorundam cadavera intra Civitatem, nontamen intra Ecclesiam 1) humo tradi cæperunt. Eo privilegio potiti sunt Imperatores, & Reges, qui, ut plurimum, in Ecclesiæ atrio, & porticibus sepeliabantur 2). Postea loca hæc patuerunt etiam populo universo 3); & interim illis una cum Abbatibus, ac viris pietate præstantibus intra Ecclesiam sepultura concessa est 4), quam pridem Episcopi ante ceteros habuerant 5). Denique omnibus in Ecclesia permissus sepulturæ locus 6); quæ hodierna est, qua jamdudum utimur, disciplina.

1) Vide

- 1) Vide Concilium Bracarense I. *can. 18. Delectactor. Eccles. univers. tom. 1. col. 363.*, & Auctorem vitæ S. Fulgentii apud Bollandum 1. *Januar. Leg. 2. Cod. de eccles.* Atque hæc quidem erat consuetudo, quæ generatim obtinebat; non tamen desunt, uti paulo postea demonstrabo, hæc etiam ætate exempla aliquorum, qui in Ecclesia sepulturam habuerunt.
- 2) Id de Costantino narrant Eusebius vit. *Constantin. lib. 4. cap. 71. pag. 668. edit. Cantabrig.*, & S. Joannes Chrysostomus *homil. 26. in 2. ad Corinth. num. 5. opp. tom. 10. pag. 625. edit. Paris.*, de Theodosio Seniore, Arcadio, ac Theodosio Juniore *Nicephorus lib. 14. cap. 58. pag. 581. tom. 2. edit. Paris. 1630.*
- 3) Concilium Nannetense *can. 6. tom. 7. part. 1. col. 358. collect. Harduini*, & Moguntiacum *can. 52. col. 1016. tom. 4. ejusd. collect.*, unde illa desumpta videtur regula, quæ est in Capitularibus Caroli M. *lib. 1. cap. 15. apud Baluzium tom. 1. col. 493. edit. Venet.*
- 4) Clodoveum Francorum Regem, qui vita functus est an. 511., in Basilica S. Petri sepultum fuisse testatur Gregorius Turonensis *histor. lib. 2. cap. 43. col. 100. edit. indic.* Evagrius autem *histor. lib. 4. cap. 31. pag. 412. tom. 3. edit. Valesii Cantabrig. 1720.* narrat, a Justiniano Imperatore ædificatum fuisse templum SS. Apostolorum, in quo Imperatores, ac Sacerdotes sepeliri mos est. Vide etiam Concilium Moguntiacum *cit. c. 52.*, & Triburiense *c. 17. in delect. act. col. 1063. t. 1.* Eodem honore etiam Ecclesiarum conditores affecti sunt, quod demonstrat Sozomenus *histor. lib. 9. cap. 2. pag. 366. edit. Cantabrig.*
- 5) Ætate Ambrosii, hoc est IV. sæculo Episcopus in Ecclesia sepeliri solitos fuisse, constat ex ipso Ambrosio, qui Mediolani subrus altare sibi sepulturam paraverat, at eo illatis Gervasii, & Protasii reliquiis, hunc, inquit *ep. 22. num. 13. opp. tom. 3. col. 931. edit. cit.*, mihi locum prædestinaveram . . . . . sed cedo sacris victimis dexteram  
por-

portionem. Eamdē quinti sæculi fuisse disciplinam, ostendit Pulcheriæ Augustæ epistola ad S. Leonem M., quæ inter ipsius Pontificis epistolas extat post 59. pag. 244. tom. 2. edit. Rom. indicat., unde constat Flaviani Episcopi Constantinopolitani corpus fuisse conditum in Basilica Apostolorum, in qua consueverant prædecessores Episcopi sepeliri. Similiter corpus S. Joannis Chrysostomi, qui hæc vivens dixerat orat. quod Christus sit Deus num. 9. pag. 570. tom. 1. edit. Paris, Constantinopoli Reges nostri magnam gratiam putant, non si prope Apostolos, sed si vel extra eorum vestibula corpora sua sepeliantur, fiantque piscatorum ostiarii Reges, Chrysostomi inquam mortui corpus Constantinopolim delatum, atque in Ecclesia SS. Apostolorum sepultum fuisse, scribit Socrates histor. lib. 7. cap. 45. pag. 393. edit. Cantabrig. Alia per multa ea de re monumenta, collegit Martenius de antiq. Eccles. rit. lib. 3. cap. 13. §. 11. Et seq. tom. 2. pag. 372. indic. edit. Haud tamen desunt antiquissima etiam ætate exempla laicorum quorundam pietate præstantium, qui in Ecclesia sepulti sunt.

- 6) Kepperus, hæreticus videlicet homo, polit. eccles. lib. 1. cap. 15. ritum sepeliendi Christianos in Ecclesia superstitionis arguit, atque hanc consuetudinem ex Monachorum, & Sacerdotum avaricia, ac laicorum ambitione repetit. Eadem fere habent Binghamus origin. eccles. lib. 23. cap. 1. §. 9. tom. 10 indic. edit., & Van-Espenius Jus eccles. univers. par. 2. tit. 38. cap. 2. §. 33. Et 34. Fateor equidem, Christianos olim extra sacras ædes sepeliri consuevisse; sed cum ea res tota sit disciplinæ, quæ Ecclesiæ voluntate mutatur, non video, quamobrem Ecclesia non potuerit decernere, ut fideles intra sacras ædes sepeliantur. Ceterum nova non est, nec antiquis ignota, Patribus consuetudo sepeliendi in Ecclesia fideles, eaque procul abest a superstitione, ceterisque vitiis, quorum arguitur. Mitto tria priora Ecclesiæ sæcula, in quibus Christianis templorum loco erant



cœmeteria, ibique suos agebant conventus, & rem divinam conficiebant. Scio, formidolosis illis temporibus Christianos non quovis loco vellent rebus sacris, atque divinis operam dare potuisse; sed certe si aliqua fuisset superstitio facere rem divinam, precesque fundere, ubi mortuorum cadavera jacebant, alio potius quocunque loco, quam in cœmeteriis illud christiani præstitissent. Sed mitto hoc nascentis, & undique vexatæ Ecclesiæ tempus; quamquam hoc quidem gravissimum sit, & omnem plane, quæ fingitur, superstitionis notam abstergeat. Certe vix data Ecclesiæ pace Constantinus, uti narrat Eusebius in *vit. Constantini lib. 4. cap. 71. pag. 663. edit. indic.*, juxta Apolos sepeliri vehementer cupiebat, eaque de causâ illorum nominibus appellatam Basilicam excitavit. Au hoc desiderium pius Imperator præsetulisset, si quid in ea superstitionis inesse putasset? Paulinus *poem. 19. col. 475. edit. Veron. an. 1736.* memorat cellulas, & eas quidem intra Basilicam, *epistola autem 38. ad Sever. num. 12. col. 203.* cubicula Ecclesiæ, seu capellas, in quibus defunctorum corpora condebantur. Ambrosius, qui, ut mox narravi, sibi in Ecclesia subtus altare sepulturam prætraverat, Sathyro fratri suo, licet laico, in Ecclesia secus tumulum S. Victoris sepulcrum posuit. Eandem Taurinensis Ecclesiæ consuetudinem fuisse, testatur S. Maximus *Homil. 31. col. 261. edit. Romæ 1784.*, Africanæ autem S. Augustinus *lib. 2. retract. cap. 64. col. 63. tom. 1. opp. edit. cit.* Ita etiam Cæsarius Gregorii Nazianzeni frater, ac Paula in Ecclesiis sepulturam habuerunt, quod ostendunt Gregorius Nazianzenus *orat. 10. pag. 167.*, & Hieronymus *ep. 108. num. 29. col. 717. opp. tom. 1. cit. edit. Veronæ.* Quibus adde exempla, quæ supra descripsi, Episcoporum, Regum, ceterorum, qui in Ecclesia sepulti sunt, & facile intelliges, nihil superstitiosum, nihil non religiosum urbana in Ecclesia sepulcra, Patrum omnium judicio, continere. Veram autem causam, propter quam

quam inducta est consuetudo fideles in Ecclesia sepeliendi, apertissime indicant S. Maximus, & S. Augustinus, uterque loc. *max. indic.* Hic enim inquit: *quod vero quisque apud memorias Martyrum sepelitur: hoc tantum mihi videtur prodesse defuncto, ut commendans eum etiam Martyrum patrocinio, effectus pro illo supplicationis augeatur.* Ille autem habet hæc: *Ideo hoc a Majoribus provisum est, ut Sanctorum ossibus nostra corpora sociemus . . . . . Cum Sanctis ergo Martyribus quiescentes evadimus inferni tenebras.* Pium hoc desiderium patrocinii Sanctorum, quibus se Fideles commendant, & quibus morientes suum quasi credunt corpus, ut studium ostendant, quo in eos feruntur, vera causa est, propter quam & olim sepelirentur, & nunc Christiani in Ecclesia sepeliantur; non autem superstitio, aut hominum ambitio, aut avaritia Clericorum. Consule Muratorium *dissert. 17. ad calc. opp. S. Paulini col. 838. Et seq. edit. Veron. 1736.*, qui illos, quos indicavi, Paulini locos illustrat, ac de antiquis Christianorum in Ecclesia sepulturis copiose, & accurate disputat.

§. III. Nunc quamquam Christianis omnibus in Ecclesia sepultura permittatur, tamen in multis locis cœmeteria sunt, in quibus mortuorum corpora humo teguntur 1). Sunt autem cœmeteria loca religiosa, solemnibus Episcopi benedictione 2), humandis fidelium cadaveribus addicta, eaque prope ipsas Ecclesias sita esse solent. Ubi nulla sunt cœmeteria ab Ecclesiis distincta, Christiani in ipsis Ecclesiis sepeliuntur; nefas autem est eorum aliquem in loco profano sepulturam habere 3).

1) *Ubi viget antiqua consuetudo, inquit Rituale Romanum editum jussu Pauli V. tit. de Exequiis,*

*sepeliendi mortuos in cœmeterio, retineatur, Et ubi fieri potest, restituatur.* Vide etiam Concilium Mediolanense I. par. 2. cap. 61.

- 2) Benedictio cœmeterii jam vigeat ætate S. Gregorii Turonensis, uti patet *ex lib. de glor. Confessor. cap. 106. col. 986. edit. indic.* Benedictionis ritus descriptos ex antiquis libris Ritualibus habet Martenius *de antiq. Eccles. rit. lib. 2. cap. 20. tom. 2. pag. 294. Et seq. laud. edit.*
- 3) *Cap. 3. de sepultur. ibique Gonzalez.*

§. IV. Integrum cuique est sibi Ecclesiam eligere, in qua ejus cadaver sepeliatur; modo Ecclesia sepeliendi jus habeat. Quo jure gaudent Ecclesiæ Cathedrales, ac Parochiales, quæque illud consuetudine, aut privilegio adeptæ sunt 1). Quare etiam uxor, invito marito, & filius pubes, quamquam sit in patris potestate, liberam sepulturæ optionem habent 2). Sed filio impuberi ob inopiam consilii pater eligit sepulturam, si id loci consuetudo patiat 3); secus enim aut in sepulcro Majorum, aut in Parochiali Ecclesia conditur 4). Similiter neque Regularibus, qui suo carent arbitrio, sibi eligere sepulturam licet; nisi procul a suis monasteriis decedant, ita ut ad ea transferri commode nequeant 5).

- 1) In *Clem. 2. de sepultur. Dominicanis, & Franciscanis* conceditur sepeliendi privilegium in eorum Ecclesiis, quod privilegium aliis quoque Regularibus concessum fuisse, observat Pithingius *Jur. Canon. lib. 3. tit. 28. num. 30.*
- 2) *Cap. 3. Et 4. de sepultur. in 6.*
- 3) *Cap. 7. de sepultur.*
- 4) *Cap. 4. eod. in 6.*
- 5) *Cap. ult. de sepultur. in 6.*

§. V.

§. V. Si quis sibi sepulturam non elegit, eam habet in sepulcro majorum, vel si eo careat, in Ecclesia parochiali 1). Mulieres autem si non elegerint sepulturam, cum viris suis sepeliendæ sunt 2), & si plures habuere viros, cum eo sepeliuntur, cui postremo nupserunt 3). Monachi etiam, & Regulares humanantur in Ecclesia, vel cœmeterio sui monasterii, quod ipsi parochiæ loco est 4); & similiter canonici, ac beneficiati in Ecclesia sui capituli, vel beneficii sepeliuntur. Cadaver, quod contra interdictum extra propriam Ecclesiam humo traditum fuit, si petatur, effodiendum est, ac propriæ Ecclesiæ restituendum 5),

1) *Can. 2. c. 13. q. 2., Cap. 1. de sepultur., Cap. 3. eod. in 6.*

2) *Can. 2. & 3. c. 13. q. 2.*

3) *Can. 3. cit., Cap. 3. de sepultur. in 6.*

4) *Cap. ult. eod. in 6.*

5) *Cap. 5. de sepult.*

§. VI. Cum cadaver extra parœciam sepelitur, antequam domo educatur, a parocho benedicendum est, eoque comite ad sepulcrum deferendum. Hæc quidem consuetudo est, quæ ubique in Italia viget; sed in ultramontanis quibusdam regionibus exequiæ in parœcia celebrantur, quod jus Decretalium est 1).

1) Confer Interpretes ad *Cap. 9. de sepultur.*

§. VII. Vetus est disciplina, per quam oblationes pro mortuis fiunt, easque Ecclesia recipiebat, si Christiani in ejus communione de-

cessissent. Hujusmodi oblationes initio ex sola fidelium voluntate procedebant; sed postea conversæ sunt in laudabiles consuetudines; & nunc heredes cogi possunt ad præstandas oblationes, quæ populorum moribus receptæ sunt 1). Atque hæc sunt jura, quæ *funeraria* dicuntur, quæque ob curam animarum parochi debentur.

1) *Cap. 42. de Simon.*

§. VIII. Quod si aliquis extra Ecclesiam parochialem tumulo mandetur, ex iis rebus, quæ ad aliam Ecclesiam funeris causa delata sunt, pars aliqua detrahitur, quæ dicitur *quarta funeraria*, seu *canonica*, & parœciæ tribuitur. Nam justum visum est aliquid ex iis rebus dare Ecclesiæ parochiali, quæ defuncto curam spiritualem impendit 1). Hæc autem portio non eadem ubique est, sed alibi quarta, alibi tertia alibi major, aut minor pro gentium moribus 2); verum, quantacunque sit, semper *quarta* appellatur; atque ex consuetudine, pactisque conventis noscitur, quibus ex rebus detrahenda sit. Generatim tamen non detrahitur ex donationibus inter vivos, neque ex legatis missarum, & anniversariorum, atque ex ceteris, quæ pia relictæ dicuntur 3).

1) *Cap. 1. de sepultur.* Plures sunt Românorum Pontificum Constitutiones, per quas Regulares, quorum in Ecclesiis fidelium cadavera sepeliuntur, ab hujus quartæ solutione liberantur; cunctasque memorat Gaudentius a Janua *de visit. Prælat. regul. tom. 2. cap. 7. dub. 20. sect. 3. num. 35. §. 1.* Sed Concillium Tridentinum *sess. 25. cap. 13. de*

*re-*

*reform.* sancivit, ut ii Regulares, qui annis ante ipsum Concilium quadraginta quarram solvere consueverant, eam etiam in posterumolvere deberent, ceteri, qui ante hoc tempus numquam solverunt, eodem onere non tenerentur. Decretum hoc Synodi Tridentinæ declaravit S. Pius V. *Const. Etsi Mendicantium* 58. *Bullar. tom. 4. par. 2. pag. 373.*, Gregorius XIII. *Const. In tanta* 15. *pag. 271. tom. 4. par. 3.*, Paulus V. *Const. Decet* 6. *pag. 150. tom. 5. par. 3.* Denique Benedictus XIII. *Const. Romanus* 51. *pag. 394. to. 11.* omnia sustulit privilegia post *Clement. dudum de sepultur.*, & post Concilium Tridentinum concessa Regularibus, qui sunt in Italia, atque in Insulis ad eam pertinentibus, de non solvenda quatta patochiæ defunctorum, qui in eorum Ecclesiis sepeliuntur. Hodie igitur hac lege Benedicti XIII. reguntur monasteria Regularium in Italia, atque in finitimis Insulis; ceteri Regulares, qui extra has regiones commorantur, Tridentinæ, quam memoravi, legi subjiciuntur.

2) *Cap. 9. eod.*

3) *Cap. 10. eod.*, *Cap. ult. de testam.* Confer S. Pium V. *cit. Const. Etsi Mendicantium*, & Benedictum XIII. *cit. Const. Romanus*.

§. IX. Ecclesiastica sepultura pars est christianæ communionis, quæ etiam post mortem manet; ideoque ab illa repelluntur, qui viventes ea communione carebant, atque ab Ecclesia sejuncti ex hac vita migrarunt 1). Quamobrem ecclesiastica sepultura privantur judæi, ethnici, infideles omnes, atque etiam infantes mortui sine baptismo 2), apostatæ, hæretici, schismatici manifesti 3); nominatim interdicti 4); excommunicati vitandi, qui nimirum palam in clericum violentas manus injecerunt, & quos Judex Ecclesiasticus nominatim excommunicatos

declaravit 5); qui sibi mortem consciverunt, nisi eos furore actos id egisse constet 6); qui in singulari certamine 7), aut in torneamentis, quæ mortis periculum habent 8), interfecti sunt; qui in Paschate Pœnitentiæ, & Eucharistiæ sacramentum voluntarie omiserunt 9); usurarii manifesti 10); monachi mortui cum peculio 11); fures, & latrones in crimine deprehensi, & occisi 12); raptores Ecclesiarum, qui non satisfecerint 13); denique omnes publici peccatores, qui sine pœnitentia decesserint 14). Quod si horum aliquis in loco sacro sepulturam habuerit, ejus cadaver, modo internosci possit, e sepulcro educendum est, atque in loco profano collocandum 15).

1) *Cap. 12. de sepultur.*

2) *Can. 27. & 28. de consecr. dist. 1. , Rituale Romanum tit. de exeq. rubr. quib. non lic. dar. eccles. sepult.*

3) *Caus. 24. quæst. 1. per tot.*

4) *Cap. 10. de sepult., Cap. 17. de verb. signific., Cap. 20. de senten. excom. in 6., Clemen. 1. de sepultur.*

5) Excommunicati vitandi, secundum celebre decretum Martini V. editum in Concilio Constantiensi, ii tantum habentur, quos Judex Ecclesiasticus palam excommunicatos pronunciavit, atque eos uti tales speciatim, & expresse declaravit. Eodem e genere sunt, quos ob manus in clericum injectas ira certum, atque exploratum omnibus est incidisse in sententiam latam a *Can. si quis suadente diabolo*, ut eorum factum neque cæleri, neque excusari aliqua ratione possit. Quibus Benedictus XIV. in *Const. Detestabilem* 6. §. 9. tom. 4. ejus Bullar. pag. 22. edit. cit. addidit decedentes in certamine singulari, vel etiam pro-

procul à loco certaminis, sed ex eo tamen accepto vulnere, quamquam vitandi declarati non fuerint. Hi omnes tamquam excommunicati vitandi nunc ab ecclesiastica sepultura excluduntur.

- 6) *Can. 11. & 12. c. 23. q. 5.*
- 7) *Concilium Tridentinum sess. 25. cap. 19. de reform. Vide etiam cit. Constit. Detestabilem Benedicti XIV.*
- 8) *Cap. 1. & 2. de torneamen., Gregorius XIII. Constit. Ad tollendum 140. Bullar. tom. 4. par. 4. pag. 19., & Clemens VIII. Const. Illius vices 30. tom. 5. par. 1. pag. 385.*
- 9) *Cap. 12. de peniten. & remiss.*
- 10) *Cap. 3. de usur., Cap. 2. eod. in 6.*
- 11) *Cap. 2. & 6. de stat. monachor.*
- 12) *Cap. 2. de furtis.*
- 13) *Cap. 2. & 5. de raptor.*
- 14) *Can. 16. c. 13. q. 2.*
- 15) *Cap. 12. de sepultur.*



## T I T U L U S X.

### DE M O N A S T E R I I S.

- I. Monasterium quid?                      dum?  
 II. Quid in novo erigen-      III. Exemptio monasterio-  
     do monasterio observan-      rum.

#### §. I.

**M**onasterium proprie significat locum, in quo solitarii vitam agunt, & vero monasteria initio erant domicilia eorum, qui e civitate in solitudines discedebant. Sed postea visum est in Urbes vocare Monachos, ut  
 Chri-



Christianam Religionem tuerentur, & amplificarent 1); lapsu autem temporum multi Regulares in mediis urbibus initio sunt instituti, ut in procuranda salute animarum clericis opem ferrent. Hodie igitur monasteria dicuntur omnia loca, in quibus plures habitant, qui certa obstricti regula communem vitam ducunt, & qui pro diversa sui instituti ratione Monachi, Mendicantes, Canonici Regulares, Clerici Regulares appellantur.

- 1) S. Basilium monasteria in urbe constituisse, ut Monachi contra Arianos catholicam fidem tuerentur, narrat Socrates *histor. lib. 4. cap. 26. pag. 247. edit. Cantabrig.* Cum vero Monachi in Civitates deducti sunt, ut subsidio essent clericis, novum hoc officium, quod suscipere debebant, eos deserere coegit laborem manuum, quo pridem vitam transigebant, cum omnibus soluti curis in solitudine versabantur. Non enim se amplius poterant in hoc labore exercere, qui suam in ro-  
tius Christiani populi utilitate operam collocare debebant. Accedit, quod priscis monachis, quibus nulli erant ad vitam agendam reditus, necessarius erat manuum labor, ut per eum sibi ad vitam necessaria compararent. Sed cum suam pro Christiano populo operam impendere ceperunt, æquum profecto, & omni Juri consentaneum fuit, ut necessaria acciperent ab iis, quibus sua erat addicta opera, & occupatio. Hi dederunt, uti par erat, hujus operæ remunerandæ causa bona, cum quibus Monachi vitam traducerent; & ita sua sponte desitit manuum labor, cui non amplius Monachi aliis distenti curis vacare poterant, & quem vitæ necessitas non amplius postulabat. Tunc autem illi sese dederunt studiis, atque laboribus, qui in rei Christianæ publicæ utilitatem redundarent, quique non solum  
ad

ad Religionis officia, sed etiam ad studia literarum pertinerent. Quanta autem ad nos delata sint bona ex his Monachorum curis, atque laboribus, ignorat nemo, idque, ut ceteros mittam, demonstrat Mabillonii opus *de studiis monasticis*, demonstrant præclara opeta Maurinorum, aliorumque complurium, quorum studiis, atque occupatione magna omnibus utilitas allata est. Neque vero illa, in qua nunc Monachi versantur, occupatio eorum instituti sanctitati adversatur, quod ipse fatetur Eybelius *introduc. in jus eccles. tom. 4. lib. 2. cap. 11. §. 335. not. 1.*; nec certe aliquis reprehendat Monachos, quod pro commodo, atque utilitate Christianæ Reipublicæ operam terunt. Consule F. G. Ziebrecht *cap. 4. §. 35. seq.*, qui peculiati libro Bassani edito an. 1783. refutavit Rautenstrauchium, qui opere, cui titulus *septem capita de Religiosis* Monachos ad priscum vitæ institutum, manuumque laborem revocare vellet. Atque id quidem pertinet ad antiquos Monachos, qui initio ea lege instituti sunt, ut in solitudine vitam agerent, ac manuum labori vacarent. Nam ineptum esset, contraque instituti legem ad solitudinem, ac manuum laborem vacare ceteros Regulares, quos recentiori ætate, pii homines longe aliis regulis instituerunt, & quos in mediis civitatibus versari voluerunt, ut Christianis auxilio sint. Visum est hæc monere, & edicere, ut satisfactum sit Scriptoribus Annalium Ecclesiasticorum Florentiæ, qui mihi sententiam adscribunt, a qua longe absunt. Nimirum quod harum Institutionum *lib. 1. tit. 1. §. 9. not. 5.* Clerico licere dixi labore manuum suarum, & honesto artificio sibi victum comparare, ita hanc meam sententiam interpretati sunt, quasi illis videar assentiri, qui monachos revocari velent ad manuum laborem, in quo sese olim solitariam agentes vitam exercebant. Sed omnes facile intelligunt, quam longe alia, ac diversa sit sententia agentis, quod liceat clerico labore manuum suarum, & honesto artificio sibi victum

com-

comparare, ac sententia illorum; quæ falso putant, Monachos ad hunc laborem omnino esse cogendos. Hæc adversus Annalium Scriptores monenda esse duxi, ut omnes intelligant, quam valde dissentiam ab iis opinionibus, quibus ipsi contra omnem recti, verique speciem assentiuntur. De ceteris, quorum causa me reprehendendum putarunt, non laboro; quoniam mihi non molestum, sed gloriosum est, a quibusdam reprehendi, quod omnibus comperta esse volo jura certissima Summi Pontificis, quem Christus Dominus non solum honore, ac dignitate, sed etiam imperio, & jurisdictione præesse voluit Ecclesiæ universæ.

§. II. Novum monasterium sine venia Episcopi, ac Sedis Apostolicæ excitari non potest 1). In primis autem cavendum est, ne novum opus in grave aliorum detrimentum redundet. Quare Episcopus veniam non concedit, nisi primum vocaverit, atque audiverit Præfectos, vel Procuratores antiquorum monasteriorum, quæ sunt in locis circum positis per quatuor millia passuum, atque etiam Parochum, intra cujus parœciæ fines novum monasterium erigitur 2). Præterea nullum extruitur novi monasterii ædificium, nisi in eo duodecim saltem Monachi, seu Religiosi habitare, atque ex redditibus, & consuetis fidelium eleemosynis sustentari possint 3). Denique Monialium monasteria non nisi in urbibus sita esse debent, ne obnoxia sint prædæ, ac ceteris pravorum hominum cupiditatibus 4).

- 1) Nova monasteria sine Episcopi consensu ædificari non posse, statuit Concilium Tridentinum sess. 25. cap. 3. de Regul. Tridentinam hanc legem explicarunt Clemens VIII. *Const. Quoniam ad*

- ad Institutam Bullar. tom. 5. par. 3. pag. 14. , & Gregorius XV. Const. Cum alias 70. tom. 5. par. 5. pag. 47. Verum cum Tridentina Synodus, ac Romani Pontifices Episcopi veniam postulant, ut novum monasterium erigatur, nihil detrahunt de antiquo jure, quod etiam Sedis Apostolicæ veniam requirit in Cap. unic. §. confirmatos de relig. domib. in 6., Et in Cap. unic. de exces. Prælat. in 6. Qua de re edita est ab Innocentio X. Constitutio Instaurandæ 157. Bullar. tom. 6. par. 3. pag. 233., qua sancitum est, ut sine venia Sedis Apostolicæ novum monasterium excitari nequeat, atque ut primum Congregatio Episcoporum, & Regularium diligenter videat, num præsto sint omnia, quæ requiruntur, ut rite monasterium ædificetur. Quæ constitutio quamquam ad Italiam, atque ad ejus Insulas pertineat, tamen etiam extra Italiam ubique servatur. Quare in novo monasterio erigendo & Episcopi, & Sedis Apostolicæ venia necessaria est. Confer Benedicrum XIV. de Synod. diæces. lib. 9. cap. 1. num. 9.*
- 2) Clemens VIII. cit. const. Quoniam, & Gregorius XV. cit. const. Cum alias.
  - 3) Vide Gregorium XV. loc. cit.
  - 4) Concilium Tridentinum sess. 25. de regul. c. 5.

§. III. Regularium monasteria de Episcopi potestate subtracta, sive exempta, & uni Pontifici subjecta sunt. Quæ exemptio antiquissima in Ecclesia est 1), eaque repetitur ex amplissima potestate, per quam Summus Pontifex certos Episcopo subditos adimere potest, eosque vel aliis, vel sibimet uni subicere. Etiam Patriarchæ Orientales in sui Exarchatus monasteria amplissimum habebant imperium 2), & nunc etiam apud ipsos viget *jus stauropegii*, & id, quidem non fraude, ac violenter arreptum, sed antiquissima consuetudine acquisitum 3), quod  
in

in eo positum est, ut in monasterii fundatione, Patriarcha, si velit, crucem figat, eoque actu novum monasterium ab Episcopi jurisdictione subtrahat, sibi que uni obnoxium faciat 4). An quod licet Orientalibus Patriarchis, multo magis non licebit Summo Pontifici, qui non tantum habet jura Patriarchatus in toto Occidente, sed etiam divinitus constitutus est Princeps, Caput, Gubernator omnium Christi Ecclesiarum? Verum etiam in monasteria exempta interdum, Episcopus jurisdictionem exercet, qua de re copiose egimus libro superiori. Id unum nunc monemus, Episcopo subjecta esse monasteria, in quibus duodecim Religiosi non habitant 5).

1) Exemptionis ab Episcopi jurisdictione, quam Regularibus Summi Pontifices concesserunt, exempla sunt apud S. Gregorium M., aliosque antiquissimos Summos Pontifices, illaque sæpe, ipsis rogantibus Principibus, attributa fuit, quæ omnia accurate describit Thomasinus *vet. & nov. Eccles. disciplin. par. 1. lib. 3. cap. 30. & seq.* Præcipuas vero, easque Justissimas exemptionum concedendarum causas enumerat Petrus Blesensis *ep. 68. ad Alexandrum III. pag. 103. edit. Paris. 1667.* scimus, inquit, quod ob quietem monasteriorum, & Episcoporum tyrannidem has exemptiones plerumque Romani Pontifices indulserunt. Graviter, & copiose de Regularium exemptione disputant VV. CCL. Mamachius in *laudat. oper. contr. Auctor. opusculi quid est Papa? ep. 3. §. 14. to. 1. pag. 272. & seq.*, & Zaccaria in *Anti-Febronio par. 2. lib. 5. cap. 1. §. 6. & in Anti-Febronio vindicat. dissert. 9. cap. 4.*

2) Consule Thomasinum *loc. cit. lib. 1. cap. 9. num. 15. & cap. 16. num. 1.*

3) Vide Christianum Lupum *dissert. de S. Leonis IX.*

*IX. act. cap. 16. opp. tom. 4. pag. 437. edit. Venet. 1725.*

- 4) Confer Benedictum XIV. *Const. Inter plures* 98. §. 19. *tom. 1. ejus Bullar. pag. 214. edit. indic.* Imo non Patriarcharum modo, sed etiam Metropolitanarum, qui certos ex Episcopi jurisdictione subditos subtraxerunt, atque eos sibi tantum subjectos voluerunt, in ecclesiasticis monumentis luculentissima exempla sunt. Ecce sæculo V. Primates Carthaginienses quædam sibi monasteria subjecerunt, eaque a suorum Episcoporum jurisdictione exemerunt. Confer Concilium Carthaginiense an. 525., in quo veneranda Patrum constituta de jure Primatis Carthaginiensis memorantur *tom. 2. concil. col. 1071. seq. collect. Harduini*, & confer etiam Mabillonium *Annal. Benedictin. ad an. 525. num. XIII. seq. tom. 1. pag. 38. seq. edit. Lucæ 1739.* Cumque Liberatus primæ Sedis Byzacenæ Episcopus monasterium in suæ diocæsi positum sibi subicere tentasset, S. Bonifacius Primas Carthaginiensis coacta synodo graviter conquestus est, quod idem Liberatus, *capta injustissimæ querelæ occasione, privilegia Sanctæ Carthaginensis Ecclesiæ subtrahere moliretur.* Episcoporum autem, qui ad synodum conveniant, una fuit sententia, & vox una, integra esse oportere jura primæ Sedis Africanæ, ab se autem illi exhiberi, *quod antiquitas ejus prædecessoribus detulisset.* Concilium Carthaginiense mox laudatum c. 1084. *seq. loc. indic.* Vide etiam Concilium habitum sub Reparato Carthaginiensi an. 534., quod memorat ipse Mabillonius *loc. cit. num. XVIII. pag. 40.*, & quo sancitum est, ut firma, immotaque essent, quæ sub S. Bonifacio in universali concilio gesta fuerant Mabillonius *ibid. num. 19.* Quid? Cum Carthaginiensis Episcopus jure Primatus, quem in Africa habebat, alienos subditos ordinabat, nonne eos subtraheret ex suorum Episcoporum jurisdictione, eosque sibi submittebat? Atqui in Concilio Africano Aurelius Carthaginiensis Episcopus quæri voluit,
- num

num sibi propter sollicitudinem, quam gerebat, cunctarum in Africa Ecclesiarum, alienos subditos, etiam proptio Episcopo invito, ordinate liceret? Nemo autem ex Episcopis, qui aderant, fuit, qui non id suo jure Carthaginensi Episcopo licere fateretur, etiamsi illi subjectus Episcopus unum tantum haberet Presbyterum, quique non agnosceret, hanc semper fuisse superioris ætatis legem, & consuetudinem. Consule Concilium Africanum cap. 22. apud Pirhæum Cod. Canon. Eccles. Roman. pag. 148. edit. Paris. cit. Quod licuit Carthaginensi Episcopo, quem tantum Jus Ecclesiasticum Africæ Primatem fecerat, nonne magis licebit Summo Pontifici, quem Christus ipse totius Ecclesiæ Primatem constituit?

- 5) Innocentius X. Const. Instaurandæ 157. & in Decret. Ut in parvis Bullar. tom. 6. par. 3. pag. 233. & 270. e medio sustulit, & extinxit parva viro- rum monasteria, in quibus sex saltem Religiosi non erant, & si quæ adhuc extarent hujusmodi monasteria, Episcopo, tamquam Sedis Apostolicæ delegato, subjecta esse voluit. Innocentius autem XII. apud Giraldum Exposit. Jur. Pontif. par. 2. sect. 156. pag. 1028. Episcopo subjectis monasteria, in quibus duodecim Religiosi non habitant. Innocentii XII. Constitutio comprehendit etiam conventus, seu domus regulares, quæ a præcipuo aliquo monasterio pendent, quæque Granciæ latiori significatione appellantur, quod illi conjunctæ sunt, atque ejus veluti prædia, seu membra habentur. Nam Granciæ proprie sunt domus rurales, seu prædia rustica, quæ ad monasterium pertinent, & in quibus non monachi, sed tantum conversi pro colendis agris commorantur. Atque hæ Granciæ neque Ecclesiam habent, neque publicum oratorium Episcopi auctoritate constitutum, & loca non sacra, aut religiosa, sed temporalia, ac profana sunt. Videntur sunt Fagnanus in discept. de Granciis post tit. de censib. exaction., & Giraldus Exposit. Jur. Pontif. par. 1. lib. 3. tit. 39. pag. 409. & seq.



## T I T U L U S X I .

## DE HOSPITALIBUS.

- |   |                                     |
|---|-------------------------------------|
| I. Hospitalia apud Christianos antiquissima . | III. Hospitalia Episcopo subjecta . |
| II. Variz eorum species .                     | IV. Loca pia .                      |

## §. I.

**M** Agnam sibi semper Ecclesia curam assumpsit fovendorum, ac recreandorum pauperum, qui aliena ope indigerent; & in ipso quidem Christianæ Religionis initio Fideles bonorum pretium Apostolis offerebant, ut illud inter pauperes distribuerent 1). Sed data Ecclesiæ pace, publicas etiam ædes Christiani ædificare cæperunt, quibus pauperes exciperentur hospitio, ac necessaria quæque obtinerent 2). Præsertim vero Christiani Occidentales ea de re laborarunt octavo, & nono sæculo; qua tempestate omnia fere monachorum, & canonicorum monasteria conjunctas habebant ædes, quæ præsidio erant pauperibus, ægrotis, peregrinis. Alia etiam ejusdem generis diversoria constituta sunt, potissimum ut hospitalis domus fere ubique pateret iis, qui sacras peregrinationes suscipiebant 3).

1) Act. Apostol. IV. 37.  
Tom-II.

A 2

2) Sæ.



- 2) Sæculo IV. jam plura ædificata fuisse hospitalia certum est. Gregorius Nazianzenus *orat.* 3. num. 95. pag. 102. *opp. tom. 1. edit. Colon. 1690.* Julianum Apostatam ridet, quod Infidelibus Christianorum exemplum proponens eos horretur ad excitanda xenodochia κατὰ φύσιν καὶ ξενόδοχα. Ipse Gregorius *orat.* 20. pag. 359. *pro:otrophia* a S. Basilio extra Urbem Episcopalem magnificentissime extructa memorat. Celebre est etiam xenodochium Romæ a Pammachio, & Nosocomium a Fabiola erectum, uti narrat Hieronymus *ep.* 66. *ad Pammachium* n. 11. *Et ep.* 77. *ad Ocean.* num. 6. *opp. tom. 1. col.* 399. *Et* 457. *edit. Vallatssii Veronæ.* Denique Theodotus *histor. lib. 5. cap.* 19. pag. 219. *edit. Contabrig.* narrat, Flacillam Augustam Theodosii M. uxorem in Ecclesiæ xenodochiis abjecta quæque munera exercuisse.
- 2) Consule Thomasinum *vet. Et nov. Eccles. disciplin. par. 1. lib. 2. cap.* 89. *Et seq.*
- 3) Confer Mutatorium *antig. Italic. dissert.* 37.

§. II. Loca hospitibus, ac peregrinis excipiendis destinata proprie hospitalia dicuntur; at eo nomine vulgo vocantur omnia loca, quæ alendis, educandis, sustentandis quibusvis hominibus ope egentibus addicta sunt. Hinc plura sunt hospitalia, quæ propriis nominibus designantur, veluti *xenodochia*, quibus hospites excipiuntur, *Orphanotrophia* orphanis educandis, *Noscomia* ægrotis curandis, *Prochotrophia* pauperibus sustentandis, *Gerontocomia* alendis senibus, *Brephotrophia* nutriendis infantibus comparata.

§. III. Omnia hæc loca subjiuntur Episcopo dioceseos, in qua sita sunt, nisi exempta probentur, aut aliud postulent leges, quæ in eorum fundatione constitutæ sunt. Quin etiam exem-

exempta poterit Episcopus, ubi opus fuerit, visitare, atque corrigere, exceptis hospitalibus militarium ordinum, aut religiosorum, quibus antiqua institutionis decreta servanda sunt 1), itemque exceptis hospitalibus, quæ sub immediata Regum protectione sunt 2). Verum & horum locorum, quamquam a laicis regantur, Administratores quovis anno reddere Episcopo debent gestæ administrationis rationem, nisi aliter in eorum fundatione cautum sit 3). Quod si lege aliqua, privilegio, aut consuetudine hæc ratio aliis reddenda sit, tamen cum iis etiam Episcopus erit adhibendus.

1) *Clem. 2. §. præmissa de relig. domib.*

2) *Concilium Tridentinum sess. 22. cap. 8. de reform. Vide Giraldum exposit. Jur. Pontif. par. 2. sect. 82. tom. 2. pag. 922., ubi explicatur, quæ hospitalia sint, quæ sub immediata Regum protectione esse dicantur, quæque Episcopi visitationi non subsint.*

3) *Concil. Tridentinum sess. 22. cap. 9. de reform.*

§. IV. Quod de hospitalibus dico, id etiam dictum volo de ceteris piis locis, uti sunt confraternitates, quas vocant, collegia, cetera similia, quæ cuncta Episcopo subsunt, quamquam a laicis administrentur. Ac de Confraternitatibus præsertim decet animadvertere, eas erigendas esse auctoritate Episcopi, qui earumdem etiam statuta cognoscere, atque approbare debet 1).

1) *Clemens VIII. Const. Quæcumque 350. Bullarii tom. 5. par. 3. pag. 85.*

ribus, sacris vasis, libris, agapis, quod ecclesiastici convivii genus erat.

§. II. Ipse Christus, cum hanc societatem instituit, ei communia bona esse voluit, hoc est pecuniam collectam ex fidelium oblationibus 1), habuitque loculos 2), cum quibus Apostolis, discipulis, pauperibus opitularetur. Christi exemplum sequuti sunt Apostoli 3); deinde vero, cum eorum successores Ecclesiæ regimini præfuerunt, eadem omnino ratio rerum fuit 4).

- 1) *Euntes emamus ducentis denariis panes*, scriptum est apud Marcum VI. 37., apud Lucam IX. 13. seq. *eamus*, *Et emamus in omnem hanc turbam escas*, apud Joannem IV. 8. *discipuli ejus abierant in civitatem*, *ut cibos emerent*. An emi aliquid potuisset, nisi aut Christus, aut cum ejus consensu Apostoli ab offerentibus pecuniam accepissent?
- 2) Joannes XII. 6. XIII. 29. Vulgata habet *loculos*; sed in Græco textu a fidelibus oblatum positum dicitur *ἐν τῷ γλωσσόκτιμῳ*, in *marsupio*, quod *fiscum Reipublicæ Domini* appellat Augustinus *enarrat. in psalm. 146. num. 17. opp. tom. 4. col. 1648. edit. cit.*
- 3) Actor. II. 44. IV. 34. V. 1. seq. Confer Terullianum *de fug. in persecut. cap. 12. pag. 542.*, Origenem *hom. 15. in Matth. cap. 15. pag. 673. seq. tom. 3.*, S. Cyprianum *testimon. ad Quirin. lib. 3. num. 3. pag. 46. Et de oper. & eleemosyn. pag. 144. edit. Amstelædami 1700.*
- 4) Adeundus Doctissimus Mamachius *del diritto libero della Chiesa di acquistare, e possedere lib. 2. cap. 2. §. 2. pag. 251. seq.*, a quo hæc omnia copiose, diligenterque explicantur.

§. III. Hæc autem bona non aliqua hominum lege, sed Christi voluntate, & exemplo

Ecclesia acquisivit. Nam Christianorum Respublica contra eorum, qui tunc imperio potiebantur, voluntatem a Christo fuerat constituta, neque civiles leges, quibus tunc orbis terrarum regebatur, cœtum hominum non earum jure sociatum aliquid acquirere, ac retinere permittebat. Quare si hæc societas contra id, quod esset humana lege præscriptum, bona habuit, auctoritate ipsa Christi; consequens est, ut ab Ecclesia divino jure acquirantur, ac retineantur bona; atque hoc jus divinum agnoverint Apostoli, & eorum successores, qui hæc Ecclesiæ bona esse voluerunt, cum eadem esse vetarent leges ethnicorum, quorum tunc dominatu omnia tenebantur 1).

\*) Consule Mamachium *loc. cit.*

§. IV. Donec ethnici rerum potiti sunt, Ecclesiæ bona præsertim fuerunt res mobiles, quæ in illis ærumnis facile celari, asportari, ac distribui poterant. Verum & hac tempestate, non defuerunt bona immobilia; & sane edicto Constantini, ac Licinii ethnici jussi sunt Christianis ea restituere, quæ hoc temporis intervallo rapuerant 1). Data Christianis pace a Constantino, Ecclesia bonis immobilibus abundare cœpit, & multa ei per contractus inter vivos tributa, multa testamento relicta sunt. Ipsi etiam Christiani Imperatores certam pecuniæ vim ex publico ærario Ecclesiæ solvi voluerunt 2); quam liberalitatem a Juliano Apostata sublatam Marcianus restituit 3), & sæpe etiam ethnicorum templa, eorumque redditus Ecclesiis adscripserunt 4).

1) Con-

- 1) Confer Eusebium *histor. lib. 10. cap. 5. pag. 482.*, & *de vit. Constantin. lib. 2. c. 39. pag. 555.* edit. Cantabrig. cit., & Lactantium *de mort. persecut. cap. 48. pag. 244. opp. tom. 1. edit. Paris. 1748.* Hos autem Eusebii, & Lactantii locos solide, ac diligenter expendit Cl. Mamachius *del diritto libero Ec. lib. 2. cap. 2. §. 8. pag. 358. seq.*
- 2) Vide Eusebium *histor. lib. 10. cap. 6. pag. 186.*, & Sozomenum *histor. lib. 5. cap. 5. pag. 186. indic. edit. Cantabrig.*
- 3) *Leg. 12. Cod. de Sacros. Eccles.*
- 4) *Leg. 20. Cod. Theodos. de pagan.*

§. V. Scilicet ut Gentes Christianæ Religionis lucem aspicere cæperunt, consequens erat, ut Ecclesia, quam Ethnici inter vetita collegia recensebant, & ideo nihil ei donari, aut testamento relinqui sinebant 1), civilibus quoque legibus sanctissima, & omni jure instituta societas haberetur. Cur igitur frui non debebat juribus societatum, quæ legibus probatæ erant, quibus aut per contractum inter vivos, aut per testamentum quidquid acquirere licebat? Itaque civiles leges hoc jus Ecclesiæ agnoverunt, & confirmarunt 2); quin etiam actum est de conservandis bonis Ecclesiarum, quarum est vetita alienatio 3); deque acquirendis bonis clerici, aut monachi sine heredibus, ac sine testamento morientis, quæ adscripta sunt Ecclesiæ, aut monasterio, cui vivens addictus fuerat 4).

- 1) *Leg. 8. Cod. de hered. instit.*
- 2) *Leg. 1. Cod. de Sacros. Eccles.*
- 3) *Leg. 14. Cod. de Sacros. Eccles., Auth. de non alien. aut permut. cap. 1. & 3. collat. 2.*
- 4) *Leg. 1. Cod. Theodos. de bon. cleric.*

§. VI. Initio omnium Ecclesiæ bonorum cura, & administratio erat penes Episcopum, qui illam Œconomo, aut Archidiacono committebat, & hi finito officio gestæ administrationis rationem Episcopo reddere debebant 1). Unus erat eorum bonorum cumulus, unde alebantur Episcopus, & clerici, qui Ecclesiæ erant addicti, pauperes opem accipiebant, detrahebantur impensæ, quas pro Ecclesiæ fabrica, ornatu, supellectile, ceterisque rebus facere oportebat. Postea visum est bona Ecclesiastica in certas veluti partes dividere, & sua Episcopo, sua clericis, sua item pauperibus, sua denique Ecclesiæ fabricæ pars attributa est 2).

1) *Can. 21. c. 1. q. 7.*

2) Hanc in quatuor partes divisionem bonorum, Ecclesiæ memotant Simplicius P. *ep. 3. ad Florent.* apud Labbeum *concl. tom. 5. col. 96. edit. Venet.*, Gelasius P. *ep. 9. ad Episc. Lucan. c. 27. col. 321. eod. loc.*, & Gregorius M. *ep. 11. lib. 4. col. 691. ep. 12. lib. 5. col. 737. ep. 7. lib. 3. col. 900. ep. 64. lib. 11. col. 1150. & 1151., & ep. 44. lib. 13. col. 1249. opp. tom. 2. edit. Paris. cit. Vetum Synodus Bracarensis I. can. 7. col. 351. tom. 3. collect. Harduini tantum constituit partes tres, quatum unam Episcopo, alteram clericis, tertiam ædificiis, & Ecclesiæ luminaribus adscribit. In hac autem partitione Episcopo hospitalitas exercenda relinquebatur.*

§. VII. Denique certi redditus Parochialibus Ecclesiis adscripti sunt, & clericis, qui pridem ex Ecclesiæ, cui erant addicti, redditibus alebantur, certa concessa sunt Ecclesiæ bona, quorum curam gererent, & ex quibus per-

percipere necessaria ad vitam honeste traducendam. Hodie igitur sua sunt bona clericis, & sua item Ecclesiis, quæ utraque separatim administrantur. Bona hæc temporalia dicimus, quod eorum redditus impenduntur in temporales usus Ecclesiarum, & clericorum; verum cum semper ecclesiastica sint, eo censenda sunt jure, quo censentur bona Ecclesiarum, quæ sine legitima venia distrahi nequeunt, & quibus nemo, tamquam profanis bonis, uti, & abuti potest suo arbitratu.



## T I T U L U S X I I I.

### DE PRÆBENDIS, ET BENEFICIIS.

- |  |  |
|--|--|
| I. Quid beneficium?                          | VII. & VIII. Beneficia residentiaria, & non residentiaria. |
| II. Beneficiorum inter clericos distributio. | IX. Majora, & minora.                                      |
| III. Beneficia a præbendis distinguuntur.    | X. Sæcularia, & regularia.                                 |
| IV. & V. Eorum indoles.                      | XI. Collativa, electiva, patronata.                        |
| VI. Præcipuum clericorum officium.           |  |

#### §. I.

**B**eneficii nomen apud Latinos scriptores significat prædium fiscale, quod ducibus, ac militibus optime de republica meritis ab Imperatoribus concedebatur, ut ex eo perciperent necessaria ad vitam traducendam, suoque de-

deinceps sumptu stipendia facerent 1). Prædia hæc etiam Ecclesia tribuere capit clericis de ea bene meritis, ut iis fruerentur, dum ipsis vita suppeditaret, eaque prædia beneficia, beneficiati autem dicti sunt clerici, qui eadem obtinebant. Raræ initio erant huiusmodi concessionēs, atque, ut plurimum, breve temporis interval- lum comprehendebant 2), quo finito, vel mor- tuo clerico, cui data fuerant, prædia ad Eccle- siam revertebantur 3).

1) Consule Du Cangium *Glossar. med. & infim. Latinit. verb. beneficium*, Baronium *ad an. 502. tom. 9. §. 23. pag. 20. edit. Lucæ*, Thomasinum *vet. & nov. Eccles. disciplin. par. 2. lib. 3. cap. 13. num. 5.*

2) Concilium Agathense *can. 7. & can. 22. col. 999. & 1000. tom. 2. collect. concil. Harduini*, Aurelianense I. *can. 23. col. 1011. ibid.*, Sym- machus P. *ep. 5. ad Cæsar. Arelaten. cap. 1. col. 425. tom. 5. concil. Labbei edit. Venet.*

3) *Can. 61. c. 16. q. 1.*

§. II. Verum lapsu temporum huiusmo- di concessiones frequentissimæ evaserunt 1), & eo denique res venit, ut clerici non am- plius ex communi Ecclesiæ ærario alimenta acci- perent, sed peculiares haberent præbendas suas in prædiis, sive beneficiis quæ ipsis concede- bantur, donec vitam agerent. Ita factum est, ut jus percipiendi redditus ecclesiasticos, quod olim affixum erat ordinationi, per quam clericus cer- tæ adscribebatur Ecclesiæ, cujus ex ærario ale- batur, nunc hæreat beneficiis, unde clericus redditus percipit, quibus honeste, & decenter vi-



vivat. Nimirum semper clericis jus fuit, propter ecclesiasticum officium, de altari vivere. Modus autem, quo clericus ecclesiasticis bonis frui debet, pertinet ad disciplinam, quæ non eadem omni ætate est.

- 1) Primum patochialibus Ecclesiis, & iis quidem ruralibus adscriptæ videntur oblationes, quæ ad altare fiebant, salva earum tertia, aut quarta parte, quæ ad Episcopum pertinebat *can. 7. c. 10. q. 1.* Paulo post iisdem ruralibus ecclesiis certi etiam ex fundis redditus tributi sunt Concilio Antelianense III. *can. 5. col. 1424. tom. 2. concil. collect. Harduini.* Certe IX. sæculo omnis ruralis Ecclesia suas proprias decimas, & fundos obtinebat *can. 25. c. 23. q. 8.* Urbanæ quoque parochiæ eandem disciplinam postea acceperunt; & tunc porissimum, inducta partitione bonorum, certa clericis data sunt prædia, quæ ipsi administrarent, & ex quibus ad vitam necessaria perciperent.

§. III. Proprie beneficium a præbenda distinguitur. Hæc enim tantum comprehendit fructus, redditus, & emolumenta, quæ clericis certo obveniunt, ecclesiasticorum officiorum, & beneficiorum causa. Hinc eam sæpe etiam beneficii detem appellamus, sive consistat in prædiis rusticis, aut urbanis, sive in pascuis, silvis, aut similibus, sive in illis juribus, quæ fructuum vicem obtinent, & rebus immobilibus æquantur, uti sunt census, & reliqua generis ejusdem. At vero beneficii nomen latius patet, quoniam non ea tantum, quæ præbenda, comprehendit, sed etiam ecclesiasticum officium, & magistratum. De magistratibus, & officiis,

ciis, quæ beneficiis adjuncta sunt, superiore libro actum est. Nunc in beneficiis potissimum spectamus redditus; quamquam hi redditus nonnisi propter ecclesiasticum officium, & magistratum percipiuntur.

§. IV. Beneficium est perpetuum jus percipiendi fructus de bonis ecclesiasticis, officii causa ecclesiastica auctoritate institutum. Perpetuum inquam, hoc est donec beneficiarius vitæ usura fruitur, beneficium esse debet; quia per hoc certo in Ecclesia obeundo muneri addicitur, quod cum perpetuum sit, perpetuum quoque jus ad redditus esse debet.

§. V. Præterea ecclesiastica auctoritate, videlicet Summi Pontificis, aut Episcopi, opus est, ut beneficium constituatur. Cum enim ecclesiastici redditus, & multo magis sacra ministeria, quæ duo beneficium complectitur, sine Ecclesiæ auctoritate dari nequeant, manifestum est, sine hac auctoritate nullum esse, & haberi beneficium posse. Quare omnes redditus, licet perpetuo clericis ob spirituale aliquod officium attributi, uti legata pia, & capellaniæ, beneficia non sunt, nisi Episcopi accedat auctoritas, sed mera stipendia, aut eleemosynæ censentur.

§. VI. Denique beneficium propter spirituale officium institutum est. Non enim clericos otiosos, & nihil agentes ex ecclesiasticis redditibus vivere oportet. Præcipuum clericorum officium positum est in altaris ministerio, atque in precibus, quas ad Deum mittere pro cunctis debent; & vero Ecclesia certas constituit

tuit preces, quæ unoquoque die a beneficiariis fundendæ sunt, ut eo, quo tenentur in primis, fungantur munere. Atque hæ sunt horæ canonicæ, quas omnes beneficiarii quotidie recitare debent, & quæ *divini officii*, ac *breviarii* nomine appellantur.

§. VII. Sed præter hoc officium, quod omnibus beneficiariis commune est, quidam sunt, qui & aliud habent ministerium, personatum, dignitatem, aut curam animarum. Hæc beneficia duplicia, cetera, in quibus illa non insunt, simplicia appellantur. Ex simplicibus beneficiis quædam sunt, quæ adjunctam habent legem residentię, uti sunt Canonicatus, & Cappellanıæ perpetuæ ecclesiastica potestate constitutæ, & hæc beneficia *residentiaria*, cetera, a quibus onus illud abest, proprie *simplicia*, & non *residentiaria* dicuntur. Verum Canonicatus, quamquam inter beneficia simplicia recenseantur, tamen accedunt ad dignitates 1), ideoque in odiosis simplicium beneficiorum nomine non continentur. Neque vero hæc beneficia tanquam inania, & ociosa habenda sunt, quod eorum Rectores nullum peculiare officium exercent. Nam rem præclaram, & magnam præstant, qui preces pro populo fundunt, & cum alii sint clerici, qui omnibus funguntur muneribus, quæ pro Christianorum regimine, & salute sunt necessaria, recte Ecclesia quosdam alit clericos, quorum occupatio in fundendis precibus, & altaris ministerio defixa est 2).

1) *Cap. 2. de rescript. in 6.*

2) Hujusmodi clericorum, quorum tantum erat altaris ser-

servire, ac precibus, & orationi vacare, jam III. sæculo habebat Ecclesia, & eorum quidem mentio est apud Cyprianum *ep. 1. pag. 169. edit. Amstelædami 1700.*

§. VIII. Cuncta olim beneficia residentiarum lege tenebantur, sed lapsu temporum redditibus imminutis beneficiorum, adeout ex iis clerici necessaria percipere non possent, consuetudine inductum est, ut beneficio donati fructus caperent, licet in beneficii loco non morarentur, ut sibi victum alibi compararent 1). Nunc igitur qui his beneficiis fruuntur, tantum deferunt tonsuram, ac vestes clericales, & horas canonicas quotidie persolvunt.

1) Consule Gonzalez in *cap. conquerente num. 2. de clericis non residentibus.*

§. IX. Rursus alia beneficia sunt, quæ majora, alia, quæ minora appellantur. Majora sunt, quibus hærent principes in Ecclesia gradus cum cura animarum, & sacra jurisdictione, qualia beneficia obtinent Summus Pontifex, Patriarchæ, Archiepiscopi, Episcopi, & Abbates cum quasi episcopali jurisdictione. Reliqua, quæ infra hæc sunt, minora beneficia dicuntur. Ceterum majora illa beneficia communi beneficii nomine non comprehenduntur; quin ne dignitatis quidem vocabulo, cum potius sint apices dignitatum.

§. X. Dividuntur etiam beneficia in sæcularia, & regularia. Sæcularia sunt, quæ non nisi sæcularibus clericis, regularia, quæ tantum regularibus tribuuntur, unde eorum nomen tractum est. Hinc abbatia, ceteraque officia claustra-

stralia suis propriis donata redditibus, beneficia sunt regularia, ac talia generatim censentur omnia, quæ a regularibus regi consueverunt. Beneficia regularibus addicta demonstrantur vel fundatione, cujus nimirum lege cautum est, ut ea regularia haberi debeant; vel incorporatione, cum monasteriis adnexa sunt; vel præscriptione annorum quadraginta, cum eo temporis intervallo semper a regularibus administrata fuerunt.

§. XI. Denique sunt beneficia collativa, quorum collatio ad eos pertinet, quibus conferendi jus est, electiva, quæ per electionem, patronata, quæ ad patroni præsentationem conceduntur. De his omnibus superiore libro actum est.



## S E C T I O I.

### *De vetita beneficiorum multitudine.*

XII. Clericus duabus Ecclesiis non adscribendus.

XIII. Beneficia compatiblea, & incompatiblea.

XIV. Decretum Concilii Lateranensis.

XV. Et Tridentini.

XVI. Pœna retinentium plura incompatiblea beneficia.

XVII. Quæ beneficia plura numero simul retineri possint?

§. XII.

## §. XII.

**O**Mnes Clerici, ex veteri disciplina, cum ordinabantur, certæ adscribebantur Ecclesiæ, cui servire debebant, & a qua necessaria quæque accipiebant. Cum autem unus idemque clericus eodem tempore duabus Ecclesiis servire non posset, consequens erat, ut neminem duabus Ecclesiis adscribi, vetus disciplina pateretur 1). Hæc quidem generatim obtinebat regula canonum, cui tamen locus non erat, cum aliud Ecclesiæ utilitas, aut necessitas postularet. Non enim antiquiori etiam ætate exempla desunt clericorum, qui pluribus uno, & eodem tempore Ecclesiis addicti erant 2).

1) Concilium Chalcedonense *can. 10. & 20. col. 606. & 610. tom. 2. collect. Harduini*; & Nicænum II. *can. 15. col. 495. tom. 4. collect. indic.*

2) Concilium Emeritense *can. 19. tom. 3. col. 1005. collect. Harduini*. Celebre est autem, quod de Euphronio narrat Basilus *ep. 228. opp. tom. 3. pag. 381. edit. Paris. 1730.*, qui ab Episcopatu Coloniensi ad Metropolim Nicopolitanam translatus utrasque deinde Ecclesias administravit.

§. XIII. Postquam beneficia ab ordinatione sejungi cœpta sunt, etiam interdictum est, ne cui plura simul beneficia tribuantur, cum unus clericus simul gerere non possit plura officia, quæ beneficiis conjuncta sunt.

Sed

Sed imminutis , uti supra dictum est , lapsu temporum beneficiorum redditibus , oportuit residentię lege solvere clericos , qui alibi quærere debebant victum , quem a beneficio habere non poterant . Tunc igitur uni clerico concedi cæperunt plura beneficia , ut quod unum non dabat , haberet ex pluribus , ea- que dicta sunt beneficia *compatibilia* ; quoniam non residentiam , neque aliud habebant adjunctum onus , quod alterius beneficii possessionem impediret . Quibus beneficiis opponebantur *incompatibilia* , quæ scilicet plura numero , ob onus singulis affixum , ab uno eodemque clerico simul retineri non poterant .

§. XIV. Sed lapsa disciplina , plura simul incompatibilia beneficia uni clerico data sunt ; quod malum longe lateque serpens plura , quæ ea tempestate habita sunt , Concilia remove- re studuerunt . Præsertim Synodus Lateranensis III. ea de re laboravit , edita lege , ut nemo duas dignitates , aut duas parochias simul deinceps habere posset , addiditque sanctionem , ut accipiens secundum beneficium amitteret , dans autem largiendi potestate privaretur 1) . Verum non adhuc avulso malo , Innocentius III. in Concilio Lateranensi IV. de eo plane tollendo acriore studio laboravit . Ergo sancitum est , ut nemo duas simul parochias , dignitates , aut personatus obtineat , ipsoque jure cadat primo beneficio , qui alterum sine venia Sedis Apostolicæ adeptus est , ac utroque privetur , si forte illud velit reti-

nere 2) . Eadem quoque ratione præbendarum coacervatio vetita est 3) .

1) *Cap. 3. de cleric. non residen.*

2) *Cap. 28. de præben.*

3) *Cap. 9. de concess. præben.*

§. XV. Denique Tridentini Patres alias edidere leges, ut quæ a Lateranensibus Conciliis fuerant constituta, diligenter observarentur. Itaque vetitum est uni clerico quovis titulo etiam *unionis*, aut *commendæ* plures simul conferre Ecclesias cathedrales, aut beneficia curata, & cetera, quæ *incompatibilia* dicuntur, jussique sunt primo beneficio cadere, qui alterum consequuntur. Ex reliquis vero beneficiis, quæ *compatibilia* dicimus, uni clerico plura conferri possunt, quando unum satis non est, ut ille honeste, ac decenter vivat 1) .

1) Concillium Tridentinum *sess. 7. cap. 2. & 4. & sess. 24. cap. 17. de reform.* Extat etiam de incompatibilibus beneficiis constitutio Joannis XXII. in *Extrav. Execrabilis de Præben.*, de qua actum fuit *lib. 1. tit. 5. sect. 3. pag. 299.*, & qua sancitum est, ut secundum beneficium curatum, vel secundam dignitatem accipiens, nisi statim primum dimittat, utroque privetur, atque in posterum a sacris ordinibus, & a beneficiis repellatur, atque ultimi beneficii collatio Summo Pontifici reservetur. Late ea de re disputat Rigantius *ad Regul. 1. Cancellar. §. 8. per tot.*

§. XVI. Hodie igitur iis utimur legibus,  
quæ



quæ a Tridentina Synodo constitutæ sunt . Duo *incompatibilia* beneficia , qualia sunt generatim omnia 1) , quæ habent curam animarum , quæ officium , personatum , dignitatem , onus residentia , quæque *sub eodem tecto uniformia* dicuntur 2) , uni clerico concedi non possunt , & si concedantur , primum ipso jure vacuum efficitur . Quod si utrumque simul beneficium retinere quis velit , utroque privandus est . Vacatio autem ipso jure inducitur non collatione , sed pacifica alterius beneficii possessione , qualis ea censetur , quam quis sine ulla molestia apprehendit , aut apprehendere potuit . Ideo post acceptam alterius beneficii possessionem datur adhuc spatium duorum mensium , quo beneficiarius primum etiam beneficium retinere potest , ut interim noscatur , num aliquæ de altero beneficio molestia exoriantur 3) ,

- 1) Quæstio est , num altero impetrato beneficio generatim in omnibus incompatibilibus beneficiis vacatio ipso jure inducatur . Multi enim sunt , qui hanc ipso jure vacationem tantum referunt ad beneficia , quæ propter titulum incompatibilia existunt , uti sunt duo Episcopatus , duæ parochia , duo sub eodem tecto uniformia beneficia ; non item ad ea , quæ tantum retentione incompatibilia habentur , uti sunt duo canonici in diversis Ecclesiis , & alia beneficia , quæ adjunctam habent residentia legem , sed sine animarum cura , dignitate , personatu , vel officio . Hæc enim beneficia tantum sententia judicis vacare arbitrantur . Sed Concilium Tridentinum omnium generatim incompatibilium beneficiorum ipso jure vacationem induxisse , osten-

dit Garcia de benefc. par. 11. cap. 5. num. 79.  
*Et seq.*

- 2) Beneficia uniformia sub eodem tecto, sive in eadem Ecclesia dicuntur, quæ ad eundem finem, idemque ministerium instituta sunt, habentque idem onus, ac officium eodem tempore persolvendum. Hujusmodi sunt duo canonici, duxque ejusdem Ecclesiæ capellanix.
- 3) Consule Rigantium in regul. 1. Cancellar. §. 8. num. 154. & 155.

§. XVII. In ceteris beneficiis, quæ compatibilia dicuntur, servanda regula est, eorum plura ab uno eodemque clerico retineri posse, cum unum non tantum præstat, quantum est ad cultum, et ad victum necessarium. Si unius redditus satis sunt, ut clericus honeste, ac decenter vivat, nefas est plura in eo beneficia coacervare; & vero primum amittit, qui præter necessitatem alterum beneficium adeptus est. Sed nunc ex consuetudine ubique recepta nemo in foro controversiam patitur, quod duo possidet beneficia, etiamsi unum satis præbeat ad vitam honeste traducendam, modo utrumque residentiam non requirat. Et licet Tridentina Synodus non definiverit, quinam redditus ad decentem clerici tuitionem sufficiant, tamen in comperto est, rem totam Episcopi arbitrio, respectu habito ad locorum consuetudinem, atque ad statum clerici, æstimandam, ac definiendam esse. Interdum Sedes Apostolica, cuius tantum est ea in re veniam concedere, justis de causis plura ab uno clerico etiam incompatibilia beneficia retineri permittit; cujus quidem rei sunt exempla præsertim in Germania, ubi uni plu-

plures Episcopatus conceduntur, ut firmioribus munitis præsiidiis hæreticorum conatus retundat.



## SECTIO II.

### *De Conjungendis, ac dividendis beneficiis.*

- |  |  |
|--|--|
| XVIII. Beneficiorum unio<br>quotuplex?         | XXI. Quis unionem recte<br>expediat?                               |
| XIX. Justæ unionis causæ<br>quæ?               | XXII. Divisio beneficio-<br>rum, ejusque causæ, &<br>solemnitates. |
| XX. Solemnitates in ea<br>facienda necessariæ. |  |

### §. XVIII.

**P**Lurium Ecclesiarum, vel beneficiorum conjunctio, quæ a legitimo Superiore justa ex causa facta est, beneficiorum unio appellatur. Ea vel temporanea, ac personalis, vel perpetua, ac realis est. Personalem, qua plures, veluti pallio ad beneficiorum multitudinem obtegendam, abutebantur, Synodus Tridentina 1) rejecit: perpetua, quæ rite, atque ex justis causis fiat, ecclesiasticis legibus probatur. Hæc autem conjunctio tribus modis fieri solet: confusione, cum duæ, pluresve Ecclesiæ, aut beneficia ita coagmentantur, ut ex pluribus una Ecclesia, aut unum beneficium fiat; subjectione, cum unum beneficium alteri subjicitur, ita ut ei quasi fundus

accedat, & ejus privilegia, consuetudines, naturam assumat; denique alia est unio, quæ dicitur *æque principalis*, cum neutrum beneficium alteri subjicitur, neque duo beneficia in unum quasi corpus coalescunt, sed utraque integra manent, suumque retinent gradum, ac titulum, sed ab uno eodemque ministro reguntur. Hoc modo cathedrales præsertim Ecclesiæ conjungi solent.

§. XIX. Ecclesiarum, & beneficiorum, conjunctio nonnisi ex justa causa, atque adhibitis solemnitatibus fieri debet 1). Iusta causa est evidens Ecclesiæ necessitas, aut utilitas, puta si duo beneficia tenues habeant redditus, ex quibus vivere duo clerici nequeant 2), si valde sit deminutus populi numerus 3), si Ecclesiæ temporis, vel hostium injuria vastata sint 4), si redditus necessarii sint ad adolescentes in seminariis educandos, vel alias ad Dei cultum sustinendum 5). Graviorum autem requiruntur causæ, ut curata, quam ut simplicia, beneficia jungantur; quin etiam beneficia sunt, quorum plane vetita conjunctio est. Nam diversarum beneficia dioceseon coagmentari nequeunt 6), neque item licet conjungere beneficia curata Monasteriis, Abbatiis, Dignitatibus, Præbendis Canonorum, Hospitalibus, aliisque collegiis 7), beneficia autem liberæ collationis beneficiis jurispatronatus, ne & ipsa jurispatronatus obnoxia evadant 8).

1) *Can. 23. c. 1. q. 7.*

2) *S. Gregorius M. lib. 2. ep. 50. ad Ioan. Episc. Velitern. opp. tom. 2. col. 614. edit. Paris.*

*ris. indicat. Concilium Tridentinum sess. 21. cap. 5. de reform.*

- 3) S. Gregorius M. *cit. ep. 50.*, Concilium Tole-  
tanum XVI. *can. 5. col. 1796. tom. 3. collect.*  
*Harduini.*
- 4) *Cap. 2. de relig. domib.*
- 5) Concilium Tridentinum *sess. 23. cap. 18. &*  
*sess. 24. cap. 15. de reform.*
- 6) Conc. Tridentinum *sess. 24. cap. 9. de reform.*
- 7) Conc. Tridentinum *sess. 24. cap. 13. de re-*  
*form.*
- 8) Conc. Tridentinum *sess. 25. cap. 9. de re-*  
*form.*

§. XX. Solemnitates pertinent ad vo-  
candos, audiendosque omnes, quorum interest,  
atque ad legitimam ecclesiastici Superioris auctori-  
tatem. Principio audiendus est Episcopus, cujus  
diœceseos beneficia jungenda sunt, vocandique, &  
audiendi sunt Abbates, Prælatique inferiores, & Pa-  
troni sive ecclesiastici, sive laici, quorum est col-  
latio, vel præsentatio, item beneficiorum uniendo-  
rum possessores, & capitulum Ecclesiæ cathedralis,  
sine cujus consensu Episcopus graviora negocia  
expedire non potest 1).

- 1) Capituli tamen consensum supplere solet Sedes  
Apostolica, vel Sacra Congregatio Concilii.  
Consule Carolum Gagliardum *de benefc. cap. 4.*  
*num. 34.*

§, XXI. Legitima unionum faciendarum  
potestas penes Summum Pontificem, atque Epi-  
scopum est. Cathedrales Ecclesias tantum con-  
jungit Summus Pontifex 1), qui etiam cetera  
beneficia conjungendi amplam habet potestatem.

B b 4

Epi-

Episcopus beneficia consociat suæ diœceseos, exceptis illis, quæ ab ejus jurisdictione exempta sunt, quæque Sedi Apostolicæ immediate sunt subjecta, aut perpetuo reservata 1). Cavere autem in primis Episcopus debet, ne suæ mensæ beneficia conjungat, propter lucri suspensionem, a qua abhorreere debet 2).

- 1) Beneficia, quæ Sedi Apostolicæ perpetuo reservata non sunt, ab Episcopo uniti posse, modo hæc unio fiat ante eorum vacationem, tradit *Garcia de benef. par. 12. cap. 2. num. 101.*, atque ita a Sac. Congregatione Concilii definitum testatur. Consule *Fagnanum ad cap. 8. de excess. Prælat. num. 22. & seq.*, & *Giraldum Exposit. Jur. Pontific. par. 2. sect. 57. pag. 873.*; in primis autem consule, qui ea de re accurate disputat, *Benedictum XIV. de Synod. diœces. lib. 9. cap. 7.* Episcopi vero Italix, ac finitimarum Insularum, cum beneficia Sedi Apostolicæ reservata seminariis unite volunt, servare debent legem ea de re editam a *Benedicto XIII. in Const. Creditæ nobis cœlitus 67. tom. 11. pag. 409. Bullar. Roman.*

- 2) *Clement. 2. de reb. eccles. non alien.*

§. XXII. Conjunctioni Ecclesiarum, ac beneficiorum opponitur eorum divisio, per quam ex una Ecclesia, aut beneficio duo efficiuntur. Divisio hæc generatim est vetita, nisi eam postulet justa causa utilitatis, & necessitatis 1). In ea perficienda vocandi, audiendique sunt omnes, quorum interest, ac necessaria est auctoritas ejusdem, a quo conjunctio decernitur. Imo si non amplius existat causa, propter quam conjunctio facta est, puta quod cessaverit paupertas,

tas, aut vastatio, illa recte dissolvitur. Tunc autem beneficia recuperant naturam suam, eorumque collatio, aut præsentatio ad illos redit, quorum ante unionem fuerat; nisi forte aliud constitutum sit.

1) Cap. 8. 26. 36. de præben.



## S E C T I O I I I.

### *De Commendis Beneficiorum.*

- |   |  |
|---|--|
| XXIII. ad XXVI. Commendarum origo, & earum concedendarum causæ. | XXVIII. A quo dentur commendæ, & qualis nunc earum natura sit? |
| XXVII. Varia de iis decreta.                                    | XXIX. Clerici Commendarii.                                     |

#### §. XXIII.

**B**eneficia interdum clericis commendantur, unde ortæ beneficiorum commendæ, quarum origo sane vetus est. Initio commenda erat custodia, aut administratio vacantis Ecclesiæ, quæ tamdiu obtinebat, quamdiu ea careret Episcopo, a quo regeretur 1). Simili modo commendabantur parochiæ, & monasteria; atque hæ commendæ ad tempus erant, quoniam certo tempore cessabat causa, propter quam institutæ fuerant 2).

1) S. Am-

- 1) S. Ambrosius *ep. 2. col. 789. edit. cit. tom. 3. Commendo tibi, fili, inquit, Ecclesiam, quæ est ad Forum Cornelii . . . . . donec ei ordinetur Episcopus.*
- 2) Vide Concilium Aurelianense III. *can. 18. col. 328. Delect. actor. tom. 1., S. Gregorium M. ep. 38. lib. 2. & ep. 21. lib. 6. opp. tom. 2. col. 601. & 808. edit. indic., Can. 16. 17. 18. 28. dist. 61.*

§, XXIV. Perpetuæ dabantur commendæ, cum eas perpetua causa postularet. Ita cum hostium impetu vastatæ fuissent cathedrales Ecclesiæ, atque illinc Episcopi discedere debuissent, Romani Pontifices vel illos aliis præficiiebant cathedralibus Ecclesiis, quæ tunc vacarent, vel etiam ipsis Abbatias perpetuo commendabant, ut ex earum redditibus decenter viverent, ac simul Episcopalem potestatem exercerent 1). Sunt & alia commendarum, quæ quidem perpetuæ erant, exempla, potissimum cum clericus non tantum ex beneficio haberet, quantum ei esset necessarium 2). Itaque justis de causis commendæ institutæ sunt, neque eas improbare quis potest, cum Episcopatus, parochiæ, monasteria commendantur Episcopis, & clericis ordine insignitis, quem beneficium postulat.

- 1) S. Gregorius M. *ep. 13. lib. 3. col. 633. opp. tom. 2. edit. Paris. 1705. Agnellum Fundorum Episcopum, vastata ab hostibus ejus civitate, Terracinensis Ecclesiæ Episcopum constituit ita ut, inquit, Fundensis Ecclesiæ Episcopus esse non desinas, nec curam, gubernationemque ejus prætereas.* Itaque duplex uni Episcopo Ecclesia, altera in titulum, altera in commendam data, est. Similiter cum Paulinus Tauri in Sicilia Epi-

SCO-



scopus post civitatem a barbaris vastatam Messanam secessisset, ibi ei monasterium a Gregorio M. commendatum est *Lib. 1. ep. 40. col. 528. opp. tom. 2. edit. indic.*

- 2) Multa hujus rei exempla sunt apud Joannem. Diaconum in *vit. S. Gregorii M. lib. 3. cap. 22. lib. 4. cap. 36. 90. 93. 97. col. 95. 177. 180. 185. tom. 4. opp. S. Gregorii.* Monasterium etiam S. Martini Episcopo commendatum fuisse, tradis Anastasius Bibliothecarius. Ita enim ille Martino Episcopo Narniensi, & Abbati cœnobii S. Martini suam de Martini P. exilio historiam in *Biblioth. PP. tom. 12. pag. 842. edit. Lugdun.* inscripsit: *quia cum Episcopatus apice Præpositura sanctitati tuæ, ob meritum summæ religionis, B. Martini monasterii penes urbem positi est a Summis Pontificibus delegata.* Beda quoque *histor. l. 4. c. 18. p. 302. ed. Cantabrig. 1643.* memorat Joannem Archicantorem Ecclesiæ S. Petri, & Abbatem cœnobii S. Martini Romæ, quem Agatho Summus Pontifex in Angliam misit. Quin etiam cathedrales Ecclesias interdum Abbatibus commendatas constat, atque hujus rei, præter ceteros, monumenta sunt apud Du-Chesnium in *vita S. Leodegarii pag. 604. & 618. tom. 1. Histor. Franc. edit. Paris 1636.*

§. XXV. Verum lapsu temporum laici ecclesiastica bona invadere cæperunt, potissimum vero Principes ea militibus commendabant, ut opes ad gerendum bellum haberent 1). Præter hunc morem, quem, invita Ecclesiastica jurisprudentia, turbulenta illa ætas induxerat, prorsus tollere studuerunt concilia ea tempestate habita; præsertim vero Romani Pontifices diligentem dedere operam, ut ad Ecclesiam redirent, quæ violenter a laicis occupata fuerant 2). Ita factum est, ut sua denique

que Ecclesiæ restituerentur bona , & tunc potissimum clericis multa sunt commendata eorum , quæ pridem laici arripuerant , præsertim cum graves essent causæ , propter quas commendæ non permittendæ solum , sed etiam probandæ viderentur .

1) Consule *Thomasium vet. & nov. Eccles. disciplin. par. 2. lib. 3. cap. 12.*

2) Late hæc omnia persequitur *Thomasius loc. cit. cap. 10. ad 21.*

§. XXVI. Scilicet ab infidelibus iterum occupatis locis sanctis , & inde ejectis Episcopis , opportunum visum est alios ipsis in Italia , & alibi Episcopatus , aut Abbantias commendare , ut his redditibus vitam ducerent. Accessit studium restaurandæ monasticæ disciplinæ , quæ in pluribus monasteriis pene sublata , extinctaque erat , & plures etiam clerici sibi commendata monasteria acceperunt , ut ea tuerentur , atque defenderent . Neque vero Summi Pontifices , aut Concilia factum suum improbari umquam posse existimabant , cum Episcopis , aut aliis clericis dabant redditus , & fundos , qui ad Regulares pertinebant . Illud ipsis curæ erat , ut laici Ecclesiæ bona non diriperent ; sed semper amplam Ecclesiæ potestatem esse putarunt tribuendi ecclesiastica bona inter clericos , quibus ea magis pro temporum , locorum , ac personarum ratione concedenda videbantur 1) .

1) Commendæ neque laudari , neque improbari generatim possunt , uti animadvertit *Rigantius in reg. 43.*

*reg. 43. Cancellar. num. 49. ; & sæpe multæ sunt causæ , quæ illas non tantum utiles , sed etiam necessarias faciunt . Synodus Tridentina rem omnem ex prudentia , ac pietate Romani Pontificis , atque ex temporum ratione æstimari voluit . Hinc Sedes Apostolica nonnisi ex justis causis , rerumque , ac locorum habita ratione commendas concedit ; quin etiam sæpe ab ea rejectas constat preces ipsas Principum , qui commendas postulabant : adeo falsum est Romanos Pontifices , uti eos aliqui calumniantur , facile , ac sine delectu regularia beneficia clericis sæcularibus commendasse . Cuncta hæc late expendit Rigantius *loc. cit. num. 49. & seq.* Multa etiam de commendis habet Natalis Alexander *histor. Eccles. sæc. 15. & 16. cap. 7. art. 4. pag. 193. seq. & dissert. 12. artic. 9. pag. 552. tom. 9. edit. indic.**

§. XXVII. Aliquando tamen valde auctus sine jûsta causa commendarum numerus mala intulit , quæ oportuit remove. Itaque Clemens V. commendas sustulit , quæ non bene cognitis , expensisque rebus datæ fuerant 1) , & Benedictus XII. , ac Leo X. commendas abrogarunt , quas in perniciem monasteriorum , atque ecclesiasticæ disciplinæ redundare animadverterunt 2) . Synodus Tridentina monasteria in posterum vacatura tantum spectatæ vitæ Regularibus concedi jubet , eaque monasteria , quæ sunt capita , ac primates Ordinum , jure commendæ aliquem retinere prorsus vetat ; reliqua vero monasteria jam commendata , quæ suos habent conventus , Romano Pontifici committit , ut iis pro sua pietate , & prudentia Regulares præficiat , quantum ratio temporum ferre potest 3) .

1) *Ex-*

- 1) *Extravag. 2. de præben. int. commun.*
- 2) Vide Raynaldum *ad an. 1335. num. 67. & ad an. 1353. num. 31. pag. 49. 199. & 590. tom. 25. edit. Lucæ*, & Bullam Reformationis editam a Leone X. in Concilio Lateranensi V. *tom. 9. Concil. col. 1747. collect. Harduini.*
- 3) Concil. Tridentinum *sess. 25. cap. 21. de regular.*

§. XXVIII. Hodie justis de causis commendæ dantur, & dantur ab uno Romano Pontifice, cui tantum potestas est relaxandi canones, qui regularia beneficia clericis sæcularibus concedi ventant 1). Verbis autem potius, quam re nunc a beneficiis Commendæ differunt, quoniam & hæ in perpetuum dantur, & titulum præstant ad ordines suscipiendos 2), & clerici commendatarii iisdem ferme prærogativis, ac juribus, quibus beneficiarii, fruuntur. Quare liberam habent redituum administrationem, & jus præsentandi, eligendi, conferendi; verum monasteria visitantur a regularibus superioribus, quibus subsunt, atque ad eos regimen, & cura pertinet regularis instituti 3).

- 1) *Cap. 27. de elect., Cap. cum de beneficio de præben. in 6. Consule Tridentinum sess. 14. c. 10. de reform.*
- 2) Consule Giralduum *Expos. Jur. Pontific. par. 2. sect. 54. n. 7. pag. 874.*
- 3) Concilium Tridentinum *sess. 25. cap. 20. de Regular.* Vide etiam *Constitutionem Pastoralis* 183. Innocentii X. in *Bullar. tom. 6. par. 3. pag. 281. & Constitutionem Exponi* 29. Alexandri VII. *tom. 6. par. 4. Bullar. pag. 31.*

§. XXIX. Clerici commendis aucti, ut plur-

rimum, suam habent mensam a conventuali distinctam 1), & quartam ejus partem in Ecclesiæ necessitates, aut in pauperum alimenta conferre debent 2). In Gallia coguntur sacros ordines suscipere; similiter in Italia, aliisque regionibus ad sacros capiendos ordines, & ad assiduam quoque moram adiguntur, ubi commendis animarum cura vel monachorum, vel sæcularium adjuncta sit 3). Semper autem beneficia commendata pristinam retinent naturam suam, quamquam longo usu iis concedantur, qui ejusdem ordinis, atque instituti, ac veri titularum non sunt 4).

- 1) Gregorius XIII. *Const. Superna* 28. §. 9. *Bullar. tom. 4. par. 3. pag. 275.* Quæ constitutio quamquam loquatur de monasteriis Ordinis Cisterciensis; tamen conveniens est, inquit Fagnanus in *cap. 21. de rescript. num. 2.*, ut servetur etiam in aliis ordinibus monachorum.
- 2) Id vero pertinet ad monasteria commendata, quæ mensam habent separatam; nam cum communis mensa est, dari debet tertia pars omnium fructuum monasterii commendati pro omnibus illis oneribus supportandis, & sustentatione monachorum, ut inquit Leo X. *Constit. Supernæ* 8. §. 10. *Bullar. tom. 3. par. 3. pag. 396.*
- 3) Consule Fagnanum in *Cap. 1. de capel. monachor. num. 1. & seq.*, qui recte animadvertit, quod residentix lege tenetur, sacrosque ordines suscipere debet Commendatarius, cum ad ipsum, non item, cum ad monasterium, & conventum cura animarum pertinet. Vide etiam Gallemart. *adnot. ad Concil. Trident. sess. 6. c. 2. de reform.*
- 4) Vid. Fagnanum *loc. cit. num. 16.*



## S E C T I O I V.

*De Pensionibus Ecclesiasticis .*

- |  |   |
|--|---|
| XXX. Pensio quid ?                               | tur ?   |
| XXXI. Quis pensionem<br>constituat ?             | XXXIV. Quæ beneficia<br>pensionibus non subji-<br>ciantur , & quis eas<br>habere possit ? |
| XXXII. Pensio realis , &<br>personalis .         |   |
| XXXIII. Quibus de cau-<br>sis pensiones imponan- | XXXV. Quomodo pensio<br>extinguatur ?   |

## §. XXX.

**P**ensio in re canonica est certa pars reddituum , qui ex alieno beneficio detrahuntur , atque alicui clerico justa de causa , & legitima auctoritate assignantur . Antiquissima est origo pensionum , & earum in Chalcedonensi 1) , atque Ephesino Concilio 2) exempla sunt . Nam æquum judicarunt Patres , ut clerici pauperes , qui justis de causis Ecclesiæ suæ non deservirent , ex ecclesiasticis bonis alimenta obtinerent .

1) Concilium Chalcedonense *act.* 10. 12. t. 2. *Concil.* col. 544. 562. *collect.* *Harduini.*

2) Concilium Ephesinum *act.* 7. *epist.* ad *Synod.* *Pamphil.* tom. 1. *Concil.* col. 1625. *collect.* *ejusdem.* Alia etiam occurrunt exempla pensionum , quæ concessæ sunt Episcopis vel senio confectis , vel hostium impetu Sede pulsis , vel clericis in monasterium ad agendam pœnitentiam confectis apud S. Gregorium M. *lib.* 3. *ep.* 55. *lib.* 5. *ep.*

11. lib. 13. ep. 5. col. 665. 737. 1218. opp. tom. 2.,  
 & apud Joannem Diaconum in ejus vit. lib. 3. cap.  
 27. & lib. 4. cap. 39. col. 97. & 152. tom. 4. opp.  
 ejusdem S. Gregorii M. edit. indic.

§. XXXI. Initio pensiones detrahebantur ex Ecclesiæ redditibus, qui in unam arcam confluebant; ideoque Episcopus poterat, cum iusta adesset causa, ex communi ærario horum reddituum partem decerpere, eamque clericis non servientibus assignare. At institutis beneficiis, & singulis adscriptis redditibus suis, jus constituendarum pensionum ad unum Romanum Pontificem delatum est. Cum enim per pensiones beneficia scindantur, aut iis onus imponatur, quod utrumque sacris canonibus vetitum est 1); necessario requiritur auctoritas Summi Pontificis, qui relaxatis canonibus pensiones constituat.

1) Cap. 8. de præben., Cap. 7. de censib.

§. XXXII. Nunc igitur ab uno Romano Pontifice pro ampla illa, qua in Ecclesia pollet, auctoritate pensiones imponi possunt. Haud tamen desunt, qui etiam Episcopo hanc potestatem adscribunt 1); sed omnes inter pensionem a Pontifice, atque ab Episcopo impositam magnum discrimen faciunt. Nam pensio Pontificis ipsi hæret beneficio, cum quo transfertur ad omnes ejus possessores; at Episcopi pensio solum afficit beneficiarium, cujus obitu extinguatur 2).

1) Consule Vallensem de benefc. lib. 4. tit. 2.,  
 Tom. II. C c Gar-

Garciam de benefic. par. 1. cap. 5. §. 2., & Fagnanum in cap. 21. de præben. num. 14. & seq., qui late, ac diligenter totum hoc argumentum persequitur.

- 2) Monet tamen Fagnanus loc. cit. num. 31., quod quidquid de jure sit, usus Sedis Apostolicæ ubique receptus habet, ut pensiones a solo Pontifice imponantur.

§. XXXIII. Justis autem de causis pensiones imponuntur, veluti si beneficium sit litigiosum, ita ut inter duos de eo litigantes concilianda concordia sit 1); si illud permutetur, aut resignetur 2); si clericus de Ecclesia sua benemeritus, aut inops sit, aut mala valetudine laboret; denique clerico Ecclesiæ utili pensio conceditur, ut inde honeste vivat. Pensio moderata esse debet, ut beneficiario supersint redditus, cum quibus vitam traducere possit, ac præterea beneficii onera sustinere. Hinc in beneficiis, ex quibus pensiones detrahuntur, sola tertia, aut dimidia fructuum pars a Pontifice reservari solet 3).

1) Cap. 21. de præben., Cap. 5. de transact.

2) Cap. 4. de cleric. ægrotant. vel debilit., Cap. 6. de rer. permut.

3) Consule Fagnanum in Cap. nisi essent de præben. num. 27.

§. XXXIV. Cathedrales Ecclesias, quæ annuos ducatos mille, & parochiales, quæ centum suis fructibus non superant, Tridentina Synodus pensionibus onerari vetat 1). Sed nunc in parochiis omnibus indiscriminatim pensiones non imponuntur, ut Parochus integros habeat re-




reditus, cum quibus pauperibus opem ferre possit 2). Quamquam autem pensiones proprie beneficia non sint, tamen beneficii loco sunt, quoniam ex ecclesiasticis bonis decerpuntur, & ideo nonnisi clericis dantur 3), ac per matrimonium amittuntur, nisi quem Sedes Apostolica lege solverit 4). Porro clerici pensione ditati officium B. Virginis quotidie recitare debent 5).

- 1) Concilium Tridentinum sess. 24. cap. 13. de reform.
- 2) Benedictus XIII. Const. Quanta apud Ferrarium *Bibliothec. verb. pensio*, qua porro constitutione confirmatum est edicrum, quod pridem Innocentius XII. ea de re emiserat.
- 3) S. Pius V. Const. sacrosanctum 98. t. 4. par. 3. pag. 38. Bullar., & Sixtus V. Const. Cum Sacrosanctam 141. §. 2. tom. 5. par. 1. pag. 43.
- 4) Sunt qui privilegio Sedis Apostolicæ ecclesiasticas pensiones retinent, quamquam uxorem habeant, & quamquam clericali tonsura insigniti non sint. Consule Ferrarium *Bibliothec. verb. pensio*.
- 5) S. Pius V. Const. Ex proximo 186. §. 1. tom. 4. par. 3. Bullarii pag. 180.

§. XXXV Pensio tamquam usufructus extinguitur morte clerici, qui ea vivens fruebatur; nisi ipse a Sede Apostolica in alium transferendæ pensionis facultatem obtinuerit. Quo privilegio fruuntur Cardinales, & alii, quibus illud a Summo Pontifice datum est; & hi quidem non integram pensionem, sed dimidiam ejus partem in alium transferre possunt 1). Tollitur etiam pensio per redemptionem, quæ fit repræsentatis, hoc est mature fa-

ctis aliquot annuis pensionum solutionibus ; sed ea in re Summi Pontificis auctoritas necessaria est 2) . Denique pensio amittitur Religionis professione , matrimonio , degradatione , crimine hæresis , aut læsæ majestatis , ceteris fere modis , quibus beneficia amittuntur 3)

- 1) Innocentius XI. *Const. Circumspecta* 32. tom. 8. *Bullarii pag. 43.*
- 2) Verum intra sex menses post captam beneficii possessionem redimi , ac deleri pensiones verat Benedictus XIV. *Const. In sublimi* 30. t. 1. *ejus Bullar. pag. 43. edit. Romæ seu Venet 1754.*
- 3) Confer Cabasut. *theor. & prax. jur. Canon. lib. 2. cap. 14. num. 15. & seq.*



## S E C T I O   V .

### *De adipiscenda beneficiorum possessione .*

- |  |  |
|--|--|
| XXXVI. Beneficii possessio capienda .          | XXXVIII. Regula de annuali possessore .  |
| XXXVII. Juramentum a Beneficiario præstandum . | XXXIX. Regula de trienniali possessore . |

### §. XXVI.

**S**atis non est , aliquem beneficium obtinuisse , nisi is etiam ejus possessionem adipiscatur , ut fructus capiat , suosque faciat . Generatim qui beneficium conferendi , is etiam possessionis tradendæ jus habet ; sed hoc

hoc plerunque alteri committi solet, & olim quidem ad Archidiaconum pertinebat 1) Cum possessio traditur, externa quædam adhibentur signa, quibus ea significatur. Ita ex. gr. Canonici accepto libro, pulsato tintinnabulo, ceterisque similibus signis, Parochi autem possessionem capiunt, cum Ecclesiam ingrediuntur.

1) *Cap. 7. de offic. Archidiae.*

§. XXXVII. Qui possessionem tribuit merus minister est, qui rem totam gerit collatoris jussu, & auctoritate. Quare hoc tantum curat, ut collationis literæ exitum consequantur; neque ejus est judicare, num clericus beneficio donatus eo sit revera dignus, an secus; nisi hoc forte negotium ei commissum fuerit, quia tunc nonnisi re cognita beneficii possessio danda est 1). Capta possessione, qui beneficium obtinuerunt cum cura animarum, intra duos saltem menses coram Episcopo, aut ejus Vicario generali fidei professionem per semetipsos emittere debent 2); aucti vero Canonicatu, aut Dignitate in Ecclesia cathedrali non solum coram Episcopo, aut Vicario generali, sed etiam coram Capitulo idem præstant 3). Nisi id fiat, inutilis possessio est, neque fructus quis facit suos.

1) Huc spectant literæ *in forma dignum*, aut *in forma commissaria*, de quibus actum est tit. 5. sect. 3. §. XXXXII. pag. 309. Vide etiam Garciam *de benef. par. 6. cap. 2. num. 1. & seq.*

2) Fidei professio per procuratorem emitte non potest; qua in re emendandus est error illorum,

qui id per procuratorem fieri posse arbitrantur. Consule Benedictum XIV. *Instit. Eccles.* 60. §. 3., & Giraldum *exposit. jur. pontific. par. 2. sect. 136. pag. 1011.*

- 3) Concilium Tridentinum *sess. 24. cap. 12. de reform.*, Pius IV. *Const. In Sacrosancta 102. & Const. Injunctum 103. Bullar. t. 4. par. 2. pag. 201. & 204.* Canonici collegiatarum Ecclesiarum hujus faciendæ professionis nulla lege obstringuntur; sed tamen etiam hi pluribus in locis vel peculiari lege, vel consuetudine hanc professionem emittunt. Sic in locis, ubi obtinet Concilium Romanum habitum a Benedicto XIII. an. 1725., multi sunt, qui ea lege tenentur. Confer Giraldum *loc. cit.*

§. XXXVIII. Illud in primis efficit capta possessio, ut qui eam anni spatio retinuit, is inde dimoveri, aut beneficium alteri, qui illud impetrarit, adscribi nequeat, nisi primum lis petitorio judicio finita sit. Quod jus constituit *Regula 35. Cancellariæ*, quæ vulgo dicitur *de annali possessore*, & quæ duabus constat partibus. Nam sancitum est primum, ut qui beneficium impetrat, quod alter per annum tranquillo, & quieto animo retinuit, significare debeat nomen, & gradum possessoris, proferre causam apertam, & perspicuam, propter quam ei retinendi beneficii jus esse negat, temporis, quo in ea possessione versatus est, cursum ostendere; deinde ut intra sex menses possessorem in judicium vocet, & causam intra annum usque ad sententiam persequatur 1).

1) Consule Rigantium *ad hanc Regul. 35.*

§. XXXIX. Est & alia regula *de triennali possessore*, quæ inter regulas Cancellariæ est 36. numero, atque in re beneficiaria quadragenariæ præscriptionis vice fungitur. Ea vero cautum est, ut qui procul a labe, vitioque simoniæ triennii spatio beneficium obtinuit quovis titulo, etiam *colorato*, ut vocant, is nullis amplius molestiis affici, neque a possessione dimoveri possit, atque omnes ejus beneficii *impetrationes*, quas dicunt, irritæ habeantur. Quæ triennalis possessio ut tantum valeat, pacata esse debet, eaque ut explorata sit, satis est ostendere possessionem, quam quis revera adeptus est. Nam qui illam semel apprehendit, ac post triennium retinet, in ea semper perseverasse censetur, nisi secus ostendatur 1).

1) Vide etiam Rigantium *ad Regul.* 36.



## T I T U L U S X I V.

### DE CENSIBUS, EXACTIONIBUS, ET PROCURATIONIBUS.

- |   |                            |
|---|----------------------------|
| I. Census quid?                             | IV. Subsidium caritativum. |
| II. Quando census ab Episcopo constituatur? | V. ad VIII. Procuratio.    |
| III. Cathedralicum.                         | IX. Portio canonica.       |

## §. I.

**N**ON solis aluntur Clerici beneficiorum fructibus, sed & alia habent emolumenta, aliasque obventiones, quibus fruuntur, ut honeste, ac decenter vivant. Eorum quædam ad Episcopos, quædam ad ceteros clericos pertinent. Proprii sunt Episcoporum census, quorum nomine hoc loco intelligitur certa vis pecuniæ, quæ ex redditibus ecclesiasticis solvenda est.

§. II. Porro Episcopus in Ecclesia recens fundata, & dotata, cum eam consecrat, censum constituere potest, consensu accedente fundatoris 1), vel patrono reservare 2), idemque recte præstat, cum annuente Capitulo Ecclesiam piis locis concedit, aut subtrahit a jurisdictione sua 3). Generatim tamen ædificata, & consecrata Ecclesia, nefas est aut. veterem augere censum, aut novum imponere; nisi primum Apostolicæ Sedis venia impetrata sit 4).

1) *Can. 30. c. 18. q. 2., Cap. 16. de censib. exaction. ibique Glossa.*

2) *Cap. 23. de jurepatr.*

3) *Cap. 6. de relig. domib.*

4) Onus, quod etiam mortuo Beneficiario maneat, sine venia Summi Pontificis imponi nequit. Eadem hanc veniam pro onere temporario requiri, tradit Giraldus l. 3. t. 39. sect. 584. p. 397.

§. III. Præter censum, alia etiam Episcopi  
pi

pi tributa exigunt a clericis , & ecclesiis suæ diœceseos , quæ tributa vel ordinaria , vel extraordinaria sunt . Ordinarium tributum est Cathedraticum , aut Synodaticum ; quod a singulis Ecclesiis quotannis solvitur in signum subjectionis , & honorem cathedræ Episcopalis 1) . Penditur in synodo cathedraticum , unde factum est synodatici nomen 2) , & penduntur duo solidi 3) ab Ecclesiis omnibus , & clericis , qui Episcopo subjecti sunt 4) .

- 1) Cathedraticum , de quo hoc loco agimus , confundi non debet cum eo munere , tributo , seu pastello , quod olim in ordinatione dari solebat , quodque vehementer improbat Gregorius M. in Synodo Romana tom. 3. collection. Harduini col. 497. , & Concilium Tridentinum sess. 21. c. 1. de reform. Hoc quoque interdum dicitur cathedraticum , uti observant Gonzalez in cap. conquerrante de offic. ordin. in fin. , & Christianus Lupus in schol. Et not. ad canon. Concilior. tom. 2. cap. 3. pag. 39. edit. Venet. 1724. Quæ nominis similitudo quosdam in eum errorem induxit , ut crederent , generatim cathedraticum a sacris canonibus improbari . Verum certa illa pensio , quam proprie cathedraticum dicimus , quæque Episcopo singulis annis persolvitur non propter ordinationem , sed in subjectionis signum , & honorem cathedræ Episcopalis , numquam a sacris canonibus vetita fuit , imo ejus antiquissimum faciunt Concilium Bracarense II. can. 2. , & Toletanum VII. cap. 4. tom. 3. collection. Harduini col. 386. Et 622. edit. Paris. , Alexander III. in cap. 9. de censib. , Honorius III. in cap. 16. de offic. judic. ordin. , Arnoldus Abbas Lubecensis , qui in Chronico Slavorum Lib. 3. cap. 21. pag. 670. inter Scriptores Brunsvicen. tom. 2. edit.

*edit. Hanoyer. 1705.* narrat, Hartwicum Archiepiscopum Bremensem, cum gravi premeretur inopia, ex solo cathedralico vitam traduxisse. In concilio Ravennatensi an. 997. *can. 2. tom. 6. Concil. col. 753. collect. Harduini* sancitum est, ut quovis anno, die S. Vitali sacro, omnes Archipresbyteri censum Episcopo solverent duorum solidorum, atque hunc censum fuisse cathedralicum, ostendit Thomasinus *vet. & nov. Eccles. disciplin. par. 3. lib. 2. cap. 34. num. 5.* Mitto cetera monumenta, quæ multa sunt, & ex quibus patet, antiquissimum esse cathedralicum, ac semper sacris canonibus probatum fuisse. Concilium Tridentinum *sess. 24. cap. 3. de reform.* quanquam novas exactiones Episcopis interdixit, non ideo susculit jus cathedralici, modo non in visitatione, ubi quidvis exigi concilium vetuit, sed vel in synodo, vel alio tempore solvatur; atque ita respondit Sac. Congregatio Concilii, cujus decretum late exornat Fagnanus in *Cap. conquerente num. 48. & seq. de offic. ordinar. & in Cap. venerabili num. 16. & seq. de censib.* Hinc S. Carolus Borromeus, qui Tridentini concilii decreta diligentissime custodiebat, firmam ratam esse voluit cathedralici solvendi legem *Act. Eccles. Mediol. par. 2. pag. 346.*, atque idem constitutum est a Synodo Bituricensi an. 1584. *tit. 3. can. 7. tom. 10. collect. Harduini col. 1492.*

- 2) Synodaticum Episcopo, cum diocesim lustrabat, interdum solutum patet ex duobus Conciliis Bracarense II., & Toletano VII., quorum paulo ante facta mentio est. Sed fere ubique solvebatur in Synodo, quæ cum plerunque post pascha haberetur, hinc ea solutio quandoque *Paschalis* est appellata, uti monet Cironius *paratitl. ad decretal. lib. 3. tit. 39. num. 10. tom. 1. pag. 315. edit. Vindobon. 1761.* Sed, ut plurimum, a synodo ea præstatio vocata est synodaticum, interdum etiam dicta *Synodus*, uti constat ex Concilio Tolosano *cap. 10. tom. 6. par. 1. collection. Harduini col. 1045.*, atque ex Fulberto Carnotensi *epist. 58.*



*epist.* 58. *Biblioth. PP.* t. 18. *pag.* 18. *edit.* Lugdun.; quamquam a Synodatico distingui synodus viderur in *Indice ms. beneficiorum Ecclesie Constant.* apud Du-Cangium *Glossar. verb. synodaticum*. Cum autem synodaticum in synodo persolvatur, quæri potest, num pendi debeat illis quoque annis, quibus synodus non haberur. Pluries de hac re quæsitum est coram Sac. Congregatione Concili, eaque semper respondit, cathedraticum, etiam non habita synodo, singulis annis esse solvendum; & veto in *Amalphytana cathedratici* 5. *Septembr.* 1705. & 26. *Februar.* 1707. & in *Cassanen.* 21. *Mart.* 1735. *lib.* 45. *decret.* *pag.* 326. & *lib.* 57. *pag.* 68. & *lib.* 85. *pag.* 188. nullo habitu respectu ad Synodum, cathedraticum a die adeptæ possessionis Episcopo solvi voluit. Quod idem antea constituerat Synodus Avenionensis an. 1366. *cap.* 11., & aliter similiter Avenionensis Synodus habita Alano Episcopo *tom.* 4. *Anecdotor.* *col.* 575. *cap.* 11. & 580. *cap.* 15. *edit.* Paris. 1717., ubi statutum est, ut non solum ejus anni synodaticum, sed etiam *arreragia temporis jam lapsi* Episcopo solverentur. Diuturna tamen, ac legitime inducta consuetudine fieri potest, ut nonnisi in synodo cathedraticum persolvatur. Quamquam enim ejus solutionis onus consuetudine prorsus tolli, ac deleri nequeat, ut scilicet semper extet monumentum honoris debiri cathedræ episcopali, tamen cum hic honos maneat, etiamsi illud non solvarur annis singulis, recte a consuetudine induci potest, ut tantum, cum Synodus haberur, cathedraticum pendi debeat. Consule Bortum *de Synod.* p. 3. *num.* 89. & *seq.*, & Massobrium *de Synod.* *cap.* 4. *dub.* 33. & 34.

3) Duos solidos propter cathedraticum unoquoque anno solvi jubent Concilium Bracarense II., & Toletanum VII. *loc. cit.*, atque Honorius III. *in cit.* *cap.* 16. *de offic. judic. ordinari.* Vetum cum solidi pretium non semper idem, nec ubique fuerit, uti lare inter ceteros ostendunt Jacobus Gothofredus in *Cod. Theodos. Leg. unic. lib.* 7. *tit.* 24. *tom.* 2. *pag.* 459. & *seq.* & *Leg.* 1. *lib.* 12. *tit.* 7. *tom.* 4.

tom. 4. pag. 597. edit. Lipsiæ 1737., & PP. Maurini in addit. ad Glossar. Du-Cargii verb. solidus; cum item incertum sit, aureus ne, an argenteus esset, & quanti valeret solidus Lucensis, quem memorat Honorius III. in cit. cap. 16., hinc quæsitum est, quæ nunc propter cathedraliticum monera pendenda sit. Synodus Romana habita anno 1725. a Benedicto XIII. singulis solidis pretium attribuit unius aurei monetæ Romanæ, & ideo propter cathedraliticum solvi jubet viginti julios ejusdem monetæ, quamquam non integri solidi a singulis beneficiariis pendendi sint, sed ratione habita reddituum beneficiorum, servatoque modo, qui in ea Synodo constitutus est. Verum provinciale hoc concilium tantum in Romana provincia legem facit. Itaque cum nihil certi ea de re sit a Jure constitutum, ex receptis populorum moribus, & locorum consuetudine cathedraliticum Episcopo solvendum æstimandum est.

- 4) Pendendum est cathedraliticum a quibuscunque parochis, beneficiariis, & Ecclesiis sæcularibus, non item regularibus, quæ monasteriis conjunctæ sunt, & in quibus regulares divina officia peragunt. Nam hæ solvendi cathedralitici onere non tenentur *Can. inter cetera 8. c. 10. q. 3. & can. quam sit c. 18. q. 2.* Sodalitia vero laicorum, quæ confraternitates dicuntur, Episcopi auctoritate instituta, si propriam habeant Ecclesiam, non item si tantum capellam, aut altare in aliena Ecclesia habeant, cathedraliticum pendere oportere, respondit Sac. Congregatio Concilii in *Firmana cathedralitici 24. Jul. 1734. & in Urbevetana cathedralitici 20. Mart. 1745.* Similiter in *Maceraten. cathedralitici 29. April. 1731.* definitum est, ex omnibus quotquot sunt, beneficiis, etiam simplicibus, solvendum esse cathedraliticum, exceptis tantum capellanis laicalibus, & ad nulum amovibilibus. Quod si plures clerici, qui uni, & eidem Ecclesiæ addicti sunt, communem habeant massam, non singuli discretam, atque distinctam præbendam, unum tantum ex ea massa cathedraliticum esse solvendum,

statuit Concilium Romanum anni 1725. *tit. 8. cap. 4.*

§. IV. Extraordinarium tributum est subsidium caritativum, scilicet pensio, quam Episcopus caritatis nomine exigit a clericis, & ecclesiis sibi subjectis 1) ad periculum aliquod depellendum, gravemque necessitatem evitandam 2). Justa autem, & gravis causa requiritur, ac præterea capituli consensu opus est, ut recte hoc subsidium ab Episcopo indicatur 3). Sed nunc, saltem in Italia, jus viget ab Innocentio XI. constitutum, quo sancitum est, ut semel tantum Episcopus, videlicet in primo ingressu suo, hoc subsidium exigit, & vero tantum accipiat, quantum antea per annos quadraginta dari consuevit 4). Quare si qua postea gravis exoritur causa, quæ subsidium flagitet, Sedis Apostolicæ venia opus est 5).

- 1) Subsidium hoc, uti etiam cathedraticum, ex lege diocesana procedit, & ideo regulares, ac ceteri, qui exempti sunt, illius solvendi onere non tenentur, uti ostendit Giraldus *Exposit. Jur. Pontific. par. 1. lib. 3. decretal. sect. 583. pag. 397.*
- 2) Concilium Lateranense III. *can. 4. tom. 6. par. 2. Concil. col. 1675. collect. Harduini, Cap. 16. de offic. judic. ordin.*
- 3) *Cap. 6. de censib. exaction.* Consule Giraldum *loc. cit.*
- 4) Innocentius XI. *Const. 43. §. 10. Bullar. t. 8. pag. 61.* Vide eundem Giraldum *loc. mox indic.*
- 5) Confer Gaudentium *tom. 1. de visit. Prælat. ecclesiast. distinct. 6. num. 18.*

§. V. Pertinet quoque ad Episcopum  
pro-

procuratio, quæ ei tribuitur alimentorum nomine, cum diœcesim visitat 1). Debent enim Episcopi singulis annis vel per se ipsos, vel legitime impediti per vicarium generalem, aliumve virum idoneum diœcesim visitare, totumque negotium saltem intra biennium absolvere; cum ita late patet diœcesis, ut uno anno universa lustrari non possit. Quo in munere curandum est diligenter, ut ubique Christiana religio integra observetur, pravique emendentur mores, & quidquid mali irrepsit, avertatur 2).

1) *Cap. 6. & 23. de censib. exaction.*

2) *Concilium Tridentinum sess. 24. cap. 3. de reform.*

§. VI. Cum autem æquum sit visitationem fieri sumptibus eorum, qui visitantur, inducta est procuratio, quæ comprehendit hospitium, alimenta, cetera necessaria 1), aut etiam certam vim pecuniæ, quæ nunc sponte data illorum loco accipi potest; modo sit una procuratio, cum plura eadem die loca lustrata sunt 2). Cavendum vero est Episcopis, ne inutilibus sumptibus graves sint Ecclesiis, quas visitant, & ideo modesto comitatu contenti esse debent 3); & si pluries intra annum eandem Ecclesiam visitaverint, nonnisi unam procurationem accipiunt 4).

1) *Cap. 6. & 23. de censib. exaction.*

2) *Cap. 2. & 3. de censib. in 6.* Ita a Bonifacio VIII. abrogatum est jus antiquum in *Cap. 1. eod.*, quod procurationis causa pecuniam accipere

pere vetabat. Eadem hæc optio dandi pecuniam loco victualium permissa est a Concilio Tridentino *sess. 24. cap. 3. de reform.*

- 3) Concilium Lateranense in *Cap. 6. de censib. exact.* præfinivit numerum equorum, quibus Episcopi diocæsim visitantes pro suo comitatu uti possunt; sed eo nunc indiscriminatim uti nequeunt, quod recte monet Giralduſ *Exposit. Jur. Pontific. par. 1. lib. 3. tit. 39. decretal. sect. 583. pag. 396.* Synodus Tridentina *sess. 24. cap. 3. de reform.* generatim statuit, ut Episcopi modesto equitatu, & famulatu contenti visitationem quam celerrime expediant. Et licet definitus non sit evectionum, ac dierum numerus, intra quem visitationem perficere oportet, tamen Sac. Congregatio Concilii id totum visitantium conscientie, & prudentie reliquit, uti ostendit ipse Giralduſ *loc. cit.*
- 4) Consule Benedictum XIV. *de Synod. dioces. lib. 10. cap. 10. §. 6.*

§. VII. Danda est procuratio non solum Episcopo, aut alteri, qui ejus loco diocæsim lustrat, sed etiam vicario capitulari, cui post annum a die postremo habitæ visitationis diocæsim visitare licet 1); & datur ab omnibus, qui visitantur, non tamen ab Ecclesiis civitatis, in qua Episcopus assidue commoratur 2), neque item ex privatis oratoriis, quæ in monachorum grangiis sita sunt 3). Subsunt autem Episcopî visitationi Ecclesiæ omnes, etiam exemptæ, atque etiam regulares, quæ conjunctam habent curam animarum 4), itemque commendata monasteria, etiam Abbatie, Prioratus, Præposituræ, ubi non viget observantia regularis; præterea beneficia tam curata, quam non curata, sæcularia, & regularia, qualitercumque com-

commendata etiam exempta 5); Parochiales annexæ Ordini Hierosolymitano 6), hospitalia, nisi sub immediata Regum protectione sint 7). Nam quæ Episcopus ordinario jure visitare non potest, qualia sunt loca exempta, ea visitat jure delegato.

- 1) Vide Benedictum XIV. *loc. mox indicat.*
- 2) Consule Fagnanum *ad Cap. 15. de censib. exaction.*, & Giraldum *Exposit. Jur. Pontific. par. 1. lib. 3. decretal. tit. 39. pag. 403.*
- 3) *Cap. 27. de censib. exaction.* Quæ decretalis consensu omnium interpretum Jutis Canonici ad quæcunque privata oratoria traducitur, uti testatur Fagnanus *in cit. cap. 27.*
- 4) Concilium Tridentinum *sess. 25. de regul. c. 11.*, Gregorius XV. *Const. Inscrutabili 50. §. 4. Bullar. tom. 5. par. 5. pag. 1.*
- 5) Concilium Tridentinum *sess. 7. cap. 8. & sess. 21. cap. 8. de reform.* Vide etiam ea de re decretum ut *in parvis 134.* Innocentii X. *Bullar. tom. 6. par. 3. pag. 270.*
- 6) S. Pius V. *Const. Exposcit 187. Bullar. par. 3. tom. 4. pag. 130.*
- 7) Concilium Tridentinum *sess. 22. cap. 8. de reform.*

§, VIII. Visitantur etiam ab Episcopo quotannis monasteria monialium 1); sed tunc nullam ipse procuracionem accipit, nisi quod in earum Ecclesiis beneficium sit 2).

- 1) *Clement. 2. de stat. monachor.* Concilium Tridentinum *sess. 25. cap. 9. de regul.* Late hoc argumentum persequitur Giraldus *Exposit. Jur. Pontific. par. 1. lib. 3. decret. tit. 35. sect. 562. pag. 372. & seq.*

2) Sac.

- 2) Sac. Congregatio Concilii in Volaterrana 13.  
Novembr. 1638. lib. 16. decretor. pag. 106.

§. IX. Denique Episcopus jure decretalium habet portionem canonicam, scilicet quartam partem earum rerum, quæ Ecclesiæ, aut alii pio loco relinquuntur 1). Sed hodie fere, ubique hæc portio consuetudine sublata est, cum non amplius Episcopi gravi illa preman- tur inopia, cujus gratia initio ea concessa fuit. Si qua tamen reggio est, in qua portio cano- nica adhuc obtinet, non eam pendunt loca pia, & monasteria exempta, quoniam soluta sunt lege diocesana, unde illa procedit 2); neque penditur ex piis legatis, quæ pro anniversario, pro Ecclesiæ fabrica, ceterisque similibus re- licta sunt 3).

1) Cap. 14. de testam.

2) Consule Giraldum loc. cit. tit. 27. sect. 481.  
pag. 315.

3) Cap. 20. de testam.



## T I T U L U S X V.

### DE DECIMIS.

- |   |   |
|---|---|
| I. Clericorum obventio-<br>nes, & emolumenta.   | cim in decimis spectan-<br>da.              |
| II. Decimæ quo jure apud<br>Christianos debita? | VII. Cui solvendæ deci-<br>mæ?              |
| III. Quando solvi cæptæ?                        | VIII. Decimæ an a laicis<br>accipi possint? |
| IV. Prædiales, persona-<br>les, mixtæ.          | IX. A quibus solvendæ<br>decimæ?            |
| V. Earum discrimen.                             |   |
| VI. Consuetudo præser-                          |   |

Tom. II.

D d

§. I.

## §. I.

**N**unc ad ea transgredimur, quæ ceterorum clericorum propria sunt; & huc spectant decimæ, primitiæ, oblationes, quotidianæ distributiones, quæ ordinariæ, quæque extraordinariæ vocantur, voluntariæ denique, & honorariæ largitiones pro benedictionibus, sacrificiis, sacramentis, aliisque bonis Christiano populo tribuendis. Non omnibus quidem omnes clerici fruuntur, sed alii aliis, pro emolumentorum, clericorumque discrimine.

§. II, Apud Hebræos Levitis, & Sacerdotibus Divina lege debitas fuisse decimas, hoc est decimam partem fructuum terræ, & pecudum, inter omnes constat 1). Jure Evangelico ad alendos clericos nullæ indictæ sunt decimæ; tantum Christiani jubentur Ecclesiæ ministris præbere necessaria ad vitam honeste, ac decenter traducendam 2). Itaque Divini quidem juris est, quod iis, qui altari ministrant, necessaria vitæ subsidia præbeantur; non item, quod ea de causa detur decima pars fructuum terræ, & hoc quidem modo decimæ ad jus Divinum referri non possunt 3). Nam Ecclesia constituit modum, quo ejus ministri alendi sunt; nihil autem interest, sive id per decimas, sive per alias præstationes fiat.

- 1) Prima, quæ in sacris libris occurrunt, decimarum exempla, sunt Abrahami decimæ e manubiis omnibus devictorum ab eo Regum, quas ipse Sa-  
cer-



cerdoti Melchisedeco persolvit *Gen. XIV. 20.* Imitatus hanc avi pietatem Jacobus omnium, quæ sibi in Mesopotamia acquitenda essent, decimas Deo offerendas vovit *Genes. XXVIII. 22.*, quam fidem ab itinere reducem liberasse nemo dubitat. Denique Mosaica lege in *Levit. XXVI. 30.* jussi sunt Hebræi decimas persolvere; & tunc quidem decimæ Levitis, & Sacerdotibus Dei mandatu deberi cæptæ sunt.

- 2) Matthæus *X. 10.* Lucas *VIII. 3. X. 7.* Paulus *1. ad Corinth. IX. 7. 9. 10. 11. 13. 14.*
- 3) Divinum præceptum solvendarum decimarum morale fuisse, nonnulli existimant, unde faciunt, nunc etiam divina lege a Christianis decimas esse solvendas. Rectius S. Thomas *2. 2. quæst. 87. art. 1.* decimas divino jure a Christianis debeti affirmat, si earum nomine comprehendimus alimenta, quæ clericis debentur, negat autem, si eo vocabulo decimam illam partem fructuum, & reddituum intelligimus. *Sic ex se patet*, inquit, *quod ad solutionem decimarum homines tenentur partim quidem ex jure naturali, partim etiam ex institutione Ecclesiæ. Quæ tamen pensatis opportunitatibus temporum, & personarum posset aliam partem determinare.* Et merito a Concilio Constantiensi *sess. 8. c. 300. t. 8. collect.* Harduini damnatus est articulus *18. Joannis Wiclei agentis*, quod *decimæ sunt puræ elemosynæ, & Parochiani possunt propter peccata suorum Prælatorum ad libitum suum eas auferre.* Nam decimæ, tamquam alimenta Ecclesiæ ministris debita, ab ipso divino jure procedunt. Consule Bellarminum *de cleric. l. 1. c. 25. §. quod non sit morale opp. t. 2. pag. 157. ed. Venet. 1721.* Gonzalez in *cap. 32. §. 1. de decim.*, Cotelierum in *Constit. Apostolic. lib. 2. cap. 35. not. 1. tom. 1. pag. 248. edit. Amstelædami cit.*

§. III. Hinc prioribus Ecclesiæ sæculis neque Christiani decimas solvebant, neque ulla lex erat, quæ hanc solutionem imperaret 1).

Clerici vivebant ex oblationibus, quas fideles sua sponte in Ecclesiam conferebant; adeo ut nihil opus esset decimas indicare, ut ex iis clerici victum, & cultum obtinerent. Imminuta fidelium largitate, cum non omnia Ecclesiæ, ejusque ministris sponte a fidelibus præberentur, institutæ sunt decimæ tum Patrum hortationibus 2), tum Ecclesiæ legibus 3), quibus eas Christianiolvere jussi sunt.

- 1) Cyprianus de unit. Eccles. pag. 85. edit. Amstelædami 1700. diserte testatur, nullas sua ætate decimas fuisse solutas; & ep. 1. pag. 170. de Hebræorum decimis disserens, Quæ nunc ratio, inquit, & forma in clero tenetur, ut qui in Ecclesia Domini ordinatione clericali promoventur, in nullo ab administratione Divina avocentur, nec molestiis, & negociis sæcularibus alligentur, sed in honore sportulantium fratrum, tamquam decimas ex fructibus accipientes, ab altari, & sacrificiis non recedant. Quo ex loco perspicuum est, ætate Cypriani sportulas decimarum locum obtinuisse. Idem etiam deprehendi potest ex Origene hom. 11. in numer. n. 2. pag. 305. opp. tom. 2. edit. Paris 1733. Adde altum, quod tribus prioribus sæculis de solvendis decimis, ubique silentium est.
- 2) Adeundi sunt Auctor Constit. Apostolic. lib. 7. cap. 29. & lib. 8. cap. 20. apud Cotelerium PP. Apostolic. tom. 1. pag. 375. & 416. edit. indic., Hieronymus in Malach. cap. 3. versic. 7. 8. & seq. col. 978. & seqq. opp. tom. 6. edit. Veron., Augustinus comment. in psalm. 146. num. 17. opp. tom. 4. col. 1648. edit. Venet. cit., Chrysostomus hom. 4. in epist. ad Ephes. opp. tom. 11. pag. 31. edit. Paris. 1734.
- 3) Concilium Matiseonense II. can. 5., Moguntinan. 887. can. 13. in Delect. actor. tom. 1. col. 396. & 1054.

§. IV. Jamvero decimæ vel prædiales, vel personales, vel mixtæ sunt. Prædiales debentur ex fructibus, sive redditibus prædiorum tum urbanorum, tum rusticorum; & harum quidem aliæ majores, aliæ minores, & minutæ, aliæ novalis appellantur. Majores sunt, quæ ex frumento, vino, fæno, aliisque uberioribus fructibus, minores, quæ ex leguminibus, & oleribus, novalis 1), quæ penduntur ex prædiis, quæ recentur ad culturam redacta sunt, cum antea frugifera non essent. Personales 2) solvuntur ex rebus, quas sibi quisquis acquirit opera, & industria sua, veluti ex lucro honestæ negotiationis, militiæ, venationis. Mixtæ denique partim prædiales sunt, & partim personales, quippe quæ ex rebus quidem ipsis, sed nonnisi adhibita industria percipiuntur. Hujus generis sunt fœtus pecorum, lac, lana, cetera similia.

1) Terra præcisa, quæ anno cessavit, vel silva, quæ avulsis arboribus, ad culturam redacta est, terra novalis dicitur *Leg. 30. ff. de verb. signific. Leg. 3. §. 2. ff. de termin. mot.* Memorat hanc Juris Civilis interpretationem Innocentius III. in *Cap. 21. de verbor. signific.*, tum statuit, novale esse intelligendum *agrum de novo ad cultum redactum, de quo non extat memoria, quod aliquando cultus fuisset.*

2) Ætate Augustini nondum decimæ fixæ, ac perpetua lege constitutæ fuisse videntur; sed ipse tamen enarrat in *psalm. 146. num. 17. col. 1648. tom. 4. edit. indic.* vehementer Christianos hortatur, ut reales, ac personales decimas solvant. *Præcidite, inquit aliquid, & deputate aliquid fixum vel ex annuis fructibus, vel ex quotidianis quæstibus*

*vestris*. Sequenti tamen sæculo, quo vixit S. Cæsarius Arelatensis, non reales solum, sed etiam personales decimæ obtinebant; nam ipse *serm.* 277. *inter opp.* Augustini in *Append.* col. 460. tom. 5. par. 2. diserte memorat decimas ex quotidianis quæstibus, item de militia, de negotio, de artificio. Falsus igitur est Van-Espenius *Jus eccles. univers.* par. 2. tit. 33. cap. 1. num. 31. *Et seq.*, qui personalium decimarum originem Cælestino III. adscribendam putat; & insignis est calumnia Justii Henningii Boehemeri *Inst. Jur. Canon. lib.* 3. tit. 3. §. 3. reprehendentis Romanos Pontifices, quasi ipsi jus decimarum plus æquo explicaverint, quod personales decimas instituerunt.

§. V. Inter prædiales, ac personales decimas non unum discrimen est. Nam prædiales debentur, non deductis impensis; & vero debentur Parocho, cujus in parochia sita sunt prædia, unde illæ percipiuntur 1); cumque ipsis prædiis adhæreant, ab omnibus, qui prædia habent, etiam infidelibus, solvendæ sunt 2). Verum decimæ personales tantum a Christianis solvuntur Parocho, a quo ipsi sacramenta accipiunt, exiisque impensæ in rebus parandis factæ detrahuntur 3). Illud commune est utrisque decimis, quod non deducitur, quod necessario ad res conservandas impenditur 4).

1) *Cap.* 7. 13. 22. *de decim.*

2) *Cap.* 16. *eod.*

3) *Cap.* 20. *Et* 28. *eod.*

4) *Cap.* 28. *mox laudat.*

§. VI. Leges hæ sunt Decretalium jure generatim constitutæ. Sed recepti populorum  
mo-

mores sæpe has leges abrogarunt, & hinc spectandæ sunt singularum Ecclesiarum consuetudines, ut noscatur, a quibus decimæ pendendæ sint, quid item, & quibus eas solvere oporteat. Nimirum posteaquam clericis aliis bonis, atque redditibus parata sunt ea, quæ suppeditent ad cultum, & ad victum, paulatim decrevit solutio decimarum; & nunc multis in locis neque decimæ prædiales ex prædiis urbanis, neque personales solvuntur 1). Quin ne ex omnibus quidem terræ fructibus detrahuntur decimæ, neque solvitur decima eorum pars, licet adhuc decima appelletur, & multæ etiam regiones sunt, in quibus decimæ prorsus exoleverunt.

1) Consule Giraldum *Exposit. Jur. Pontific. par. 1. decret. lib. 3. sect. 508. pag. 331.*

§. VII. Decimæ debentur Parocho 1); sed tamen ab aliis quoque clericis, aut Ecclesiis acquiri possunt vel privilegio Summi Pontificis 2), vel præscriptione annorum quadraginta cum titulo, sine titulo vero præscriptione temporis, quod hominum memoriam superet 3). Novales vero, ac minutæ, ubi hæ vigent 4), decimæ semper Parocho reservatæ censentur; ne is, cui animarum cura commissa est, graviori damno afficiatur. Et quamquam laici jure ipso exigendi decimas, quod proprium clericorum est, potiri nequeant, tamen res ipsas, quæ decimarum nomine penduntur, habere possunt 5); modo justa causa præsto sit, & Romani Pontificis accedat auctoritas 6).

D d 4

1) Conq.

- 1) Concilium Cabilonense can. 19. *Delect. actor. tom. 1. col. 764.*, & Metense can. 2. col. 411. *tom. 6. collect. Harduini, Cap. 19. & 30. de decim.*
- 2) Multa extant exempla decimarum, quæ a Sede Apostolica Monasteriis, & Capitulis concessæ sunt. Eas memorant, & probant S. Petrus Damiani t. 3. *opusc. 33. cap. 3. pag. 252. edit. Paris. 1664.*, Ivo Carnotensis *ep. 192. pag. 83. ed. Paris. 1647.*, S. Thomas 2. 2. q. 87. *art. 3.* Vide etiam regulam Templariorum c. 66. ap. Holstenium *Cod. Regul. t. 2. p. 440. ed. cit.*
- 3) *Cap. 4. & 6. de præscript. in Cap. 1. eod. in 6.*
- 4) Minutæ decimæ plerisque in locis obsoleverunt,
- 5) S. Thomas 2. 2. *quæst. 86. art. 3.*
- 6) Interdum Summus Pontifex ad tempus imponit decimas beneficiorum propter aliquam necessitatem, vel publicam Ecclesiæ utilitatem, atque eas solvi mandat alicui Principi, qui Ecclesiam defendit. Tunc autem constituuntur collectores, & subcollectores, qui has decimas colligant. Vide *Clem. 2. de decim.*, & *Extravag. unic. int. commun. eod.*, & vide etiam Gonzalez. *in cap. 19. de decim. num. 4.*, ubi memotat decimas a Sede Apostolica concessas Regibus Hispaniarum.

§. VIII. Verum mediis sæculis in summa rerum confusione laici, ut multa ecclesiastica bona, ita etiam decimas usurparunt, easque jure feudi retinuerunt, adeout in commercio essent, & in heredes transirent 1). Interim, Parochi carebant suis redditibus, quibus semetipsos, & pauperes sustentarent, neque decimarum possessores ea, quæ debebant, Ecclesiæ servitia præstabant. Itaque actum est, ut sacra præda ex laicorum manibus extorqueretur; sed operosum id erat, neque convenire visa sunt extrema remedia, quibus illi exasperarentur. In Concilio Lateranensi III. 2) prohi-

prohibiti sunt laici novas decimas acquirere, & antiquas, quas habebant, in laicos transferre, tum generatim moniti, eos sine animarum suarum periculo decimas retinere non posse, sed adversus illos, qui eas retinerent, nulla pœna indicta est. Denique usu potius, ac silentio, quam lege ulla scripta toleratæ sunt decimæ, quas antea laici jure feudi obtinebant, novarum tamen acquisitio prorsus vetita; et hodie recepta sententia est, eas tantum decimas infeudatas a laicis recte detineri, quæ ante Lateranensem synodum acquisitæ sunt 3).

1) Occupata a laicis bona, ac decimæ *Ecclesiæ* & *Altaria* dicebantur, quorum turpe, quod calamitosis iis temporibus a laicis fiebat, commercium damnant Paschalis II., & Gregorius VII. *Can. 13. & 14. cau. 1. q. 3.* Confer Petrum de Marca in *can. 7. Conc. Claromont.*, Fr. Florentem in *cap. 1. & 2. de jurepatr.*, & Muratorium *disser. 72. & 73. antiq. Italic.*

2) *Cap. 19. de decim.*

3) Quod Concilium Lateranense III. non expresse statuit, restituendas esse decimas, quas laici derinebant, neque ullam in ipsos pœnam constituit, sed tantum illas in laicos transferri, ac novas acquiri veteri, plerique in eam veneri opinionem, quod ea Synodus integras laicis reliquerit decimas, in quarum antea possessione versabantur. Hinc orta communis opinio, laicos retinere posse infeudatas decimas, quas ante illam Synodum obtinebant. Sed recte observat Ludovicus Thomasinus *vet. & nov. Eccles. discipl. par. 3. lib. 1. cap. 11. num. 7. & seq.*, Concilium Lateranense III. numquam laicis antiquas decimas permisisse, cum satis discrete dicat, eas laicos sine animarum periculo detinere non posse. Hinc Odo de Saliaco Parisien-

sis Episcopus viginti circiter post annos , quam Lateranense Concilium habitum fuerat , in suis Constitutionibus Synodalibus num. 18. *Delector. tom. 1. col. 1257. Frequenter , inquit , moneantur laici , ut non retineant decimas , quas in periculum animarum suarum retinent .* In Concilio Lateranensi IV. multa de decimis sancita sunt , præsertim contra illos , qui eas usutabant , sed nullum decretum est , quo laici restituere cogantur decimas , quas tunc obtinebant . Imo Innocentius III. , quo Pontifice Lateranense illud Concilium habitum est , non improbasse videtur decimas , quæ a laicis jure feudi retinebantur , uti patet ex *Prima Collect. tit. 11. tom. 1. pag. 565. & 566. edit. Baluzii Paris. 1682.* Cum enim Capitulum Syessionense earum decimarum redimendarum facultatem postulasset ; eam dedit Pontifex adjecta lege , ut Capitulum ea , quæ præstabant vetusti decimarum possessores , Ecclesiæ servitia præstaret . Non hic Ecclesiæ restitui jubentur decimæ infeudatæ ; imo vero probatur contractus , per quem illas capitulum a laicis acquisiverat , & confirmantur servitia , quæ antea laici propter decimas præstabant , & quæ in posterum Capitulum præstare debet . Clarius ipse Innocentius III. in *Cap. 25. de decim.* memorat decimas in feudum concessas , neque eas improbat . Ita cum omnes , quæ ferebantur , leges novas tantum decimas a laicis acquiri vetarent , sed decimas jam infeudatas non improbarent , invaluit opinio , quod laicis vetitum esset novas decimas acquirere , contra ipsis illæ essent permittendæ , quibus jam tunc fruebantur . Medio sæculo XIII. Alexander IV. in *cap. 2. §. sane de decim. in 6.* postquam statuit , Regulares posse cum Episcopi consensu decimas a laicis detentas accipere , illas autem , inquit , *decimas intelligimus posse taliter a Religiosis de manibus laicorum recipi , vel acquiri , quæ ante Lateranense Concilium ipsis laicis in feudum perpetuo fuere concessæ .*

Non



Non hic declarat Alexander, quod Lateranense Concilium intelligat, sed tamen Juris Canonici Interpretes intelligendum putant Concilium Lateranense III., quod Alexandro III. Pontifice habitum est. Hinc recepta ubique regula, laicos retinere posse decimas infeudatas, modo eas ante Concilium Lateranense III. obtinuerint. Illud non omitam, quod post Pontificatum Innocentii III. abstinuere se Concilia a repetendis antiquis decimis, quas jam laici habebant, quod & ex Tridentina Synodo confirmari potest. Quamquam enim statuat, ut qui decimas impediunt, aut subtrahunt, excommunicentur sess. 25. c. 12. de reform.; tamen sess. 23. cap. 18. de reform. agens de redditibus idoneis Episcopali seminario patandis, aliquid confetti jubet a laicis, qui Ecclesie decimas obtinent: *etiam ex decimis quacunque ratione ad laicos, ex quibus subsidia ecclesiastica solvi solent, pertinentibus.*

§. XI. Solutio decimarum omnes generatim obstringit; quin etiam excommunicationis poena constituta est adversus eos, qui decimas subtrahunt, aut impediunt 1). Multi autem eo onere soluti sunt vel privilegio Summi Pontificis 2), vel præscriptione annorum quadraginta cum titulo: sine titulo vero præscriptione temporis, quod supra hominum memoriam est 3); vel pactis conventis, & voluntaria remissione, quæ cum perpetua est, Summi Pontificis auctoritatem postulat 4). Clerici decimas pendunt ex bonis, quæ hereditate, legato, donatione, aut simili contractu acquisiverunt, non item ex bonis, quæ habent titulo spirituali, puta beneficii 5); Regulares autem ex prædiis, quæ pridem suberant oneri

ri decimarum, antequam ad eos pervenirent 6).

- 1) *Can. 5. caus. 16. q. 7. , C. 5. de decim. , Conc. Tridentinum sess. 25. cap. 12. de reform.*
- 2) *Cap. 24. ibique Glossa verb. exemptus de decim.*
- 3) *Cap. 15. de privileg. , Cap. 4. 6. 8. de præsript ; Cap. 1. eod. in 6.*
- 4) *Cap. 8. de transact.*
- 5) Cum in *Cap. 2. de decim.* Paschalis II. decimas a clericis primum solvendas neget, ac deinceps affirmet, hinc variæ editæ sunt ab interpretibus explanationes, ut omnis, quæ forte in hac sententia inesse videtur, pugna removeatur. Verior, & ab omnibus fere recepta interpretatio est, quam tradit Glossa, videlicet clericos non teneri decimis ex bonis spirituali titulo acquisitis, puta beneficii, teneri autem ex bonis, quæ testamento, aut contractu obtinuerunt, & ex quibus, antequam ea venirent ad clericos, decimæ solvebantur; quamquam eorum bonorum titulo promotus quis fuerit, nisi aliud legitima consuetudine inductum sit; ut declaravit Congregatio Concilii in *Marsicana* 12. Augusti 1651. *lib. Decret. XIX. pag. 143. , & in Usselen. decimarum* 11. Maii 1658. *lib. XXI. pag. 243.* Atque id generatim obtinet, etiamsi clerici ab ipso Parocho sacramenta non accipiant, ut respondit eadem Congregatio Concilii in *Feretrana* 19. Januarii 1636. *lib. Decret. XV. p. 310. & in Hortana decimarum* 25. Septembr. 1694. *lib. XLIV.*
- 6) Extant in *Cap. 10. & 11. de decim.* privilegia Sedis Apostolicæ, per quæ Regulares liberantur ab onere solvendarum decimarum ex prædiis, quæ propriis manibus, atque impensis colerent. Verum Innocentius III. in Concilio Lateranensi IV. *Cap. 34. de decim.* sancivit, ut cuncti Regulares decimas solverent ex prædiis deinceps acquisitis, ex quibus antea decimæ sol-

vebantur, quamquam ea ipsorum Regulatum labore, & sumptibus fructuosas sint. Secundum hanc Decretalem a Congregatione Concilii in Pampilonen. *decimarum* 21. *Augusti* 1728. in *Thesaur. Resolut. tom. 4. pag. 213. Et tom. 6. pag. 29. Et seq.* responsum est: quod *Regulares non habentes in privilegiis expressam derogationem Cap. nuper teneantur solvere integras decimas, exceptis bonis, Et rebus præscriptis in Cap. ex parte 10. de decim.* Hodie igitur Regulares omnes soluti sunt lege tribuendarum decimarum tum personalium, tum realium, quæ dari deberent ex fructibus hortorum suorum, nutrimentis animalium, atque ex novalibus, quæ fiunt ex terra prorsus inculta, quam ipsi proprio labore, sumpruque colunt; non item ex fundis decumanis, qui ad eos cum tali onere delati sunt, nisi etiam pro his peculiare privilegium obtinuerint, uti etiam declararunt Alexander IV. in *Cap. 2. §. ceterum de decim. in 6., & Innocentius X. Const. Nuper pro parte 53. Bullar. tom. 6. par. 3. pag. 79. Consule Passerinum. Comment. ad lib. 3. Sexti Decretal. tit. de decim. quæst. unic. artic. 15. per tot., Catd. Pettam ad Const. Apostolic. tom. 4. in Constit. 8. Martini V. pag. 243., & Gaudentium a Janua de visit. cujuscunq. Prælat. tom. 1. cap. 5. dub. 13. sect. 6.*

## T I T U L U S X V I.

### DE PRIMITIIS, OBLATIONIBUS, CE- TERISQUE TEMPORALIBUS BO- NIS CLERICORUM.

- |   |  |
|---|--|
| <p>I. &amp; II. Primitiæ quomo-<br/>do apud Hebræos, quo-<br/>modo apud Christianos<br/>debitæ?</p> <p>III. Oblationes quid?</p> <p>IV. ad VI. Earum distin-<br/>ctio.</p> <p>VII. Cui adscribendæ o-</p> | <p>blationes?</p> <p>VIII. Distributiones quo-<br/>ridianæ.</p> <p>IX. De his Tridentini<br/>Concilii decretum.</p> <p>X. Qui distributiones ac-<br/>cipiunt?</p> <p>XI. Portio congrua.</p> |
|---|--|

#### §. I.

**P**rimitiæ sunt rerum primi fructus, qui Deo offeruntur. Apud gentes omnes vetustissimi instituti est primitias Deo offerre, & consecrare. Hebræi vero Divina etiam lege primitias dabant, quarum tamen modus, & ratio potius moribus, quam lege ipsa erat constituta 1). Inter Christianos primitiæ ante ipsas decimas obtinere cæperunt; & vero antiquissima sunt monumenta, unde intelligimus, Christianos primitias rerum suarum præstare consuevisse 2).

1) Consule Hieronymum in *Ezechiel. cap. 45. vers. 13. & 14. opp. tom. 5. col. 565. edit. Valarsii Veron.*

2) Ori-

- 2) Origenes *contr. Cels. lib. 8. num. 34. p. 766. tom. 1. edit. Paris 1733.*, Irenæus *lib. 4. contra Hæreses cap. 17. pag. 219. edit. Paris. 1710.*, Auctor Canon. *Apostolor. can. 5. & Constit. Apostolic. lib. 8. cap. 40. uterque apud Corelerium PP. Apostolic. tom. 1. pag. 423. & 442. edit. Amstelædami cit.*

§. II. Dabantur primitiæ non tantum ad agnoscendum creatorem, sed etiam ad ministros Ecclesiæ sustentandos 1), erantque præsertim ex uvis, & frumentis 2), certaue extabat precum formula, quæ in earum benedictione adhibebatur 3). Nunc fere ubique primitiæ desierunt 4), ac si qua regio est, in qua adhuc eæ ex consuetudine tribuuntur, ex eadem noscitur, quid, & quantum dari debeat.

- 1) In Synodo Gangrensi *in præfat. collect. Harduini tom. 1. col. 530. & seq. gravissime reprehenduntur hæretici Eustathiani, quod primitias fructuum Ecclesiæ olim datas sibi vindicassent, suisque adscripsissent; & hinc duo emittuntur canones, quibus sub pœna anathematis omnes prohibentur eos fructus Ecclesiæ oblatos accipere, aut dare extra Ecclesiam, præter Episcopi sententiam can. 7. & 8. col. 535. loc. indic.*
- 2) Concilium Africanum *cap. 4. apud Pithæum Cod. Canon. Eccles. Roman. pag. 144. ed. Paris. laud., S. Gregorius Nazianzenus ep. 80. pag. 833. opp. tom. 1. edit. cit.*
- 3) Habes hanc formulam apud Auctorem *Constit. Apostolic. loc. cit.*
- 4) Post sæculum V. vix ulla amplius mentio primitiarum occurrit; tantum indicuntur in Concilio Hispalensi apud Ivonem *in Decret. par. 3. cap. 174.*

### §. III.

§. III. Oblationes sunt munera, quæ a fidelibus Deo, & Ecclesiæ sponte offeruntur. Antiquissimus earum usus est, atque ab ipsa Apostolorum ætate repetendus 1). Nemo offerre cogeatur, sed turpe erat, eum non offerre, qui posset 2); & illorum, quorum præclara erant munera in Ecclesiam, nomina publice recitabantur 3). Neque vero omnibus offerre licebat; quoniam oblationes, præsertim Eucharistica, ecclesiasticam communionem ostendebant, & ideo rejiciebantur oblationes eorum, qui in Eucharistia non communicabant 4), Ipsi Consistentes, qui scilicet in summo poenitentium gradu versabantur, quamquam communium precum essent participes, tamen ad altare offerre prohibebantur 5); & sæpe restitutas constat oblationes eorum, qui deinceps in hæresim inciderant 6).

1) Agapas, sive sacra convivia Apostoli instituerunt, arque horum ratio erat, ut singuli Fideles panem, ac vinum, aliaque etiam ad Ecclesiam offerrent, e quibus panis, vinique parte consecrata, quod reliquum erat, in commune illud convivium conferebatur. Arque huc referendam illud Apostoli 1. ad Corinth. XI. 21. *Unusquisque suam cenam præsumit ad manducandum, & alius quidem esurit, alius ebrius est*. Licet vero deinceps Agapæ desierint, tamen oblationum usus diu retentus est. Agit, præter ceteros, de Agapis Thomasinus *Vet. & nov. Eccles. discipl. p. 3. l. 3. c. 47. n. 1.*

2) Cyprrianus *de oper. & eleemosyn. pag. 141. edit. Amstelædami 1700.* reprehendit feminam, quæ cum dives esset, nihil obrulerat, & S. Augustinus, seu potius S. Cæsarius Arelatensis Auctor *serm. 85. de tempor. n. 4. & 5. col. 454. opp. tom. 5. par. 1. edit. cit.* populum ad hanc officii partem vehemen-

mentet hortatur, sed lapsu temporum, Imminuta apud multos pietate, laris legibus jussi sunt Christiani certis saltem diebus oblationes facere. Concilium Matisconense II. *can. 4. Delect. actor. Eccles. univers. tom. 1. col. 395.* cunctis diebus dominicis panem, & vinum ab omnibus offerri jubet; & Capitularia Regum Francorum *lib. 6. cap. 170.* apud Baluzium *col. 636. edit. Venet. 1772.* quotidie oblationes fieri mandat; *U si quotidie non potest, saltem dominica die.* Quo loco autem oblationes fierent laicorum, quibus ad altare accedere non licebat, diligenter ostendunt Bona *rer. liturgic. lib. 2. cap. 9. §. 1. pag. 199. tom. 3. edit. Taurin. cit., & Sala in notis ad eundem locum, U ad cap. 8. §. 4. U 6. pag. 183. 191 U 200., & Martenius de antiq. Eccles. rit. lib. 1. cap. 4. artic. 6. §. 7. tom. 1. pag. 140. edit. Antwerp. seu Venet. 1763.*

- 3) Cyprianus *ep. 60. al. 62. ad Episcop. Numid. pag. 274. edit. indic., Hieronymus in Jerem. lib. 2. cap. 11. vers. 15. U 16. opp. tom. 4. col. 921. edit. Veronæ cit., Innocentius 1. epist. 25. ad Decent. Episc. Eugubini. cap. 2. apud Constantium epist. Pontific. Roman. col. 857., Auctor Constit. Apostolic. lib. 3. cap. 4. pag. 279. edit. cit., quem in locum vide Cotelierium, & vide etiam Card. Bonam *rer. liturgic. lib. 2. cap. 8. §. 7. tom. 3. pag. 191. sq. ibique Salam in not., ac Selvagium antiquit. Christian. lib. 2. cap. 1. §. 8., ubi multa habes de his nominibus recitandis.**
- 4) Auctor Constit. Apostolic. lib. 3. cap. 8. apud Cotelierium *loc. cit. pag. 285., Concilium Elibetanum can. 18., quem in canonem vide Albaspinum pag. 169. edit. Neapol. indic. Quia etiam fratrum inter se dissidentium oblationes recipi vetat Concilium Carthaginense IV. can. 93. col. 984. tom. 1. collect. Harduini edit. Paris indic. In Capitularibus Caroli M. & Ludovici Pii lib. 7. cap. 442. col. 751. U in addit. 4. cap. 81. col. 613. tom. 1. edit. Baluzii Venet. 1772. rejiciuntur oblationes illorum, qui sibi mortem consciverunt*  
*Tom. II. E e runt*

tunt, quique pro suis criminibus puniuntur. Repudiabat etiam Ecclesia oblationes datas ab illis, qui pauperes opprimebant, uti patet ex eodem Concilio Cathaginiensi *can. 6. loc. cit.*, cum quo consentit Auctor *Constit. Apostolic. lib. 4. cap. 6. pag. 297.*, ubi alii præterea scelesti homines recensentur, quorum oblationes non recipiebantur. Ambrosius *ep. 17. num. 14. col. 870. tom. 3. edit. cit.* Valentinianum Imperatorem monet, ne quid ad idololatriam restituendam conferret; quoniam si id fecisset, ejus oblationes Ecclesia repudiasset. Atque id quidem perpetuum fuit de oblationibus, unde Eucharistiæ elementa sumebantur. Ceteras oblationes interdum receptas constat, quamquam ab illis fierent, qui communionis expertes erant, & quidem Hormisdas P., uti narrat Anastasius in *ejus vit. §. 86. tom. 1. pag. 93. edit. Romæ 1718.* a Theoderico Ariano offerri passus est Cerostata argentea duo pensan. libras 70. Verum Liberius P., uti testantur Athanasius *Histor. Arian. ad Monach. num. 37. opp. tom. 1. pag. 289. edit. Patav. cit.*, & Theodoretus *Histor. lib. 2. cap. 16. pag. 95. edit. Cantabrig. cit.* Constantii dona repudiavit; & munera Valentis nemo accipere ausus est, cum non sciretur, num ea Basilius esset accepturus, sicuti narrat Gregorius Nazianzenus *orat. 20. de laud. Basilii opp. tom. 1. pag. 351. edit. Colonia 1790.*

- 5) Concilium Nicænum *can. 11.*, & Ancyranum *can. 4. & 5. in laud. Delect. actor. tom. 1. col. 30-31. & 58.*, ubi canones hos pœnitentes appellant *νομιωδῶντας ἡμεῖς πρὸς ὁμολογίαν sine oblatione communicantes.* Verum eorum, qui in pœnitentia constituti, & teconciliationis cupidi subito moriebantur, oblationes Ecclesia accipiebat Concilium Vasense I. *can. 2.*, Arelatense II. *can. 12. in cit. Delect. col. 215. & 234.*, & Toletanum XI. *can. 12. tom. 3. collect. Harduini col. 1029.* Idem habent Capitularia Regum Francorum *lib. 5. cap. 130. & 142. col. 567. & 570. edit. Baluzii Venet. 1772.*, & Canones Isaac Episcopi Lingonensis *can. 14. apud cum-*



eundem Baluzium *eod. loc. col. 641*. Vide Albas-  
pineum *observ. 5. lib. 1. pag. 17. edit. Neapol. 1770*.

- 6) Quod adversus Marcionem, qui ducenta sester-  
tia Ecclesiæ dederat, factum narrat Tertullianus *de*  
*præscript. cap. 30. pag. 212. edit. Paris. 1675*.

§. IV. Jam oblationes aliæ ad altare fie-  
bant, cum sacrificium peragebatur; & tunc  
quidem fideles offerebant panem, & vinum,  
thus etiam, atque oleum pro luminaribus,  
præterea Sabbato Sancto, qui dies erat so-  
lemnis Baptismi, lac, & mel, quo recens  
baptizati vesci solebant 1). Ex oblatis pane,  
& vino Eucharistiæ elementa desumebantur;  
quod reliquum erat clericis, ac pauperibus  
tribuebatur 2). Cum illa desiit panis, ac vi-  
ni oblatio, cæpit offerri pecunia, unde Missæ  
honorarium ortum est 3).

- 1) Consule *Can. Apostol. 3. 4. 5. apud Cotele-*  
*rium loc. cit. pag. 442*, Concilium Carthaginien-  
se III. *Canon. 24. Delect. actor. t. 1. col. 125*,  
Concilium Africanum *cap. 4. apud Pithæum*,  
*loc. cit. pag. 144*. Sed Concilium Trullanum  
*can. 57. in laudat. Delect. actor. col. 566*. lac,  
& mel offerri vetat.
- 2) S. Justinus M. *apol. 1. num. 66. Et 67. p. 83*.  
*ed. Paris. 1742*, Tertullianus *apolog. cap. 39. p. 31*.  
*edit. Paris. 1675*.
- 3) Confer Mabillonium *præfat. ad par. 1. sæc. 3.*  
*Benedictin. n. 62. pag. XXVII. edit. Venet. 1734*,  
Franciscum de Berlendis *dissert. de Oblat. pecul.*  
*§. 2.*, & R. Salam *in not. ad Bonam ref. litur-*  
*gic. lib. 2. cap. 8. §. 3. Et 8. not. 4. tom. 3.*  
*pag. 180. Et 196. edit. Taurin. cit.*

§. V. Aliæ erant oblationes, quæ pro  
arbitrio in Ecclesia deponerentur, ut cederent

in ipsius Ecclesiæ usum , aut in clericorum , & pauperum alimenta . Nam inde a primis sæculis erat in Ecclesiis arca , quæ *Corbona* dicebatur , & in quam fideles stipem inferebant , unde pauperes opem acciperent 1) . Inde institutum est *Gazophylacium* , locus scilicet in exedris Ecclesiæ , quo illæ fidelium oblationes deferebantur 2) .

1) Memorât hanc *corbonam* Cyprianus de oper. & eleemosyn. pag. 141. ed. Amstelædami 1700. , cum reprehendit opulentam feminam , quæ nihil obtulerat , his verbis : *Locuples , & dives es , & Dominicum celebrare te credis , quæ corbonam omnino non respicis ; quæ in Dominicum sine sacrificio venis ; quæ partem de sacrificio , quod pauper obtulit , sumis* . Basnagius *Exerc. hist. crit. ad an. 44. num. 67.* *corbonæ* nomine non arcam pecuniariam , sed potius ipsas oblationes designari arbitratur , quoniam Hebraicum hoc vocabulum donum significat . Verum & ipsum *Corban* Hebraicum locum condendæ pecuniæ destinatum notat Matthæus XXVII. 6. *non licet eos argenteos mittere in corbonam* . Adde , quod verisimile non est , Cyprianum latine scribenrem aliter , ac Latini explicabant , intellexisse vocem , quæ latini juris , ac significationis evasit . Vide etiam Justinum Martyrem , & Tertullianum *loc. cit.* , qui memorant hanc stipem a fidelibus in Ecclesiâ depositam , ut ea pauperibus auxillum præberetur .

2) Duplex *Gazophylacium* erat , alterum intra , & alterum extra Ecclesiâ ; utrumque describit Binghamus *origin. eccl. l. 8. c. 6. §. 22. t. 3. p. 248. edit. Halæ Magdeburg. 1758.* In *Gazophylacio* , quod erat intra Ecclesiâ , servabantur priores illæ oblationes , quarum antea memini ; ad *Gazophylacium* , quod erat extra Ecclesiâ , altius generis oblationes deferebantur .

§. VI.

§. VI. Denique aliae erant oblationes , quas Christiani pro sua pietate dabant , cum justa funeris solvebantur , cum sacramenta suscipiebant , cum alia sacra officia peragebantur . Sane quarto saeculo aliquid in Baptismo dari solebat 1). Hae oblationes initio voluntariae erant , sed temporis cursu in laudabiles consuetudines abierunt ; & vero Concilio Lateranensi IV. sancitum est , ut libere sacramenta , ceteraque sacra officia ministrarentur , sed ut fideles oblationes praestent , quas praestare consueverunt , & recusantes etiam cogi ab Episcopo possint 2). Non enim dantur tamquam pretium rerum sacrarum , sed tamquam praemium laboris , & tamquam alimenta , quae Jus Divinum Ecclesiae ministris tribui voluit . Atque haec sunt jura , quae ad Parochum pertinent , & ideo parochialia dicuntur .

1) Gregorius Nazianzenus *orat. 40. de Baptismo* pag. 672. tom. 1. edit. Coloniae 1690.

2) *Cap. 42. de Simon.*

§. VII. Oblationes omnes , etiam quae sponte , quaeque in capella inferiori , aliove loco intra fines Parochiae fiunt , pertinent ad Ecclesiam parochialem , nisi aliam esse constet offerentium voluntatem . Nimirum fideles oblationes facere videntur propter curam animarum , quam Ecclesia sustinet , quae praesumptio locum non habet , cum alia offerentium voluntas patefacta est . Tunc enim oblationes dandae sunt loco , cui quis eas adscri-

bi voluit 1). Similiter ad Ecclesiam parochialem non pertinent oblationes, quæ alii loco consuetudine, vel privilegio addictæ sunt.

- 1) Consule Barbosam *de offic. Paroch. cap. 24.*, Card. de Luca *de decim. disc. 19.*, & Fagnanum *in Cap. 9. de his quæ sunt a Prælat. num. 14. & seq.*

§. VIII. Inter clericorum redditus recensentur etiam distributiones quotidianæ, quæ debentur Canonicis, qui Divinis officiis intersunt. Nulla enim est vel Cathedralis, vel Collegiata Ecclesia, quæ communem arcam non habeat, unde sumuntur hæc præmia, quæ singulis diebus, atque horis adscripta sunt, ut Choro addicti facilius hac illecebra ducti, & frequentius ad illum conveniant 1). Non tamen hujus præsertim emolumenti ratio, sed pietatis studium, & obsequium in Deum ad chorum vocare unumquemque debet; neque effugeret simoniæ labem, qui tantum distributionum utilitate traheretur 2).

- 1) Ivo Carnotensis *ep. 219. ad Paschalem P. p. 93. edit. Paris 1647.*

- 2) Vide S. Thomam *in quodlibet 8. quæst. 6. art. 1.*

§. IX. Synodus Tridentina distributiones approbat, atque eas in morem perducere jubet, ubi veteri instituto receptæ non essent. Propterea statuit, ut in cunctis cathedralibus, & collegiatis Ecclesiis tertia pars fructuum, aliorumque reddituum, qui ad Capituli Dignitates,  
aut

aut ad Canonicos pertinent, ab Episcopo, etiam tamquam Apostolicæ Sedis delegato, in quotidianas distributiones convertatur 1).

- 1) Concilium Tridentinum *sess. 21. cap. 3. de reform.*

§. X. Distributiones, quas absentes admittunt, capitulum nemini remittere, & condonare potest 1); sed Ecclesiæ fabricæ, aliive pio loco Episcopi arbitrio adscribendæ sunt distributiones eorum, qui redditus habent a capituli mensa sejunctos, eorum vero, quibus ex eadem mensa communes sunt redditus, inter præsentibus dividuntur 2). Sunt tamen qui justis de causis abesse coguntur, & hi distributiones acquirunt, perinde ac præsentibus essent; quales sunt vere, & graviter ægrotautes, carceribus injuria detenti, & absentes propter pestem, vel propter Ecclesiæ utilitatem 3).

- 1) Confer Suarezium *de Religione lib. 4. de horis canonicis cap. 10. num. 20. opp. tom. 2.*, & Benedictum XIV. *Instit. Eccles. Instit. 107. §. 7. num. 42.*

- 2) Dux sunt ea de re Tridentini Concilii leges *sess. 21. cap. 3. Et sess. 22. cap. 3. de reform.*, altera absentium distributiones præsentibus, & altera Ecclesiæ fabricæ, aut alii pio loco arbitrio Episcopi adscribit. Sed lex illa locum habet, cum communes sunt omnium canonicorum redditus; altera vero, cum illi absunt, quibus sua a capituli mensa distincta præbenda est. Consule Fagnanum *in Cap. Quia nonnulli num. 22. Et seq. de clericis non residentibus.*

E c 4

3) Bo.

3) Bonifacius VIII. in *Cap. unic. de cleric. non residen. in 6.*, quam legem renovavit Synodus Tridentina *sess. 24. cap. 12. de reform.*, postquam generatim constituit, absentes distributionibus carere, addit hæc: *Exceptis illis, quos infirmitas, seu justa, & rationabilis corporalis necessitas, aut evidens Ecclesiæ utilitas excusaret.* Itaque quæsitum est, quæ infirmitas, quæ item corporalis necessitas, quæ denique Ecclesiæ utilitas requiratur, ut absentes distributiones accipiant. Generatim verus, gravisque morbus requiritur, qui aliquem domo exire prohibeat, quamquam ea in re boni viri arbitrium spectare oporteat; neque hic ipse morbus est satis, cum quis sanus Divinis officiis interesse non solebat. Excusantur etiam, qui catceribus injuste detinentur, quique ob pestis causam, aut propter inimicitias, vel injurias, quas immerito perferunt, ad chorum venire nequeunt. Similiter Canonicus Theologus, & Pœnitentiarius, itemque Canonicus, qui in eadem Ecclesia & canonicatum, & curam. animarum habet, tamquam præsentis in choro habentur, cum ea præstant, quæ sui muneris propria sunt. Hæc, & cetera, quæ ad hunc locum pertinent, diligenter explicat Benedictus XIV. *loc. cit. §. 8. & seq. num. 45. & seq.* Vide etiam Giraldum *Exposit. Jur. Pontific. par. 1. lib. 3. Decretal. sect. 358. pag. 243. & seq.*, a quo omnes, qui etiam absentes quotidianas distributiones accipiunt, accurate recensentur.

§. XI. Denique vicarii, qui exercent curam animarum, quæ capitulis, aut monasteriis conjuncta est, congruam portionem habere debent. Quo nomine intelligitur certa pars fructuum, quæ ex parochiæ redditibus Episcopi arbitrio detrahitur, quæque vicario adscribitur, unde habeat id, quod ad decentem ejus tuitionem necessarium est 1). Constituunt hos vicarios capi-

pitula, monasteria, & cetera loca pia, quæ curam habent animarum, ut parochialia gerant officia, verum illi ab Episcopo approbandi sunt 2).

- 1) Concilium Tridentinum *sess. 7. cap. 7. de re-  
form.*, Benedictus XIV. *Const. cum semper* 103. in  
*ejus Bullar. tom. 1. pag. 222. §. 10. edit. Romæ  
seu Venet. 1754.* Confer ea, quæ supra diximus  
*lib. 1. tit. 3. sect. 9. §. 80. pag. 236. & 237.*
- 2) Consule Giraldum *Exposit. Jur. Pontific. par. 2.  
sect. 23. pag. 328.*



## T I T U L U S X V I I.

### DE PECULIO CLERICORUM.

- |  |   |
|--|---|
| I. Peculium ecclesiasticum<br>quid ?   | stici .                                   |
| II. Bona patrimonialia<br>clericorum . | IV. Facultas testandi de<br>hoc peculio . |
| III. Usus peculii ecclesia-            | V. Spolia, & eorum Col-<br>lectores .     |

#### §. I.

**E**X Ecclesiæ bonis, cum ad clericos ea per-  
venerint, existit illud, quod in Jure no-  
stro peculium Clericorum appellatur. Pec-  
culii nomen ex jure civili desumptum est, ac signi-  
ficat quasi *pusillam pecuniam*, seu *patrimonium pu-  
sillum*, ut inquit Ulpianus 1), quod servus per-  
missu domini separatum a dominicis rationibus  
ha-

habet. Placuit hoc nomen traducere ad res ecclesiasticas, quoniam uti servus verum non habet dominium peculii sui, ita neque clericus dominus est bonorum, unde illud peculium conflatum est; imo si dominus revera est fructuum eorumdem bonorum, non merus administrator, ut multi putant, hoc certe dominium & arbitrium non ita late patet, uti patet dominium, quod omnes habent in rebus suis.

1) *Leg. 5. ff. de pecul.*

§. II. Verum, præter hoc peculium, habent etiam clerici bona privata, sive patrimonialia, qualia sunt acquisita hæreditate, legato, contractu, aliove jure, quod clerici cum reliquis civibus commune habent. Horum quidem bonorum omnium plenum clericis dominium est, & ideo distractio, atque consumptio eorum arbitrio relinquitur 1). Moriente vero clerico sine testamento, hæc bona transeunt ad cognatos proximos ab intestato, ac si nulli fuerint vel ex testamento, vel ab intestato hæredes, ad Ecclesiam deferuntur 2).

1) *Can. 4. c. 12. q. 5., Cap. 9. Et 12. de testamen.*

2) *Cap. 1. eod., C. 1. de succes. ab intest.*

§. III. Sed in ecclesiastico peculio illud sæpe quæsitum est, num clerici in eo dominium habeant, an potius tantum usum, & administrationem. Quæ disputatio eo spectat, ut sciatur, num lex justitiæ, an pietatis, & misericordiæ, ac jus positivum Ecclesiæ clericos co-

gat



gat in pauperes, aut alios pios usus convertere quidquid ex decenti exhibitione sua superest de redditibus rerum ecclesiasticarum 1). Alterutram sequi opinionem placeat, certum est, clericos ex bonis ecclesiasticis tantum sumere, quod ipsis est necessarium ad honeste, ac decenter vivendum, reliquum in pios usus conferre oportere.

- 1) Controversiam hanc, omnibus excussis argumentis, diligentissime, & copiosissime expendit Benedictus XIV. *de Synod. dioces. lib. 7. cap. 2.*

§. IV. Antiqui canones de ecclesiastico peculio clericos testari vetabant, quoniam illud redire debebat ad Ecclesiam, unde profectum erat 1). Sed sensim consuetudine, ac privilegio Summorum Pontificum, præsertim ob frequentes lites, quas excitabat difficultas discernendi bona ecclesiastica a patrimonialibus, inductum est, ut clerici etiam de bonis ecclesiasticis testamentum condant. Interim in Foro valent hæc testamenta; sed gravi certe crimine obligantur clerici, qui potius quam in pios, conferunt in profanos usus, aut in ditandis consanguineis insumunt fructus rerum ecclesiasticarum. Non enim consuetudo bonorum naturam mutat, neque privilegium datum censetur cum gravi detrimento pauperum, & Ecclesiarum 2).

- 1) *Can. 40. Apostolor. apud Coteletium loc. cit. pag. 447., Cap. 1. de pecul. cleric., Cap. 7. de testamen.*

- 2) Vide Concilium Tridentinum sess. 25. c. 1. *de re-form.*

§. V.

§. V. Bona ecclesiastica clericorum post eorum obitum spolia dicta sunt, quoniam clerici, exemplo Monachorum, ad vitæ exitum properantes rebus peculiaribus sese ultro spoliare consueverunt, ne quid Ecclesia caperet detrimenti. Hæc bona, quæ clericus moriens relinquit, nisi vel consuetudine, vel privilegio Summi Pontificis testandi facultatem habeat 1), jure spoliî pertinent ad Cameram Apostolicam, quæ ea colligit per *collectores* in provinciis constitutos, & cuncta in pauperum alimenta, aliove pios usus convertit 2). Neque quis sibi per hos collectores inferri damnum, aut injuriam putet; quoniam spoliû ad ea pertinet, de quibus clericus liberum non habet statuendi arbitrium, atque illud declinare unusquisque potest, si vivens obtemperet legi, qua obstringitur, piisque adscribat usibus redditus ecclesiasticos, qui ei supersunt ex necessariis ad vitam traducendam 3).

1) Consule Giraldum *Exposit. Jur. Pontific. par. 1. decretal. lib. 3. sect. 475. pag. 306. & 37.*, & Lucium Ferraris *Bibliothec. verb. spoliû*, a quibus omnes, qui vel consuetudine, vel privilegio de ecclesiasticis bonis restari possunt, accutate recensentur. Cives, & incolæ Urbis Romæ, quique procul ab ea decedunt intra decem millia passuum eo privilegio fruuntur per *Constit. In eminenti 33. Pauli V. in Bullar. tom. 5. par. 3. pag. 197.*

2) Consule Benedictum XIV. *de Synod. dioces. lib. 3. cap. 8. num. 6.*

3) Spolia instituta sunt a Summis Pontificibus ad coercendam avaritiam clericorum, qui multas ex ecclesiasticis bonis quærebant opes, ut iis ditarent consanguineos suos, atque ad tuendos canones, qui

quibus sancitum est, ut Ecclesie bona in pios usus conferantur. Narrat inter ceteros Matthæus Paris *ad an. 1246. pag. 474. edit. Paris. 1644.*, tres Angliæ Archidiaconos incredibilem quamdam pecuniæ vim coacervasse, præter mobilia complurima magni pretii, & ex iis duos ab intestato obiisse, quo sacrum est, ut opes illæ ad laicos pervenirent. *Obierat intestatus, inquit, & plura millia marcarum cum vasis multis argenteis, sæculo, & sæcularibus infelicitè dimiserat.* Episcopi, cum ipsis decedentium clericorum spoliis permitteretur, sæpe vel potentia impediti suum munus exercere non poterant, vel etiam gratia freti ultro negligebant, & sæpe etiam in privatum utilitatem suam convertebant quicquid ex hoc spolio clericorum acceperant. Adde, quod multi Episcopi eodem, quo ceteri clerici, laborabant morbo, studio videlicet dirandi suos ex rebus ecclesiasticis, neque ullus erat, qui de episcoporum spoliis eam gereret sollicitudinem, quam gerere oportebat. Itaque ut frenum haberet avaritia clericorum, ac sarta tecta servaretur vis legum ecclesiasticarum, Sedes Apostolica curam suscepit bonorum, quæ ad clericum ex Ecclesia venerunt, ut ea conferat in pios illos usus, in quos clerici conferre debuissent. Quod si Ecclesia est, quæ spoliis clericorum indigear, ea facile remittit Sedes Apostolica, ut in illius utilitatem convertantur. Ita Innocentius XII. in *Constit. Inscrutabili 81. Bullar. tom. 9. pag. 342.*, quam constitutionem postea confirmarunt Benedictus XIII. *Const. Sacrosancti Apostolatus 16. & Const. Romanum decet Pontificem 151. Bullar. tom. 11. & 12. pag. 324. & 152.*, ac Benedictus XIV. *Const. Pastoralis 57. t. 4. ejus Bullarii pag. 57. edit. indic.*, in Regno Neapolitano decedentium Episcoporum, ac Prælatorum spolia concessit Ecclesiis, quibus illi præfecti fuerant. Recte hinc observat Thomasinus *vet. & nov. Eccles. disciplin. par. 3. lib. 2. cap. 57. num. 3.*, quod si invidiosa sunt spolia, omnis invidia, & infamia conferenda est in insatiabilem quamdam

*dam avaritiam vel beneficiariorum, qui ex stipendiis in pauperes dispergendis quosdam sibi accumulunt thesauros iniquitatis, vel cognatorum, qui in bona pauperibus, & Ecclesiis dedicata succedere gestiunt. Idem habet Baronius ad an. 397. num. 64. tom. 6. pag. 253 edit. Lucæ, ubi etiam animadvertit, quod qui de collectorum importuna exactione queruntur, hos facile vitabunt, & prudenter arte deludent, qui bona Ecclesiæ, quæ supersunt, non congregarint, sed in pauperes erogarint.*



## TITULUS XVIII.

### DE REBUS ECCLESIASTICIS NON ALIENANDIS.

- |   |   |
|---|---|
| I. De rebus ecclesiæ non alienandis vetus regula. | licæ.   |
| II. Quid alienatio comprehendat?                  | V. Quarum rerum permissa alienatio sit?                                   |
| III. Quæ res alienari nequeant?                   | VI. Venditio fructuum beneficiorum, & horum locatio solutione anticipata. |
| IV. Venia Sedis Aposto-                           |   |

#### §. I.

**V**etus est regula, Ecclesiæ res alienari non posse, quam regulam & sacri canones 1), & civiles leges 2) ratam firmam haberi voluerunt. Nam sua Ecclesiæ bona sarta tecta servanda sunt, ut ex iis habeant clerici, & pauperes, unde vivant, & Religionis cultus susti-

stineatur, Hodie ea in re jure utimur, quod a Paulo II. sancitum est 3).

- 1) Symmachus P. *ep. ad Cæsar. cap. 1. tom. 2. concilior. col. 957. collect. Harduini*, qua quidem Epistola S. Symmachus responderet S. Cæsario Arelateusi, qui cum rogavet, ut rerum ecclesiasticarum alienationes *Apostolica auctoritate* prohiberet *ibid. col. 956. Concilium Carthaginense c. 26. & 33. apud Pithæum Cod. Canon. pag. 136. & 137. edit. Paris. 1687.*, Concilium Agathense *can. 7.*, & Aurelianense *I. can. 5. cit. tom. 2. collect. Harduini col. 998. & 1009.*, Cytillus Alexandrinus *ep. ad Domnum tom. 2. Pandect. Can. Beveregii edit. Oxonii 1672. pag. 177.*, quem in locum Balsamon, *vasa, inquit, pretiosa Ecclesiarum, seu sacra, & reliqua Deo consecrata, & possessiones immobiles inalienabilia sunt, & ecclesiis servantur.* Non igitur nova, ut quidam putant, sed vetustissima est canonum regula de rebus Ecclesiæ non alienandis. Confer etiam Decretalium titulum *de reb. Eccles. alienan. vel non.*
- 2) *Leg. 14. & 17. Cod. de sacros. Eccles., Novell. 7. cap. 1.* Vide etiam Capitularia Regum Francorum *lib. 2. cap. 29. col. 502. & lib. 6. cap. 136. col. 632. tom. 1. edit. Baluzii indic.*, aliaque multa eorumdem capitularium loca, quæ laudat, & expendit Cl. Mamachius *Del Diritto libero della Chiesa di acquistare e di possedere lib. 3. cap. 1. pag. 61. & seq.*, ubi totum hoc argumenti genus graviter, & solide pertrahitur.
- 3) *Extravag. ambitiosæ de reb. Eccles. alienan. vel non.*

§. II. Pertinet hoc interdictum etiam ad monasteria, hospitalia, ceteraque loca pia, & religiosa, quorum etiam bona ecclesiasti-

ca 43

ca dicuntur , eaque distrahere nefas est 1) . Alienationis autem nomen comprehendit venditionem , donationem , permutationem , emphytheusim , locationem , & conductionem ultra triennium 2) , pignoris constitutionem , seu nexum , & hypothecam , in feudum concessionem 3) , denique omnem conditionem , per quam res Ecclesiæ deterior efficitur 4) .

1) *Cit. Novel. 7. cap. 1., & cit. Extravag. ambitiosa .*

2) *Verita est locatio rerum ecclesiasticarum ultra triennium , quando ex iis fructus quoque anno percipiuntur . Nam si ex fructus ferant tantum unoquoque biennio , aut triennio , tunc recte per annos sex , aut novem locatio perficitur . Communis hæc est Canonistarum sententia , quam , præter ceteros , sequitur Fagnanus in Cap. 5. de reb. Eccles. alienan. vel non num. 43.*

3) *Ead. Extravag. Ambitiosa , & Cap. 5. de reb. Eccles. alienan. vel non . Vide etiam Const. Humanæ salutis 152. Urbani VIII. in Bullar. t. 5. par. 5. pag. 374. , ejusdemque decretum editum die 7. Septembris 1624. apud Giraldum par. 1. sect. 451. pag. 292. , quo sublata sunt privilegia Regularium , quibus antea res ecclesiasticas , inscia Sede Apostolica , alienare licebat .*

4) *Vox hæc conditionem occurrit in cit. cap. 5. de reb. Eccles. alien. , & eam tamquam importunam rejiciunt Cujacius , & Antonius Augustinus , quod non intelligant , quæ species alienationis conditio sit . Sed recte Innocentius Cironius paratitl. in Decretal. lib. 3. tit. 13. §. 3. pag. 237. edit. Vindobonæ 1761. vocem illam reprimendam esse ostendit , quoniam conditio est pactum , per quod rei Ecclesiæ detrimentum inferri potest .*

§. III. Neque solum res immobiles Ecclesiarum, uti prædia rustica, & urbana, alienari nequeunt, sed etiam res immobiles pretiosæ, quæ servari possunt, integra armata, gregesque integri, arbores prædio utiles, ac necessariæ, jura, actiones, census, cetera, ex quibus annui fructus capiuntur. Verum alienatio valet, si iustâ de causa, & adhibitis solemnitatibus facta sit. Causa vel est necessitatis, puta æris alieni dissolvendi, cum ei fructibus satisfieri non possit 1); vel utilitatis, si Ecclesiarum utilis futura sit alienatio, puta si ædes ruinosæ in emphytheusim dentur, vel silvestria loca, agrique inculti colonis permittuntur, aut terræ longe positæ cum vicinis commutantur 2); vel demum pietatis, puta si famis tempore, alendi pauperes, aut si captivi redimendi sint 3).

1) *Clement. 1. de reb. Eccles. non alien.*

2) *Can. 53. c. 12. q. 2., Cap. 1. de rer. permut.*

3) *Can. 13. & seq. & can. 70. & 71. c. 12. q. 2.*

§. IV. Solemnitates omnes fere pertinent ad consensum Sedis Apostolicæ, a qua causæ expendantur, iisque recte cognitis alienatio permittitur 1). Sine consensu Sedis Apostolicæ irrita alienatio est; præterea qui rem distraxerunt, aut qui distractam acceperunt, pœna plectuntur excommunicationis, si Episcopi, vel Abbates non sint. Nam his Ecclesiarum ingressus interdicatur, iidemque, si menses sex in interdicto fuerint, ab omni suspenduntur administratione

Ecclesiarum, aut monasteriorum, quibus præfati sunt. Capitula quoque, & aliæ universitates in interdictum incidunt, singuli vero, ex quibus illæ universitates constant, privantur jure electionis, & ecclesiasticis officiis, quorum bona alienarunt, atque ab iis, aliisque perpetuo remonentur 2). Quod si post alienationem rite factam Ecclesia grave damnum acceperit, ea, non secus ac minor, beneficium habet in integrum restitutionis 3).

- 1) Omnes Episcopi jurejurando spondere debent, se, inconsulto Romano Pontifice, non alienaturos suarum Ecclesiarum bona. De hujus sacramenti antiquitate, & æquitate copiose, accurateque disputat Mamachius *loc. cit. pag. 45. sqq.*, ubi multa habes præclare scripta de *Extravag. Ambitosæ*.
- 2) Disputant vero Periti Juris Canonici, num *Extravag. ambitiosæ* ubique vigeat, & num etiam in omnibus locis, in quibus viget, obrineant pœnæ, quæ ab ea constitutæ sunt. Confer Schmalzgrueber *lib. 3. tit. 13. §. 4. num. 122. Et seq.*, & Giraldum *par. 1. lib. 3. sect. 444. p. 288.*
- 3) *Cap. 1. de in integr. restit.*

§. V. Sunt tamen nonnullæ res ecclesiasticæ, quarum, etiam sine venia Sedis Apostolicæ, permissa alienatio est. Huc spectant ea, quæ servando servari, ac retineri non possunt, uti sunt fructus arborum, frumentum, & similia; quæ vetusto usu locari, aut in emphytheusim dari consueverunt, quoniam hæc finita locatione, aut emphyteusi iterum conceduntur iisdem, quibus antea, pactis, & legibus; terrulæ, vineolæ non fertiles, resque ceteræ exigui pretii; denique collata in monasterium, aut locum pium,

a quo



a quo ea retineri nequeunt. Ita legatum Capu-  
cinis, aliisque similibus recte distrahitur, modo  
pretium in Ecclesiæ, aut monasterii utilitatem  
convertatur 2).

1) *Can. terrulæ c. 12. q. 2.*

2) *Consule Fagnanum in Cap. 5. de reb. Ecclesiæ  
alien. vel non num. 19. & seq.*

§. VI. Pertinet etiam ad alienationem re-  
rum ecclesiasticarum venditio fructuum benefi-  
ciorum, quos aliquis in alium confert vel ad lon-  
gum tempus, vel quamdiu vivit, accepta pecu-  
nia, quæ fructus æquet, quos probabile est be-  
neficiarium consequuturum esse. Irrita hæc ven-  
ditio est, & secumfert pœnam excommunica-  
tionis constitutam adversus omnes, qui res Ec-  
clesiæ alienarunt 1). Nec prætereunda locatio bo-  
norum ecclesiasticorum, ex qua in perniciem suc-  
cessoris capiuntur fructus, antequam veniat eo-  
rum solvendum dies. Locatio hæc non obstrin-  
git successorem, cui beneficiarius sua illa festi-  
natione fructus præripere non potest 2)

1) *Benedictus XIV. Constit. Universalis 29. ejus  
Bullarii tom. 1. pag. 41. edit. Romæ seu Venet. 1754.*

2) *Concilium Tridentinum sess. 25. cap. 11. de  
reform.*

## T I T U L U S X I X.

### DE BONORUM ECCLESIASTICORUM IMMUNITATE.

- |  |  |
|--|--|
| <p>I. &amp; II. Unde repetenda<br/>immunitas bonorum ec-<br/>clesiasticorum?</p> <p>III. Pœna imponentis, &amp;<br/>solventis tributa ex bo-</p> | <p>nis ecclesiasticis.</p> <p>IV. Onera infixæ bonis<br/>ecclesiasticis, &amp; bona<br/>patrimonialia clerico-<br/>rum</p> |
|--|--|

#### §. I.

**E**cclésiastica bona sunt, quæ ad Ecclesiam pertinent, & quorum reditus in sacris alendis ministris, atque in sustentandis pauperibus impendendi sunt. Bona hæc ad Ecclesiam pertinere dicuntur, quod ipsa eorum habet administrationem, atque custodiam; sed revera propria sunt Dei, ideoque in hominum, commercio versari non possunt 1). Inde repetenda est eorum immunitas a tributis, & vectigalibus, quæ a laicis imponuntur; atque hæc immunitas non hominum privilegio data, sed ex ipsa eorum natura in bonis ecclesiasticis penitus affixa, atque insita est 2). Si quando Christus, cum inter homines versaretur, tributum solvit 3), id quidem fecit voluntate, & arbitrio suo, ut omnem scandali causam removeret 4), non quod aliqua humana ad solvendum lege cogi posset 5); neque vero solvi voluit ex loculis, in

in quibus erat patrimonium pauperum , & Apostolorum 9).

- 1) Adeundi sunt S. Gregorius Nazianzenus *ep.* 80. pag. 333. *sqq.* opp. tom. 1. edit. Coloniae an. 1690., & S. Ambrosius *de peniten.* lib. 2. cap. 8. num. 75. pag. 549. & *ep.* 20. ad soror. num. 8. pag. 903. opp. tom. 3. edit. Venet. cit.
- 2) Consule Thomasinum *vet. & nov. Eccles. disciplin.* par. 3. lib. 1. cap. 33. num. 13., & Cl. Mammachium *del diritto libero della Chiesa di acquistare e possedere beni temporali* lib. 2. par. 1. cap. 1. pag. 212. *sqq.* & lib. 2. par. 2. cap. 3. pag. 93. *sqq.*
- 3) Matthæus XVII. 23.
- 4) S. Hilarius in *Matth.* cap. 17. num. 11. pag. 696. edit. Paris. an. 1693., S. Joannes Chrysostomus *Homil.* 58. in *Matth.* num. 1. pag. 585. tom. 7., S. Ambrosius *ep.* 7. num. 12. 13. 18. pag. 812. *sqq.* opp. tom. 3., S. Augustinus *enarrat. in psalm.* 137. num. 16. col. 1533. opp. tom. 4., S. Hieronymus in *Matth.* lib. 3. cap. 17. col. 136. opp. tom. 7. edit. Veron.
- 5) Hinc merito ab Joanne XXIII. damnatus est error Marsilii Paravini, & Janduni agentium, Christum, cum staterem ex piscis ore sumptum tributum loco solvit illis, qui petebant didrachma, hoc fecisse non condescensive, & liberalitate suæ pietatis, sed necessitate coactum, apud Raynaldum ad an. 1327. num. 19. pag. 343. tom. 5. edit. Lucæ
- 6) Matthæus cit. cap. 17. v. 23. *sqq.* ita rem narrat: Accesserunt, qui didrachma accipiebant, ad Petrum, & dixerunt ei: Magister vester non solvit didrachma? Ait etiam: & cum intrasset in domum, prævenit eum Jesus dicens. Quid tibi videtur Simon? Reges terræ a quibus accipiunt tributum, vel censum? A filiis suis? an ab alienis? Et ille dixit: ab alienis. Dixit illi Jesus: ergo liberi sunt filii: ut autem non scandalizemus eos, vade ad mare, & mitte hamum, & eum piscem, qui primus ascende-

*rit, tolle, & aperto ore ejus, invenies, staterem: illum sume, da eis pro me, & te.* Quo ex loco colligunt Patres, Christum se tributi lege solum declarasse, id tamen solvisse arbitrio suo, ne publicanos scandalizaret; præterea non ex loculis, sed ex statere in ore piscis invento tributum pendi voluisse, ut ostenderet, tributi onere non teneri loculos, in quibus pauperum, et Apostolorum patrimonium consistebat. Ita S. Hieronymus lib 3. in *Matth. cap. 17. col. 136. tom. 7. edit. cit.*, S. Agobardus de dispensat. eccles. cap. 19. pag. 287. *Et sqq. opp. tom. 1. edit. Paris. 1666.*, S. Thomas in Summa 22. quæst. 188. art. 7. Van-Espenius, cujus in figendis epochis temporum magna semper confidentia, & insignis, ut plurimum, fallacia, atque inscitia est, ita rem narrat in *Jur. Eccles. univers. par. 2. tit. 35. num. 51.*, quasi Agobardus primus animadverterit, quod Christus ex loculis tributum pendi noluit, ut ostenderet, nihil ex pauperum, Sacrorumque ministrorum patrimonio esse detrahendum. Sed errat vehementer. Nam Hieronymus, qui ante quadringentos, eoque amplius, annos, quam Agobardus floreret, vitæ usura fruebatur, hoc ipsum animadvertit, & ejus loc. cit. verba sunt hæc. *Quod si quis obijcere voluerit, & quomodo Judas in loculis portabat pecuniam? Respondebimus: rem pauperum (Christus) in usus suos. convertere nefas putavit, nobisque idem tribuit exemplum.*

§. II. Privilegium referri potest ad bona patrimonialia clericorum; sed hoc privilegium naturali æquitate nititur, non ex mera hominum voluntate, arbitrioque processit. Nam, in civitate gratiosos esse decet, qui curam, & sollicitudinem habent rerum spiritualium, & omnino æquum est, ut quæ illi sustinent, propter sacrum officium, & ministerium, onera, compensatione immunitatis a tributis, & veti-

ctigalibus alleventur 1). His e fontibus hausta est immunitas bonorum clericorum, & his fundamentis nituntur leges, quibus eadem probata est.

- 1) S. Thomas *lect. 1. in ep. ad Roman. cap. 13. ab hoc*, inquit, *debito*, solvendi tributa, *liberi sunt clerici ex privilegio Principum. Quod quidem æquitatem naturalem habet. Hoc autem ideo æquum est*, quia sicut reges sollicitudinem habent de bono publico in bonis temporalibus, ita ministri Dei in spiritualibus; & sic per hoc, quod Deo in spiritualibus ministrant, recompensant Regi, quod pro eorum pace laborant.

§. III. Quare Ecclesiarum, & Clericorum bona non subsunt tributis, & vectigalibus laicorum, sacrisque interdicitur ei, qui his oneribus, sine venia Summi Pontificis, ea bona subjicit 1). Imo ne a sponte quidem pecuniam dantibus pro tributis, & vectigalibus accipere fas est, quique hanc pecuniam sponte dederunt, & qui acceperunt pari anathematis plectuntur pœna 2).

- 1) *Cap. 4. & 7. de immunit. Eccles.*

- 2) *Cap. 3. eod. in 6.* Sed pœnam a Bonifacio VIII. constitutam in *cit. cap. 3. Benedictus XI. in Extrav. unic. de immunit. Eccles. int. commun.*, tantum habere locum voluit adversus laicos, qui a clericis pecuniam exigerent, non qui a sponte dantibus acciperent. Clemens autem V. in *Clem. unic. eod. tit.* Bonifacii constitutionem abrogavit, legemque dixit, ut in ea re Lateranensia decreta comprehensa in *Cap. 4. & 7. de immunit. Eccles.* observarentur. Verum Leo X. in Concilio Lateranensi V. Bonifacii constitutionem


integravit, pœnamque excommunicationis obtinere voluit contra omnes, qui onera patrimonialia ecclesiasticis imponerent, quique eadem exigerent, aut etiam a sponte dantibus acciperent, uti patet ex *Const. Superna* edita die 5. Maji 1514. §. 40. Hodie igitur hæc Leonis constitutio, & quæ legi solet in die Cœnæ Domini observanda est; quas quidem constitutiones una cum cæteris Conciliorum decretis, quæ ad ecclesiasticam immunitatem pertinent, ab omnibus diligenter observari jubet Concilium Tridentinum *sess. 25. cap. 20. de reform.*

§. IV. Sed onera, quæ bonis inhærent, etiam ab Ecclesiis pendenda sunt 1); modo ex iis bonis Ecclesia fundata, & constituta non sit 2), & modo perpetuum esset, reique infixum onus, antequam eadem ad Ecclesiam pervenirent 3). Ecclesiarum bonis æquantur bona monasteriorum, hospitalium, similium, itemque bona, in quibus sacrum clerici patrimonium est constitutum; nam hæc similiter insitum habent in se privilegium immunitatis, cujus gratia laicorum tributis, & oneribus non subjiuntur; cetera vero patrimonialia bona clericorum non eodem omnino censentur jure, quo bona Ecclesiarum, sed iis tantum gaudent privilegiis, quæ nominatim in jure expressa sunt.

- 1) *Can. 22. c. 23. q. 8., Cap. 5. de pignor., Cap. 33. de decim.* Itaque a cunctis tributis, etiam quæ erant imposita, antequam res ad Ecclesiam perveniret, immunis est situs Ecclesiæ, ac cœmeterii pro sepulturis, hortus juxta Ecclesiam positus, & similia *Can. 24. c. 23. q. 8.* Adeundus

duſ Fagnanus in *Cap. non minus* 4. num. 8. & ſeq. de immunit. *Eccles.*

- 2) Conſule Fagnanum in *cit. cap. non minus*, & Giraldum *Expoſit. Jur. Pontific. par. 1. lib. 3. tit. 49. ſect. 634. tom 1. pag. 460. ſqq.*, ubi cuncta fere habes, quæ ad realem clericorum immunitatem pettinent.
- 3) Vide Fagnanum in *Cap. Episcopus* 4. de præben. & dignit. num. 35. & ſeq. 1. & Giraldum *loc. cit.*







## R E C E N S I O

## TITULORUM ET SECTIONUM.

## TOMI SECUNDI.

## L I B E R I I.

## T I T U L U S I.

*De rerum divisione .* pag. 1.

## T I T U L U S I I.

*De Sacramentis .* 2.

SECTIO I. <i>De Baptismo .</i>	27.
SECT. II. <i>De Confirmatione .</i>	68.
SECT. III. <i>De Eucharistia .</i>	77.
SECT. IV. <i>De Pœnitentia .</i>	124.
SECT. V. <i>De Extrema Unctione .</i>	157.
SECT. VI. <i>De Ordine .</i>	168.
SECT. VII. <i>De Matrimonio .</i>	172.
SECT. VIII. <i>De Sponsalibus .</i>	181.
SECT. IX. <i>De Matrimonii impedimentis .</i>	188.
SECT. X. <i>De Impedimentis impredientibus .</i>	237.
SECT. X. <i>De Divortiis .</i>	240.

T I.

## TITULUS III.

*De Indulgentiis, & Remissionibus.* 246.

## TITULUS IV.

*De Divino Officio.* 255.

## TITULUS V.

*De Festorum Celebratione.* 269.

## TITULUS VI.

*De Jejuniis.* 281.

## TITULUS VII.

*De Rebus Sacris, & primum  
De Ecclesiis.* 295.SECTIO I. *De consecrandis, & reconciliandis Ecclesiis.* 317.SECT. II. *De immunitate Ecclesiarum.* 322.SECT. III. *De Capellis, & Oratoriis.* 336.SECT. IV. *De sacris vestibis, vasis, ceteris ad Ecclesiam pertinentibus.* 338.

## TITULUS VIII.

*De Reliquiis, & Veneratione  
Sanctorum.* 345.

TI-

## TITULUS IX.

*De Sepulturis .* 350.

## TITULUS X.

*De Monasteriis .* 361.

## TITULUS XI.

*De Hospitalibus .* 369.

## TITULUS XII.

*De Rebus Temporalibus  
Ecclesiæ .* 374.

## TITULUS XIII.

*De Præbendis , & Beneficiis .* 377.SECTIO I. *De vetita Beneficiorum multi-  
tudine .* 383.SECT. II. *De conjungendis , ac dividendis  
Beneficiis .* 389.SECT. III. *De Commendis Beneficiorum .* 393.SECT. IV. *De Pensionibus Ecclesiasticis .* 400.SECT. V. *De adipiscienda Beneficiorum pos-  
sessione .* 404.

## TITULUS XIV.

*De Censibus, Exactionibus  
& Procurationibus.* 407.

## TITULUS XV.

*De Decimis.* 417.

## TITULUS XVI.

*De Primitiis, Oblationibus, ce-  
terisque temporalibus bo-  
nis Clericorum.* 430.

## TITULUS XVII.

*De Peculio Clericorum.* 441.

## TITULUS XVIII.

*De Rebus Ecclesiæ non  
alienandis.* 446.

## TITULUS XIX:

*De Immunitate bonorum  
Ecclesiasticorum.* 452.

## FINIS LIBRI SECUNDI.

ANT  
1317062







